

# RESPONSE

## DES VRAYS CATHOLIQUES

### FRANÇOIS, A' L'AVERTIS- sement des Catholiques Anglois, pour l'exclusion du Roy de Nauarre de la Couronne de France.

*Descouvrant les calomnies, suppositions, & ruses contenues és De-  
clarations, & Apologies du Roy de Nauarre, & des heretiques,  
& autres librets faits contre le Roy, son Edit de la Reunion, ses  
bons subiets les Catholiques, & la Religion Catholique, Apo-  
stolique & Romaine.*


#### I E R E M I E. 2.

Passez iusques aux Isles de Cethin, & voyez & enuoyez  
en Cedar, & considerez diligemment & voyez si on y fait  
le mesme, si la gent à changé ses Dieux, qui neantmoins ne  
sont point Dieux, mais mon peuple a changé sa gloire en  
vn Idole. O vous Cieux soyez esbahis sur ce: & vous portes  
des Cieux soyez-en grandement desolees, dit le Seigneur.

2. Corinth. 6.

*Ne vous submettez point au ioug  
des infideles.*

Traduiët du Latin.




---

M. D. LXXXVIII.

SOMMAIRE DV LIVRE EN  
QUATRE POINCTS.

- 1 L'ambition du Roy de Nauarre & son animosité contre la religion Catholique & l'estat 5.
- 2 L'union & ligue des Catholiques est le remede souverain contre l'heresie 77.
- 3 Ligue contre l'heresie est de l'intention & commandement du Roy 120.
- 4 Le Roy de Nauarre est inhabile de la couronne par tous droicts voyes & manieres 147.

---

LIBELS DIFFAMATOIRES  
CONFVTEZ EN CE LIVRE.


- 1 *Aduertissement quel party l'on doit choisir Imprimé à Montauban.*
- 2 *Antiquisard.*
- 3 *Apologie Catholique par Belloy.*
- 4 *Declaration du Roy de Nauarre.*
- 5 *Francogallie.*
- 6 *Declaration & protestation du Roy de Nauarre, & du Prince de Condé.*
- 7 *Exposition sur la declaration du Duc de Mayenne.*
- 8 *Remonstrance aux trois Estats sur la guerre de la Ligue.*
- 9 *Lettre d'un gentilhomme soy disant Catholique pour responce aux calomnies d'un pretendu Anglois par Mornay.*
- 10 *Responce aux declarations de messieurs de Guise.*
- 11 *Le veritable sur la Sainte Ligue.*
- 12 *Opposition du Roy de Nauarre & du Prince de Condé contre l'excommunication du Pape.*
- 13 *Coppie de lettre du discours qui se passa au Cabinet du Roy de N. en l'an 1584.*
- 14 *Briefue responce de soy disant Catholique François à l'Apologie des ligueurs soy disant Cathol. vnns ensemble.*

# RESPONSE DES VRAYS

*Catholiques François, à l'Aduertissement des  
Catholiques Anglois, pour l'exclusion du Roy  
de Nauarre de la Couronne de France.*

**N**OUS ne pouuons prendre qu'en tres-bonne part, le bon office que vous faites à nous tous Catholiques François, par vostre non moins prudēt que sage & Chrestien Aduertissement. Et comme vous parlez de noz malheurs, non cōme clerks d'armes: mais comme sentans & experimentans tous les iours la pesanteur de la tyrānie de l'Heretie la plus cruelle & insupportable qui fut onques: aussi nous recognoissons tresbien, que vous estes iuges competans de ceste matiere, & que vous ne nous conseillez chose, qui ne soit iuste, veritable, vtile, & tres-necessaire, nō seulement pour la conseruation de la cognoissances de ce vray Dieu Trin & vn, & de la manutention de son Eglise & religiō en nostre pais de France, mais aussi pour le bien, repos & prosperite de ce royaume, auquel est coniointe la tuition & defence des biens, honneurs, & vies de tous les Catholiques. Nous vous pouuons tesmoigner, qu'il n'y a bon Catholique François, qui ne veuille se signer & souscrire tres-volontiers de son propre sang au bon aduis & conseil que vous dōnez. C'estoit chose, pour ne vous dissimuler point, à laquelle nous estiōs desia resolu, de mourir plustost tous en vn mōceau de cent mille morts, que d'endurer q̄ le Roy de Nauarre, chef de la plus factieuse secte, & du plus detestable parry d'heretiques,

A ij



qui fut iamais, paruienne où il abbaye tant, c'est à  
 ſçauoir qu'il puiſſe nous commander iamais ſou-  
 ce doux & ſouuerain nom de Roy de France, qui  
 eſt cōioinct & vny d'une liaiſon inſeparable avec  
 ce ſingulier & precieux tiltre & ſurnom de tres-  
 chreſtien, duquel il s'eſt rendu indigne & incapa-  
 ble. D'une choſe vous voulōs nous bien aduiſer, q̃  
 tout ainſi que voſtre eſcrit a eſté le premier, qui à  
 bouche ouuerte & à viſage deſcouuert l'a fait co-  
 gnoiſtre au monde tel qu'il eſt, & nous a preſenté  
 les remedes, deſquels nous deuons vſer contre tāt  
 de maux, dāgers & mal-heurs, dont nous ſommes  
 menacez par ſon moyen, ſi Dieu n'a pitié de nous:  
 auſſi nous n'auōs point apperceu, que noſtre Hu-  
 guenot ( qui ne veut dire autre choſe en noſtre lā-  
 gue qu'Heretique factieux & rebelle ) ſe ſoit plus  
 ſenti piqué & atteint au viſ, ny qu'il ſoit par cōſe-  
 quēt entré en plus grande meſdiſance & furie, que  
 voyāt voſtre liuret imprimé par tant de fois, & en  
 ſi diuers lieux, leu & receu generalemēt parmy les  
 catholiques és Eſcholes, Palais, & toutes aſſēblees  
 avec merueilleux applaudiſſemēt, voire meſme de  
 la plus part de ceux, que vous appelez Politiques  
 & Machiaueliſtes, leſquels, encor qu'ils n'ayēt au-  
 tre ſentimēt que de la chair & du ſang, & des cho-  
 ſes preſentes, ont neantmoins reconnu n'auoir ia-  
 mais penſé de ſi pres à l'importāce, que c'eſt pour  
 l'eſtat du royaume, le repos & tranquillité de ceſte  
 vie, que de ſe ſoumettre à vn Prince Heretique.

Et par ce que l'Hugenot ſemoit par tout, pour  
 toute deſence, que ce que vous parliez des inten-  
 tiōs & qualitez, qui ſont au Roy de Nauarre & en  
 ſon hereſie, ce n'eſtoient qu'iniures & calomnies,



& que fondans l'vniō & la ligue des Catholiques pour vn remede & precaution, vous n'estiez que seditieux: & la iustifiant de l'auctorité & approbation du Roy vous n'estiez qu'imposteurs: & concludans à l'exclusion dudit Sieur de la Courōne de France, vous vous monstrez vrayz Anglois, c'est à dire naturels & anciens ennemis de la maison de France, & de la paix & repos de cest estat, Nous auons pensé ne vous pouuoir rendre la pareille en meilleure occasion, qu'en reuanchant vostre nom & reputatiō de ces vilains tiltres de calūniateurs, seditieux, imposteurs & noz ennemis iurez: & à ces fins depōser à tous ceux qui viuēt, & à leur posterité ce que nous pouuons sçauoir en ce fait de plus certaine science, que vous ne pouuez, & neantmoins conformemēt à ce que vous en auez dit & publié, protestās deuāt Dieu & ses Anges de ne dire rien que nous n'ayons veu, ou ne sçachions tres-bien & si certainemēt, que si nous en auīōs à depōser en iugement & avec serment, attestās sur ce la propre consciēce du Roy de Nauarre & des Huguenots, qui ont eu aucune part és affaires & faits, que nous reciterōs. Et nous auōs entrepris ceste besōgne, bien que ce soit avec vn stille rude & compilé de plusieurs mains & testes, d'autant plus volontiers que ledit Roy en sa Declaration atteste & coniure les Catholiques de tesmoigner ce, qu'ils sentent & sçauēt en leurs consciences de luy & de ses deportemens: & que sans vouloir attendre nostre audition pour l'assurāce qu'il auoit qu'elle ne pouuoit estre cōforme à ses intendies, il auroit par vne gentille façon, & à la maniere du Prestre Martin (cōme nous disons cōmunement)

*Argument  
du liure en  
4. points.*

*Le Roy de  
N. veut que  
les Catho-  
liques disēt  
qu'il est hō  
me de bien.*

qui se respond soy-mesme, suppose nostre nom & faict dresser au nom des catholiques François, des Aduertissemens, Apologies, responce & autres discours, oultre ses declaratiōs, & plusieurs liurets faicts n'a-gueres par luy ou les siens, le tout au grand desauantage de la verité, de l'honneur de Dieu, de la pieté du Roy, de la syncere intenrion des Catholiques, de la manutentiō de la Religion Catholique, Apostolique, & Romaine, & du bien de ce Royaume, lesquels il nous a semblé ne de- uoir laisser plus longuement sans quelque responce. Cōbien que ce qui a esté forgé en nostre nom, porte avec soy son desadueu si manifeste, que nous ne pouuons point penser, que chacun ne recognoisse aisément la supposition & fauceté par le seul langage plein de calomnies, d'erreurs & de propositions heretiques: & que tout ensemble il n'admire la grādeur & force de la verité de la Religion Catholique, de voir qu'il faille que ceux mesmes, qui y sont contraires renient par escrit leur foy, & empruntent le nom & masque de Catholique, pour se rendre plus croyables, rant ils se recognoissent descriez & hays du monde.

Que le Roy de Nauarre n'ayē iamais eu autre fin & but, que s'impatroniser de cest Estat & de la Couronne de ce Royaume par diuers moyens, pretextes & pretentions, sans se soucier de l'une ou l'autre Religion, sinon entant qu'elle luy pouuoit seruir à ceste fin: tout le cours de sa vie, ses actions & deportemens en font tres-bonne preuue, à qui les veur considerer.

Deßlors qu'il se sentit honoré de ce tiltre de Roy de Nauarre, qui fut par le decez de sa mere,

l'an 1572. y trouuant plus de fumee & de vét, que de prinse & de verité, il fut si affriandé à vn meilleur morceau, qu'il s'imagina deuoir tendre à celui de la France, qu'il oyoit dire auoir esté occasion, que ses predecesseurs du costé de la mere, auoient esté despoiullez en effect de celui de Navarre, ou de la plus grand part. & aussi que ses ancestres du costé du pere auoient tousiours pretendu de ce Royaume de France leur appartient, comme Charles de Bourbon, qui mourut à Rome, contre le grand Roy François, & n'a-gueres le feu Prince de Condé, tefmoin les monnoyes d'argent, avec ceste inscription **LOYS XIII. ROY DE FRANCE**, representees au Louure en assemblee generale par ce grand Connestable de Montmorécy le 7. iour d'Octobre, 1567. à vne heure apres midy.

*1. point de l'ambition du Roy de N. & animosité contre la Religion Catholique.*

Il n'eut point faite de bons Conseillers, pour le pousser & entretenir en ceste intétion. Il auoit cest insigne ennemy de la France l'Admiral de Chastillon, qui à la faueur dudit Sieur Roy, que ie ne die à son adueu, dressa incontînét ceste malheureuse coniuration, pour laquelle repousser, aduint la iournee Saint Barthelemy, & l'executiō iudiciaire de Briquemaut & Cauaignes, ainsi que tefmoignent les Declarations du Roy faites deslors & depuis. Voyant le party heretique affoibly par ceste saignee, & tant debile, qu'il ne le pourroit esleuer, où il aspiroit, se resolut de faire du Catholique. Et neantmoins pour colorer sa reduction, & oster l'opinion, que ce fut pour iamais n'auoir eu de conscience, & auoit passé outre, ains au contraire, qu'on pensast que ce

changement vint d'en-haut, & par la force de la  
 seule verité, qu'il cognoissoit refider chez les Ca-  
 tholiques, il voulut biẽ que ce fut apres auoir estẽ  
 longuement par plusieurs iours instruiẽt & Cate-  
 chisẽ par ces grãds Theologiens de Maldonat, de  
 saint Germain, & sainte Foy, desquels les deux  
 derniers sont à presẽt Euesques de Paris, & de Ne-  
 uers. Il les choisit luy-mesme, le premier pour estre  
 Iesuiste & Espagnol, & lecteur ordinaire en Theo-  
 logie à Paris, le second vn des principaux du corps  
 de la Facultẽ de Theologie de Paris, l'autre pour  
 estre le Predicateur de la Cour, & bien-aimẽ du  
 Roy: par ce qu'il voyoit qu'ils luy pourroient ser-  
 uir de trõpette de sa conuersion veritable es plus  
 grandes cõpagnies dedans & dehors le Royaume.  
 Dont il deuroit auoir honte de demander instru-  
 ction, ou se plaindre qu'on la luy a refusee. Aussi  
 Dieu scait comme depuis son abiuration & pro-  
 fession de foy, il ne se pouuoit saouler de publicẽ  
 le contentement, qu'il sentoit en soy mesme d'e-  
 stre en l'Eglise Catholique, & cõme il dechiffoit  
 appertemẽt la malice & ruse des Ministres & des  
 Huguenots. De son propre mouuement il ordon-  
 na incontinent, que tous ceux qui estoient cou-  
 chez en l'Estat de sa maison, fussent Catholiques:  
 il fit pour ses païs de Nauarre & Bearn vn sembla-  
 ble Edit, que le Roy auoit fait pour la re-vnion de  
 ses subiects à l'Eglise Catholique. Et pour tenir la  
 main à l'execution, il enuoye pour Gouverneur &  
 Lieutenant general le Sieur de Gramon: de pesche  
 vers le Pape Gregoire 13. gens expres pour demã-  
 der son absolutiõ, & rehabilitatiõ & biẽ tost apres  
 le Sieur de Duras, pour luy rẽdre l'obedience de sa

*Hippocri-  
 sie du Roy  
 de Nauar.*

part. Brief, il n'oblie artifice quelconque pour paroistre & acquerir reputation parmy les Catholiques, iusques à se rendre si officieux & priué enuers ceux de Guise, qu'il voyoit auoir acquis le cœur & l'affection des François & de sa Maiesté, qu'il sembloit que ce ne fut qu'un corps & vne ame de luy & du Sieur de Guise.

Ce pendant il ne perd pas tēps pour son dessein. Il bande par plusieurs fois le frere contre le frere, & remplit la Cour de diuisions, mescontentemens factions, & coniurations, disant parmy les confidens, qu'il mesleroit tellement les cartes, que le ieu luy demeureroit, ou que au pis, estant employé à les demesler, il auroit bon moien de iouer à son aduantage au Roy despouillé. Toutesfois la prouidence de Dieu en disposa autrement, & rompit tout autant de fois ses menées. Il eust bon besoin de la clemence de noz Roys & de la debonnaireté de la Royne mere, qui fut si grāde en son endtoit, qu'ils se contentèrent des belles promesses & sermens, qu'il leur feit d'estre à iamais tres-obeissant subiect & fils.

*Meschans  
desseins du  
R. de N.*

Neantmoins l'on sçait cōme ayant persuadé feu Mōsieur, frere du Roy de se separer de leurs Maiestez & prendre la proteçtiō de l'heresie Caluiniene avec promesse de le suiute incontinent, quelle contremine il luy procuroit en Cour souz couleur de zele Catholique: afin de l'exclurre de son rāg & s'y maintenir seul. L'on sçait cōme en mesme tēps il affectoit infinimēt l'amitié des Princes Catholiques. Et pour les induire & gagner mieux à exclurre Monsieur, & deposseder le Roy, il fit imprimer tant de meschans liures diffamatoires cōtre sa

Majesté & son Altesse, & entre autres le Reueille-  
 matin, par lequel il conuioit le sieur de Guyse à  
 manger dans la pōme de la Royauté avec flaterie,  
 qu'il meritoit mieux que tout autre la Courōne:  
 qu'elle luy appartenoit & que tous auoiēt les ieux  
 iettez sur luy, pour luy obeir & le recognoistre. Il  
 pensoit auoir contracté vne si estroite amitié avec  
 ces Messieurs de Guise, & les imaginoit si fort liez  
 à soy, qu'il pensoit qu'ils seroiēt de la partie: toute-  
 fois il experimēta au bon du fait leur bōté, & la fi-  
 delité, qu'ils ont à cest estat, & qu'ils ont tousiours  
 porté à leur Roy & legitime & naturel, & singu-  
 lierement aux Majestez du Roy & de la Roine vi-  
 uāts: tellement que se voiant desnié il conçust vne  
 hayne mortelle cōtr'eux: & sentant que la fumee  
 en venoit desia iusques au nez du Roy, cōme de-  
 sesperé, souz pretexte d'aller à l'assemblée, il se de-  
 partit de la Cour, & se reietta entre les bras des hu-  
 guenots, s'imaginant (tant la conscience l'accusoit  
 & comme il print pour ses excuses) que s'il ne fut  
 party ce iour mesme, que leurs Maiestez le vou-  
 loient mal traiter & enuoyer à la Bastille. Et d'ail-  
 leurs pour l'horreur qu'il auoit de sō entreprinse,  
 il n'osa s'approcher de l'armee de Mōsieur, ains ti-  
 ra droit vers la Xainctōge avec le peu de gēs, qu'il  
 peut ramasser. Il n'auoit pas intention de l'execu-  
 ter si tost iusques lors qu'il verroit les affaires du  
 Roy aller plus mal, cōme il esperoit qu'il aduien-  
 droit par le moyen de l'armee de Monsieur. Mais  
 s'apparceuant qu'iceluy commençoit d'auoir  
 grand mescontentemēt & regret de s'estre iamais  
 engagé parmy ce party d'huguenots incompati-  
 bles & turbulents, & qu'il cognoissoit aussi que

le conseil que le Roy de Nauarre luy en auoit donné, ne tédoyt que pour se preualoir de sa despouille & affin de l'exclurre de la Couronne à l'occasion de la protection des herétiques & que de faict la paix s'en alloit cōme faite, il se resolut del'essayer sur le point qu'il iugeoit que sa mine faisant faux feu, il auoit le moyen de se rédre chef dudit party & de la grande armee qu'ils auoient sur piedz cōposée de troupes Frāçoises & estrangeres, en leur baillant pour seureté de sa reduction l'iniure faite au Roy & à l'estat. Tellemēt que iugeāt auoir perdu toute esperance prochaine de la Couronne par voye de la Religion Catholique, & que ceux de Guyse & les Catholiques ne valoient rien au mestier des rebelles, il se resolut de tēter à paruenir à son but tant désiré par le moyen du party Heretique. Et affin qu'il luy tombast en main au plustot, il seme tant de diuisions & deffiances parmy les troupes Huguenottes contre Monsieur, & leur imprima si bien qu'il les vouloit trōper, que voila Monsieur le Prince de Condé qui refuse d'accompagner Monsieur dans Bourges, pour crainte de sa personne, disoit-il. Et se venant ioindre au Roy de Nauarre, il ne cessa iusques à ce qu'il luy eust soustraiēt tous ceux de ce party. S'il auoit esté vehemēt à faire du bon & zelé Catholique, il feist pour lors de l'Huguenot enraigé, tant par ses executiōs militaires, que par ses propos ordinaires, mesdisant à pleine bouche du Pape, des Euesques, des Ecclesiastiques, du Roy, de la Royne mere, de la Royne sa femme, & de tous les saintes exercices de l'Eglise Catholique, & singulierement de la sainte Messe, qu'il appelloit communement

& parmy ses repas la paillardie : dont il acquist en peu de temps telle creance parmy ces gens, que le voila, qui cômence à s'intituler à la fin de l'an 1576. le Chef & protecteur des Eglises Reformees.

Nous ne vous dirons point avec quelle couuerture il commença pour lors à tramer & faire la guerre par surprinse de villes & places fortes & autres voyes qui leur sont ordinaires: comme aussi en l'an 1580. & luy & le Prince de Condé par la prinse de la Fere, forçerent le Roy, & leurs propres Eglises (ainsi les appellent-ils) à reprendre les armes, au mesme temps qu'ils faignoient ne penser que a plâter les choux de feu Admiral de Chastillon, & qu'ils asseuroient d'auantage & leurs Maiestez & ses Gouverneurs & Lieutenans generaux & ses bons subiects de ne vouloir que maintenir la paix & viure souz le-benefice de l'Edict de Pacification : seulement ie prieray icy tous lecteurs se despouiller de toute passion, & vouloir iuger de ce faict avec la mesme sincerité qu'ils feroient s'il touchoit vn Prince estranger & incogneu.

*Le Roy de  
N. se sert de  
la Religiõ,  
pour par-  
uenir à la  
Couronne  
de France.*

Premierement, ne cognoissez vous pas, que c'est vn Prince qui n'a aucune Religiõ, & qui ne se sert de la Catholique & de la Huguenotte, que pour amorce & hameçon de s<sup>on</sup> ambitiõ à la Royauté selon les occasions du temps? Auoir cõtinué quatre ans en demõstration & professiõ assiduele & publicque de Catholique fême & constant lors qu'il auoit & l'aage & l'entendement, & la volôté & le pouuoir de remuer des plus grandes entreprinse du monde, lors qu'il à eu (si la force eust cõtrainct sa consciẽce) dix mil moyens de s'oster de la Cour,



se retirer à la Rochelle, Nauarreins, Montauban, Bergerac, ou autres de ses villes & places fortes, de declarer à cest heure qu'en son cœur il ne fut oncques Catholique, & que ce qu'il dissimuloit n'estoit que par force, & pour le subiet qu'il auoit de iuste crainte? Est-il possible, qu'il se trouue gens de si facile creance? ou bien, est-il possible de pouuoir persuader au monde, qu'une si grande, libre, & longue dissimulation, en chose de telle importance, que le salut de soy, & d'une milliad de personnes puisse couuer en une bonne ame, & craindre Dieu? Est-il possible que s'il croioit un Dieu, & que la Religion Huguenotte fut sainte, & d'institution diuine qu'il eut fait tant de demonstrations contraires à ce par l'espace de tant de temps, sans quelque prostitution, bien que, secrette de sa force, deuant notaire & tesmoins, ainsi qu'il s'observe en moindre chose? Qu'il n'eust depuis tesmoigné par quelques pleurs & penitence de saint Pierre le regret qu'il auoit de l'auoir publiquement renoncee & abiuree si long temps? Qu'il ne se fut retenu de mesdire lors si souuent des Pretendus reformez, & de leur Religion, mais le dire de son Ministre Marmet est veritable? Que tout homme qui dissimule sa Religion, est au grand chemin de l'Atheisme, & qu'il sera grand miracle, continuant quelque temps, s'il ne tombe bien tost en ce gouffre la.

Se peut il imaginer qu'un cœur de Prince & genereux se veuille ou puisse excuser d'une crainte si basse & digne d'un valet & esclaue cōme parle le-dit Marmet, mesmes où il va de renier Dieu & sa foy, & qu'il ose declarer apertement que ce qu'il en

à fait, n'a pas esté par ignorāce ou autre infirmité, comme s'excusoit S. Pol, mais que de sens rassis & de tout son bon iugement il à renoncé publicquement Iesus Christ, & à abiuré sa foy & religion par l'espace de tant de temps: cōbien qu'il ne doutat aucunement dellors (comme il dit) que son salut ne gist en elle seule? De dire qu'il n'aye peu en si long temps par iuste crainte recouurer sa volōté (ce sont les mots) puis qu'il ne falloit pour s'en exempter que sortir des faux-bourgs de Paris, & faire le mesme qu'il feit en l'an 1576. craignoit il alors de sortir, ou bien ne le pouuoit-il pas aussi seurement, que depuis, luy qui alloit & loing & pres pour ses plaisirs, avec autant de liberté & pouuoir que le Roy mesme eust sceu faire? N'y pouuoit-il pas aller aussi bien pour la liberté de sa consciēce, pour sa Religion, pour l'honneur de son Dieu s'il en eust eu? Ne pouuoit-il pas aller aussi tost à la Rochelle qu'aux frontieres de Chāpagne visiter le Duc de Guyse? Apres le siege de deuant leuē, ne pouuoit-il point en vn salut s'y enfermer & y estre aussi seurement qu'il se vante y estre à cest-heure? N'est-ce pas à la verité se mocquer du monde, que de nous vouloir faire passer ces fatiboles pour iustes raisons? & en chose de telle cōsequēce, le seul long temps de quatre ans n'est-il pas suffisant par toute dispositiō de droit, pour dementir ceste pretendue crainte & contraincte, outre la cognoissāce que nous tous François auons de la liberté & puissance qu'il auoit en Cour?

Quelle foy peut-on auoir à riē qu'il dise ou face iamais, puis qu'il s'aduoue si librement vn si grād dissimulateur & feint, que ie ne die Hipocrite? Qui

croira qu'il puisse estre ouuert & entier en l'édroit des Catholiques, puis qu'il se declare si double enuers Dieu? Est-ce le moyé de guerir par telle dissimulation la desffiance que nous auons de luy? Cela mesmes qu'il à renôcé publiquement si lôg temps sa Religion, aussi licentieusement que seroit tout Athee, n'est-il pas suffisant pour l'exclurre & dechasser non seulement de la Couronne de France, mais aussi de toute charge publique? Car, disoit tresbien Constantius pere de ce grand Cōstantin, lors qu'il chassa de son seruice, & retrancha de l'Estat de sa maison, ceux qui auoient renié la Religion Chrestienne, pour la consideration ou crainte de l'ordonnance qu'il en auoit fait pour les esprouuér, Comment garderont ceux là la foy & fidelité à l'Empereur & aux hommes, qui ne l'ont pas gardee à Dieu? conformemēt à ce que nous lisons que les Iuifs dirent au Roy Ptolomee, Que ceux là ne seroient iamais fidelles à leur Roy, qui auoiēt quitté leur Religiō, en mēgeant choses defendues par icelle. Et c'est aussi pourquoy l'Empereur Leon le Grād, enuiron l'an 466. (nous disons ou entendons tousiours cest enuiron durant les 600. ans premiers de nostre Seigneur par ce) pour le dire vne fois pour toutes (qu'il n'y à guere, ou du tout point, de certitude au calcul des ans de nostre Sauueur durant ce temps là, en quelque chose que ce soit) ne voulut point resigner n'y fier l'Empire à Zenon son gendre, d'autant qu'il auoit varié en la Religion, & estoit soubçonné d'Herésie, mais par son exclusion le bailla à son nepueu Leō fils de Zenon, qui n'auoit point changé, & estoit bon Catholique. Les Chrestiens ne pouuans

endurer (dit Zonare) vn Empereur heretique, ont declaré ne vouloir pour s<sup>o</sup> successeur autre qui ne fut Cathol. assure, ayans, à ceste occasion preferé à l'electi<sup>o</sup>n de l'Empire ledit Le<sup>o</sup> le Gr<sup>ad</sup> à Aspar le Patrice, qui y pretendoit c<sup>o</sup>me estât des principaux Seigneurs, mais neantmoins Arrien, & aussi rompu la nominati<sup>o</sup>n que ledit Le<sup>o</sup> auoit fait vne fois du fils dudit Aspar aussi Heretiq. pour Cesar & son successeur, avec requeste speciale qu'il luy pleut de ne nommer autre pour successeur qui ne fut Cathol.

Aussi sommes nous bien resoluz d'attendre autres quatre ans & plus, lors que le Roy de Nauarre retournera à faire du Catholique, ou que qu'il nous voudra assurer de quelque chose moindre, deuant que nous y fier. Car s'il à rompu sa foy à dieu & aux hommes tât de tēps, que ne fera il aux hommes seuls, & où il n'y va que de la terre? si en mesme faict il se vante nous auoir trompez tât de temps, il nous aduertit h<sup>o</sup>nestemēt d'y prēdre garde vn autre fois de plus pres, & de ne nous arrester pas à ses premieres Messes & demonstrations de Catholique, ce que ie ne dis pas sans cause. Car il sēble à certains pretenduz Politiques, qui sont vrais Atheistes de Religion, & Catholiques de fiction, que poueu qu'ils luy conseillent d'ouyr vne chetive Messe ( ie suis contrains vs<sup>r</sup> de leurs vilains & prophanes mots, affin que celuy ou ceux de quelque grandeur qu'ils soient qui en sont les auteurs, sçachent qu'on le remarque ) qu'il suffit. C'est aussi la vieille & accoustumee resp<sup>o</sup>nce, Que s'il ne tient que à cela qu'il ne soit Roy de France, qu'il y ira bien tost, & que pourueu qu'il soit en ces termes & hors de tât de desfiāces, qui le tyrannissent

tyrannissent à present, qu'il ne manquera point de bonne mine, & mauuais ieu. Mais nous pensons bien qu'il n'a pas oublié la repliche que luy faisoit sur ce, ce grãd Prince & de memoire immortelle feu Monsieur de Montpésier (il est croyable par esprit de prophetie) qu'il y arriueroit lors trop tard, & que les Catholiques ne s'y fierôt pas: outre que l'Eglise ne participera iamais à vne dissimulation & hypocrisie si apparente, scandaleuse, & preiudiciable. Tellement que le Sieur de Roquelaure est mal appointé de la gageure qu'il a faict avec Monsieur Marmet, d'auoir mis sa teste, que si tost qu'on aura ouy dire en Court, que le Roy de Nauarre aura ouy vne Messe, on verra en vn instant toute la Frãce accourir pour luy offrir ses forces, ses richesses & tous ses moyens, pour en disposer comme bon luy semblera. Il monstre biẽ n'auoir iamais bien penetré iusques aux fons des cœurs & zele ardent des Catholiques, ou qu'il les tient pour grands idiots, de ne scauoir vser de la mesme prudence au faict de Dieu, qu'ils feroient en la moindre chose.

Au lieu toutefois que c'est là le fondemẽt de la deffiance des Catholiques, pour mōstrer qu'il est relaps, & dequoy il se deuoit purger premieremẽt: il le passe sous dissimulatiō, & par ces beaux mots d'orateur, Que la refutation en seroit friuole. Car les Catholiques pretendent qu'il a esté cōceũ par le saint Baptisme dans le ventre de l'Eglise Catholique, Apostolique & Romaine, & tenu sur les fons baptismalles par le Cardinal de Bourbō son oncle, qu'il y a esté esleuẽ & nourry iusques à l'an 1,61 (auquel temps la Roynẽ sa mere a declaré elle

*Que le R.  
de N. est  
relaps.*

*Les Papes  
Empereurs  
& Rois  
sont prinex  
de leurs di-  
gnitez  
pour estre  
Heretiques  
relaps.*

mesme par sa declaration publiee, auoit cōmençé d'embrasser ces nouuelles opinions ) qu'ayant at- teint l'aage de discretion, il a fait profession de la religion Catholique, & abiuré solemnellement toute heresie: que depuis s'estant declaré Hugue- not, il ne peut euitier le crime & les peines des re- cheurs & relaps, qui ont ce priuilege d'auoir lieu & prinse sur les Roys & Empereurs, voire mesmes sur les Papes, pour empescher tāt leur promotiō, que causer leur depositiō. Mais voulez vous veoir comme il est mal-conseillé: pour euitier d'estre dit Relaps, ils fōt qu'il se descrie soy mesme de la plus insigne & extreme hypocrisie & perfidie en Reli- gion, qui se lise iamais, & pire qu'une manifeste irreligion & atheisme, disant qu'il n'estoit Catho- lique de fiction durant ces quatre ans. Et neant- moins ne voyent-ils pas bien que cela ne luy peut seruir d'aucune defence, tant pour ce que ce vice est inexcusable en vn Prince (dit Marmet) q̄ d'au- tant qu'il n'importe s'il a esté Catholique, ou s'il a faict demonstration apparēte de Cathol. par ce que comme les hōmes ne peuuent iuger du dedās du cœur, ains seulement de ce qu'ils voyēt, & qui apparoiſt au dehors, comme dict l'Eſcriture, ausſi Dieu n'exige point des hōmes meilleur iugemēt, que selon ce qui apparoiſt. Partāt il ſuffit, pour e- stre tenu relaps, qu'il aye esté baptizé & fait Chre- stien à la Catholique, qu'il aye fait vne fois abiur- ration apparente de l'heresie, & depuis denon- stration & profession externe de Catholique, & qu'à present il soit retourné à son erreur: loinct (dit le Seigneur) Qui nie Dieu deuant les hōmes, le nie & deuant Dieu, & tout à faict.

*Les quali-  
tez d'un  
relaps.*

S'est-il seruy du point de sa propre conscience, & pretenduë religion, pour l'exécution de son ambition comme d'une estriuiere à tous poincts? Il n'est pas merueille si à la faueur des Picoueurs, Sacquemans, & des boute-feux de Ministres il n'en a pas fait moins des consciences de ces pauvres gens de la nouvelle opinion. C'est la cause que mesmes contre la resolution de leurs Eglises(qu'ils appellent) il a entrepris si souvent la guerre, forçant à son plaisir des occasions de desffiance contre le Roy & les Catholiques, & promettant à ces pauvres gens de ville & de communautéz, qui se laissent aller aux apparences & belles parolles, qu'il auoit le moyen de les faire iouir de l'exercice libre de leur religion en tous lieux, & en mesme esgalité, que les Catholiques.

Il n'estoit au commencement question que de la liberté de conscience, se contentans de n'estre recerchez ou forcez en leur creance & religion. L'ambition à produit en leur endroit l'opinion, non seulement de la liberté, mais de la necessité de l'exercice public en tous lieux. Et voilà le beau fondement de leurs guerres: & faut cōfesser que de ce seul point comme du cheual de Troye, sont sorties toutes les miseres & calamitez, qui ont continué depuis l'Edict de Iuillet 1600. qui defendoit l'exercice libre de leur pretendue Religion.

Surquoy nous priōs tous ceux, qui se sont separez de l'Eglise, ouurir les yeux, & recognoistre cōme l'on se iouë biē gayemēt de leurs consciences, vies, fortunes, & biens, & que c'est où l'ō abbaye, &

*Les Hugue-  
nots n'ont  
raison de  
poursuivre  
par armes  
l'exercice  
public de  
leur Reli-  
gion.*

non pas au salut de leurs ames. Ne voyent-ils pas que ceux, qui se disent porter les armes pour le seul zele de Religio, & de l'exercice d'icelle, n'assistent à leurs Presches & prieres comme point: ains qu'ils s'en moquent les premiers, & montrent par effect qu'ils sont poussez d'autres ambition & dessein, que de la satisfactio de leur conscience, & qu'ils tendent par leurs autres choses, qu'ils estiment plus? Aussi, si les articles de leur Foy sont veritables, que leur est tant de besoin l'exercice public, qu'ils ne s'en puissent bié passer, & se sauuer sans cela? Ils disent qu'ils sont tres-assurez qu'ils ont tousiours esté depuis les Apostres, bien que inuisibles & inconnuez au monde: que ce soit leur Eglise, qui est celle des esleuz (disent-ils) s'est tousiours bien maintenue cachee & inuisible, c'est à dire, sans exercice public & moins visible. Ils se font (disent-ils) sauuez seuremēt depuis 1500. & tāt d'ans. Par ce moyē la parolle de Dieu, & la verité de la Foy & de la Religion s'est tousiours bien conseruee sans cest exercice. Quelle reuelation ont ils receu en nos iours au contraire, que ceste voye ne leur pouuoit plus seruir, & que ceste leur Eglise ne pouuoit plus desormais subsister, si elle n'estoit visible, & apparente, tout de mesme que celle des Catholiques?

Ne tiennēt-ils point pour fondemēt de leur Religion, qu'ils sont sanctifiez dès le ventre de leur mere par la foy de leurs parens, & suiuant la promesse faicte à Abraham, que c'est la Foy seule, qui les iustifie & sauue? Ne disent-ils point que la Foy est vn don, qui prouient directement de Dieu, & que c'est par la seule inspiration speciale & parti-



culiere du saint Esprit, qu'ils croient, qu'ils entendent & sont instruits au sens de la parole de Dieu, & de son Escripiture sainte, outre que de foy elle est toute claire & intelligible au pied de la lettre? N'est-ce pas leur creance, qu'ils ne tiennent point leur Foy par le moyē des hommes, des Ministres, ou de leurs Presches: que les Sacremēs de Baptisme, & de la Cene, ne sōt que signes, marques, & marreaux & nullement efficaces & necessaires à salut? Et que les oraisons & prieres publiques ne sont point de plus grāde vertu & merite, que les secrettes & celles de chambre ou cabinet? Si donc sans les Presches, sans l'vsage des Sacremens, sans les prieres publiques, & sans Ministres, ils ont la Foy, & peuuent faire leur salut, & avec cela iouir de leurs biens & d'une entiere paix, & profond repos sous l'obeissance, bien-veuillāce & protection du Roy leur souuerain Seigneur, ne sont-ils pas bien pauvres & miserables de laisser le certain pour l'incertain, & perdre l'os pour l'ōbre, de se rendre subiects à continuelles guerres, & à tant de contributions, pillages foulds, perte de biens, & vies, perte de l'honneur de leurs femmes & filles, & autres miseres que la guerre apporte avec foy, pour la pretention seule de l'exercice public, duquel ils se peuuent bien passer, & qu'ils ne tiennent point pour necessaires à leur salut? Ne sont-ils pas bien desnaturez contre leur chair & leur sang, & ennemis de leur patrie, de la deschirer de telle façō par des guerres intestines & cruelles, sans necessitē quelconque, à leur propre creance?

Ne sont-ils pas biē auēglez de choisir, ou se soumettre à la protection du Roy de Nauarre, qui est

en effect se departir entierement de l'obeissance du Roy & le constituer Roy sur eux, ainsi que le feu Roy Charles appelloit l'Admiral de Coligny *le Roy de l'Edict de Ianuier*, sans aucune esperance d'y pouuoir rien gagner, qui soit necessaire pour leur salut, & avec l'experiẽce certaine de tant d'annees que la poursuite de leur exercice public n'est que la ruine des meilleures maisons & familles d'entr'eux mesmes, que ce beau masque de Religion n'est qu'une espee de pauot, pour les endormir, cependãt qu'on leur coupe leur bourse & la gorge? Que ce n'est que la dissipation de cest estat? qu'un seminaire eternal de diuision? qu'un manteau des passions & ambitions de leurs chefs? que la matiere & entretien des troubles? qu'une mine contre la Royautẽ? que le germe & le pied de la guerre? qu'une iuste occasion de deffiance & ialousie d'estat, finalement une chose du tout impossible d'establir en France? Et neantmoins ils sont si hardis que d'escrire que cest exercice est de l'ordonnance mesme des Estatx generaux de ce Royaume, chose qui est du tout controuuee, & dont ny clergẽ, ny noblesse ny tiers estat n'a oncques ouy parler en telles assemblees.

Ne sont-ils pas biẽ inhumains puis qu'il est question de conseruer le repos, les biens, la vie, & l'ame de tãt de milliers de personnes, qui se pourrõt perdre, & se sõt perdus sur ceste querelle d'exercice public nõ necessaire pour leur regard, de s'y formaliser & s'y ahurter si opiniaistrement de la faõ? N'est-ce pas tẽter Dieu, que de se mettre en si euidẽt peril & dãger de la vie à son esciẽt pour chose, dont ils se peuent biẽ passer, puis que leurs pre-

deceffeurs en ceste Religion, si tant est qu'elle aye  
 iamais esté, ont esté de l'Eglise des esleuz sans au-  
 cun exercice public, non pas mesme visible? Ne se  
 contentent-ils pas de paruenir à ce haut degré? Y  
 en y a-il de plus supreme esleué, si ce n'est celuy  
 de ce haut & puissant Lucifer? Est-il possible qu'ils  
 portent enuie à la grandeur & maiesté de ce grãd  
 Seigneur? Est-ce pourquoy ils se rendent si grãds  
 imitateurs de ses actions? Ne voyent-ils pas bien  
 que tel exercice public leur nuit pl<sup>o</sup>, qu'il ne profi-  
 te, ne fut ce, qu'il est cause, qu'aduenant la guerre,  
 comme le R. de N. l'a faict renaistre à tout pro-  
 pos, ils sont contraincts en faire abiuration, ausi  
 publiquement qu'ils en ont faict professiõ, & par-  
 tãt s'il leur gaigne des ames d'un costé (qui est fort  
 peu Dieu mercy depuis quelques annees) il leur  
 en perd bien par telles abiurations. beaucoup da-  
 uantage: ou viuantes en repos sans tel exercice, ils  
 pourroient tenir telle foy, qu'ils voudroient, &  
 estre sauuez, cõme leurs esleuz, sans estre en dan-  
 ger d'estre recerchez?

N'est-il pas bon que le R. de N. pour sembler  
 pretendre iustemēt l'exercice public en France, il  
 fãit tres-biē alleguer, que les Roys n'ont aucune  
 puissance sur les consciences, & que le vray moyē  
 de maintenir leur estat en paix, c'est de permettre  
 que leurs subiects viuēt en liberté de cõscience &  
 d'exercice de leur Religion: & toutesfois quand  
 les Catholiques de Bearn le requierēt de leur ren-  
 dre la liberté du seruice & office diuin, il les charge  
 d'estre seditieux, & se deffēd qu'un Roy est en ter-  
 re le vicaire de Dieu pour le faire recognoistre par  
 ses subiects, & les faire viure en sa pure Religion.

telle qu'il dit estre la sienne, autrement que Dieu  
 demâdera de ses mains les ames qui perirôt. Mais  
 quand il luy fut proposé de la part du Roy & des  
 Estatz de Bloys qu'il poursuivoit, en Frâce ce que  
 en son propre faict il môstroît ne iuger point rai-  
 sonnable, & s'il trouueroit bon que ses subiects  
 Catholiques de Bearu luy feissent la guerre pour  
 mesme occasion, il les pria par sa responce de ne  
 luy imputer point l'extermination du diuin ser-  
 uice, & que c'estoit vn acte de sa feu mere, mais  
 que au contraire il auoit volonté de donner tout  
 contentemēt en cela ausdits Catholiques, & qu'il  
 y auoit desia commencé & bien fort aduancé par  
 certaines ordonnances prouisionnelles, attendāt  
 sa presēce audit pays, pour pouuoir parfaire l'œu-  
 ure (ce sont les propres mors de sa responce) mais  
 ç'a esté sans aucun effect, ayant tres-biē sceu pra-  
 ctiquer les Estatz finis, le proverbe de ses voisins,  
*Agoa passada, Maria inganada.*

Il se pteint de violence, de cruauté, & tyrannie  
 contre le Roy à l'occasiō de l'Edit dernier de Iuil-  
 let pour la reyniō en vne mesme loy. Y eust-il ia-  
 mais ordonnāce qui meritaist mieux le nom d'edit  
 de pacificatiō que celuy-là? Voire y eust-il iama-  
 is Edict de paix, que celuy-là & semblables? Car si la  
 guerre ne nous viēt que de la diuersité de religiō,  
 si vniō & paix n'est qu'une mesme chose, Edit de  
 la revnion n'est-ce pas autāt que Edict de paix re-  
 doublee & parfaicte? D'auantage y eust-il iama-  
 is Edict plus iuste ou doux cōtre telles gēs, ou qu'ils  
 se conuertisēt ou qu'ils vuidēt en iouisāt de tous  
 leurs biens avec terme de six moys, suffisant pour  
 dōner ordre à leurs affaires? Que demâdoit Moyse

à Pharaon sinon qu'il permist au peuple de Dieu de sortir pour aller sacrifier? Se lit il ny de Iustiniã le Grand ny d'autre Empereur qu'ils ayent iamais accordé aux Heretiques plus grand terme, que de 3. moys pour se recognoistre ou vuidier? Si on les vouloit contraindre absolument de renoncer à leurs opinions & faire profession de la Religion Catholique, ils pourroient crier qu'on les force en leur conscience, mais puis qu'on leur donne choix & liberté d'aller seruir Dieu à leur mode ailleurs avec tous leurs moyens, comment se peuuent ils excuser? Moins le R. de N. qui les à poussés a ce? Auoir prins les armes au cōtraire n'est ce pas annoncer la guerre au Roy & à l'Estat bien clairement? Comment peuuent ils pallier que voulant viure a leur façon & demeurer maugré luy en son Royaume, ce ne soit faire vn cōtreccarre à la Royauté? N'est ce pas directemēt contre le commandement du Sauueur? Qu'estans persecute en vn lieu ou ville, qu'on aille en vne autre? N'est ce pas combattre pour son plaisir & rebellion & non pour Dieu ny pour la conscience ou Religio? A on iamais leu ou ouy dire, que le subiect doiue resister par armes a son Roy sur le commandement qu'il luy fait de vuidier son Royaume pour quelque occasion que ce soit? Car puis qu'il n'y va que de la police, du regime temporel, politicque & ciuil, & des biens, enquoy ils ont tant de fois elcrit, Que la puïssance ou cōmandement du Roy s'estend de la part de Dieu en toute souueraineté, s'ils luy fōt la guerre en cela, que pourroiet plus faire les vrais rebelles & criminels de leze maiesté? Et partant cōment pēsent ils pouuoir euitier iustemēt ces beaux

tiltres, si aller en Allemaigne, Angleterre ou ailleurs hors le Royaume, n'est contre l'honneur de Dieu, & qu'on soit obligé sous peine de peché mortel d'obeir au Roy en tout ce qui n'est point contre Dieu? Qui est ce incensé qui doute que le R. de N. & les Huguenots s'opposants à tel commandement par armes n'encourent le pur crime de rebellion & de leze maiesté au premier chef? Puis que le Roy est par dessus nous, & est nostre maistre, ne peut il pas user ce, qui est à nous & est moins qu'à nous? Ne peut-il pas user de & de nos vies & de nos biens, & nous commander toute chose, à laquelle Dieu ne soit point offensé? Or nous enjoignant de sortir du Royaume nous commande il de blasphemer ou des-honorer Dieu? Qui est celui qui aye esté iamaïs si mal aprins qu'il luy parlât il ne luy offre sa vie & ses biens non par honnesteté, mais par deuoir? S'il en abuse, la cognoissance n'en appartient qu'à Dieu seul. Ne sont ce pas les propres mots de leur Apologie Que nous deuons au Roy & aux Princes de sa maison (ceste additiō est nouuelle) & à eux seuls nos qualité, nos biens & nostre propre vie, nō pas de courtoisie ou d'honesteté seulement, mais par le tres-expres commandement de Dieu, qui en a chargé nos consciences? Si nous ne sommes obligez à obeir au Roy nous commandant d'aller en Allemaigne, ou tel autre lieu: à plus forte raison le Capitaine ou soldat, lors que le Roy luy commandera d'exposer sa vie au danger de la breche, & à forcer vne barriquade, n'aura il pas bonne excuse de refuser & desobeir au Roy? ce qui seroit chose trop ridicule.

O Seigneur Dieu pardōnez à ce pauvre peuple

qui est seduit; & lequel ne vous ayant point voulu obeir, vous l'avez rendu serf & esclau de celuy, qui n'a aucun droict sur luy, & qui ne cherche que de se reuestir & agrandir par sa despouille & pauureté. Conuertissez-le, Seigneur, à vous, & domptez aussi tellement le gros cœur du R. de N. qu'il apprenne à n'abuser point de vostre Sainct Nom, & se couvrir à tort de vostre honneur & seruice, duquel il ne pourroit monstrier aucune charge n'y vocation: qu'il cesse de viure & s'enyrer du sang François, tant des Catholiques, que ceux de son party.

Mais comparons, ie vous prie, la condition de nos Huguenots, & de l'Edict du Roy à la miserable seruitude des pauvres Catholiques de vostre pays d'Angleterre, & aux Edicts cruels de vostre Elisabet, que ie ne die Iesabel, & voyons qui a plus d'occasion de se plaindre.

Le Roy chasse hors le Royaume les Ministres dans vn mois avec permission de pouuoir emporter & iouir de tous leurs deniers & biens tât meubles qu'immeubles.

Vostre Royne chasse hors des terres de son obeissance, dās 40. iours de la datte de son Edict, avec la perte de tous leurs biens, tous les Prestres, Religieux, Diacres, & autres persōnes Ecclesiastiques, de quelque ordre, & qualité qu'ils soient. S'ils sont malades, & que sans euident peril, ils n'y puissent satisfaire, seront tenuz le signifier, & en asseurer par serment l'Euesque & deux officiers de la Iustice: lesquels leur pourront permettre d'y demeurer sous bōne caution iusques à cent liures Angloises pour le moins, à la char-

*Comparaisō  
de l'Edict  
du Roy de  
France a-  
uec l'Edict  
de la Roy-  
ne d'An-  
glaterre.  
Ordonnā-  
ce de la  
Royne  
d'Angle-  
terre.*

ge d'estre obeissans à la Royne, & se comporter en paix, moyennant que le terme n'excede six mois.

Leur defend d'y pouuoir retourner, sur peine d'estre atteincts du crime de leze Maieité, & mis à mort suiuant les rigueurs & loix dudit crime. Ordonne d'auantage, que quiconque soit, parent ou autres, qui les recepuera, recelera, ou aidera en façon quelconque dans ces termes, qu'il sera condamné de felonnie, & puny de mesme supplice que les criminels & conuaincus de larcin ou de meurtre.

Et quiconque (soit pere, fils, mary, femme, ou autre, voire mesmes Prince, ou Pair du Royaume) les aidera hors lesdites terres de sa domination d'aucuns deniers, soit par forme d'aumosne, ou autrement, & qui tiendra la main qu'ils recoiuent aucun secours, soit par lettre de change, ou autre voye & artifice, sera infame, & perdra tous ses biens, tant meubles que immeubles, & sera mis en perpetuelle prison.

Enioinct à tous & chacuns, qui sçauront qu'il y aye en ses terres aucune personne Ecclesiastique, d'en aduertir le Magistrat dans 12. iours, & à faute de ce, qu'ils seront emprisonnez, & condamnez en grosses amendes, desquelles la Royne retient la cognoissance à soy.

Le Roy veut que ceux de la nouuelle opinion fassent Profession de la Foy, qu'ils ont promis en leur Baptesine, ou qu'ils vident apres six mois, retirant la commodité & iouissance de leurs biens; & avec liberté d'aller en quelque pays estrange, quel qu'il soit, pour viure à leur guise & mode,



avec liberté d'exercer leur Religion.

Vostre Royne, veut que aucun de ses subiects ne puisse viure en ses terres, qui n'aye faict deuant l'Euesque & deux Officiers de la Iustice les sermens, professions, & submisions porrez par l'Edict faict à son aduenement à la Couronne, contenant l'abiuration de la Religion Cathol. Apost. & Rom. (en laquelle la Royne & la plus part d'eux ont esté baptisez, & promis la Foy Catholique à Dieu) & profession de viure selon la Religio reformee, & de recognoistre la Royne le chef de l'Eglise: & obeir à ses ordonnances faictes & à faire sur le faict de la Religion, sur peine de priuation de tous leurs biens, & de prisons perpetuelles, & tous ceux qui les aideront, de quelque qualité qu'ils soient, soit Prince ou Pair du Royaume, d'argent, ou autres moyens, soit dedans ou dehors le Royaume punis comme dessus.

*Ordonnance de la Royne d'Angleterre contre les Catholiques, qui ne sont Ecclesiastiques.*

Defend à tous ses subiects de ne pouuoir sortir ne enuoyer leurs enfans ou seruiteurs hors les terres de son obeissance, sans speciale licence à ces fins signee de sa Maiesté, ou de la main de quatre Conseillers de son Conseil priué, sauf aux mariniers pour passer seulement, & aux marchans qui trafiquer en terre ferme, sur peine de cent libres de leur monnoye pour chacune contrauention.

Cōmande que rous ceux qui sont aux pays estrangers n'y puissent aller à la Messe, ou faire aucun exercice de leur Religion, ains ayér à rerourner pour abiurer la Religio. Catho. sur peine d'estre conuaincuz du crime de leze Maiesté, & punis

comme tels.

Le Roy veut que celuy qui aura abiuré son heresie, iouisse de mesme liberté que ses autres subiets. Vostre Royne veut & ordonne, que celuy, qui aura abiuré, ne puisse s'aprocher du lieu, ou sera sa personne de dix mil par l'espace de dix ans, sans expresse licēce de sa maiestē signee de sa propre main, sur peine d'estre priuē de l'effect de sa submillion & abiuration, & partant d'estre condamné à mort, & à la perte de tous ses biens. Veut que s'il faut dehāter leurs Eglises, il paye 66. escus pour chacun moys, qu'il aura faully.

O Royaume de Iesus Christ! ô Royaume de Sathan! ô Ed. & de Paix! ô Edict de trouble: ô ordonnance de reünion! ô ordonnāce de schisme! ô Loy Chrestienne! ô loy Scithique! ô humanité Francoise! ô cruauté Angloise! ô clemence vrayement Royale! ô seuerité vrayement Gothique! ô dōueur Catholique! ô raige Heretique! ô liberté euāgelique! ô seruitude Heretique! ô prouidēce royale! ô police tyrannique! ô charité Chrestienne, qui vise au bien d'autruy! ô faulce charité, qui ne cerchez que la substance d'autruy! ô amour de vray pasteur, ô traictement de vray larron & mercenaire: ô discipline Ecclesiastique, ô inquisition Angloise, pire sans comparaison que l'Espagnolle! ô patience Apostolique! ô rebelliō & fureur Huguenotique.

Peut on penser, imaginer, ou se forger rien si déplorable, que l'estat d'un Catholique Anglois. Car s'il en veut sortir, il est retenu, s'il en eschappe tous ses biens sōt cōfiscuēs & sa memoire dānce, s'il veut viure à foy & en sa maison, il ne luy est pas permis.

Il faut qu'il choisist ou d'aller en prison, ou d'aller au Presche. S'il oyt la Messe en cachettes, s'il se cōfesse à vn Prestre, voire hors le pais de sō obeissance, c'est crime de leze majesté, s'il parle, s'il cognoit ou à veu vn homme d'Eglise, fut-ce son fils, son frere, où autre parent, & ne l'a trahy, & decele, il faut, que du coing de l'Angleterre il soit admené à la Roynne, & puny à sa discretion: s'il le reçoit en sa maison, ou luy faict quelque ausmone dedans ou dehors le Royaume, il est mené au supplice: s'il abiure la foy de Iesus Christ, & faict les submissiōs en ce cas requises, & que la Roynne aille par son Royaume, & vers sa maison, il faut qu'il là quicte, & s'en retire dix mil loing durant dix ans ( celuy la merite bien de perdre la vie, qui a perdu son ame ) & de plus il demeure incapable de tous offices & charge durant dix ans.

Finalemēt y a-il rien de plus Barbare, ny Turquesque, & toutesfois ridicule, qu'il faut que le Catholique iure & promette d'obeir aux ordōnāces de sa Majesté tant faictes qu'à faire sur le faict de la Religio. Car par là ils monstrēt, que la Religio d'Angleterre n'est pas biē encore acheuee & posée au point, qu'ils pretendēt, & outre qu'ils s'obligēt de changer de religion toutes les fois, qu'il plaira à la Roynne où à ses successeurs de la chāger, cōme desia vostre Angleterre chose inouye & infame, à chāgé de Religio en moins de 30. ans quatre fois. Ce qui est si impertinēt, impie, & absurde, que chose qu'on scauroit pēser. Et neātmoins il n'y a riē si certain & ordinaire en toutes les sectes que l'incertitude, l'incōstāce & variatiō en leurs opiniōs tes-

moins ce que auoit coustume de dire George Duc de Saxe, Qu'il sçauoit biẽ ce que croioyẽt les Eũgeliques & Lutheriẽs en ceste annee: mais qu'il ne pouuoit sçauoir ce qu'ils croyroient l'annee apres. Tesmoing aussi les assẽbles & conferences si frequẽtes des Lutheriens & Caluinistes, & mesmes celle qu'ils disent auoir estẽe recerchẽe n'aguieres par Segur du R. de N. pour rabiller de nouueau leur foy & doctrine & l'accommoder ensemble.

O François heureux, ô Anglois miserable: ô Royaume benoit, qui es commandẽ par vn Roy Catholique, ô Royaume maudit, qui es commandẽ par vn Heretique: ô benitz de Dieu ceux qui peuent cognoistre leur heur, ô mauditz du diable ceux qui tournent leur heur en malheur, ô sages, qui font leur profit des perils & aux despens de leurs voisins, ô stupides, qui ne les apprehendent: ô prudens, qui les preuenient, ô sots qui en sont accables: ô trois & quatre fois heureux les Catholiques François, s'ils sçauẽt recognoistre & remercier la bontẽ de Dieu en ce, que par les peines & chastiemens de leurs voisins il les aduertist de ce qu'ils doiuent craindre & faire, pour preuenir & euitier semblable malheur, & avec qu'elle diligẽce & Roys & subiects doiuent s'armer de preseruatif contre la peste de l'heresie qui est si dommageable & pernicieuse. O trois & quatre fois malheureux les François, qui ne sçauent recognoistre & remercier Dieu de la grace, qu'il leur faict d'auoir vn Roy si tres-Christien, deuot Catholique & debonnaire. Combien ils sont tenus, & doiuent estre soigneux de luy obeir & complaire, & de prier Dieu pour sa prosperitẽ, tres-longue vie, & heureuse

heureuse lignee! O si voz paaures Cath. Anglois, qui pleurent & gemissent tous les iours soubz la tyrannie de ceste lesabel, & qui sont si fort bourrelez & tourmentez, & en leurs consciēces, & en leurs biens, pouuoient iouyr de ceste felicité, cōbien en deuiendroient-ils meilleurs, que nous ne sommes! Ne baiferoient-ils pas la terre, ou le Roy marcheroit? Quels vœuz, quels souhairs, quelles prieres & supplications ne feroient ils pour luy? O bon Dieu, s'ils auoient le moyen que nous auons, de se preseruer de tel mal-heur, que n'y emploieroient-ils, veu que nous voyons qu'a grandes troupes ils ne doutent point se precipiter en tous les plus cruels tourmens du monde, pour tacher d'obtenir la liberté de leurs consciences, & l'vsage de leur Religion.

Nous auons bien voulu représenter la captiuité des Catholiques, soubz l'heresie Caluinienne, par l'exemple de vostre pays d'Angleterre, non qu'ils reçoient en Bearn meilleur traictement: mais par ce que les Edits de vostre Royne sont plus publiez & congneuz d'un chacun, que ceux de la feu R. de N. & de son fils en son pays par lesquels, outre toutes les precedentes peines, est porté és articles 1. 2. 3. & 8. que chacun, de quelque estat, sexe, & condition qu'il soit, fera la profession de Foy selon la forme prescrite & dressée par la feuë Royne: Que quiconque n'obeyra aux remonstrances & censures des Consistoires, Colloques & Synodes, qu'il soit viuement poursuiuy par les Magistrats, & bāny pour trois ans, sans qu'il y puisse iamais r'entrer qu'il n'aye premie rement satisfait à l'Eglise, au iuge-

*Ordonnāce  
de la Roy-  
de de N. cō-  
tre les Ca-  
tholiques  
Biarnoiz.*

mét du Synode national pour la faute par luy cō-  
mise: Que tous ceux qui ne se trouuerōt en cha-  
cun des assemblées de l'Eglise pour estre instruits,  
seront condamnés pour la premiere fois, l'ils sont  
pauvres, à cinq sols d'amende & les riches à dix: &  
pour la seconde, à cent sols d'amende les pauvres,  
& les riches à dix liures, & pour la troisieme fois à  
prison pour le réps qu'il sera aduisé par les Magi-  
strats, ou à plus grāde peine, s'il apparoist d'obsti-  
natiō: Que celui qui aura laissé passer le terme de  
vne Cene sans y participer, qu'il soit banný pour  
demy an par les Iuges & Officiers.

Mais pour ne sortir si tost de la consideratiō de  
l'excessiue & insupportable seruitude des Catho-  
liques souz l'Herésie, & singulieremēt souz celle  
de Caluin en Angleterre, Bearn, & autres lieux de  
la Frāce, combien qu'elle ne s'accorde pas de tous  
points à elle mesme en tons ces lieux, si cē n'est en  
la persecucion contre les Catholiques.

Il n'y a Roy, ne Nation si barbare, en laquelle  
les Catholiques, par vne speciale faueur, priuile-  
ge, & prerogatiue de Dieu, qui en ce & par eux se  
veut faire recognoistre leur bon Pere, & Seigneur  
de toutes nations, n'ayent eu, & n'ayent encor li-  
berté d'auoir des Eglises, & de seruir à Dieu selon  
les loix & formes de leur religion. Mais n'est ce  
pas chose deplorable, qu'en Angleterre, Bearn,  
& ailleurs, où ceste paillardie d'herésie Calvinique  
est maistresse, il est denié à la femme legitime de  
s'approcher de son espoux, & n'est permis aux Ca-  
tholiques de pouoir auoir n seul lieu, auquel ils  
se puissent assembler, pour vaquer au seruice de  
Dieu, conformément à la parole de Dieu, receuē

*Les Calui-  
nistes & les  
réduits mar-  
tres tran-  
sés piremēt  
les Catholi-  
ques que les  
Turcs &  
Idolâtres.*

de tous, en tous temps, & en tous lieux, & selon  
l'vſance des Princes & peuples Chreſtiens, eſpail-  
lus par tout le monde, eux qui ont cy deuât poſ-  
ſedé & tenu le tout, & qui ont baſty pour eux &  
pour leurs ſucceſſeurs, non au ſang ſeulement, mais  
en meſme Foy, tant de beaux hoſpiraux, Temples,  
Egliſes, & maiſons.

N'eſt-ce pas choſe digne de pleurs & de cōpaſ-  
ſion, que puis que les Iuiſ, les Turcs, & Payens ne  
peuent eſtre cōtraincts & forcez ny par droit di-  
uin ou naturel, ny par le droit de gens, de renon-  
cer leur religion, & d'en receuoir vn autre, de la-  
quelle ny eux ny leurs peres n'ōt fait aucune pro-  
meſſe & profeſſion, que les ſeuls Catholiques, cō-  
tre tout droit diuin & humain, voire cōtre la do-  
ctrine des Proteſtans & Lutheriens d'Allemagne,  
ſoient non ſeulement priuez & ſpoliez des choſes  
qui leur appartiennent, comme à Chreſtiens &  
Catholiques, mais auſſi qu'ils ſoient contraincts  
par pluſieurs voyes de rigueur & de violence, de  
receuoir les ceremonies, les formes, & la religiō,  
laquelle il eſt certain que ny eux, ny leurs peres,  
ny leurs anceſtres n'ont iamais receu, moins ap-  
prouuē ou autorisé: ains au contraire tous enſem-  
ble l'ont combattue, y ont renoncee & abiuree  
des leur Baptême par paroles expreſſes & claires,  
promettans à Dieu & à ſon Eglise de croire & ſe  
maintenir pour touſiours en la Foy & culte de  
l'Eglise Catholique, de laquelle eſtoit miniſtre &  
officier celuy qui les a baptizez, & lequel a ſtipulé  
d'eux ceſte creance de ſa part, & l'abiuratiō qu'ils  
ont faiēt au diable, & à toute ſecte & opiniō à ce  
contraire.

*Le ſeul Ca-  
tholique  
forcé en ſa  
religion.*



*Les Catho-  
liques ont  
exercice li-  
bre de leur  
religion en  
sous les  
lieux qui ne  
sont com-  
midez par  
les Caloi-  
nistes.*

N'est-ce pas chose intolerable à tous autres Catholiques Anglois & François, que iettés les yeux aux estats, Republiques, villes, & nations estrangeres, où les Heretiques ont bonne part, côme en Allemagne, Suede, Poloigne, Boheme, aux Suisses, & autres, nous ne voyons que parmy tant de sectes & changemés de Religion, le Catholique, qui estoit premier le maistre du pays, aye esté iamais contraint d'abiurer sa Foy, & faire professiō d'une autre: ains au contraire, qu'il n'aye, si ce n'est en ceste-cy, ou en celle-là, pour le moins en quelque autre Paroisse, ou ville voisine moié de iouyr librement de l'exercice de sa Religion? Et cela nō seulement en ces pays de la Chrestienté, mais biē encores en toutes les Prouinces & lieux subiects au Turc, au Persien, au Scythe, & au plus barbare Prince, Roy & Empereur du môde, ie dis mesme anciennement sous les Empereurs de l'heresie Arriēne, tesmoing ce que nous lisons en l'histoire Ecclesiastique de Constantius & Valens: Et il ne nous est pas permis, soit en Angleterre, Bearn, & és villes ou lieux occupez en Frâce par le R. de N. d'auoir aucū exercice public, ne priué en nos maisons, ny hors leur domination, non pas mesmes dans les prisons en secret, combien que les plus grands persecuteurs des Chrestiens l'ayent bien permis à nos anciens Peres les Apostres, Martyrs & Confesseurs, ainsi que les liures de saint Cyprien, saint Athanase, & autres nous font foy.

Et neantmoins avec toutes les vexations & oppressiōs, qui est le Catholique des terres de Bearn, ou d'Angleterre, qui ait iamais appellé son Prince Tyran, (combien qu'il le puisse iustement) côme



nos Heretiques font le Roy à l'occasion de son Edit de la Revniō? Qui est le Catholique d'entre eux, qui ait iamais pensé à vne millrade d'iniures, calōnies & mesdisances, dont les Huguenots ont chargé nostre bon Roy, ses freres & mere, & les Princes? Oū sōt les liures diffamatoires qu'ils ont escrit & publié contre le respect & reuerēce, que naturellement ils doiuent à leur Roy & Roynes, & aux Princes? non toutesfois au R. de N. & Prince de Cōdē. Car ils en sont nō seulemēt deschargez de droit diuin & canonique, & par les Bulles des Papes, mais il leur est defēdu & interdiēt à peine d'excommunicatiō, & enioinēt de les tenir comme gēs excommuniez & declarez membres de Sathan, ennemis de Dieu & de son peuple, & priuez de toute authorité & dominatiō, qui nous seruira en passant de responce, s'ils trouuēt estrange, que nous soyons cōtraincts de parler icy d'eux avec si peu d'honneur. Par ce qu'estans Catholiques, & recognoissans l'ordre estably de Dieu en l'Eglise (en laquelle sa Saincteté tient lieu de chef externe & visible, & de iuge competant de semblables matieres, & qu'il les a declarez heretiques priuez de leurs grades & prerogatiues, & du serment de fidelité de leurs subiects) nous ne pouuons, selon nos consciēces, apres ces declaratiōs, que les detester, les tenir pour personnes priuees, & pour Anatheme, à l'exēple de Iesus Christ, qui ne doutoit point d'appeller le Roy Herodes Renard, & des anciens Chrestiens contre leurs Seigneurs heretiques.

Le R. de N. fait bien tout ce qu'il peut & par paroles & par escrit pour penser faire acroire au

*Les Hugue  
nots inu-  
riēt le Roy.  
Le Roy de  
Navarre  
& Prince  
de Cōdē ex  
communiez  
avec leurs  
adherans.*

*Ce que le  
R. de N. en  
iâd quand  
il dit n'en  
vouloir que  
à ceux de la  
Ligue.*

monde qu'il n'en veut que a ceux de la maison de  
Guyse, & autres, qui ont esté, dit-il, de la Ligue,  
mais qu'il est bon & assuré amy des autres Catho-  
liques. Toutesfois il ne trouue pas beaucoup de  
gens, qui ne l'entendent. Car desia l'on est accou-  
stumé & appris, que selon les termes de son Cal-  
lepin & iargon ordinaire d'entr'eux, parlant des  
Guyzards, ils entendent parler du Roy & de la  
maison de Vallois, & souz le nom de ceux de la Li-  
gue des Catholiques bons seruiteurs du Roy &  
amateurs de Dieu plus que de toute autre chose,  
& lesquels ont du sens & du cœur pour ne se vou-  
loir laisser tromper. Et ce qui verifie tres-bié ceste  
interpretatiō, c'est qu'on ne voit point aucun des  
autres Catholiques mieus traicte qu'es guerres  
passees; ains toutes extorsions, cruautez & pilleries  
redoublées sur eux: & que l'on sçait bien aussi de  
ailleurs comme dès le commencement de ces re-  
mouuemens ils fauorisent & recherchent l'amitié de  
tous ceux de la Ligue; & eux mesme publiēt qu'ils  
sont maintenant apres a s'accommoder avec les  
Sieurs de Guyse. Si leur intēion est, que ce soit au  
preiudice de la personne du Roy, des Seigneurs  
principaux, & de l'estat, nous nous en remettons à  
ce que sa Majesté en pense: mais nous nous assu-  
rons bien qu'ils ne gagnerōt rien enuers les Prin-  
ces, pour ce regard. Toutesfois, cela sert pour cō-  
uaincre leur imposture en ce, qu'ils chargent en  
leur Apologie ceux de Guyse d'auoir voulu prati-  
quer les Eglises, pour estre chefs de ceux de la re-  
ligion pretendue, chose esloignée de toute appa-  
rence de verité, & qu'ils sçauent bien en leur con-  
science estre tout au contraire.

Il faiet grand cas par la Declaratiõ du bon traictement qu'il dit que ceux d'Agen, tant Catholiques que du Clergé y ont receu durant la residẽce en icelles: mais il eust mieux valu pour son honneur n'en parler du tout point. Car à ce que nous ont rapporté les mesmes sieurs qu'il appelle à tesmoins, il n'a pas tenu à luy ne aux cõmandemẽs qu'il en a fait souuent, que les Eglises ne soient al- lées à bas, & que le seruice diuin n'y ait esté du tout supprimé: mais on le doit imputer à l'authorité de monsieur de Montpensier, qui les recõmanda avec le Prescheur, si chaudement au gouverneur & au R. de N. & aussi à la continuelle instance, que le feu Sieur de Foix député par le Roy vers luy en fist souuent de iour & de nuict, pour empescher l'execution, quãt il voyoit qu'on vouloit commẽcer a y mettre la main. Et si neãtmoins deslors que ledit sieur R. de N. s'insinua dans ladite ville, pour l'occuper, qui fut en temps de paix sous couleor d'y venir iouër au tripot, il auoit promis le matin avec grands & horribles sermens adiurant sa principauté & son Baptesine aux Officiers & Iurats, qu'il n'y innoueroit aucunes choses moins y mettroit-il garnison. Toutesfois voila l'apres-disnee quatre compagnies de gẽs de pied qui entrent à la file: lesquelles furent bien tost apres redoublees. Je veux bien taire, ce que vous si- gnifiez par vostre Aduertissement, combié d'honnestes familles il réplist de deshonneurs, & cõme tous les habitans furent rançonnez d'aussi grands emprunts nõ restituables, que s'ils fussent esté de bõne conqueste: le Couuent des Iacobins ruyné, sauf ce qu'il reserua pour citadelle: les Eglises pil-

*Comportement du R. de N. envers ceux d'Agen.*

*Infidélité & perfidie du R. de N.*

lees: tous les Catholiques iettez, bannis, & chasséz,  
la Damoiselle qu'il rauist ceste nuit du bal dressé  
par Madame la Princesse, auquel aduint l'extin-  
ction des châdelles & flambeaux, dont vous par-  
lez, morte de regret

Il veut prouuer sa future douceur enuers les  
Catholiques, & qu'il n'a garde de les troubler en  
leurs biens, & moins au fait de leur coniciée &  
Religion, de ce qu'il n'a rien fait pis cõtre la Re-  
ligion Catholique en Nauarre, que sa mere. Elle  
fut tout son possible, pour l'y abolir. Et de sa part  
il n'y a rié oublié. Mais & l'un & l'autre y a trouué  
vn Sieur de Luxe, & vne noblesse si forte, & tout  
le peuple si Catholique, si ennemy de chagemér,  
& si interressé avec le cõmerce de l'Espagnol, qu'o  
nous assure, que ces deux Ministres, qu'il dict y  
estre, n'ont pas ensemble 40. auditeurs: tellement  
que l'impuissance, & la crainte d'y deuenir Roy  
des cheures ou des vaches, ou bien d'en estre du  
tout despouillé par son voisin, cõme il en est long  
temps a de la principale partie de ce Roiaume, est  
la vraye cause de ceste douceur, ou pour mieux di-  
re de la conseruation de la Religion Catholique  
en ce pays là.

De couuoir ou reietter le fait de l'abolitiõ de la  
Religion Catholique en Bearn, sur sa mere, laquel-  
le en assemblee generale des Estats y establit la re-  
ligion pretendue, sans que pource il sen en suiui-  
plainte ausdits estats: Qu'il y auroit enuoie apres  
la S. Barthelemy le sieur de Mieussent exprez pour  
y remettre la Catholique, mais que ses Estats se se-  
roient resolus au contraire, nous laissons à iuger à  
vn chacun, cõbien ce fait est pertinent, quãd bien

*Le R. de N.  
à sa sibi d'  
sur la Reli-  
giõ Catho-  
lique en  
Nauarre.*

*Excuse im-  
pertinente  
du R. de N.  
sur ce qu'il  
a fait en  
Bearn cõ-  
tre la Reli-  
gion Catho-  
lique.*

il seroit veritable: Et toutesfois personne ne s'est  
 osé plaindre: donc c'est chose irreuocable: Les he-  
 retiques (qui seuls assistēt & sōt receuz aux estats)  
 n'y ont voulu cōsentir: doncquē les Catholiques  
 n'ont point occasion de se plaindre du R. de N.  
 Car qui ne veoit, que cela seul dōne plus de moyē  
 & de iuste argument de remarquer sa dissimulatiō  
 & hayne intestine contre la Catholique, de faire  
 semblāt de la vouloir fauoriser, & toutesfois s'ar-  
 rester tout à coup sut l'exécution & au bon du  
 faiēt, sans y vouloir apporter l'autorité & le re-  
 mede requis, & qui est en sa main, & lequel il scait  
 tres-biē trouuer & practiquer pour installer l'he-  
 resie en France en despit des Catholiques & du  
 Roy. Nous serions trop longs & ennuyeux si nous  
 voulions représenter le progres, les ruses & cruau-  
 tez, dont sa feu mere vſa, pour en chasser le diuin  
 seruice & la religion Catholique, selon que nous  
 auons aprins par actes authentiques & par gens  
 qui sōt allez fraischement exprez sur les lieux, pour  
 nous en instruire. Il y faudroit vn gros liure sur  
 ce. Peut'estre que ce sera quelque fois. Nous dirōs  
 seulement, comme depuis l'an 1561. que sa mere se  
 donna à ceste heresie, iusques en l'an 1569. elle a  
 faiēt plusieurs ordonnances dattees de Pau, de la  
 Rochelle, de S. Mésât, de Paris & d'ailleurs, pour  
 installer ses predicants en sappant & desarçonnāt  
 peu a peu les Ecclesiastiques, toutesfois c'estoit  
 sans les chasser entierement, mais tendant à ce,  
 qu'ils vſassēt des tēples & reuenus Ecclesiastiques  
 esgalement & en bons freres & amis. Que les vns  
 apres les autres feroient à certaines heures leur  
 exercice dans les Temples: puis apres fut ordōné

qu'aduenât la mort des ecclesiastiques, il ne seroit point pourueu à leur place, mais le reuenu du benefice saisi pour estre employé à la nourriture des Ministres & des pauures. Or il n'a esté iamais, que les Eueques d'Oleron, voire celuy de Lescar, avec les Abbez, Chapitres, Prieurez, Archiprestres, & autres du Clerge, conioinctement avec les Barons & autres de la Noblesse, & le Seindic du pays appelé de Prato, ne l'y soient opposez sur la publication & execution, fort vertueusement, & tant que la violence leur à peu donner de liberté.

*Massacre  
des catho-  
liques en  
Bearn.*

Aduenant l'an 1569. que Montgômeryeust fait à sang froid par commandemēt, comme il disoit, de ladite Dame, la panderie & le carnage des Catholiques, que chacun sçait, de tous estats, & singulierement de la Noblesse, & qu'il eust donné par ses cruauitez la fuitte à tous les Chrestiens bōs Catholiques, elle installa (bien que contre les formes ordinaires) des nouueaux Officiers, qui estoient de la pretenduë religion, tout par tout, tāt au Parlement qu'au Senechal, & es villes & communautez. Tellemēt que cest ordre tenant par la conduire de ce cruant & cruel Baron d'Arros, que elle y meit pour son Lieutenant general, iusques à ce qu'elle fut reuenue de la Rochelle, qui fust en l'an 1571. elle fist assembler tous ses Estats, qu'ils appellēt generaux, apres la tenuë desquels elle publica ses Ordonnāces en date du 26. Nouëb. 1571. sur le reſtablishement entier du Roiaume de Iesus Christ, en son pays ſouuerain de Bearn (c'est leur tiltre) ou elle dit, que c'est à la requeste desdits Estats: & toutefois le R. de N. ſemble auoir plus de conſcience en ce fait, diſant qu'elle les feiſt en



assemblée generale des Estats. Il n'ose pas dire à leur requelte, mais seulement souz leur plaincte, & nous croyons qu'il a troussé son propos de ceste façon ambiguë, par ce qu'il sçait bien que les Catholiques n'ont pas oublié la memoire de l'insulte poursuite, que plusieurs Gentilshommes & singulierement le Scindie general de ce pays, nommé Leugie, a faict en Court deslors & depuis long temps apres enuers le feu Roy, comme le vray & naturel Seigneur de leur pays, & le protecteur de la Chrestienté, pour se plaindre & protester contre telles Ordonnances, comme estans formellement contre la volonté du pays, & establies par force & voye de faict.

C'est par ces Ordonnances & de ce iour là, que la religion Catholique a esté entièrement abolie en Bearn par Loy publique. Or en ces Estats derniers il n'y auoit aucun du Clergé, qu'un pauvre Idiot l'Abbé du Luc, heretique neantmoins, que ils y feirent entrer pour consentir pour tout le Clergé, de l'Estat de la Noblesse, qui est composée de dix Barons, quatre Ruf-barons, & de plusieurs autres Gentilshommes, qui y doibuent assister suivant les anciens roolles, il n'en y auoit en tout, que neuf, le reste estoient Consuls & Jurats, tous heretiques deputez de leurs compagnons, y presidant le Baron d'Arros. Je vous prie quelle forme d'Estats generaux voila, & s'il y a apparence quelconque que leur consentement, quand il y en auroit aucun, puisse ou doibue preiudicier à l'Eglise Catholique, ny aux Catholiques Biernois, soit Ecclesiastiques ou autres, ny à l'Estat general de ce pays là? Que c'est, pour parler pro-

prement, la seule auctorité, violence, & ruse de la Roine sa mere, qui doit estre appellee en ce cas, assemblee generale des Estats.

Vostre Roine d'Angleterre fait vn grand bouclier de semblable raison prinse pour l'abolitiõ de la religiõ Catholique, de l'autorité d'vne assemblee generale de ses Estats, que vous appelez Parlement, mais encores en celle-là, les Archeuesques, Euesques, & les deputez du Clergé y furent appelez, & s'y trouuerēt: Et vos hystoires tesmoignent, comme ils s'y opposerent fort genereusement à ce, qui y feust conclud à la pluralité de voix cõcertee & pratiquee par vostre Royne. Et encor pour le iourd'huy les Ministres & les Euesques de l'heresie y tiennent la place des Ecclesiastiques: mais en Bearn ce sont des Estats tronques, n'y ayāt aucun de l'Eglise, soit Catholique soit pretenduë.

Et de mettre en auant, que depuis lesdites Ordonnances de sa mere il ne s'y est comparu personne, qui aye requis le reſtabliſſement de la Religion Catholique, ains que les Estats assemblez n'ont voulu executer ses commandements faicts sur ce, pour estre le peuple mutin, & le nombre des Catholiques petit. Il nous pardonnera, s'il luy plaist, si nous luy osons dire que ce ſõt toutes ſuppoſitions, ſauf la correction. Car il ne s'y est point parlè, moins y a-il eu contradiction, que de ſes ſeuls officiers de son Parlement, qui estans tous factieux heretiques, ne voulurent publier le premier Edict, qu'il auoit enuoiè par le Sieur de Gramont, ny l'autre qu'il dict y auoir enuoiè par le Sieur de Micussent. Et quant au nombre des Catholiques, la verité est, qu'il y en a cent pour vn

*Le Clergé  
d'Angle-  
terre s'est  
opposé à la  
bolition de  
la Relig.  
Cathol.*

*Ils estoient  
aussi aduer-  
tu ſoubz  
main de s'y  
opposer.*



Huguenot: Et de dire qu'il leur a offert de remettre ladite Religion, son pauvre Musnier, qui fut deferé à Pau par le Secretaire du Pin, & lequel depuis a esté si fort tormeté, pour auoir ouy la Messe de la Royne de Nauarre, du derriere la porte, pourroit porter bon tesmoignage du contraire. Tous ces dites aussi ne sont qu'inuentions mensongeres, & artifices controuuez à plaisir.

Mais quand tout cela seroit vray, qu'est-ce qu'il y a, qui puisse seruir de iuste cause d'empeschement si il auoit volenté fixe & ferme de donner contentement & repos aux consciences des Catholiques? Y en a-il si peu en Bearn, que d'heretiques en Nauarre? Ne leur peut-il pas laisser ou assigner avec effect, vn ou deux lieux, où ils puissent faire le diuin seruice, comme il faict aux autres, si il n'estoit contraire & ennemy de leur Religion? La prescription des ordonnances de sa mere, qui n'est que de neuf mois auant la S. Barthelemy de l'an 1572. est elle si considerable? Le respect qu'il feinct porter en ce cas à sa memoire & à ses loix, l'ont ils empesché de les moderer pour le fait de la Religion, ayant tollu, comme il dit, les amendes contre les Catholiq. n'allans point aux assemblees? Mais qui est bié important, a il craint de les frauder en la plus part de ses autres articles, singulierement en ce, qui concerne la perceptiõ, maniemient, & distribution du reuenu des Ecclesiastiques? Elle auoit ordonné, qu'il seroit administré & leué par le conseil Ecclesiastique, & vn Thresorier ou Diacre general, qui seroient esleuz & deputez, chacun an par l'Eglise au Synode national, applicable à l'entretienement des Mini-

*Le R. de N.  
n'a voulu  
remettre la  
religiõ Ca-  
tholique en  
Bearn.*

*Quel re-  
spect porte  
le n. de N.  
à sa mere.*

stres de 300.liures de pension pour les matiez, & de 260.pour les autres,& le testé emploie pour les pauures tant honteux mandians,qu' escoliers. Et de ce seul point il en a cassé deldites Ordônances vinge & vn article de 77. qu'il y en a en tout. Au côtraire & preiudice desquels il s'est fait desdits biens,& iceux vnis à son domaine,en ayant priué l'Eglise & du droit de propriété,& de l'vsufruct,& despouillé entierement les Synodes, Ministres & Diares de cest authorité, cognoissance,& dispensation. Il obserue tres-bien la volonté de sa mere en ce,qui fait contre les Catholiques,pour les laisser exiliez ou priuez de l'vsage de leur religion,parce que c'est chose qu'il n'a pas moins au cœur,& qu'il ne leur porte pas moindre haine & inimitié:mais en ce qui côcerne sa propre religio, & la discipline de leur pretendue Eglise, pour la nourriture des pauures & de ses Ministres, il oublie toute reuerence & respect enuers elle.

*Iusques à  
quoy se sert  
le Roy de  
N. des Ca-  
tholiques.*

C'est la charge expresse, qui par effect l'õ re cognoist qu'il auoit baillé audit sieurs de Mieussent. Car il ne s'en est pas si tost seruy en cela l'an 1575. qu'il luy a osté biẽ tost apres ceste charge de Lieutenant,pour la bailler à vn Huguenor, qui la tient pour le iourd'huy.En quoy la ruynen'est pas petite,ny à mespriser,pour entendre à quelle fin il se sert des Catholiques,& iusques à quoy il reuere sa mere. Il veut induire les ministres à lascher prise & à laisser à l'amiable la iouissance & manie- ment des bieu Ecclesiastiques à ses Receueurs & Officiers. Il enuoie à ces fins apres que le Sieur de gramõte eut esté si miserablemẽt & proditoiremẽt traité,cõme chacun sçait, par son cõmãdement,

vn Lieutenant general Catholique ( à la charge toutesfois de ne faire aucun acte de la religiō dās le pays, & de mettre sa cōsciēce en sequestre pour quelque temps & iusques à l'euenement de son dessein,) pour mettre par là, la peur dās le vêtre de ces pauures gens d'estre perdus, & à la veille de se veoir bannis & chassēz par le reſtablissement des Catholiques: Et cependant il leur fait remonſtrer d'autre part, que l'vnion des biens Ecclesiastiques à son domaine est leur sauue-garde, & vne asſeurance perpetuelle pour ne veoir iamais les benefi- ciers remis en Bearn: d'autant qu'il ne pourroit estre mieux engaigē & acharné contr'eux & la reli- giō Catholique, que s'il estoit vne fois intereſſē en leur despoille, & qu'il sentit de la perte & di- minution de son reuenu par leur reſtitution. C'est la cause trappe avec laq̃ile ces pauures Ministres, *Ministres de Bearn* qui trompēt tout le monde, ont esté trompez eux *trōpez par le Roy de Nauarre.* mēmes ayant miserablement trahy, vendu, & liurē l'Eglise, le bien dēs pauures, & le domaine de le- sus Christ. Ils ne sont pas à ſen repentir: leurs es- crits en font foy, & les plainctes qu'ils font tous les iours de la peine & despencē qu'il leur con- uient faire toutes les fois, qu'il faut estre payez de leurs pensions, les fraiz de la poursuite leur reue- nant bien souuent, disent-ils, plus que le tout ne vaut, outre que les indignitez que les Thresoriers & receueurs leur font endurer à la poursuite & sollicitatiō. Que cependāt ils voyent que ces biēs, qui sont destinez pour les vrais pauures & le ser- uice de la Religion, sont employez à la soulde de la garnison des Nauarreins & à ie ne ſçay quōy de pis, qui est mieux teu qu'escrit: mais que de la nor-

riture des pauvres, il ne s'en parle plus, qu'autant que chacun y veut donner du sien volontairement & par aumosne: encores disent ils que de six mille liures, qui restoient emploiez pour l'entretienement de 30. pauvres escoliers orphelins dans le College d'Orthez, & de 30. autres, qui alloient parmy les vniuersitez à 100. liures de pension par an, que l'on a entierement supprimé cest article n'a gueres, & qu'on a deduit à chacun Ministre sur sa pension 50. liures par forme de decime, subuentio ou autrement, & le tout souz pretexte de la leuee des Reistres contre la France.

*Sacrilege  
du Roy de  
Navarre.*

Il ne faut pas penser aussi, que ce soit vn si petit cas de ce qu'il est approprié non seulement le reuenu, mais les fonds des biens Ecclesiastiques de Bearn. Car y a-il eu iamais Roy Chrestien, Prince ou autre, qui aye osé maintenir & quereler, qu'à luy & à ses Officiers, & nō à l'Eglise, appartenoit de gouuerner & dispenser les biens d'icelle, leuer ses rentes, & disposer des facultez d'icelle à sa volunté? Si les Catholiques & les Prestres ne sont de la vraye Eglise, il estoit que ses Ministres en sont. Que ne leur laisse-il donc & à son Eglise pretendue de Christ manier & conduire l'economie des biens donnez & appartenans à l'Eglise, suyuant le formulaire des Actes des Apostres, & la pratique de tous les siecles? Se lit-il q aucun Empereur ou autre ayât osté aux Euesques & Ecclesiastiques Catholiques le manientement de l'Eglise se les soit onques appropriez: ains qu'il ne les aye laissez à la dispositio des Euesques & autres Ministres de son Eglise pretendue reformee? Se lit-il Prince si sacrilege, cruel vsurpateur, ou ty-

ran, qui se soit attribué les biens dediez au seruice  
 de sa religion ? Voire ne lit-on pas , que plusieurs  
 Princes & infidelles & fidelles ont esté si religieux  
 en cest endroit , qu'ils ont faict conscience & ont  
 estimé vn pur & naïf sacrilege de s'appliquer les  
 choses, qui auoient esté vne fois consacrees à l'or-  
 nement & seruice de quelque religiō que ce fust,  
 bien que contraire à la leur? Constatin, les enfans, *Sacrilege,*  
 Valentinian, Theodose, & autres n'ont-ils pas *s'appro-*  
 laissé & transporté à l'Eglise & à sa disposition les *prier les*  
 biens qui appartenoint, & estoient employez au *biens de-*  
 seruice des faux Dieux & de l'idolatrie? Clouis *dux à la*  
 mesme deuant qu'il fust Chrestien, n'empeschoit *religion.*  
 il point que les soldars ne prissent rien à l'Eglise?  
 Et ne lisons nous pas , qu'il faisoit rendre ius-  
 ques à vn Calice? Nabugodonosor mesmes ce  
 grand tyran, s'appropriä il les riches vaisseaux,  
 qu'il print au Temple de Ierusalem? Et au cōtrai-  
 re, ne les destina-il pas au seruice de sa religion?  
 Pompee pillä il les richesses dudit Temple, quand  
 il se fust rendu maistre de Ierusalem? Et plusieurs  
 Princes n'ont-ils pas griefuement puny ceux, qui  
 s'approprioint les biens dediez à religion? S'il y  
 en a eu des persecuteurs du peuple de Dieu, & de  
 l'Eglise, qui les ayent apres remis en la liberré de  
 leur religion, ont-ils pas non seulement restitué  
 ce, que leur auoit esté prins: mais ne leur ont-ils  
 pas donné beaucoup d'auantage? tesmoins Ci-  
 rus, Darius, Artaxerxes & autres? Ce qu'ils n'eus-  
 sent faict, si ce n'eust esté vne Foy generale & na-  
 turelle de tout le môde, que par tout droict diuin  
 & humain les choses diuines & sacrees ne sont  
 point biés de personne, qui les puisse posseder, cō-

me parle le Jurisconsulte. Et la creance des Chrestiens n'a-elle pas tousiours esté, que l'Eglise est la vraye & legitime dame & maistresse, & en propriété & en vñfruit des biens donnez ou acquis à Dieu, & pour son seruice seul: qu'elle seule peut non seulement permuer ou alier le fons & la propriété, selon l'occurrence des necessitez, & cōseruatiō d'elle mesme, mais aussi qu'elle seule peut iouer & dispenser de tous les fruits d'iceux? Si toutesfois le R. de N. a passé outre par dessus tous ces exemples & considerations: s'il a incorporé à son domaine le fonds des dixmes & autres biens de l'Eglise: s'il dispose des fruits, comme il luy plaist, & que l'on ne peut posséder à aucun iuste tiltre, la despouille par violence du legitime possesseur & propriétaire, peut on dissimuler ou nier aucunement qu'il ne soit plus d'igereux à l'Eglise Catholique, & plus redoutable aux Euesques & au Clergé, qu'autre quelconque Prince, qui aye iamais pourfuiuy l'Eglise? Il ne se peut couvrir du fait de sa mere en ce cas: tout au contraire, elle a defendu par ses Ordonnances, qu'autres n'eussent la dispensation de ces biens que leur Eglise, & qu'iceux ne fussent employez qu'aux pauvres, à l'entretenement des Ministres & œuvres pies, selon l'ordonnance du Conseil Ecclesiastique. Et d'autant que elle assure en ses ordonnances, qu'elles sont faites & dressées selon l'expressse parole de Dieu, y contreuenant, il monstre mespriser non seulement sa mere, mais Dieu mesmes & sa parole.

Les Catholiques cognoissent par tout cela, que ce n'est pas le respect de sa mere, & moins encor la consideration des Estatz, qui le meine: ains

*Le Roy de  
N. prre que  
tout autre  
sacrage.*



seulement l'auarice & cupidité de iouir des biens Ecclesiastiques, apres ceste haine contre eux, & leur Religion, & la craincte qu'il a qu'il ne faille faire restitution. Qui est vne des raisons & principales causes, que la Religion Catholique, & les Ecclesiastiques ne sont remis en Bearn. Et sur ce iugent les Prelatz, & ceux du Clergé de France, quelle misericorde & bon traictement ils peuuent & doiuent attendre de sa Royauté, si vne fois il se voit les coudees franches, pour pouuoir leuer le masque: puis qu'il les tient pour Ministres de Sathan, ennemis iurez de luy, de sa faction & de son heresie: & qu'il despouille & traicte si rudement & pauurement celle, qu'il croit estre l'Eglise de Dieu, & ceux qu'il pense estre les vrayz Ministres enuoyez de luy. Heureux (dict le Poëte) qui se fait sage aux despens d'autrui. Que les temporiseurs, qui poursuuiuent en tout cas sa conuersion exterieure telle quelle, pensent s'ils en doiuent auoir aucune esperance, & si humainement il ne seroit pas le plus sot Prince du monde de les croire. Ils luy donnent promesse, & il s'assure d'estre receu Roy avec son heresie, voire (dit-il) par les plus grands Catholiques, & par ce moyen qu'il se pourra rendre maistre peu à peu de toutes les forces du Royaume: desquelles s'estant impatrony, il luy sera aisé de se saisir & iouir des biens du Clergé (comme en Bearn) qu'ils font valoir plus de cinq cens millions. Et par consequent, le voila le plus riche Monarque que tous les autres Chrestiens ensemble, où se faisant Catholique, il perd ceste grande expectatiue, & se rend sans moyen de se maintenir, qu'à la Loy ou plaisir

*Pourquoy  
la Religion  
n'est remise  
en Bearn.*

*Aduertis-  
sement au  
Clergé de  
France.*

*N'esperer  
que le R.  
de N. soit  
Cath.*

d'autrui. Et lon ne doit point penser que ce luy soit vne conception, ou imagination nouuelle: car ses plus fanillieres sçauent combien ce propos luy plaist & comme bien souuent il exagere la grandeur d'un Roy de Frâce, qui auroit les biens du Clergé vnis à son domaine.

*La Reyne d'Angleterre nous inique que le R. de N.*

Vous ne pouuez dire le mesme de vostre Roine: parce qu'elle n'a voulu iamais s'entremettre ny tirer vn soul des biens Ecclesiastiques, mais a laissé le temporel aux Seigneurs du lieu, & les dismes à ses Euesques & Ministres. Et ce qui nous faict penser qui la retient plus en la mauuaïse volonté contre les Ecclesiastiques & l'Eglise, est d'autant que selon les loix des Catholiques elle est fille naturelle & bastarde, le mariage de sa mere ayant esté iugé par le Pape & les Vniuersitez illicite & nul, & crainct que les Ecclesiastiques & Catholiques estans vne fois remis avec la religion, elle ne soit bien tost deposée, & vne autre mise en sa place, ce qu'elle ne voudroit pour tous les biens de Paradis. En quoy vous voyez comme le pauvre peuple est abusé, & facile à deceuoir, croyât qu'en vostre Royne & le R. de N. il n'y a que le seul zeile de salut, qui les pousse contre la religion Catholique, combien que ce soit en effect la seule auarice, ambition & vengeance.

Ceux qui sçauent que cest que de ces pensions, qu'il se vante faire payer ordinairement aux Euesques d'Acs & Oleron. & autres Prelats & Ecclesiastiques, ne se peuuent tenir de rire, de ce q pour faute de bones defences, il recourt à ces bayes. Car premierement pour le regard de l'Euesque d'Acs, nous sçauons tres-bien qu'il s'en est présenté par

*Pourquoy la Reyne d'Angleterre est Heretique.*



long temps plusieurs requestes au Cōseil du Roy,  
 afin qu'il pleust à sa Maiesté luy faire faire raison  
 & à son chapitre, contre les Officiers du R. de N. *Le Roy de  
 N. occupe  
 les biens de  
 l'Euesque  
 d'Acqs.*  
 & ce conseil Ecclesiastique, qui auoient occupé,  
 & occupoient certaines dixmes, qui estoient des  
 dependances de son Euesché, & de son chapitre,  
 situez en Bearn, cōtre la pratique des Princes voi-  
 sins, & le droict des gens, qui ne permet point  
 qu'aucun retienne ou ordonne des biés de celuy,  
 qui ne luy est point subiect. Ce que le Roy d'Es- *il viole le  
 droict cō-  
 mun obser-  
 ué en tou-  
 tes nations.*  
 paigne mesmes obserue tous les iours tant enuers  
 les Catholiques, que se R. de N. & les Huguenots.  
 Nous sçauons ausi que le Roy ayât renuoyé cest  
 affaire à la Royne Mere, lors qu'elle alla en Guyē-  
 ne pour la Conference de Nerac, elle fit tant que  
 le R. de N. manda à ses Officiers, de le payer, où le  
 laisser iouir pour l'aduenir : & pour le passé nous  
 ne sçauons pas bien quel appoinctemēt il y mist;  
 mais il est bien vray que lesdicts Officiers n'y ont  
 onques voulu auoir esgard. Tellement que ledit  
 Roy tant pour eniter la consequence, que pour  
 le desir qu'il auoit de gratifier ledit Euesque  
 d'Acqs ( lequel fist plusieurs voyagers vers luy à  
 grands fraiz pour cela, & qu'ils auoiēt, autres ne-  
 gotiations ensemble) luy fist payer de ses deniers  
 par son Thresorier (ce qu'il appelle pension) cinq  
 cens escus pour vne annee, & il se peut dire vne  
 fois pour toutes : car depuis il n'en a rien receu,  
 moins a-il peu iouir des dixmes & reuenus qu'il  
 auoit en Bearn, cōme les plaintes qui en continuēt  
 au Cōseil du Roy le monstrent assez. Iugez quelle  
 iusto le R. de N. peut faire aux autres Prelats (qu'il  
 garde biē de nommer, de peur de se mesprēdre)

& quelle verité il y a en toutes ses declarations.

*L' Euesque  
d'Oleron  
mal payé.*

Il peut estre qu'il a continué par fois quelque pension à l'euesque d'Oleron : mais ce n'est pas à raison de ses benefices siz audict pays, ains seulement en recompense de ses longs seruices, & pour les mesmes gaiges qu'ils auoit estant son ancien Chancelier, duquel il fut priué, pour la seule cause de religion. Lesquels toutesfois ne luy furēt pas si tost payez en l'an 1583, en pleine paix, que les Huguenots de Bearn ne les luy vinrent voller de nuit en la maison de Maulcon, qui est membre de son euesché aux frontieres de Frâce vers Bearn, & Nauarre, s'as qu'il en aye esté fait aucune iustice, bien que les coupables fussent assez cogneuz, & que ce grand President & Conseiller d'estat le Sieur de Bellicourt en fist grand instance, comme estant vne vollerie, ou acte d'hostilité, fait à vn subiect du Roy, & en ses terres : qui fut cause que ledict euesque fut cōtraint quitter son troupeau, & se retirer de là du tout. Si s'a esté cognoissant qu'il ne failloit plus parler de gaiges, ou pension, & que cest attentat ne venoit que pour la faire cesser, nous nous en remettons à ce qui en est : il nous suffit que chacun cognoisse que le R. de Nauarre se couure en ce d'un sac mouillé, & qu'en tout cas, il cōfesse auoir luy mesmes depossédé les Ecclesiastiques, tant de son pays que de France, de la propriété & de l'usufruit de leurs terres, droits, dixmes, & possessions, & auoir changé en aucuns leur reuenu en pēsion, c'est à dire, de les auoir rendus médians pensionnaires, de legitimes proprietaires, & usufructiers, qu'ils estoient & sont. Voyent les Ecclesiastiques s'ils ont enuie de deuenir en tel

*Le Roy de  
N. confesse  
impudem-  
ment le tort  
qu'il fait  
aux Eccle-  
siastiques.*

estat.

Il prend grand auantage de ce qu'il ne procede point en Bearn contre les Catholiques par punitions corporelles, morts, bruslemens, & tourmens: mais il nous semble que si Ciceron auoit à y respōdre, qu'il ne luy pourroit faire plus propre response, que celle qu'il fist à Antonius, qui luy reprochoit semblables bons traictemens: c'est à sçauoir, Que ce dire seroit fort propre aux volleurs & assassins de forests, lesquels reprochent & imputent à grand grace & faueur aux passans, l'ame qu'ils ne leur peuuent oster, pourueu qu'ils ne les tuent & se contentent de leurs deniers & substance. Il n'est pas dit, que pour estre tenu ennemy des Cathol. il les faille tous bourreler, tuer, ou exiler: car nous lisons bien de Bajazet second Empereur des Turcs, & ennemy capital des Chrestiens, qu'il se moquoit de ce grand Ferdinād Roy d'Espagne de ce que pour vn Prince si sage & si prudēt, comme il estoit, il bannissoit les Iuifs, & Sarrazins de ses terres, veu, disoit-il, que la grandeur des Roys ne consiste, & les Royaumes n'es'augmentent & entichissent, que de la multitude des hommes. Et les empereurs qui ont plus nuy à l'Eglise, ce sont ceux, qui ont moins tourmenté les Chrestiens en leur personne, comme nous dirons.

Nous ne pouuōs entēdre ce qu'il veut dire, qu'il y a des Catholiques, qui exercēt des offices notables & en Bearn, & aupres sa personne. Biē sçauōs nous que ny le President Reuignan, qui est le premier en son Parlement de Pau, ny de Marqua, qui estoit le secōd President, ny le Fresche iuge d'Or-

*Repr. che  
du Roy de  
Naux ca-  
tholig. de  
qu'il per-  
sonne est  
digne.*

*Idem Sal-  
manus li.  
8. de pro-  
uid.*

*Comment  
le R. de N.  
se sert des  
Cath.*

*Il ne reçoit  
aucun Of-  
ficer de l'u-  
sine qui  
n'abjure la  
Rel. Cath.*

*Aliquādo  
si Catholi-  
cos sacen-  
tes videt,  
quiescunt,  
et mutis a-  
micis sunt,  
loquentib.  
aduersan-  
sur.*

*Foy des  
Roi Bar-  
bares.*

thez, ny autres plusieurs (au nom desquels nous pardonnons volontiers) n'ont peu iamais estre receuz ou remis en leurs Estatz, de son cōsentemēt, durant 14. ou 15. ans, qu'ils n'ayent fait la protestation ordinaire contre la Messe, & ce avec la profession de la Foy Caluinienne, ordonnee par la feu Royne. Nous sçauōs aussi, que le Sieur de Mieus- sent a esté osté de son gouuernement de Bearn, & n'a gueres des offices honnorables, qu'il auoit en sa maison, pour n'auoir voulu renoncer Dieu, & la religion Catholique. Il peut estre qu'il aime & se sert par fois, de quelques Catholiques: car cōme remarque tres-bien Saint Gregoire, la façon des Seigneurs & Princes heretiques est, Que par fois ils laissent en repos les Cathol. qui se taisent, & sont amis des muets, & ennemis de ceux qui parlent. Il peut estre, que pour vn temps, & en petites choses, il leur garde la foy: mais c'est à la façon des Roys & natiōs Barbares, desquels Fabius Maximus parlant du Roy Syphax, & des Numidiens, aduertissoit Scipion de se prédre garde, disant que leur coustume est de garder la foy en petites choses, afin de faire bien asseurer les gens en leur loyauté, pour apres la rompre à leur grand profit, quand ils verront auoir le moyen & l'occasion de les ruiner du tout. Il peut estre qu'au faict des armes & des Capitaines, il se serue pour vn tēps de quelque Catholique, comme font les oyseleurs de leurs apeaux & cheueches pour en piper & attirer d'autres, ou bien pour en veoir plustost le bout, comme nous lisons que Constantius fit son Lieutenant general és Gaules Iuliā, afin que les hazards de la guerre l'emportassent plustost. Encores

n'est ce pas grand faueur fait à la religion Cathol.  
 que d'honorer les Catho. pour les employer aux  
 dāgers de la vie, contre leur propre religion, & de  
 s'en seruir de rōdache ou falcine, pour establir ou  
 maintenir l'heresie, ruiner les Eligſes, & commet-  
 tre tous les actes, que pourroyent faire ceux, qui  
 sont sans Dieu, & sans religion & notammēt d'e-  
 stre priuez de tout exercice de leur religion, dans  
 Montauban, Bergerac, Sainte Foy, la Rochelle, &  
 autres lieux, où ils se tiēnēt ordinairement à la suite,  
 & en fin d'estre assēurez de ne rester en vie avec  
 leur religion, lors qu'il aura fait mourir les autres,  
 & n'en rapporter autre recōpense, que ce tiltre in-  
 fame d'Atheiste, comme il les nomme souuent, se  
 fondant sur ce que ils ne montrent aucune affe-  
 ctiō à la conseruation de leur religion, comme ils  
 feroient, s'ils en auoient, conformemēt au dire des  
 anciens Peres, que l'amour de Dieu ne se peut  
 moins cacher, & n'est moins violent, que l'amour  
 deshonneste, ains beaucoup plus grand, comme  
 l'on voit par experience, que nulle passion peut  
 estre plus grande, que celle, qui vient de la religiō,  
 bonne ou mauuaise. Le Roy se sert bien des Rei-  
 stres & Suisses heretiques, ce n'est pas grand argu-  
 ment au contraire, qu'il ne hayſſe bien fort leur  
 religiō, & ne face tout ce qu'il peut pour l'exter-  
 miner. Et si le R. de N. n'a point de plus grandes  
 preuues de son affection enuers les Catholiques,  
 considerez, ie vous prie, par son propre dire, quel  
 il est, & sera en leur endroict. Il eust beaucoup  
 mieux faict de s'en taire du tout, & de se tenir sur  
 les propositions generalles, ou bien confesser li-  
 brement à pleine bouche, comme il l'a au cœur,

*Aueugle-  
 ment des  
 Catho. por-  
 tant les ar-  
 mes pour le  
 R. de N.  
 contre leur  
 vie & re-  
 ligion.  
 Le Catho.  
 qui n'a ze-  
 le est A-  
 theiste.*

qu'on ne doit pas trouuer estrange, si estât huguenot, & ennemy des Catholiques, il leur rēd les effectz proportionnez & conformes à son intentiō & au venin de sō heresie, suyuant ce que dit S. Augustin. Que les Rois & Empereurs estās en erreur, donnent les loix pour leur erreur contre la verité comme ils veullent: & comme disoit Theodoric Roy heretique des Gots escriuant au Senat Romain: Il est plus aisé que le cours de nature, man- que, que de faire qu'un Prince puisse former l'estat de la Republique autre, qu'il n'est luy mesmes: ou biē dire ce, que les Ministres luy ont appris: Qu'il faut qu'un Roy soit zelateur de la cause de Dieu & ennemy mortel de ses ennemis, du regne de Satan, & du siecle de l'Antichrist.

Car en ce qu'il dit ouurir son cœur à tout le monde pour descouurir ce grand secret, Qu'il croit que pourueu que le fonds de bonne conscience (ce sont ses mots) soit un vn subiect, que la diuersité de religions n'empesche point, qu'il ne puisse estre fidelle à son Seigneur, il monstre n'auoir iamais esté bien catechisé & instruit en sa propre religion: car cela n'est pas compatible, ains du tout contraire aux articles de sa Confession de Foy (de laquelle il n'est pas croiable, qu'il se vueille despartir si facilement & à si bō marché) & laquelle toutesfois porte, que nous iōmes tous inutiles à tout bien, & enclins à tout mal, sans la grace speciale de Dieu, & que icelle ne se donne que par foy, & que ce qui n'est selon la foy est péché & contre la bonne conscience: partant celuy, qui n'a point bonne foy, & qui tient vne mauuaise Religion ne peut auoir bonne conscience. S'ils croyent que

*Facilius est  
errare na-  
turam quā  
dysmitem  
sui Prin-  
ceps possit  
Remp. for-  
mare.*

*Nulle bon-  
ne conscie-  
ce sans foy.*



les Catholiques tiennent vne mauuaise foy & religion & qu'ils sont par conséquent inspirez & commandez par Sathan: commēt peut il croire qu'il y aye en eux le fonds de bōne cōscience, & par conséquent qu'ils puisēt estre fideles & bōs seruiteurs? le dire de Hierocles estāt tref indubitable, Que la religion est la guide de toutes vertus & bonnes actions. Ce qui seruira aullī de respōce à la proposition de leurs Cathol. supposez qu'il vaut mieux auoir pour Roy vn bon Huguenot craignāt Dieu ( comme si l'on pouuoit auoir la crainte de Dieu sans foy & sans la vraye religiō & sans Dieu mesmes nō plus que de voir la clarté sans Soleil) qu'vn mauuais Catholique. Ceste pipperie n'est elle pas palpable, & trop grossiere, & qui ne peut donner aux Catho. que plus grande apprehension de defiance & craincte du R. de N:

*Autorité  
de la Religion.*

*La douceur  
des heretiques  
est à  
craindre.*

Ne te laisse point tromper ( dit tref-bien Sainct Chrysostome ) à l'Heretique par ses belles paroles & declarations de biēueillance: mais au cōtraire tu le dois auoir d'autāt plus en hayne, de cela mesmes, qu'il faiēt semblant de douceur & māsuetude chuers toy. C'est le propre des Heretiques, dict S. Irenee, de cōduire en captiuité & seruitude parvne belle & frauduleuse apparece, ceux, qui ne les ont point experimētez, & lesquels ne les cōnoissent à cause de leur couuerture & vestemēt de brebis. Euiuez la lāgue venimeuse du Diable (dit S. Cypriē) qui est dès le commencement du mōde trompeur & mensonger il mēt pour tromper: il fait du doucet pour nuire: il promet des biens pour dōner du mal: il assure la vie pour tuer: il ne parle que de la paix & du repos, afin qu'ō ny puisse paruenir il fait

» bon & respond de l'Eglise, combien que tout ce  
 » qu'il faict ne tende sinon à ce que celuy qui luy  
 » adioutera foy en soit entieremēt excluz. Nous re-  
 » courons volontiers à ces Peres, comme à ceux qui  
 sont exprez en ceste matiere, combien que nostre  
 intētiō ne soit pas de la limiter au point de Theo-  
 logie. Ne pouuant toutesfois que blasmer grāde-  
 ment l'abuz de ce temps, auquel chacun presume  
 estre sçauant, & donner iugement au faict des ma-  
 ladies de l'ame & singulieremēt de celle, qui est si  
 difficile à descouurir & remedier, comme est l'he-  
 resie. Laquelle ils veulent penser, comme si c'estoit  
 vn petit accez de fiebure : ou en celles du corps,  
 voire iusques à la moindre il n'y a aucun, qui ne  
 s'en rapporte à ceux qui font profession ordinaire  
 de la science & art de medecine.

*Abus du  
 fecté.*

*Sermons du  
 R. de N.  
 quelz.*

Il semble que la conscience du R. de N. l'aye  
 accusé qu'on prendroit de ces iustificacions si mal  
 colorees & peintes plus d'occasion de soubçon,  
 que de seurte. Car pour preuenir, il s'ingere d'at-  
 tester à tout propos Dieu & la France. Il faict de  
 grands sermens espouuantables avec execrations,  
 appellant l'ire & malediction de Dieu sur foy, fil a  
 iamaï conceu rien de mal contre le Roy, contre  
 son Estat, & contre ses subiects de toutes quali-  
 tez & de quelque religion, qu'ils soyent. En quoy  
 il s'est imaginé de pouuoit par la esblouir les  
 yeux des plus gens des bien & craignant Dieu.  
 Toutesfois ceux qui voyent plus cler, & qui  
 cognoissent le naturel, la liuree & parure d'vn  
 insigne coniurateur, ou d'vn bien ruzé Hereti-  
 que, le iugent d'autant plus dangeux en l'vne  
 & l'autre, que ce sont des façons trop fardées &



inouyes à nos anciẽs roys S. Charlemaigne, saint Loys, & autres. Et que ils sçauent que au contraire c'est l'ordinaire des Catilinaires de se penser cou-  
*Diuise cõ-  
mune des  
heretiques.*  
 urir par tels sermẽs execrables: & que la diuise cõ-  
 mune des Heretiques est celle, que dit S. Augustin des Donatistes qu'il faut iurer, se parjurer & mêtir tout à fait auec grands sermens, deuant que cõfesser la verité, dire sa pensee, & descouvrir le secret.  
*lur a perin-  
ra, secretũ  
prodere no-  
bi.*  
 A quoy est conformé le dire de cest ancien Lacedemonien Lisander, Qu'il faut tromper les enfans auec des osselets & les hommes auec les iuremẽs.

Nous aurions trop à faire à discourir par le menu toutes les actions & deportemens hostilles, & qui ne peuuent prouenir que d'ambition & d'une vengeance & inimitié mortelle contre les Catholiques & l'Eglise: Mais nous nous contenterons de toucher en gros, & en general ce, qui peut seruir aux Catholiques pour faire iugement de ce, qu'ils doibuent esperer de luy, pour la conseruation de leur religion & de la liberté de leur conscience. Du reste nous ne nous en donnons pas beaucoup de peine, pourueu que nous ne perdions point Dieu, & que son amour nous commande sur tout. Aussi pour ce qui touche particulièrement l'estat nous nous en remettons au liure qu'on dit en estre sur la presse. Il ne faut icy que en passant se souuenir des plainctes que ceux de la ville de Cahors en feirent au Roy lors de l'entree du R. de N. en icelle, faisant mention d'un grand nombre de filles & femmes violees, de toutes les maisons pillées & donnees au sac, de dixsept Eglises entieremẽt ruinees & razees, des monumẽts & sepultures souillees, & des ossemẽts iettez au vent & à l'air, des ca-  
*Cruantez  
du R. de N.  
à Cahors  
& ailleurs.*

*Apophteg.  
me du R.  
de N.*

lices, chasses, & reliques fondues & changees en la  
vaisselle du seruice ordinaire de sa maison (pis que  
ce sacrilege Nabuchodonozor n'eut voulu faire)  
auec son beau & ordinaire Apophregme ( que les  
Ministres loient tant) prononcé pour consolatiō  
& responce des plainctes & remonstrances, que  
les pauures Ecclesiastiques captifs & prisonniers  
luy faisoient, Qu'il voudroit que tous les Prestres  
& Moynes fussent morts. Il ne faut aussi que se re-  
presenter les assassins faictz de sang froid par son  
commandement & aduenu en la ville de Tartas,  
contre Chambre son Lieutenant general de là. en  
la ville du Mont de Marsan contre de Fos vn des  
principaux de ladicte ville, & Orthes Recepueur  
des decimes d'Aite, qui renoient le cœur des Ca-  
tholiques à leur deuotion, ladicte ville prinse par  
luy en temps de paix par escalade, pillée, rauagée  
& saccagée: En Bourdellois contre les deux freres  
la Fitte estās attaquez en leur maison, parce qu'ils  
auoient quitté son party, & s'estoient rendus Ca-  
tholiques, auec armes descouuertes & deux pieces  
de canon en plaine paix, à la veuë de la Chambre  
de Paris lors seant à Agen, forcez de se rendre sur  
sa foy, & neantmoins à l'instant daguez en faueur  
de Fauas.

*Nul si en-  
nemy de la  
Reli. Cat.  
que le R.  
de N.*

Vouslez vous veoir en vn mot combien il est en-  
nemy des Catholiques & de la religion Chrestien-  
ne? Se lira il iamais chose si impie, & qui puisse tāt  
offenser les oreilles des Chrestiens, que Prince ou  
Seigneur quelcôque, qui aye porté tiltre de Chre-  
stien, quelque meschāt Heretique & ennemy des  
Catholiques, qu'il ayt esté, aye ordonné ou permis,  
qu'en hayne, opprobre & derision des Catholi-

ques & des saintes armes & sacré signal de la Chrestienté, les Gibetz soiét este faits en figure de croix au lieu de potences ou poteaux comme il se veoit tous les iours practiqué au pays de Bearn. Ce que nous auons trouué si estrange, que nous auons eu beaucoup de peine de le croire, deuant qu'il nous à esté certifié par plusieurs digne de foy, qui l'ont veu souuent. Et l'on sçait au contraire les grandes inhibitions de Constantin le Grand sur ce, & cōbien ce signe de Croix à esté en honneur & reuerence par toute la Chrestienté, & en tous siècles.

*Gibets en  
Bearn en  
figure de  
croix.*

D'auantage qui a commandé & procuré les demolitions & bruslemens de tant d'Eglises, notamment en la Guyenne, que le R. de N<sup>e</sup> Ne sçait il point, que au iugement naturel & commun sentiment de tous les peuples, gens & nations, il n'y a action, qui puisse tesmoigner vne si grande inimitié & passion, que la destruction des Eglises, Temples & Autels, ne qui soit plus imprimé naturellement à vn chacun que la deffence d'iceux suyuant l'ancien dire: Qu'il ny auoit plus iuste guerre, que celle, qui se faisoit pour les Autels? Ne luy a on pas souuent représenté l'histoire de ces Anciēs Grecs, lesquels estans liguez ensemb'le contre les Barbares, qui auoiét destruicts leurs Temples, firent vn serment solennel, qu'ils ne les reedifieroient iamais en mesmes places: affin que les remarquez & restants des ruynes d'iceux seruissent de memoire perpetuelle à la posterité de la malice, inhumanité, cruauté & inimitié de ceux qui les auoient demolis: & afin aussi, dict Isocrates, d'admonester leurs successeurs d'auoir vne haine mortelle & perpetuelle deffiance contre tels sacrileges.

*Notable  
fait des  
Grecs contre les demolisseurs  
de leurs  
Temples.*

Le R. de  
N. demo-  
lisseur des  
Eglises.

Ne se souuient il pas comme notammét lors de la cōserence du Fleix il luy fut remonsté souuēt, que telles demolitions d'Eglises, qui se cōtinuoiet deslors par son ordonnance (suyuant ses lettres missiues, & patentes qui furent lors surprinses) es villes de Lettroure, l'Isle Jordan, Perigueux, & autres principalles de celle qu'il tenoit en la Guyenne, luy seroient imputees à iamais à cruauté, inhumanité, & inimitié mortelle cōtre l'Eglise Catholique, & ne seruiroient que de Seminaire & iuste cause de haine perpetuelle de tous les Catholiques contre luy & sa memoire? Et d'aussi legitime exclusion de la succession du Royaume de France, que vn seul de tels excez cōmis en la ville de Vitry (dictē depuis le bruslé) cuida couster au Roy Loïs le ieune sa deposition, sans pleurs & grande penitence, qu'il en rendit: la plus part des François soustenās avec le Côte Tibaud, Que celuy la ne pouuoit estre Roy, qui estoit impie au Temples: d'autant, disoient ils, comme escrit Paule Emilie, qu'ils ne pouuoient euitier d'estre ennemis ou d'icelluy ou du ciel, auquel ils faisoient la guerre par telle voye. Ne se souuient il pas de ce, qui luy fut dict pour lors en la presence de feu Monsieur, qu'il se faisoit trop de tort d'adiouer tels actes, veu qu'ils auoiet esté trouuez si Barbares & inhumains mesmemét parmy tous les troubles passez, que iamais le feu Prince de Condé ny ce grand Scythe & ennemy des Catholiques le feu Admiral de Chastillon ne voulut aduouer les auoir commandez: ains les desnioit totalement les reiettant sur la licence effrene de soldat: Au contraire le R. de N. se vantoit & faisoit sa gloire, desdictes demolitions.

Et

Et encores il fait veoir tous les iours de ses fenestres de Nerac à chacun, qui le va visiter, les bastimés faicts de la ruyne des Eglises, l'Eglise principale du lieu si entierement razee, qu'il n'y en a aucune marque, que de la place, & du seul clochier, que Dieu par sa providence semble luy a faict laisser pour tesmoignage à laposterité de son impieté & irreligion, & comme luy dit vn iour quelque honnestre homme, pour presage, aduertissemēt & tourment perpetuel de son exclusiō du Roiaume de France, d'autant (disoit-il) que l'entree & receptiō es Eglises est le seul passage de nos Rois pour entrer & estre receuz aux Palais Royaux, & que ruynāt les Eglises, c'estoit vrayemēt se boucher le chemin de la Royauté tres-Chrestienne: car puis (comme disoit S. Athanase contre Constantius) qu'estant reuestu du Christianisme, il viole les saints lieux, il destruit les Eglises, & en chasse les Prestres, qui oseroit iamais pretendre ou esperer souz luy vn bon temps, pour les Chrestiens? ou qui oseroit nier qu'il n'apportast en l'Eglise Catholique vne violence & persecution si grande & monstrueuse, qu'il n'en fut iamais veude pareille, voire telle qu'autre que le fils d'iniquité ne pourroit ou voudroit faire?

Finalemēt nous demādōs icy à tous ceux, qui ont quelque iugemēt, sil n'est ennemy des Catholiques & de leur religiō, y en eust il iamais aucun? Que pourroit faire le diable, sil pouuoit prendre chair humaine & qu'il vint en persōne pour establir quelque heresie abominable, ou faulse religiō & oster la Catholique que le R. de N. ne face contre les Catholiques & leur religion? Pourroit

on se declarer ennemy des Catholiques par actiōs  
 & voyes plus hostilles & rusees, que celles, dont  
 vse ledit Roy: qui ne feist, comme l'on dit, iama  
 bien à Catholique, que pensant mal-faire: Qu'on  
 lise & obserue les œuures & comportemens d'Ar-  
 riens, Donatistes & autres telles racailles d'hereti-  
 ques, vaisseaux & membres de Sathan, si l'on y re-  
 cognoistra aucune differēce d'aucc ceux du R. de  
 N: N'est-ce pas l'enseignemēt du Sauueur, qu'on  
 cognoit les heretiques & l'heresie par leurs fruiets  
 & actiōs, qui sont semblables à celles de leur  
 grand Pere Sathan, ce vieux mēteur & meurtrier.  
 Ne pouuons nous pas dire aussi iustement de luy  
 ce que S. Athanase reprochoit sur la demolition  
 des Eglises & autres semblables actes contre Cō-  
 stantius? Qu'à oublié l'Empereur, dit-il, à faire qui  
 ne soit propre à l'Antechrist? ou bien que pourra  
 cestuy-cy, quand il sera venu commettre & per-  
 petrer de pis? Qui osera donc appeller Constan-  
 tius Chrestien, & non plustost l'image de l'Ante-  
 chrift?

*Vn compe-  
 titueur m'a-  
 miseste du  
 royaume ne  
 pourroit fai-  
 re pis que le  
 R. de N.*

Qu'on nous die aussi, que pourroit plus faire le  
 plus ambitieux cōpetiteur à descouuert & profez  
 de la courōne, que ce que fait le R. de N: Pour-  
 roit-il prédre pl<sup>us</sup> beau chemin que de se faire chef  
 d'une partie des sujets? Les entretenir en desfiā-  
 ces, pœurs, & troubles, cōtre leur Souuerain & le-  
 gitime Roy? Pourroit-il mieux les y entretenir, les  
 desbāder & diuiser du Roy, & leur dōner cœur de  
 l'entreprēdre, & de se hazarder en tous les dāgers  
 de la poursuite: que (à l'exēple des anciens ambi-  
 tieux de Royaumes & tyrans) les faisant viure, les  
 poullant & maintenāt en nouueauté & diuersité



de religion, & de celle mesmement, qui sappe & mine le pied & de la couronne, & de l'Estat, & de la religiō du Roy, & de l'autorité de ceux, de qui il se peut plus seruir? & en fin de la part de Dieu leur faite artificieusement promettre & les asseurer de la vie eternelle, pour recōpense de leur rebelliō, reuolte, & perte des biens & de la vie? Pour acheuer ce propos, dictes nous, ie vous prie, & pensez y bien, qu'eust sceu faire, ou que pourroit faire le R. de N. de plus qu'il ne faict, quand mesmes il se declareroit ouuertement estre ennemy des Cath. & auoir ceste intention, que d'enleuer au Roy sa courōne & son sceptre, & priuer les Catholiques de l'vsage de leur religion? A-il oublie aucun mal, que la guerre & que l'heresie puissent apporter? Qui l'a empesché, s'il eust eu l'ame pacifique enuers c'est estat, & les Cath. & s'il n'a rien fait que pour ne vouloir laisser passer le cousteau dans sa gorge(cōme ils disent) de se retirer doucement de la presse & de se tenir avec la bōne grace du Roy, & benediction de tous ordres, & avec toute seurété de sa personne en son pays de Bearn, pour ne se mesler, que des affaires de ses subiects, comme fait sagement son ayeul, & est bien-seant à tout Prince, qui se dit souuerain? Ou au contraire il a affecté de se tēdre partie & chef depart, au lieu de tenir la place de Prince, de se conseruer à pouuoir estre à souhait de tous pere cōmun ou iuge souuerain. Et si pouuoit cependant estre le moyenneur de la paix & l'arbitre de l'un & l'autre party. De l'un par la grādeur de son autorité, & de l'autre par le moyē de ses gratifications. La qualité de Prince, qui l'oblige à vne plus grande obeysllance

& estroicte fidelité enuers le Roy, & à vne plus signalée douceur & rare humanité enuers les hommes, le peut-elle authentifier à offencer les Catholiques, ou à seulement fingerer aux affaires du Roiaume contre la volonté de sa Majesté, qui ne peut & ne doit estre forcee a prendre conseil & se seruir de l'un plus que de l'autre, mesme de celuy, qui est contraire à sa religion? Est il imaginable que le zele de la gloire de Dieu & le feu d'amour enuers sa religion & à faire valoir Paradis l'aye poussé, ou qui l'en puisse excuser ou dispenser? La cōformité & correspondance de sa bōne vie peut-elle cōporter vne si fauorable & sainte interpretation de son intention? Et quand il se pourroit, voudroit-il recevoir sēblable defēce pour iustificatiō de l'Espagnol, ou du Lorrain, ou biē d'autre Prince, quel qu'il soit, qui entreprēdroit le mesme pour le zele de sa religiō sans l'autorité & approbatiō du Roy, encor q ce fut pour celle-là mesme de sa Majesté? Est-ce là vocatiō de Dieu, & aucun commandement, qu'il en aye de sa part non plus que du Roy, qui en soit cause cōme il est necessaire en tel cas? S'il ne veut ouyr la reproche prinse del'Euangile, Qui t'a cōstitué iuge ou mis en ceste charge? Si contre toutes ces raisons il a tasché si souuēt s'entremettre des affaires du Roy, & de ses subiects, voire iusques à luy donner & au Royau-me par les armes la loy, & troubler la paix & tranquillité, quel plus honnestē sens peut-on donner à son dessein & à tant d'effects facieux sanglants & tragiques que d'ambition à la courōne, que de pure tyrannie & de haine inreline cōtre le Roy, les Catholiq. & leur religion? Y a-il artifice d'o-



rareur, ou subtilité de Philosophe, qui puisse des-  
guiser ceste ratiocination: Combien de gens ont  
rapporté iustement des anciens à moindre occa-  
sion que luy, le nom de Tyran, de fleaux de Dieu,  
de rebelle, de persecuteur de l'Eglise, d'ennemy de  
Dieu, & de proditeur de sa patrie, d'Antechrist &  
d'Athee? Si c'estoit l'amour de Dieu & le zele de  
sa religion (comme il semble à aucun qu'il soit au  
Prince de Condé) qui le poussast à ce qu'il faict, &  
a refuser d'estre Catholique, il seroit aucunement  
supportable, & digne plustost de commiseration  
que de hayne. Et s'il y auoit esperance, que se re-  
mettant Cath. ce seroit avec verité & effect, mais  
ses actions & propos enfilez & prins ensemble  
d'une cōtinuelle suite ou a part, tesmoignēt tant  
tout le cōtraire à tout le monde, que l'ō n'en sçau-  
roit riē esperer iamais: ains au cōtraire, l'ō ne peut  
que y reconnoistre quelque secret iugement de  
Dieu pour ses pechez & les nostres: Et par cōse-  
quent l'on ne peut que le redouter en toutes fa-  
çons, comme ne restant aucun lien ou moyen en-  
tre les hōmes, par lequel, disoit l'ancien Poëte, on  
puisse arrester ou s'asseurer d'un Prothee, qui chā-  
ge à tout propos & de visage & de contenāce, &  
qu'il n'est point croyable, qu'estant accoustumé à  
offencer les particuliers, il puisse bien faire au pu-  
blic par la raison de ce Tyran de Theſſalie, qui di-  
soit. Que celui, qui fait tort en detail, ne peut faire  
droit en gros.

*Titres con-  
uenables à  
R. de N.*

*Raison in-  
fallible que  
il ne fault  
esperer au-  
cun biē du  
R. de N.*

Son Apologeticaire de Belloy s'eschauffe fort  
pour monſtrer que c'est vn argument infallible &  
sans respōce, que le R. de N. est fort religieux en-  
uers dieu, & le moins ambitieux, qui se puisse pé-

ser puis que quelque grande piece du môde qui se  
presête à luy, & quelque hazard humain, qu'il ait  
apparece de craindre en la cōseruation de ce grād  
Royāume, il presête sa religion & la craincte de  
Dieu à tout cela. Nous aurôs à dire beaucoup de  
choses sur cecy, mais par ce qu'il faudroit esuāter  
plusieurs negotiations sur ce, qu'il est bon toutes-

*Responce à  
l'argument  
infaillible  
sur la reli-  
gion du u.  
de N.*

fois qu'elles demeurerēt pour encore secretes, nous  
nous contenterons d'aduertir les gens de biē que  
ce qui le retient en l'apparence de ceste religion,  
& en quoy consiste tout son refus, ne gist pas en la  
crainte de Dieu, ny en ses scrupules de conscience  
(cela est trop grossier pour ceux, qui sçauent du  
monde) ains seulement aux moyēs de seureté, qu'il  
ne peut trouuer assez à son goust, tant le crime de  
rebellion & le malefice est accōpaigné( disent les  
anciens) de timidité & deffiance perpetuelle. Du  
Ferrier ne luy a-il pas appris Que se faire Cath.  
n'est ny son reculement ny son aduancement à la  
royauté, ny sa seureté enuers le roy & les Cath? Si  
ses raisons sont veritables ou nō, c'est autre chose:  
toutesfois s'il les croit vrayes, cōme il semble qu'il  
y est confirmé & resolu, nous faut-il vendre des  
coquilles, & abbreuuer le monde de ces argumēs  
plus specieux & populaires, qu'accompagnez de  
verité? Croyōs fermemēt que ce n'est pas le zele,  
qu'il a d'estre martyr, qui le retiēt en ceste heresie:  
c'est qu'il craint perdre son party & n'estre gueres  
asseuré en l'autre. Et tant s'en faut que cela le iu-  
stifie d'impietē & d'ambition, que c'est ce qui le  
faiēt paroistre l'un & l'autre plus euidentement.

Ayant donc tāt de preuues infaillibles de la na-  
ture de son heresie, de son ambition, animosité &

persecution contre la religion Cath.est-ce se for-  
ger (comme ils disent) des pœurs friuoles, & trepi-  
dations du R.de N.& de l'heresie, qu'il a prins à  
cœur, en affection & protectiō, que de predire &  
iuger de l'aduenir par l'experience du passé: & selō  
les effects & operatiōs ordinaires & naturelles de  
l'heresie & de ses promoteurs, enuers nos majeurs  
& voisins? En craindre le mesme pour nostre re-  
gard, n'est-ce pas la plus certaine Astrologie iudi-  
ciaire & (beaucoup plus asseuré Almanach que ce-  
luy, qu'il a faict imprimer à la Rochelle souz le  
nom de Rizzacaza cōtre les Princes & Estats Ca-  
thol.) qui soit, dit Ciceron, pour preuoir & predi-  
re auec certitude l'aduenir, que le rapport & la cō-  
sideration du passé en mesme cas? N'est-ce par  
pourquoy les Grecs appelloient l'homme par vn  
nom composé, dit Platon, qui emporte preuoyā-  
ce, pour monstrer qu'il n'y a rien plus propre à sa  
nature que de preueoir à ses affaires? Quand bien  
il seroit possible que le R.de N.n'eust aucune sini-  
stre volonté contre les Cath.pour le present, qui  
nous peut asseurer, quelle ne luy puisse reuenir &  
croistre tant, qu'il sera possédé & agité par la tres-  
pestilente & mortelle furie de l'heresie, ennemie  
iuree de la verité, de tout bien, & des Cath? Et si  
tant estoit, comme il est, que le R.de N.fut desia si  
mal animé contre nostre religion & l'Estat de ce  
Royaume, seroit-il téps d'y pourueoir pour lors,  
que le mal seroit enraciné? N'est-ce pas le dite des  
anciens qu'il ne faut pas aymer pour esprouuer:  
mais qu'il faut esprouuer pour aimer? Cōbien de  
sanglors ferions nous lors d'auoir esté surprins à  
la trappe, & de nous estre laissez tromper, pipper

& endormir si miserablement: Bref si les opinions particulieres de Caluin sont heresies, si les heresies sont des inspiratiōs & opinions du diable, si ceux qui les embrassent sont les enfans, les feaux & biçaymez, possédez & commandez par luy: si le R. de N. est tel avec les Huguenots, selon la foy des Catholiques, en peuuent ils attendre que les effects proportionnez à la malignité du Diable & au naturel de l'heresie de ses fidelles enfans & bons subjects? Quiconque en doute, doute si l'Escriture sainte est veritable, & par vne cōsequence infalible, il nie, que le Dieu des Chrestiens soit le vray Dieu: ô parole scandaleuse, ô conclusion infame, ô abisme de tout malheur!

Peut-il donc trouuer estrāge, que les vrais François & Cathol. le prennent pour leur marteau ou fleau, pour leur persecuteur particulier & ennemy public & coniué de leur Roy, Nation, Religion & Estat? Qui prend & pille les villes du Roy, que le R. de N: De qui sont (comme disoit le Roy Agrippa aux Juifs rebelles) les villes qu'il saccege que du Roy? Qui vole ses finances & ses reuenus que le R. de N: A qui autre appartient les tailles qu'à sa Majesté? Qui couue fomenté, autorise, & se laisse cōduire & cōmāder par ces tygres & prodiges en cruauté de Beaupre, des Diguieres, Daudou, le Melon, Fonttraille, Terride, Fauas, Floyrac, Clermōt de Buffy, Tanus, le Merle, Lauernay, Sauaillan, les Casses, & tāt d'autres qui sont les bourreaux de l'Estat, & lesquels sōt les mareschaux de la foy Pretendū, que le R. de N: Qui a empesché tant de fois le cours de la iustice, pour l'impunité de ces monstres de nature, lesquels nul ne peut

*Capitaines  
du R. de N.  
& saints  
protecteurs  
de la religion  
Hugueno-  
tique.*

*Pourquoy  
le R. de N.  
de peustre  
qu'ennemy  
de la France  
& des Cat.*

douter estre inspirez & guidez par l'ennemy du  
gère humain, que le R. de N. qui a tousiours fait  
son propre de leurs crimes? N'est-ce pas la verifi-  
cation de ce que l'Escrivure sainte? Que le Roy  
qui preste l'oreille volôtiers à paroles de menson-  
ge, & faulses doctrines, il a tous ses Ministres &  
principaux Officiers & Conseillers non seulemēt  
meschants, mais impies & sans Dieu. Qui fait la  
guerre au Roy depuis tant d'annees que le Roy de  
N? Qui decerne commissions pour leuer gens de  
guerre cōtre les Cath. que le R. de N? Qui se de-  
clare le support de l'heresie, chef & protecteur des  
ennemis de l'Eglise Cathol. Apost. & Rom. que le  
R. de N. Qui enuoie practiquer & negotier en ce  
seul nom vers l'estranger pour introduire ces dia-  
bles noirs de Reistres que le R. de N. Qui fait tuer  
les Prestres que le R. de N. Qui a ordonné qu'on  
print tous les biens des Cath. tant Ecclesiastiques  
qu'autres fidelles seruiteurs du Roy, & qui se tien-  
nent es villes de son obeyssance, que le R. de N?  
Qui a mis en vente leurs biens mesme les immeu-  
bles souz l'hypothecque & assignation particu-  
liere pour la garentie, sur son propre domaine au  
choix de l'achepteur? Qui a auctorisé & ordonné  
la cessation & empeschement du diuin seruice en  
tant de lieux de ce Royaume, que le R. de N? Qui  
s'est oppose à la sainte resolution de sa Majesté  
sur la requeste des Estats generaux de Blois pour  
n'auoir qu'une religion, que le R. de N? Qui resi-  
ste à l'exécution de l'Edit du Roy pour la reünio  
de ses subjects à yne foy, que le R. de N? Qui est  
cause par consequēt de la rebellion & guerre pre-  
sente, que le R. de N? Qui est cause q tant de gens

sont ruinez, que le R. de N: Qui est cause de toutes les impositions & leues de deniers sur le peuple & l'Eglise que la bôre du roy est cōtraincte de faire pour supporter les frais de la guerre, q̄ le R. de N: Qui est cause que l'Estat s'affoiblit & se diminue tous les iours, que le R. de N: Qui est cause de tāt de vesues & orphelins, que le R. de N: Qui a faict mourir & tuer leurs maris & peres que luy?

Le R. de N.  
ennemy des  
Cath. seuls.

Peut-il donc (disons nous) trouuer mauvais que les bons Cath. qui desirēt plus que leur propre vie la conseruation de l'Eglise & de la religion, de laquelle ils se peuuent moins aisément passer, que des elements du feu & de l'eau, ayent vne si grāde des fiance & horreur de tomber en la puissance & cruelle misericorde du R. de N. & de l'heresie? puis qu'ils n'ont autre qui leur soit plus contraire, qui les trouble, ou les vueille priuer de leur religion, ne qui leur face teste & persecution que luy: puis que luy aussi n'a iamais faict la guerre ny n'a esté par consequent ennemy que des seuls Cath. qu'il n'a veu ny cognu autres qu'il tint pour ennemis que les bons François & Cath. aux despouilles & ruines desquels il s'est acharné & aguerri toute sa vie avec la faueur & recherche de l'amitié de tous les ennemis anciens & recens de la France & du Roy, voire du Turc tesmoing le messāge de celuy, que chacun sçait.

N'est-ce pas le dire anciē qu'on hait ceux, qu'on crainct, n'est-ce pas chose naturelle qu'on crainct beaucoup ceux de qui on a receu beaucoup de maux & oppressions? Qui a faict tāt de maux aux Cath. depuis 26. ans que les heretiques? Qui les à voulu priuer & par paroles frauduleuses & par



force du bien de leur religion que les heretiques? Qui les a pillez & massacrez que les Huguenots? Que peuuent ou doiuent-ils donc plus craindre que les heretiques & Huguenots? ne sont-ce pas leurs vrayz Sarrazins, leurs vrayz Anglois, leurs vrayz Espagnols, & leurs vrayz Bourguignôs, c'est à dire leurs vrayz particuliers & côiurezenneemis? Et si ceux-là ne font rié, qu'autât qu'ils sont poufsez, animez, inspirez & agitez par le R. de N. cômela iner par les vêts, n'est-ce par le R. de N. qui leur faict ces maux? & lequel ils doiuent craindre mortellement: & par consequent selon les hommes le hayr mortellement? & selon Dieu son heresie, & en consequence d'icelle la personne & son autorité y a-il rien si cler & si apparent que cela?

Ils veulent qu'on ne se craigne ny prenne garde que principalemēt de l'Espagnol: & que les François Catholiques le tiennent pour leur principal & seul ennemy en chef, pretendans par ce moyē, & apres nous auoir voillez de ceste passion, se couler parmy & nous accabler du tout. Nous ne voulons pas persuader, que ceux, qui ont charge des frontieres s'endorment sur les Patenostres ou caualiers de l'Espagnol, nous ne sommes pas leurs iusques là, non: non plus que nous ne sommes deliberez d'ouurir les portes de Calais, ou du Haure de Grace, comme ont faict les Huguenots à vous autres Anglois: mais bien sommes nous en cela seul de nous fier plus à l'Espagnol, qu'à l'Anglois: par ce que cestuy-cy est beaucoup plus ancien, plus ordinaire, & plus cruel ennemy, & qui a fait plus de maux en toutes façons aux François, que l'Espagnol ou autre

*Comment  
le R. de N.  
est verifié  
& cogneu  
ennemy ca-  
pital des  
François  
Cath.*

*Si se fit à  
l'Espagnol  
ou Anglois  
ou a nul de  
eux est bien  
faict.*



quel qui soit. Nous ne liſons point, que ceſtuy ait  
iamais fait preſcher au peuple, qu'il y euſt plus de  
merite de faire la guerre ou de tuer vn François,  
qu'un Sarraſin, cōme nos hiſtoires teſmoignent,  
qu'ont fait vos Rois: & leſquels nous doiuent eſtre  
en d'autant plus grande deſſiance qu'ils prennent  
tiltre de Roy de Frāce, & qu'ils pretendēt que nos  
Rois ne ſont qu'vſurpateurs & tyrās, & nous tous  
rebelles: & qu'aussi l'exēple d'Olande, Zelande, &  
du bas païs nous ſert pour cognoiſtre clairement le  
deſir qu'ils ont d'empieter leurs voiſins, ſouz pre-  
texte de ſecours & proteſtiō de religion. Et neār-  
moins le R. de N. prēd à grand honneur & oſe biē  
aduouër, qu'il a faiēt ſa Ligue avec l'Anglois, c'eſt  
à dire qu'il luy a deſia promis part au ſac & aux  
deſpouilles de Paris & de la France. Et cependant  
il crie au loup contre les Catholiques, de ce qu'il a  
opinion qu'ils l'ayent empeschē d'en faire de meſ-  
me enuers l'Eſpagnol, comme ſi c'eſtoit vn priui-  
lege ſpecial en ſa perſonne priuatiuement à tout  
autre, de pouuoir ſeul coniuſer & liguer contre la  
France tous ſes plus grāds ennemis. Et ſi il y a des  
gens ſi ſtupides ou impudents, qui en ſçauent biē  
blaſmer ceux-cy par ſimple coniecture, & ne ſont  
cas de ſa perduellion manifeſte avec l'Anglois.  
C'eſt eſtre trop beſte & paſſionné.

Nous diſōs haut & clair qu'il nous faut eſtimer  
dauātage & nous fier plus ſans cōparaiſon à la re-  
ligion Cath. des Eſpagnols, qu'à l'herēſie des Hu-  
guenots: & q̄ ſe perdre pour ſe perdre, le dāger &  
hazard eſt beaucoup moindre du coſté de l'Eſpa-  
gnol que du R. de N. du coſté du Catholique que  
de l'heretique: du coſté de celui, qui eſt dome-

*Le R. de N.  
appelle les  
eſtrangers à  
ſon ſecours.*

stique de la Foy d'une mesme famille & patéré en Dieu, que del'estranger & de l'ennemy de Dieu & de sa maison: & que la differēce du Catholique & de l'heretique est infiniment plus grande, que celle du François à l'Espagnol. Nous osons bien prononcer avec toute asseurance, qui n'est pas en puissance de l'Espagnol de trauailler la Frâce avec plus grande inhumanité, cruauté & oppression, qu'à fait, & fait le R. de N. que nous ne pouuons craindre de ce costé rien pis, que du R. de N. ains beaucoup moindre confusion de toutes choses & moindre alteration de l'Estat, des loix & de tous ordres, ne fut- ce que pour le moins il nous maintiendrait en ceste si pretieuse & inestimable liaison & reuñion, que par le moyen de la seule religion Cathol. nous auons ensemble & avec Dieu, qui est par icelle nostre Pere & Seigneur, & nous ses enfans & subiects, ou le R. de Nauarte ne tend qu'à la dissolution & rupture, pour nous rendre enfans abastardis, & subiects rebelles, & nous separer de celuy, sans lequel nous sommes moins que rien.

C'est aussi sans doute, que pour le present ny iamaïs leur Royne nous a point tant tourmétez, ne donné occasiō de le craindre & hayr tant que le R. de N. qui se declare par effect nostre capital ennemy, & que partāt nous deuōs courir au plus pressé & plus fâcheux: & ne nous laissāt point pippet à l'Espagnol au oir singulieremēt l'œil ouuert cōtre le R. de N. qui no<sup>r</sup> est plus pres & plus intestin, & lequel certainemēt par les diuisiōs, tuynes, defiances, & desespoirs, qu'il cause & entretiēt en ce Royaume, se peut dire le meilleur Espagnol, le

*Le R. de N.  
tresb<sup>ts</sup> serui-  
teur du Roy  
d'Espagne.*

plus digne & vtile ministre, & qui y aduance plus les affaires du Roy d'Espagne, qu'autre qu'il y puisse desirer iamais. Car quand il auroit consulté cent ans pour rendre l'Espagnol victorieux & maistre de la France, que feroit-il, que ce qu'il fait pour luy faciliter l'entree? quel plus beau chemin en pourroit-il prendre, que celui qu'il tient? Il peut bié s'asseurer que ce Royaume n'est pas pour vn Heretique, il peut bien penser, que ce fort voisin outre les autres Princes Chrestiens, ne le laissera pas iouir de la royauté, apres qu'il aura acablé (si Dieu nous veut tât punir) les Catholiques, qui ne sont que sur la defensiue & pour garder leur possession: il peut bien penser que nous trouuans haracez & hors d'aleins les vns contre les autres, il luy sera aisé de nous maistriser tous. Craignons, & fuyons & opposons nous dōc à l'Espagnol cōme vrais François: Craignons, fuyons & opposons nous au R. de N. cōme vrais François & Chrestiens: resistons à l'Espagnol, comme amateurs de la Majesté des fleurs de lis: resistons à l'huguenot, cōme amateurs de l'honneur de la Croix & de la fleur de lis ensemble: hayssons les Matranes, comme bons François & bons Chrestiens: hayssons pareillement les heretiques, comme bons François & bons Catholiques.

*Esperer  
mieux du  
Roy d'E-  
spagne que  
du R. de N.*

Mais si de malheur nous estiōs prieuez d'un Roy Car. forcez & contraincts de nous ietter entre les bras de l'un ou de l'autre d'iceux, puis que l'orde l'vniō & amitié est plus grāde entre ceux de mesme religion, comme nous dirons plus bas, & qu'il n'y a riē qui nous rende plus loingtains, estrāgers & ennemis les vns des autres, q̄ la contrarietē de

religion, qui doute que nous ne puissions & deuions esperer meilleur traictemēt & composition du Catholique Espagnol, que de l'heretique François? de celuy qui entretiendra noz loix & formes anciennes de la religion & de l'estat, & sera puissant pour nous exēpter & deliurer de l'heretique, que de celuy qui renuersant nostre religion, renuerse l'Estat, & ruine entierement les gens de biē & les bons Catholiques? Mais sans cela, qu'auons nous de plus cher, que nostre ame & les moyēs de nostre salut? La nature n'a-elle pas apprins aux Cathol. de fuir ce qu'ils craignent, de resister à ce qu'ils hayssent, & de s'armer cōtre celuy, qui leur fait la guerre? La nature n'a elle pas apprins aux Cath. de repousser la force par la force, & de recourir aux moyens, que Dieu leur a donné pour vne si iuste defence, que de leur religion, qui tire apres soy leurs vies, biens, honneurs & liberté?

Y a-il remede plus propre & conuenable contre tous inconueniens & occasions de craincte, que la concorde & liaison de ceux qu'on veut accabler, & lesquels sont en mesme subiect de peril & danger? Les Catholiques peuuent-ils moins faire que de s'vnir, croizer, affraiter, associer, se-straindre, lier & relier ensemble, comme vn faisceau de fleches, d'vne mutuelle correspondance, & d'vne commune conionction & communication de volonte, de courages, d'esprits, de conseils & de moyens contre l'heresie? Peuuent-ils faire difficulté de s'vnir, ou, pour parler plus proprement, de conseruer leur vnion, qui est de soy estroicte & inseparable en vn corps, en vn Royaume, en vne cité & communauté, & en vn mes-

2. Point  
que l'union  
des Cath.  
est le reme-  
de souuerain  
contre l'he-  
resie.

me bastimét pour la deffendre & soppofer à leur cōmun & principal ennemy? Doiuent-ils attendre pour luy resister, que celuy duquels ils se desfient plus, que d'hōme du mōde, soit paruenue au point auquel il leur peut nuire sans grād empeschemēt, & auquel ils n'ayēt pour tous secours & remedes qu'une penitence tardiuē, & les souspirs & pleurs de leur faute & stupidité. Ne doiuent-ils pas plus tost & de droit diuin & humain par tous moyēs & artifices l'empeschier d'y arriuer? Que si les heretiques pēsent leur auoir esté permis & licite de faire la guerre cōtre leur Roy legitime & naturel sans aucun doute & scrupule, pour installer leur hereſie & vaine imaginatiō de religiō, que doiuent faire les Catholiques pour la defence & seruice de leur Roy, & pour la conseruatiō de la vraye religiō, contre ccluy qui leur tiēt lieu de Tyrā & vsurpateurs de Dieu & d'Archeistes, comme le R. de N. pense, & ſçait tresbien dire souuent, que sont la plus part des Cath. voire les Euesques, se targant sur ce, qu'ils ne s'affectionnent point sur le fait de leur religiō. Mais no<sup>e</sup> esperōs, que si vne fois ils se voyēt pressēz de la necessitē, & destituez de la prouidence de sa M. sur laquelle ils se reposent, qu'il cognoistra le cōtraire, & sentira à ses despens que le Cath. ne cede en cōur & zele à l'heretique: & qu'il est implacable & indomptable; quand il se voit reduict en ceste extremite de perdre sa religiō. Qu'est-ce que nous voyōs ie vous prie, si no<sup>e</sup> ne voyōs point le grand danger qu'il y a de tōber souz sa domination? que craignons nous si nous ne le craignons pas? A quoy pouuoyon nous, si nous

*Pourquoy  
le R. de N.  
appelle les  
Catholiques  
Archeistes.*

si nous n'y pouruoyons point?

Qui blasmera les esclauues, s'ils voyēt venir leurs maistres pour leur couper la gorge, & ne pouuāt par autre voye se sauuer, s'ils s'entendēt à leur fermer la porte de la chambre? La condition des Catholiques est-elle plus cruelle & rude que la condition des serfs?

*Il est permis de s'opposer au R. de N.*

S'il est permis à tous les membres d'auoir intelligence ensemble pour conseruer le corps, nous peut-il estre defendu, estans membres d'un mesme corps, de nous garder & garētir les vns les autres? & donner ordre de pouuoir fermer la porte au Lion rauissant de l'Heretique, lors qu'il s'y présentera?

Si pour la police humaine il est permis à tout le monde de s'armer contre vn tyran, qui veut occuper sans iuste tiltre vn pays, il sera bien avec plus de raison loisible de se defendre coniointement de celuy, qui en violant les choses sainctes se depouille de toute affection naturelle, foullant aux piedz les Loix & religion qui est le principal lien de ceste vie & de la societé humaine.

*Il est permis de s'opposer contre un tyran, usurpateur.*

Le R. de N. peut-il reprendre iustement en nous ce qu'il approuue & iustifie en soy-mesmes par son exēple? Les Huguenots ne sōt-ils pas de tousiours & en paix & en guerre bādez, liguez, coniuerez, & cōplotez ensemble sous luy, qu'eux mesmes ont fait chef & protecteur cōtre Dieu, le Roy, & l'Eglise? Ne sōt-ils pas vn corps vny & associé, qu'ils nōment le Party (depuis que ce mot de Cause leur fut si infauſte à la S. Barthelemy) lequel a ses Secrétaires, ses receueurs, ses gouuerneurs generaux & prouinciaux, les autres membres & officiers, ses

*Les huguenots sont liguez.*



Scindics, les deputez, les assemblees generales & provinciales, les enrollemens d'hommes, les leuees de deniers, les intelligences & ligues dedâs & dehors le royaume, & les Ambassadeurs? Ne sont-ils pas en possession de capituler avec leur souverain Seigneur, comme liguez? Long temps deuant les remuemens de la sainte Ligue (qu'on appelle) le R. de N. en executant la resolution prise à Montauban, en l'assemblee generale de toutes leurs Eglises, n'auoit-il pas enuoyé le Sieur de Segur en Angleterre, & deuers les Roys de Dennemarck, & Suede, & certains Princes, Seigneurs & villes d'Allemagne, pour renouerler, non comme R. de N. (ce qui seroit peut estre tolerable, mais cômme protecteur des Eglises reformees de France, & chef de ce party, brief au nom des subiects du Roy (il confesse que ce fut contre l'Edict) leurs intelligences, ligues, associations, confederations, & arremens des leuees de gens de guerre, par le moyé d'une milliad d'ordes mesdissances qu'il publioit contre le Roy, & de ceste bonne somme, qu'ils disoient qu'il y apporta? Est-ce chose qui se puisse nier sans impudence, apres les grans ressentimens, & plaintes, que sa Ma. en fist taire au R. de N. apres vne cinquantaine de lettres, que ledit Sieur de Segur escriuit sur son partement & depuis à diuers, ça & là, de l'occasion de son ambassade, apres infinitis aduertissemens, qu'on a eu de la part de ceux mesmes avec lesquels il traitoit: finalement apres les propres memoires, qu'on a recouuert de leur ligue, traite, & resolution.

Pouroit il nier d'autre part, qu'il n'allast de maison en maison chez les Gêtils-hômes de la Guyen-

*Ambassa-  
de de Segur  
en Alem.*

*Le n. de N.  
appelle les  
estrangers à  
son secours*



ne, Xaintonge, & Angoumois, & principalement apres le decez de feu Mōsieur frere du Roy, pour leur faire promettre de suiure sa fortune (c'estoit son mor) aduenāt le decez du Roy, lequel ses plus fauorits disoiēt qu'il auoit aduertissement ne pou uoir viure longuement. Et ses plus confidēs en furent-ils pas par toutes les prouinces du Royaume chez les vns & les autres, pour en faire le mesmes?

*Le R. de N.  
pratique  
les Gentils  
hommes de  
Guyenne.*

Pourroit-il nier d'auoir estē à Castres par diuerses fois, expres pour mettre en desffiance & desespoir le gouuerneur du pays ( que nous regrettons tous) & renoueller leur veille vniō, que ie ne dise pis, & ce long temps deuant qu'il ne se parlaist de ligue ny d'aucun remuement?

Pourroit-il nier qu'il n'eust vendu en mesme temps vne bonne partie de ses biens, pour faire amas de deniers, & pourroit satisfaire à la guerre qu'il desseignoit d'entreprēdre sur cest Estat (vieu vucille qu'il n'y allast rien de la personne du Roy) & contre les bons Catholiques, par le moyen de ses ligues & alliances, qui sont dedans & dehors le Royaume?

Pourroit-il nier qu'a l'occasion de l'entreueuē du Seigneur Duc d'Espernō avec luy, il ne fit publier & semer par tout infinis bruiēts, des aduātages qu'il disoit q̄ le Roy luy proposoit, pour l'asseurer en sa place de son viuāt: & afin d'esteindre ou chasser du royaume les Princes de Lorraine, qui luy estoient en vmbre & soupçō? Pēse-il qu'on aye oublié, comme conformément à cela, & durant la chaude de ces nouuelles, & q̄ les Catholiques en estoient en grand effroy, il recerchast de se rendre maistre de plusieurs villes, & de faict, comme

*Ruse du R.  
de N. pour  
gagner la  
Guyenne.*

ayant fait tout son possible pour euitier sans dire gare, & sous couleur de vouloir passer Xaintonge, dans Bourdeaux, & ayant failly ce coup, il courut en poste à Dacqs, où il entra si à l'improuiste, qu'il auoit dîné, deuant que la plus part püssent croire qu'il y fut. Soudain il accourut de vîstesse à Bayonne sans aduertir le gouuerneur, ne officiers, & sans fourier deuant, seignant n'y estre pour autre occasion, que par passade, & pour auoir le plaisir de veoir iouer au billard, auquel on remarqua sa grande curiosité de vouloir que ce fut par gens d'Eglise. Il desloge le mesme iour, & sejourne es enuironz souz pretexte d'attendre la pesche de la balaine : mais c'estoit pour attendre le rēdez vous des troupes, qu'il y auoit assigné, avec opinion de retourner audict Bayōne mieux accompagné,

*Le Roy de  
N. marry  
qu'on a es-  
menté sa  
mine.*

pour s'en saisir & asseurer : mais ayāt senty le vent qu'il n'y faisoit pas bon pour luy, le voila bien pen- nu. Neantmoins pour couurir son ieu, il dissimule que ce fut refus, & moyēne à son retour vers Nerac, qu'il püssent dîner à saint Seuer, afin de laisser en bonne bouche les Catholiques, qu'il ne pensoit plus qu'à les chetir, comme pere commun, & à l'establissement de la paix, laquelle il publioit tout par tout eternelle avec son Certes, qu'on ne verroit iamais plus guerre pour la Religion : & que des Catholiques & hugenots ce n'estoit plus qu'un, qu'il ne recerchoit que l'amitié des Catholiques, mesmes au cas du decez du Roy, pour lequel il n'oubloit pas de stipuler toutes promesses & sermens. Ce pendāt ceux qui luy assistoient de plus pres, faisoient fort valoir, que ledict Roy de Nauarre auoit refuse d'accepter & prédre le nom

*Le R de N.  
est sembla-  
ble au loup  
qui promet  
toit & iu-  
roit paix  
perpetuelle  
aux brebis.*

de Mōſieur ou Mōſeigneur, que le Roy luy auoit enuoyé offrir, comme à la ſeconde perſonne de France, & que ſa Maieſté luy preſentoit auſſi la Lieutenance generale de la France. Bref, qu'il n'eſtoit rien moins, que Roy ſelō qu'il ſe promettoit de pouuoir obtenir par la pratique & negotiatiō ſecrete, qui ſe faiſoit en Court de ſa part.

*Le R. de  
N. deſt re-  
fuſer le til-  
tre de Mō-  
ſieur.*

Il n'y a point de doute que ces bruits, entrees des villes inopinees, & ſes doux lāgages & amiellemens auec ce qu'il eſt de belle deſaictē, & à la rē-contre du viſage aſſez agreable, auſſi qu'on ne voyoit en ce pays là autre Soleil que luy, qui ſembloit reſplendir tout de nouueau de la lueur, qu'il faiſnoit que le Seigneur d'Eſpernon luy auoit apporté de la part du Roy, joinēt la laſitude & eſtourdiſſement que les lōgues guerres ont apportē à ce peuple, n'attiraſſent beaucoup de gēs à luy, & ne rendiſſent d'autre part ceux qui auoient de l'entendement, & la charge des villes bien eſtonnez de ce grand & ſi ſoudain changemēt, & quaſi eſperduz de ce qu'ils deuoient faire s'il ſe preſentoit à leurs villes, pour la crainte qu'ils auoiet d'en courir ſon haine, & la diſgrace du Roy, ou de ſe perdre, & ſe ſouz-mettre & precipiter à vne ſeruitude miſerable pour iamais. Ainſi il ne perdoit aucun moyen de ſe preualoir du pretexte de la bienueillance du Roy, laquelle il voyoit luy gaigner beaucoup de Catholiques, & effrayer tellement les autres, que nul (tant la crainte & le deſeſpoir eſtoit grand) ozoit luy contredire, reſiſter ou deſplaire. Et ſi ce ieu luy euſt durē lōg temps, il ſe faiſoit infailliblemēt Duc & maiſtre de la Guyenne, où l'on y euſt veu de grandes ſeditions & remue-

*Eſtonne-  
mēt des Ca-  
thol.*

*Pauvre  
Mont de  
Marfan a-  
bandonné  
à la cruau-  
té du R. de  
N.*

mens, pour les frayeurs, que les Catholiques s'en imaginoient, & contre luy, & ( ce qui estoit pis) peut estre, contre le Roy, lequel ils auoient opiniõ les vouloir laisser & liurer souz main, & pour faute de defence & protection au pouuoir du R. de N. à l'exemple de ceux du Mont de Marfan, que ils disoient estre du tout abandonnez à sa mercy. Toutes ces choses si pleines de tres-grâdes desfiâces, & si fort preiudiciables à la vie des Catholiques, & seureté de leur Religio, & de tout l'Estat, n'estoient-elles plus que suffisantes pour les occasionner & contraindre de penser à leurs affaires, par vne bonne vnion & intelligence, & que ceux qui tenoiẽt les premiers ordres & rengs en la Frânce, & parmy eux, s'en remuassent à bon escient, du contentement & intention de sa Maieستé?

*Le Cardi-  
nal de Bour-  
bon iustifié*

Peut-il estre bien seant au R. de N. de blasmer le Cardinal de Bourbon & les Princes ses oncles & cousins, d'auoir recherché ( si tant est qu'ils l'ont fait ) les moyens du Roy Catholique, luy, qui est cher de ceux, qui ont tant de fois moyenné d'amener le Turc en France, par Ambassades expres des Sieurs de Teligny, du Bourg, & autres, comme les Albigeois leurs peres appellarent à leur secours les Roys d'Arragon, & de Maroc Sarra- sins? N'est-ce pas la defence & le iargon accoustumé deses Ministres, & leurs propres paroles? Que s'il est question de religion, des loix, du repos, & de l'auancement du Royaume de Christ, qui est seul chef & Roy de son Eglise par toute la terre, sans aucune distinction ne interualle, ou le Flamen, Allemand, Anglois, Escossois, François, l'Italien & l'Espagnol sont tous comprins

souz cest Estat, vn chacun membre est obligé d'aider à l'autre selon la charité Chrestienne, & le commandement de Dieu, & sa vocation expresse. Si aussi Charlemaigne avec les François anciens a esté loué de toute l'antiquité, d'auoir faict la guerre & combattu les Espagnols, pour la seule cause de la Religion, & de ce qu'ils estoient Sarrazins, encor qu'il ne fut point leur seigneur ou superieur, comment peut-on blasmer iustement les Espagnols, si en rendant la pareille aux François, ils s'employét, mesmement souz le bõ plaisir du Roy, à combattre le R. de N. & les Heretiques François, pour ce principalement, qu'ils sont Heretiques, & oppresseurs des Catholiques? Constantin le Grand fist la guerre à Licinius son Collegue, & de mesme puissancé & auctorité, que luy en l'Empire, luy faict trancher la teste, pour la seule cause de la Religion, & les oppressions qu'il faisoit aux Eglises, & aux Catholiq. Tous les Peres approuuent (comme nous dirons) tant en luy, qu'en infinis autres, qui ont fait la guerre pour la Religio, voire à ceux, qui n'estoient de leur obeysance, ceste entreprinse pour saincte & louable. Pourquoy seront blasmez les Italiens, les Suisses, les Espagnols, & autres nations de se mesler à conseruer en France la religion Chrestienne, & la preseruer de la tyrannie de l'heresie, & du R. de N. son protecteur & fauteur? N'est-ce pas (ont ils escrit) vne grande malice, d'estandre pour nous separer les querelles d'Estat au faict de la religion, en laquelle nous sommes plusieurs freres de mesme esprit, tous d'un corps, & mebres l'un de l'autre, vn mesme labourage, tous ceps d'une vigne, voire tous

*Permis à  
l'estranger  
de venir au  
secours de  
la religio.*

» branches d'un cep, & tous soldats d'un Capitaine, Il n'y a rien qui separe plus les vns des autres, que la diuersité de Religion, aussi il n'y a rien qui les vnisse & lie dauantage, que l'vnion de Religion: tellement que la conionction de Religion passe beaucoup celle, qui est à cause du pays, de la nation de mesme langue, & d'un mesme sang & Seigneur, comme nous experimenterons tous les iours, que deux François, Anglois, & Espagnols, qui sont de mesme Religion, ont plus d'affection entr'eux que deux concitoyens, que deux freres subiects à vn mesme Seigneur & pere, qui seroient de diuerse Religion. Ce que neantmoins nous voulons estre dict, non pour craincte, que nous ayons, que si nous voulons estre bien vnis ensemble, il nous soit besoin, avec l'ayde de Dieu, de recourir à ces estrangers, moins encores pour aucune inclination que nous ayons à la domination ny de l'Espagnol, ny d'aucun d'eux, ains seulement pour responce au reproches des Heretiques, & pour declaration combié nous les auons en horreur & detestation sur tout ce qui est au monde.

*La Religio  
cause d'v-  
nion.*

*Le R. de N.  
a tasché de  
pratiquer  
l'Espagnol*

Toutéfois n'est-ce pas le R. de N. qui premier a enuoyé, par diuers messages & ans, le Visconte de Chaux s<sup>r</sup> subiect du pais de Nauarre, pour traiter avec ce Roy estranger, & tascher d'en tirer des moyes de troubler la Frâce, sous promesse, qu'il luy feroit, de diuertir par ce moyen les desseins, que feu Monsieur auoit en Flādes, & de le véger du Roy. Ne sçait-on pas le nom du Cheualier Espagnol, avec lequel Mornay Sieur du Plessy negocia fort secretement, par plusieurs fois, dedans les allees du



iardin de Pau ? N'empescha il point en effect tant qu'il peut, que ceux de s<sup>o</sup> party n'allassēt à la Ter-  
ciere cōtre le Roy d'Espagne? Et si le Sieur de Tu-  
renne l'eut creu, eust il este prins en Flandres?

Pourroit il nier, que apres vne poursuite de tāt  
d'annees, de despit de n'auoir rien peu tirer en ef-  
fect du Roy d'Espagne, qu'en promesses cinquā-  
re mil escus de secours pour tout, & en effect que  
du vent, comme c'est vn Prince, lequel estant tenu  
pour fort aduisé & prudent, n'auoit garde de s'y  
fier, il n'enuoyast expres ledit Du-Plellis en Cour  
vers le R<sup>oy</sup>, pour accuser Messieurs de Guyse d'a-  
uoir intelligence avec ledict Roy? Qui toute fois  
n'en fist pas grand cas, fuiuant la predi<sup>c</sup>tion de l'es-  
prit familier de ce fameux Fauas, qui les aduertit,  
lors qu'ils delibererent dudit voyage, qu'il seroit  
en vain, comme venāt, disoit il, de ce costé, que le  
Roy sçauoit estre mal content d'auoir esté escon-  
duit dudit Roy d'Espagne, & estre ennemy de  
ceux de Guise. Aussi à la verité il n'e pouuoit auoir  
pour lors aucun argument, que la seule coniectu-  
re fōdee, sur ce, que l'Espagnol ne le pouuoit lais-  
ser ou mespriser, que d'autant qu'il traicteroit &  
s'asseuroit des Sieurs de Guyse ses contraires. A  
quoy si peut estre ils y ont pensé depuis, l'on ne le  
peut imputer, que aux menes du R. de N. lequel  
rafchoit de leur soubstraire routes les aydes & tou-  
tes les esperances, qu'ils pourroient auoir pour le  
temps, qu'il desseignoit de les accabler. Et de fait,  
se voyant entierement frustré de ce costé, il se re-  
solut de traicter ouuertement avec les estran-  
gers, qui hayssent le Catholisme, & à ces fins  
il commence à despescher, contre la volonté du

*Pourquoy  
le R. de N.  
accuse les  
Sieurs de  
Guyse de  
Ligue avec  
l'Espagnol*



Roi, & au mespris de sa maiesté, le Sieur de Seigur,

Pourroit il nyer que le Sieur de Sainte Aldegonde ( qui est à present Catholique ) & les autres deputez ou Ambassadeurs du pays bas vers feu Monsieur, pour l'inuiter à leur secours, ne le publiassent pour tref-bon Espagnol & ne fournissent tref-bons memoires des intelligences, qu'il y auoit deslors en l'an 1580. qui furent veriffies par effect en ce que ne luy ne le Prince de Condé ne voulurent oncques assister ne fauorizer les executions de feu Monsieur en ce pays là contre le Roy d'Espaigne? combien qu'ils luy en eussent fait de grandes promesses & serments & l'y eussent principalement engaigé par là, & par la declaration publique, qu'ils faisoient à tout le monde, d'y vouloir transporter la guerre de la France?

Pourroit il nyer, que à ceux qui luy en parloient de la part du Roy d'y auoir bonne part, il ne l'euaust honnestement, & ne fut tref-aisé, qu'on en pensast encor plus qu'il n'y en auoit.

Il est marry qu'on aye eu des yeux pour preuoir & pouruoir à ses menées & practiques. Il est marry qu'on aye rompu sa negociation d'Espaigne, & qu'on luy aye soustraiect le moyen de pouuoir par là troubler la France: mais c'est avec aussi bonne raison, que le feu Empereur Charles cinquieme descroit la pieté du feu Roy François premier & de ses subiects, pour estre ligué avec le Turc contre luy, apres qu'il n'auoit peu y paruenir, & qu'il en auroit esté esconduit entierement disposés à faire s'ils pouuoient, ce qu'ils blasment en autrui, disoit vn Romain, qu'à semblable propos il est marry que les Ca-

*Le R. de N.  
ne va en  
Flandres  
pour sa-  
uoir le Roy  
d'Espai-  
gne.*

tholiques ayent eu de la preuoiſce & du ſentimēt, pour luy faire teſte & ne laiſſer point coupper la gorge au Roy & à ſoy meſme. Il eſt mary que le Cardinal de Bourbon & les Princes, qui eſtoiēt en poſſeſſion de maintenir & defendre c'eſt Eſtat & l'Egliſe, ayant eſtē ſi bons ſeruiteurs de Dieu, de leurs Maieſtez, & de l'Eſtat, qu'ils avēt preuenu en ce bon office ceux, qui couuroyēt ſon momon en entretenant ſa Maieſté ſur des vaines eſperāces de pouuoir ramener par douceur & promeſſes de grādeur le R. de N. & moyenner qu'il ſe departit des intelligences, qu'il auoit dedans & dehors le Royaume, pour ſe réunir entieremēt à l'Egliſe Catholique, au Roy & au Royaume.

Ils cognoiſſoient bien, que l'on abuſoit en ce de la clemence & affectiō extreme, que le Roy auoit à preſeruer ſon peuple de la guerre : neantmoins ils touchoient au doigt la ruine entiere & prochaine & d'eux & de c'eſt eſtat, s'il eut eſte pourueu à la haſte. C'eſt ce, qui les fait reſouldre ſi ſoudain (comme il à bien paru en ce qu'ils auoient ſi mal pourueu à leurs affaires) à leur grand regret & à leur corps deffendant, de receuoir aux armes, à la fidelité & affection des bons François Catholiques & aux moyēs de leurs amis particuliers, ayās ietté aux pieds de ſa Mag. & leurs communes intelligences & leurs volontez & leurs moyens avec leur propre vie, pour en diſpoſer à ſon plaifir, pourueu que la France & l'Egliſe fut garentie de la gangrene, qui commençoit fort appertement à la ſuffocquer par l'herēſie, & les pratiques du R. de N.

Eſt-il bon que le R. de N. veut deſcrier la cauſe

de la religion du Roy, du Cardinal de Bourbon, des Princes & de tous les Catholiques zelez & associez sous pretexte de l'ambitiō, qu'il impute à ceux de la maison de Lorraine, cōme il veut assieoir le fondement de ses desseins sur les calomnies, qu'il publie pour le rendre odieux ? Il sembloit que luy & les Huguenots n'en voussissent cy deuant qu'à ceux de Guyse, c'est à dire aux puiſſez de ceste maison de Lorraine : mais il ayme si fort ceste Couronne de France, que, comme les Poëtes feint l'amour sans yeux, il en est tant aveuglé de la ialousie, qu'il ne sçait, à qui s'en prendre. Sa conscience & la certaine cognoissance, qu'il à de la sincerité qu'il a cognu si priuement en ceux de Guyse ne luy peut permettre de leur imputer vn si grand larcin que de la Couronne ? Toutesfois la peur qu'il à de la perdre, est cause qu'il en n'est en si grand desſiance contre de Duc de Lorraine, chef de leurs armes, & consequemment cōtre tous ceux de ceste famille, qu'il luy sèble à tout propos, qu'ils la luy veulent oster de la teste, pour se la garder. Nous laissons à ceux de Lorraine, & à leurs seruiteurs à gages de rabatre tant de libelles diffamatoires, iniures, & calomnies contre leur reputation, & de deffendre leur querelle contre le R. de N. qui se declare leur ennemy particulier, estās assez forts & suffisans, pour la demesler, sans que nous nous en entremetiōs, ioint qu'ils sōt si cognuz de gēs de biē, que leur probité & innocence est le meilleur orateur ( comme disoient les anciens ) & escriuain, qu'ils puissent employer. Aussi nous n'auons entrepris en ce lieu, que de deffendre l'interest & la cause de Dieu, & celle du Roy

& du royaume autant qu'elle suit, où y est con-  
jointe, poutans à beaucoup de regret (& Dieu le  
sçait) lors que nous sommes contraincts parler si  
peu que ce soit du R. de N. entant qu'il est enne-  
my iuré de Dieu, du Roy, & de l'Estat, avec moins  
de reuerence, que le deuoir humain ne porte en-  
uers vn Prince de si Royale extraction, qui seroit  
exempt de telle tasche.

Nous dirons seulement que le R. de N. sauff son  
honneur, monstre vne trop grande contrarieté en  
cest endroit. Vne fois il dict, q̄ ceux de Lorraine  
veulēt esteindre la maison de Frāce ou de Bour-  
bon (car de ces deux il n'en faiēt qu'une) luy oster  
la couronne, & la garder pour eux: l'autre fois il  
les accuse, qu'ils la veulent faire tomber au Cardi-  
nal de Bourbon leur oncle commun, & qu'à ces  
fins ils ont voulu forcer le Roy de le declarer son  
legitime successeur. Je vous prie s'ils vouloient o-  
ster la couronne à la maison de Bourbon, quelle  
apparence y a-il qu'ils poursuiussent l'establis-  
sment du Roy en la personne dudit Sieur  
Cardinal, qui est autant que la faire tomber dans  
ceste maison & famille de Bourbon: parce que  
l'ayant receüe vne fois par son moyen, elle ne l'y  
pourroit estre plus contestee & debatüe, ny aux  
plus proches Catholiques de ceste maison, adue-  
nant son decez ny par eux ny par autres. Si tāt est,  
qu'ils ayent demandé reiglement pour le succes-  
seur du Roy, le peuuent-ils auoir faiēt par simpli-  
cité, & pour ne cognoistre pas bien que cela auoit  
del'odieux en soy, ains principalement pour es-  
claircir vn chacun, que ce n'estoit pas l'ambition,  
qui les pouissoit, comme les Huguenots auoient

*Contrarie-  
té du R. de  
N.*

*Argument  
in dissolu-  
ble que  
ceux de  
Lorraine  
ne preten-  
dent à la  
Couronne.*

coustume de les calomnier? Car comment se pou-  
uoient ils mieux brider, ou pour mieux dire,  
comment pouuoient ils plus clairement renon-  
cer à tout droit, qu'on pourroit p[re]s[er], qu'ils y puis-  
sent prétendre que de poursuiure à asséurer la Cou-  
ronne à la famille de Bourbon? Est-ce faire contre  
la maison de Bourbon, que de luy procurer si gr[an]d  
aduantage? Et de fait les propres seruiteurs du R.  
de N. ne luy ont ils pas souuent remonstré, que  
ceux de Guyse faisoient par la grandement pour  
luy, & la maison en luy ouurant la porte de la  
Royauté par le moyen de son oncle, qui l'a tant ai-  
mé que de luy auoir cédé & donné de son tem-  
porel plus de 40 mille liures de reuenue. En effe[ct]  
pouuoient ils mieux tesmoigner à tout le monde  
qu'on les accusoit fausement d'y pretendre pour  
eux, que de desirer & tascher que le Roy voidast  
luy mesmes le different & doubte, qui y pouuoit  
estre, lequel chacun cognoist ne pouuoit estre sus-  
pect en leur endroit, pour ce regard? ioinct  
qu'ils poursuiuroient en ce cas le iugement d'en-  
tre les deux competeurs, qui sont tous deux  
de la mesme maison de Bourbon en ligne ma-  
culine.

Les sieurs  
de Guyse  
combatoient  
pour la  
maison de  
Bourbon.

Ou quād ils eussent eu quelque mauuaise inten-  
tiō pour eux contre ceste maison, n'eussent ils pas  
esté aduisez iusques là, que de ne parler que du fait  
de la religion, & attendre que le tēps ou la confu-  
sion leur en peut faciliter les moyēs: mais s'ils ont  
anticipé, ne montrent ils pas bien euidément que  
tant s'en faut qu'ils en veulent à ceste maison, que  
c'est pour elle seule, apres la religion, qu'ils se re-  
muēt fauorisant vn subiet si digne, que ledit sieur

Cardinal. Cōtre lequel, outre qu'il est le plus proche, on ne peut alleguer aucune exclusion d'heresie, ne d'autre cause legitime, & lequel soit comme plus proche que le R. de N. soit comme entrant en sa place par forclusion, à cause d'heresie (quand mesmes sa pretendue representation auroit lieu) ne peut que en l'un ou en l'autre cas il ne soit le plus habille, que se puisse imaginer, pour recueillir la succession du Royaume, s'il suruiuoit à sa Maieité. Au cōtraire s'ils n'eussent faict aucune mention du successeur, ils demeueroient plus exposez à calomnie & mesdisance notammēt qu'ils ne pouuoient ignorer l'ouuerture, & la poursuite, que le R. de N. en auoit faict faire par Roquelaure & autres, & laquelle estoit continuee par ceux, qui le pourroient pres sa Maieité, sans y oublier aucun artifice iusques mesmes à se preualoir de l'extreme affection, que le Roy auoit à conseruer la paix assseurer son royaume & à soulager son peuple, pour l'intimider des forces du R. de N. & de la resolution, qu'il cōmençoit à prendre à s'en vouloir faire acroire par voye de faict Nous attestōs icy la conscience du R. de N. & de ses confidens & domestiques, si ce n'estoit pas son langage ordinaire, & l'ōsçait bien de l'instruction de qui, & lequel en sçait tres-bien vser. Si aussi ils n'en ont point poursuiuy opiniastrément la decision, il leur suffit d'auoir rōpu ceste mēee, & que le Roy en demeure satisfait, & que chacun cognoisse, que toute leur intention & dessein n'estoit & n'est que pour fortifier sa Maieité contre la force, menace & la violente poursuite, qu'on luy en faisoit, & pour conseruer neantmoins à la maison de Bourbon son reng &



proximité à la Courronne, en maintenât tout ensemble, & sur tout la Religion Catholique, & les Loix du Royaume. & en s'opposant seulement à ce que nul y soit reçu, qui soit heretique, sans toutesfois qu'ils ayent attacké, ny nommé aucunement le R. de N. non plus que le Prince de Condé, ou autre, mais s'il l'a voulu interpreter de soy mesme, c'est que sa conscience l'accuse, ou qu'il à esté bien aisé de faire vne querelle d'Allemagne, pour brouiller l'Estat, souz le pretexte d'auoir partie, & faire par ce moyen honnestement la guerre au Roy, souz couleur de n'en vouloir qu'à ceux de Guyse, ou de Lorraine, selon l'ancienne façon des coniurateurs, contre lesquels il n'a point de honre (chose indigne d'un Prince, & de tout cœur genereux) de tailler la plume de Mornay, de ces Aduocats à toutes mains & causes, Belloy, des Ostaux, & autres ses escriuains à gages, pour publier mille calomnies & mesdisances contre eux, qui sont ses Cousins germains, & lesquels, quelque chose qu'il puisse dire, sont cognuz à tout le monde pour Princes vertueux & exempts de tout blasme, & lesquels ont autant merité de la France, que le R. de N. en à demerité, & qu'on sçait aussi luy auoir rendu plus de seruice & respect, que tous ses autres parens, & autant que la consideration du seruice du Roy, de l'Estat & de la Religion leur à peu permettre.

*Ceux de la  
Ligue non  
rebelles.*

Il faict retenir en tous ses escrits, que ces genereux Princes, & ces ceux de la Ligue ont esté declarés rebelles par le Roy, & les Cours de Parlemēt: mais il ne s'apperçoit pas, que si c'est vn faict suffisant pour les rendre odieux & punissables, qu'il se faict



faict son proces. D'autant que non vne fois, mais infinies & continuellemēt le R. de N. & ses adhérens ont esté declarez rebelles, & criminels de leze maiesté diuine & humaine, non avec le commun, & parmy ceux de leur party, ou en termes généraux (comme ils ne peuuent que le pretendre sur les autres) ains nommément & specifiquement. Dequoy il a fallu, qu'ils en ayent esté nommément & spécialement pardonnez, ou pour mieux dire, laissez impunis par les Edits & Arrests, sans qu'ils ayent eu iamais cest honneur, que le Roy & ses Edits ayent tesmoigné à tout le monde, comme ils ont faict de ces Seigneurs, que tout ce qu'ils auoient faict, n'estoit que pour le zele de la Religion, & nullement pour ambition & rebellion. Tellement que ceste tache de rebellion n'a point esté effacee du R. de N. & des Huguenots par aucun Edit, ains seulement la peine ciuile d'icelle remise. Or si la maxime ordinaire de leurs Ministres, & qu'ils ont aussi publié si souuēt parmy leurs liurets, est veritable, Que ce que les principaux officiers d'un pays font pour l'aduancement de la Religion & de la gloire de Dieu ne peult estre imputé à rebellion, non pas mesmes que les Magistratz inferieurs font, en resistāt au souuerain, qui se destourne des bonnes Loix & conditions, qu'il aura iurees (ce sont leurs paroles) comment donques peuuent-ils attribuer ce tiltre infame de rebelles à ces Seigneurs; si ce n'est autant, qu'ils ont ceste fauce opinion, que la Religion Catholique ne vaut rien, & qu'elle ne tend que contre la gloire de Dieu? Ne nous pouuons-nous pas bien plaindre iustement sur ce avec vn ancien, de ce que le

*La note de  
rebellion de-  
meure au  
R. de N. et  
aux heret.*

perſide ſe rend ſi aſpre exacteur de la Foy d'au-  
truy ? Car comment peuent-ils eux meſmes cui-  
ter enuers les Catholiques & toute la Chreſtienté  
le tiltre veritable des rebelles, ſ'il n'y a rien, qui les  
en puiſſe ſauuer à leur propre dire, que le zele que  
ils portent à leur religion ? Et ſi elle ne peut eſtre  
ſelon la foy des Catholiques, qu'une pure hereſie  
& rebellion enuers Dieu : n'eſt-ce pas vne trop  
grande impudence (ſoit dit ſans iniure) que de re-  
nir pour rebelles ceux, qui combattent pour la re-  
ligion du Roy & du Royaume (mettons que ce  
ſoit ſans ſon commandement) & en vouloir exem-  
pter ceux, qui l'aſſailent, & qui ſ'en declarent ſes  
ennemis, par tant de cruels eſſects ?

*Fauſſe re-  
proche à la  
lique de  
villes de  
ſeureté.*

*Raiſon que  
le Roy a co-  
ſtitué les  
villes de  
ſeureté au  
R. de N.*

Ils leur reprochent auſſi les villes de ſeureté, &  
qu'ils les ont obtenues contre la volonté du Roy :  
où au contraire ils ſe glorifient que ſa Maieſté leur  
accorda de ſon plein gré les leurs pour quelques  
ans voire apres le terme expiré. Mais puis qu'ils  
s'attaquent ainſi à l'honneur du Roy, comme ſ'ils  
vouloient perſuader au monde, qu'il fut pour  
eux, & qu'il voulut trahir les Catholiques, pour  
les ſauoriſer, nous ſommes contraincts de leur  
faire ſouuenir que le Roy ne leur accorda iamais  
la prorogation du terme de la reddition deſdites  
villes, que par force, & les voyant reſoluz de faire  
la guerre pluſtoſt, que les laſcher, & auſſi pour em-  
peſcher que le R. de N. & le Prince de Condé ne  
prinſent pretexte de la guerre ſur-ce, qu'ils ne iouyſ-  
ſoient de leurs gouuernemens. Car puis qu'ils ſe  
couuroient en la retention d'icelles villes, ſur-ce  
que les deſſiances, n'eſtoient amorties, le Roy leur  
ſcût tres-prudemment reſpondre, que pour ce-

ste mesme raison il n'estoit pas raisonnable, qu'ils entraissent és villes Cath. de leurs gouuernemens. Ioinct que nes'estant point departis de toutes ligues & associations, ains continuant à se maintenir chefs de ceux, que les Catholiques pouuoient plus craindre, ce seroit les desesperer par trop, que de les abandonner à leur domination. & gouuernemēt. Et par ainsi pour euitier pis, il leur relascha ce qu'ils estimoiet moins, sans toute fois leur auoir voulu continuer la soule de des garnisons d'icelles.

Et ne falloit pas soubz ombre d'attaquer ces Seigneurs de Guyse, qu'ils calomniaissent ou tiraissent ainsi en enuie la Maiesté enuers ses bons subiects les Catholiques, lesquels se sont si souuent plaincts des oppressions, qui procedent de leurs villes de seureté. Et la differēce est aussi trop apparente de la condition de celles-là, à celles qui sont és mains de ces Seigneurs, comme estans de leurs gouuernemens, & ausquels pour ceste seule raison, n'ayant point commis de felonie, il leur appartenoit tousiours de cōmander, Car en celles-cy il ne s'y recognoit aucun changement ny alteration, ny au gouuernemēt de la Religion, ny a celuy de la Iustice, ny pour le regard des armes & de la garnison, moins encores pour la liberté, biens & commoditez des habitans, non plus que deuant: ou aux autres il se faiēt du tout vn monde & Estat nouueau: d'un estat Chrestien, Politique, & de bourgeoisie, vn estat Heretique, tumultuaire, & de soldats, avec nouueaux forts & citadelles, n'y ayant lieu, que pour l'Huguenot incompatible & cruel, avec vn bannissement des Catholiques & de leur Religiō, pour le moins de la liberté d'i-

celle & de toute execution de iustice criminelle, & ciuile, sinon au gré du soldat, & le mesme est pour les enuironz à quatre & dix lieues. Tellemēt q̄ les Estatz generaux de Bloys ne douterēt point de les appeller retraites & asyles de larrons, & de gens de sac & de corde: & nous appellons en cecy pour bons tesmoins les villes de Perigueux, de la Reole, de Montsegur, de Montpellier, Serres, Seine, le Mas de Verdú, & autres, qui s'en resenti-  
ront tant que la memoire des viuans durera.

*La Ligne  
n'a rompu  
la paix.*

Ils les accusent d'auoir rompu la paix & repos du Royaume, & que deuant leurs remuemēs l'estat estoit fort tranquille, & calme. O impudence de Renard ! n'est-ce pas se preualoir par trop de la simplicité & ignorance du commun peuple, qui estime paix, pourueu qu'il n'oye point des trompettes, & tabourins, & qui ne se chaut qu'on abbatte ses murailles par sappe & mines, pourueu que le canon ne l'estonne, ou qu'il ne trouble son vin. Il en faudroit demander l'opinion à ceux qui manioient les affaires, lesquels vous respondroient avec S. Cyprien parlant des Heretiques, Qu'il n'y a ennemy plus dangereux, que celuy, qui trompe avec l'image & le visage de paix. Qui auoit esmeu le Roy à leur vouloir commencer la guerre par le Languedoc, l'annee de deuant, que les menées & pratiques, que sa Maiesté, apres y auoir enuoyé le Sieur de Rieux avec si amples instructions, & y auoir fait acheminer tant de forces, voyoit qu'on faisoit hors & dedans le Royaume, pour le surprendre à l'impourueu: Qui auoit esté cause, que sa Maiesté auoit enuoyé tant de gens de sa part, & de ce costé-là, & vers le R. de N. quē

pour tascher de diuertir l'orage qu'il preuoyoit prochain, & pour cuiten d'étrer en guerre? Appelez vous paix, quand l'ennemy s'auance & gaigne pays? quand il fait ses pratiques & approches à la Couronné par sappe & mine? quand le R. de N. abbat les maisons des Catholiques, qu'il ne peut seduire! quand il prend par escallade la ville du Mont de Marsan, (apres auoir prins huit mil escus du Roy, pour la laisser en l'estat qu'elle estoit) & y bastir vne forte citadelle, contre la volôré du Roy, & l'Edict de paix, pour brauer sa Maiesté, amoindrir le courage des Catholiques, & accroistre celuy des Huguenots & de ses partizás, monstrant qu'il auoit assez de moyen & d'auctorité pour se faire droit à soy-mesme en son Royaume? bref, qu'il pratique ouuertement les villes, les Gêtils-hômés & vn chacun, de vouloir courir sa fortune, aduenant le decez du Roy: qu'il enroolle les gens de guerre, & les tient prests, comme l'oueuement monstra, les ayant mis soudain que cès remuemens suruindrét, tout aux champs, & en campagne, outre l'attestation des Capitaines, comme ils auoient esté arres plus de six mois deuant: & l'on vit aussi tout aussi tost vne grande flotté de vaisseaux de guerre Anglois deuant le port de la Rochelle. Finalement, est-ce rompre la Paix; que de remettre l'estat en sa première vnion & re-vnion de Religion, suiuant le serment du Roy, & le deuoir, que tous les officiers de ceste Couronne, & gouuerneurs des prouinçes ont à Dieu, à la patrie, & à cest Estat? Est-ce rompre la Paix, qu'aller au deuant, & rompre les pratiques & le cours d'une guerre irremediable? Est-ce troubler le repos

que de consoler & affermer les Catholiques contre ce qui leur donne plus de frayeur? Est-ce irriter le Roy, que de le servir & se conformer en ce qu'il souhaitoit le plus? Est-ce ruiner la France, que de la preseruer de la plus contagieuse & mortelle maladie, qu'une Monarchie puisse auoir, c'est à dire, l'heresie? Est-ce diuiser le Royaume, que d'en ôster la principale cause ou appast de diuision? Est-ce motiuer guerre, que de la repousser en son corps defendant? Est-ce violenter les Loix, qu'en demander l'entretenement & execution? Est-ce faire monopoles & les nouuelles Ligues, que de reueiller & mettre en œuvre la conuiction & commune intelligence que Dieu a imprimé & cimenté au cœur de tois Catholiques, & tous François? Est-ce vne reprehension qui puisse estre bien prinse de la part de ceux qui sont coutumiers à tels stratagemes de prendre les armes? & comment la guerre à jour nommé contre le Roy & les Catholiques, resmoin les iournees de la S. Michel à Meaulx, de S. Mathias, à S. Germain, & de 14. d'Auil en l'an 1580? Comme s'il n'estoit permis d'apprendre à leur escole.

Le R. de N.  
a à partie  
les Catho.

Il ne faut point que le R. de N. s'attaque plus particulièrement à ceux de Lorraine, ny qu'il les prene seuls à partie. Car entor que leur zele & valeur soit très-cogneue & tres-louable à iamais, & qu'ils ne soient point subiers à desaduieu, ny de la part des Catholiques ny du Roy: si ne faut il pas penser que ceste grâde & riche vniuersité & multitude de Catholiques, à qui il a affaire proprement, ne se souuerne pour tousiours des maux, iniures, & vexations, qu'elle a receu & reçoit, & est mena-



cee de receuoir par son moyē & occasiō, & qu'el-  
 le ne trouue au môde, avec l'aide de Dieu, le Roy  
 luy defaillant, ou ceux de Lorraine s'accordans a-  
 uec le R. de N. ou bien iceux estans tuez, ou quit-  
 tant leur party & defence, assez des Princes & gēs  
 d'autorité & moyen tant dedans que dehors le  
 Royaume, qui les puissent conseruer contre les  
 fauces pretentions, cruelles entreprinſes, cruau-  
 tez enragees, & iniuste domination, que ie ne die Bar-  
 bare tyrannie: aussi longuement & aussi bien pour  
 le moins, que ce petit & chetif troupeau de Hu-  
 guenots, maudict de Dieu, des Anges, & des hom-  
 mes a esté conserué par ceux, à qui il s'est voué &  
 souz-mis. S'il luy a esté permis de choisir pour ses  
 protecteurs & chefs ceux, qu'il luy a pleu, pour-  
 quoy non aux Catholiques de suiure & embrasser  
 ceux que le Roy leur a donné & commandé par  
 tant de fois? Si le R. de N. a ozé s'opposer en tou-  
 tes façons soubs la faueur de tel party aux Edicts,  
 cōmandemēs, & volonteſ des Roys legitimes, re-  
 ceuz & establis du consentement de tous: pour-  
 quoy ne pourra faire de meſme le moindre Prin-  
 ce ou chef Catholique en faueur du party Catho-  
 lique, & des Édits du Roy, soit pour l'empêcher  
 de s'establiſ contre les Loix, & le consentemēt de  
 tous les Catholiques, soit pour resister à ſes ordō-  
 nances, menees & forces cōtre la Religion Catho-  
 lique, si tant eſt, qu'il vienne là? S'il eſtime faire sa-  
 crifice à Dieu, que de persecuter les Catholiques,  
 pourquoy ne croiront le meſme les Catholiques,  
 de se descharger de luy & des heretiques? Si le Roy  
 de N. pense pouuoir auoir legitiment ſes intel-  
 ligences hors & dedans le Royaume, à la ruine de

*Permis aux  
 Cathol. le  
 meſme que  
 aux Hu-  
 guenots.*



l'Eglise Catholique, pourquoy ne sera-il permis au moindre d'en auoir pour la conseruation d'icelle, & singulierement pour s'en seruir au temps, qu'ils se verroient priuez de l'assistance, preuoyance, auctorité & protection du Roy? S'il n'a point de honte de dire & publier, qu'il s'est preparé & a donné ordre à ses affaires, pour estre prest de saisir par armes la Couronne, aduenant le defaut du Roy, ou autrement, lors qu'il verra son bon, pourquoy rougiront les Catholiques, ou chacun d'eux de penser à se defendre, & tascher de la luy arracher des mains & des poulces, & lors, & tout autant de fois, qu'il y voudra pretendre? Si les Huguenots ont ozé maintenir de pouuoir & deuoir combattre par tant d'annees cõtre leur vray Roy, & iuste possesseur: afin de n'estre recerchez ou empeschez en leurs biens, estats, offices, benefices, honneurs & dignitez, les Cathol. seront-ils si buflés ou pusillanimes, de n'oser se defendre & s'opposer pour mesme cause contre vn Roy imaginatif & presumptif, & qui n'a autre ame, que l'heresie, ny droit, raison, ou tiltre, que l'opiniastreté, & usurpation.

*Necessité  
d'auoir des  
chefs qui se  
opposent  
vriement  
à  
ceux des  
Huguenots*

Si Dieu nous veut tant punir (cõbien que nous esperons le contraire, & l'en prions de tout nostre cõr) q̃ de denier lignee à sa Maiesté, & à ce Royaume, & que sans vser de diuinatiõ, l'on preuoit avec toute certitude, que l'heretique se veut impatronir de cest Estat à la ruine infallible des Catholiques & de leur religion, & que d'autre costé il est impossible que tous les Catholiques le permettent, & ne s'y opposent formellement: comme le pourront-ils entreprendre, s'ils n'ont mis quelque

ordre en leur fait: & s'ils ne ſçauent quels chefs ils doiuent ſuiure, pour repouſſer la violence de l'heresie? Quels peuuent ils deſirer, qui ſoient plus accomplis de toutes parties, recommandables & neceſſaires, que ceux meſmes que le Roy à choiſi & iugé tels, & leſquels ſ'y monſtrent & volontaires & puisſans. Car des autres il ſemble, qu'ils ayent abandonné la cauſe de la Religion, ou s'ils y ont bonne affection, ils monſtrent par effect ny auoir pas grand moyen, ou bien eſtre plus ſoucieux de l'intereſt ou paſſiõ du R. de N. que de la foy Chreſtienne. Ne vaut il pas beaucoup mieus pourueoir de bonne heure, que les choſes ſe paſſent lors avec ordre & avec la meſme conduite de ceux, qui l'õt ſi bien maintenu iuſques icy? Peut on douter que ceux qui ont tant de part en ce Royaume & qui ont deſia rendu tant de preuue d'eux & merité ſi auãt des Catholiques, & en general & en particulier, & n'y ſoyẽt employez, par toute neceſſité, recherchez & forcez pour leur merite, deuoir, & noſtre grand beſoin, par tous les ordres: Quand bien ils ne s'en voudroient meſler de leur motif, ne vaut il pas mieus, que le tout ſe paſſe avec plus d'accord, vnion & conſentement general de tous cõcurrẽt en leurs perſões, ſouz le reſpet du Roy, ou de ſon legitime & Catholique ſucceſſeur que non pas ſi chacun vouloit commander conſuſemẽt, ou aller querir des chefs & deſenſeurs en Eſpagne, Angleterre, Italie, ou Allemagne, & que nous tombaſſions en autãt de chefs de part, qu'il s'en preſenteroit? Leſquels ne ſeroient en fin, que autant de petis tirãs, & ſangſues du peuple en chacun pays, ſans honneur, ſans loix, & ſans iuſtice

*Querelle  
de la Roy-  
auté entre  
les Catho-  
& les hu-  
guenots.*

C'est vn debat & contracte sur la Royauté, qu'o-  
voit desia tout né & formé, & qu'on ne peut dissi-  
muler n'y euitier entre le party heretique & celuy  
des Catholiques, Vn troisieme n'est pas imagi-  
nable, ces deux doiuent partir le gateau, mais l'vn  
doit emporter la feue. Car nous ne pouuons croi-  
re, que Dieu nous vueille tant punir, que de don-  
ner ce Royaume, qu'il a tât chery, en proye à quel-  
que Turc, ou autre estranger, moins que demeu-  
rant aux François, il soit party en deux, comme ce-  
luy des Hebreux, en celuy de Iuda le Catholique,  
& celuy d'Israël l'Heretique. Mais nous cſperons  
fermement, que comme la forme & naturelle as-  
siette de ce Royaume n'est point d'estre Hereti-  
que, & qu'il faut que toutes choses reuiennēt d'où  
elles sont sorties: aussi que tost ou tard il demeu-  
rera entierement Catholique, & le party de Dieu  
& des Catholiques seul maistre, avec son aide.  
Bien sages & heureux les Catholiques s'ils sça-  
uent preuenir la tempeste, pour conseruer leur v-  
nion sous ceux, que Dieu, le Roy, la nature, la  
vertu, l'experience & le temps leur ont baillé  
pour guide & chefs.

Si e'estoit encores vne diuision, qui fut à com-  
mencer à s'ouuir & naistre, s'il estoit encor en no-  
stre election d'euitier là rencontre de ces deux par-  
tis, ou de l'vn d'iceux, & que no<sup>s</sup> puissiōs vjurer en  
paix sans nous partialiser, nous seriōs bien mal cō-  
seillez de nous y embrouiller; Mais puis que nous  
sōmes cōtraints, ou, de nous opposer au party du  
R. de N. & des heretiques, ou de viure miserable-  
ment & nous & nostre posterité sans Dieu & re-  
ligiō, & que nostre vaisseau est desia fort du port,

il faut faire voile; & resister vertueusement en bonne compaignie pour nostre salut au dâger, plustost que de luy ceder lachement pour nostre ruïne.

*Necessité  
d'estre du  
party de la  
S. ligue &  
bataillier  
cōsainte-  
ment cōtre  
l'inuenus*

Nous attestons icy Dieu & ses Anges, si nous ne portons vne extreme regret de ceste diuisiō & partialité. Nous voyons bie que non seulement nostre chādelle y bruste: mais que nous mesmes nous nous y consumons: mais celuy, qui n'est que sur la defesue de sa possession & droict n'en peut estre cause & le conseil est sans conseil lors, qu'on ne peut autrement se sauuer. Maudite l'heresie qui nous fait auoir recours aux ligue: maudites soyent les armes qui nous contraignent de prendre les armes, maudite l'ambition qui nous force a rechercher des chefs apres le Roy: maudits les temporisateurs, qui ont laissé croistre le mal si auât, maudits nos pechez, qui nous precipitent en c'est abisme: s'il y a en cela du danger, nous voyōs d'autre part que la crainte du mal prochain, qui nous attend assurement, si nous ne le preuenōs, c'est encōre d'auantage, & qu'il vaut beaucoup mieux preferer le danger honorable & incertain au dâger certain & honteux n'y ayât point de doubte, que le party le plus hôteux & dâgereux que nous puissiōs estre, est de nous redre, ou caller voile à l'Heresie voile: pis ne nous peut attriuer que d'estre subiets & bourelles d'un heretique. Si le Roy pouuoit tousiours viure ou que Dieu luy donnat enfans nous seriōs hors de tout doubte & peine, tant pour l'assurâce, que nous auons de son zele & prouidence, que pour ce que sa seule vie est le contrepoison & la mort de l'ambitiō du R. de N. & de l'heresie, mais puis qu'a nostre grand malheur il nous peut def-

*Preuenir  
la tempe-  
ste.*

*Vnion &  
ligne de  
tous Cath.  
nécessaire.*

*Il faut se  
joindre au  
party des  
Princes qui  
prennent la  
protection  
des Catho.*

faillir de iour à autre, & de moment en momét, & que nous voyons l'ennemy se preparer de tous moyens, pour nous perdre & surprendre sans biscuit, qui peut trouuer mauvais, que les Catholiques se recognoissent ensemble, & se fortifient de conseil & de resolution, à ce qu'ils auront à faire, pour leur conseruation sur les premiers hurts, & les plus dangereux chocs del'heresie? Gardōs nous comme de la mort de toutes particulieres bandes & ligues, soyōs tous & grāds & petits d'une seule Catholique & vniuerselle Ligue & vniō du Royaume. Si les Princes n'en veulent qu'à l'heresie, donnons tous la: & rapportons y. tous nos cinq cens de nature. Si d'auenture on les vouloit induire à choses indues & preiudiciables à l'obeissāce, qui est deuē à vn Roy Catholique, à l'Estat & à nos Loix, ne les abandonnons point à la mercy de ces empoisonneurs & boute-feus de l'Estat. Nostre seule vnion seruira de fort répart pour brider les desseins, & retenir les effects des mauuaises volontez, & tirer à la raison ceux, qu'autrement n'y viendroient iamais. S'ils ont l'intention bonne (comme iusques icy ils ne nous ont point donné occasion de croire autrement) suiuous les hardiment la teste bēlée. S'ils l'ōt mauuaise, tenōs nous bien serrez & vnīs pour en empescher ou deuertir l'exécution: & bandons nous tous contre eux. Le nombre des Catholiques qui ne veulent que le bien & le repos, est si grand, qu'il est plus que suffisant, s'il est de bonne intelligence, pour contenir les mal sages, quels qu'ils soyent, és termes du droit & de la raison. Et ce seroit vn tres-mauuais conseil de les laisser seuls à part faire ce,

qu'ils voudroient ou pourroient. Nostre seule separation & diuision est nostre ruine : & nous ne sçaurions faire plus grand seruice à l'heretique, ny aduancer d'auantage les affaires de ceux, qui se voudroyent agrandir par nostre pauureté & en brouillant tout, que de nous tenir à recoy, fermer les yeux, & par vne trop malsiue stupidité les laisser faire, puis que la patrie est desia toute formee, & sans nous ineuitable & perdurable iusques à l'extinction ou affoibleissement de l'heresie, ou de nous to°. Et puis qu'il nous faut courir vn mesme danger, & que la cause est cōmune, mettōs nous y tous, & soyōs de la grand' bāde des gens de biē, fideles à Dieu, pouruoyās à nos ames, defendās nostre Roy avec le Royaume, & cōbatās pour la gloire de nostre nation, & la conseruation de nos loix.

S'il y auoit quelque moyen d'accord ou esperance de sortir à l'amiable par iuges ou arbitres de ce differend ce seroit autre chose : mais la diuision estant desia si intestine & formee entre nous, qu'il y a bien petite apparence, que les estatx gēueraux en puissent rien decider vnanimement ou paisiblement, moins que le R. de N. & les heretiques s'y veulent soubmettre, le Pape, qui est le pere commun & l'arbitre ordinaire des Princes & estats Chrestiens estant pris & aussi tiré en partie, & ne se pouuant trouuer autre tiers, qui se mette entre deux, & aussi ayants affaire à gens de si mauuaise & difficile composition, & au R. de N. qui tous ensemble ne donnent aucun lieu à l'autorité & Maiesté du Roy, qu'autant qu'il veut ce, qui leur plaist, & lesquels ne veulent entendre autre raison que ce qu'ils ont conçeue en leur teste

*Paix de-  
plorée.*



& mesmement que le R. de N. à quelque pris que se soit se veut installer par le moyen des Anglois, & Alemans, & autres estrangers & les François de sa faction heretique, contre Dieu, contre son Eglise, contre les loix, les formes & les vsances anciennes & ordinaires du Royaume, finalement contre le commun accord & consentement des Catholiques & du Royaume: que la Royne Mere ayans sondé tous les guez & essayé tous les moyes de le ramener à quelque meilleure volonté & intentiō ya perdu tout son labeur & cogneu par experience, qu'il est deploré, il vaut beaucoup mieux se resouldre tous ensemble & tout à fait par vne bonne intelligence, de le ranger au point du droit & de la raison, & de roigner de bonne heure & le bec, & les ongles, & les ergos à ce coq de l'here sie (suiuant la tres-sainte resolution, que la Maiesté à prins ces iours icy: & laquelle seule voyant la conuersion du R. de N. desesperé nous à pouffez & encouragez au present discours) cepédant qu'il nous viét attaquer sur nostre fumier, plustost que nous laisser endormir à leurs beaux escrits sobz', les atantes imaginaires & fantastiques esperances de micux. Comme nous voyons qu'il ne pretend que nous y amuser, & aduiser les Catholiques d'entre eux mesmes: afin qu'ils quittēt leurs amis certains, & ioignent leur fortune avec celle des incertains non experimentez, ou de nouueau reconcilies les refroidissant de l'estime, amitiē & fiance, qu'ils portent au Cardinal de Bourbon & à ceste maison de Lorraine: laquelle se peut dire sans flatterie, estre la colonne & l'appuy de l'Estat & de la maison de France soubz le Roy. Tel dessein nous

*Occasion  
du present  
traicté.*



doit estre vn aduertissement & argument tref-af-  
 feuré qu'il cognoist biē combien ils nous sont ne-  
 cessaires:& que c'est le plus b: au chemin, que nous  
 puissions prendre pour nous perdre entierement,  
 & luy faciliter par ceste mesfiance, diuision, & cō-  
 fusion, la Royauté, ne luy pouuant arriuer meil-  
 leure fortune, sinon que nous nous desions, & bā-  
 dions les vns contre les autres, que chascue ville  
 ou Seneſchauce face sō chef à part: afin qu'il nous  
 puisse deuorer & engloutir les vns apres les autres,  
 à petis morceaux, comme disoit Quintius en Ti-  
 te Liue ( exhortant les villes de Grece à concorde  
 entre elles) Que contre vn peuple, qui est biē vny  
 & de bon accord, les tyrans ne peuuent rien, mais  
 s'il est en discorde, ils ont ouuerture de faire ce,  
 qu'ils veulent.

Mais quād bien toutes les calomnies, qu'il leur  
 impose, seroyent veritables, voire mesmes que le  
 seul zeile de Religiō ne le poullast point, ains que  
 la consideratiō de leur profit & commoditē y eust  
 bonne part, est-ce cause suffisante pour nous sepa-  
 rer d'eux & les tenir pour suspects? Sōmes nous si  
 iniques & mescognoissans (dict ce grand Philoso-  
 phe Seneque) que de pēser n'auoir aucune obliga-  
 tiō à celuy, qui nous faisant plaisir, en retire cōmo-  
 ditē? Quelle apparence y a-il d'exiger de luy qu'il  
 aye tellement l'œil à nostre bien, qu'il n'aye aucū  
 esgard à soy, ny à son aduātage ou cōmoditē. Ains  
 au contraire, ne doit on pas desirer, que le bienfait  
 retourne & profite pareillement à son aucteur. Si  
 en faisant pour soy, il a aussi pēse faire pour nous,  
 ne sommes nous pas non seulemēt iniustes, mais  
 bien ingrats, si nous ne sommes tres-aises, que ce

mesmes, qui nous à profité luy serue aussi ? N'est-ce pas le traict d'une extreme malice, n'appeller point vn bõ office, sinõ ce, qui aura apporté dom-  
 mage à celuy qui le faict, & qui s'y employe. Pen-  
 sôs nous d'ailleurs que Dieu nous enuoye des An-  
 ges ou des hommes parfaicts? Y a-il tant de Capi-  
 taines d'armees en France? Y a-il tant de Princes  
 Catholiques aguerris? S'é trouue il d'autres à choi-  
 sir, qui soyent meilleurs, & de l'ambition, auarice,  
 & intention desquels nous n'ayons à craindre in-  
 finiment d'auantage? ou bien qui nous veuillent  
 ou puïssēt estre plus vtils, & nous cõseruer mieux  
 en vn gros corps en concorde, & avec moins d'al-  
 teration de nos formes & loix, & de tout l'Estat?  
 Mais y a-il occasiõ de nous craindre, que ceux, qui  
 n'ont aucune force, que la bien veillance des Ca-  
 tholiques, conceuë & fõdee sur leur seule vertu &  
 coustume de viure parmy & selon nos loix, les  
 veuillent ou puïssēt enfreindre au preiudice des  
 loix du Roiaume de Mõsieur le Cardinal de Bour-  
 bõ, ou de celuy, à qui lors la Roiauté touchera par  
 droit & raisõ? & que quãd il seroit possible, qu'ils  
 y vouldroïēt pretendre, n'y a-il pas bon moyen, si  
 nous sommes tous vnis, ensemble de les contenir  
 dãs les bornes de leur deuoir? Et d'autre part, pou-  
 uõs nous douter que le cõmencemēt de leur ruy-  
 ne ne tire bien tost apres soy le cõmẽcement &  
 la fin de la nostre, tant de la part de l'Heretique,  
 que du costé de l'estranger: qui voudra s'auãtager  
 & preualoir de nostre mauuais mesnage, & faute  
 de conduite? Y a-il pẽsonne de si peu de sens cõ-  
 mun, qui ne voye que la conseruation & vnion  
 du Royaume, & la seurēté des Catholiques est  
 con-

*Si nous  
 ne sommes  
 vnis & li-  
 gués nous  
 ne pouuons  
 resister à  
 l'huguenot  
 ou estran-  
 ger.*

conioincte & vnice inseparablement avec l'vnion  
& conseruation des Princes Catholiques, apres la  
santé du Roy.

Plusieurs s'estonnent, & semblent perdre cœur, à cause des propos & menaces, que le R. de N. tiēt & fait ordinairement, que s'il se voit reduit en extremité de ne pouuoir estre Roy, qu'il donnera la Frâce en proye & butin à l'Anglois & l'Allemād, qu'il couurira tout le Royaume de sang, de feu, & de cendres, & que ce pendant il perdra ensemble ses ennemis, & ceux qui luy font teste, partant tels feroiēt d'auis de se rengier du premier coup sous son obeissance, sans partir ou perdre. Il seroit malaisé à croire, que tels effectz, propres d'un Tâberlan, diēt l'ire de Dieu, sortissent de celuy, qui diēt preferer sa conscience & le deuoir enuers Dieu, à toutes les grandeurs de la terre: toutesfois en tout cas nous confessons avec l'Escripture, que le desespoir est chose perilleuse, & que la vengeance des Princes est vne grande rage, & en fin la ruine des Estatx, & que nous deuons prier Dieu de tout nostre cœur, qu'il l'inspire mieux, afin qu'il soit sage & pour luy & pour nous. Mais ce n'est pas à dire (diēt saint Cyprien contre semblables Heretiques de son temps) que quand l'Antechrist viendra, il entre en l'Eglise pour ses menaces, ou qu'on veuille ceder à ses efforts & violences pour tant s'il diēt qu'il tuera ceux qui luy feront teste: les heretiques nous arment lors, qu'ils nous pensent espouuāter par leurs menaces, & durant le temps de la paix ne nous abbattent pas, mais plustost nous redressent & excitent. Et bien si en luy payāt les tributs & tailles, nous pouuions appaiser, sa

*Ne faut  
craïdre les  
menasses  
du Roy. de  
N.*

cholere, rassasier son ambition, & que nous fus-  
sions asseurez de viure en repos avec nostre Reli-  
gion, & noz facultez, il seroit peut estre tolerable  
de le recevoir. Toutefois ne peut-il point arriuer  
d'entre les Catholiques, soit du dedans ou dehors  
le Royaume, gens, qui ne soiēt pas moins à crain-  
dre, ny moins abandonnez? & que s'il est desespe-  
ré, il trouue des enragez? Tellement que ceux qui  
auront suiuy son party en esperance d'appuy & de  
repos, se trouuerōt auoir mis le doigt entre deux  
pierres, & s'estre exposez à plus de perte, dangers,  
& perils que jamais. Que sera-ce cependant de  
nous, du pauvre peuple, & de cest estat. Faut-il que  
nous nous voyons ainsi deschirer & escarbouiller  
d'une part ou d'autre, & en fin (comme il est mal-  
aise autrement) tomber en la miserable seruitude  
» & subiection d'un barbare estranger? O mal heu-  
» reuse vengeance (disoit vn ancien Pape, parlant de  
» ce Comte Iulian, qui pour sa vengeance fust cause  
» de la perte des Espagnes, par les Sarrazins) qui pil-  
» le & tourmente les siens propres, pour enrichir &  
» mettre à leur aise les ennemis! O mal-heureuse Re-  
» ligion, qui renie la foy pour embrasser la perfidie!  
» O mal-heureuse impietē qui trahit sa nation pour  
» complaire & s'vnir à vne estrangere: qui reduit  
» ses enfans en vilains & abiects esclaves, pour esle-  
» uer & establir des sēz & ses ennemis en person-  
» nes libres, Seigneurs & maistres sur soy! O finale-  
» ment mal heureuse cruauté contre la patrie, qui  
» chasse les naturels bourgeois, pour en rendre ha-  
» bitans ses ennemis & qui meurtrit ses amis & pa-  
» rens, pour donner la vie à gens incognuz & loin-  
» tains: & qui chasse les domestiques, pour intro-

duire les barbares! O tres-malheureuse par dessus toutes choses la victoire, par laquelle celuy qui semble le vainqueur, demeure le vaincu & appauvry! Et quoy, Dieu n'a-il point laissé quelque remede en teree contre semblables occasions & accidens? Le desordre est-il encore si grand, que l'on ne puisse, avec l'ayde de Dieu, preuenir ce grand cōble de mal heurs, si l'on veut? Ne perdōs point courage, esperons que sa faueur sera d'autāt moins de duree, qu'elle aura irrité & prouoqué l'indignation de Dieu sur luy mesmes: d'ailleurs, que ne visans principalement, qu'à la conseruation de la Religion Catholique & de l'estat, & qu'y rapportans noz moyens en vne bonne vnion, Dieu, qui a plus d'interest à son honneur, que tout le mōde, & lequel n'oubliāt iamais ses misericordes, a soin du moindre de noz cheueux, benira noz labeurs, & sçaura tres bien pourueoir, à la confusion de ceux, qui se persuadent, que Dieu a fait le mōde, & la laissée: & qu'il l'aye exposé en proye à la rage & mercy de Sathan, & de ses bourreaux.

D'autres ( comme Belloy, & les Catholiques *Pernicieux* de contenance ) sont d'aduis de tolerer le mal, & *adun des* laisser le remede à la seule prouidence de Dieu, *faux Cathol.* comme ayant (disent-ils) le moyen de nous pourueoir d'un Roy Chrestien & Catholique, sans nostre aide, & pour le iugement qu'ils font, que la guerison est trop difficile, ou de trop longue duree. S'il n'estoit dict, Aide toy & Dieu t'aidera, si les Heretiques faisoient trefues & surseance de leurs menees & practiques, & que le cours & progres du mal peust seulement estre arresté, il y auroit, peut estre, quelque apparen-

ce, qu'on fist autre: mais autrement ne voyent-ils pas que c'est laisser prendre au mal racine trop auant: & puis que le remede en sera apres d'autant plus dangereux: & qu'il faut tōber necessairement tost ou tard, & peut estre plustost qu'on ne pense, l'un ou l'autre de ces deux inconueniens & extremes, ou que l'Eglise Gallicane, & le party Catholique, soit du tout esteinct avec tout l'estat ancien, ou que le party Heretique soit si affoibly, qu'il ne puisse luy donner la loy, ou le mettre en terreur & desiance. N'est-il pas bien aysé au Catholique de se resoudre à l'un plustost qu'à l'autre? Quand plus commodémēt que sous vn Roy en aage de maturité, la valeur, bonté, deuotion, sagesse, conduite, & saint zeile duquel peut rendre l'euenemēt heureux & assésuré, avec le sage aduis de la Roynne sa mere: Quand plus à propos, que lors que le respect & obeissance du vray Roy & legitime possesseur, & tres-Chrestien, retient tous les Catholiques en vne bonne concorde, & intelligence? Quand avec plus de facilité, que lors que l'on peut retrancher aisément les grâdes esperances & pretentions que l'Herésie a sur la Royauté: par le seul moyen desquelles, puis qu'elle est si fort descriée en elle mesme, elle peut s'accroistre & agrandir tous les iours, comme l'on voit par experience que elle fait? Quand avec plus de necessité qu'apres qu'on a essayé en vain toutes les voyes de paix: & que lors qu'on voit qu'il ne tient qu'à vn filet que l'estat ne soit dissipé, & qu'il ne courre plus de hazard & fortune, qu'il ne fist iamais: & que la force du venin de la maladie ne donne quasi point de loisir de le pouuoir arrester?

*S'opposer  
au plustost  
à l'herésie*



S'il l'on allegé qu'on a permis si lōg temps l'heretique, & que les efforts qu'on a faict par le passé à l'exterminer ont esté quasi inutiles. Puis que l'heresie est vn des fleaux de l'ire de Dieu, ce n'est pas merueille si le remede n'est pas tousiours és mains des humains. Mais les Huguenots sont bien presumptueux, s'ils ont opinion que ç'a esté plus par leur vaillance & nostre impuissance, que par vne grande indulgence & esperance de leur amendement, ou de la guarison de la maladie par remedes plus doux & de moindre coust, que l'effusion du sang & la ruine du pauvre peuple. Et outre cela n'y a-il pas grand difference d'estre souffert, ou estre authorisé de commander, ou estre commadé? d'estre marteau ou enclume? de permettre vne concubine, ou deux femmes en l'estat de mariage? ce temps-là, n'est-il pas beaucoup diuers à celuy de maintenant? Il n'estoit lors question, que d'exempter l'heresie des peines du droit, de laisser viure l'heretique iusques à la maiorité de nos Roys, ou iusques au temps plus propre à la re-vnion. L'on pouuoit peut estre le tolerer comme la concubine à l'homme marié, & comme l'on fait le Iuif, avec l'exercice de sa religion, & autāt qu'on le red subiect aux loix de la police. Mais à presēt qu'on voit que la concubine veut chasser la femme legitime, que le Iuif se veut faire Roy, & que l'enfant de la chābriere veut & pretend regner & gourmander Isaac: & que ce ne peut estre, outre le preiudice de la Religion Catholique, sans vne entiere subuersion & dissolutiō de l'estat, soit par son moyē, soit à son occasion, il y faut courre cōme au feu: & luy arrester le cours de son audace, deuāt que le desor-



*Oster la  
cause de di  
uision.*

dre ne suruienne, ou ne soit plus grand, & ce pen-  
dant qu'on a le moyē de se recognoistre & resoul-  
dre : mais principalement puis qu'on nous voyons  
cest estat robé en tel mal-heur, que si l'on ne pour-  
uoit arracher la cause, ou, si vous voulez, l'occa-  
sion ou pretexte de la diuision, c'est à sçauoir l'he-  
resie, l'on est en danger de tomber en vne si inte-  
stine & sanglante guerre de Catholique à Catho-  
lique & de Catholique à Huguenot, qu'elle ne  
pourra iamais prendre fin, que par vne extreme  
ruine de nous tous, aussi tost que de nosdissensiōs.  
Et faudra que Dieu face vn grād miracle si le plus  
fort du mal ne mōte iusques à l'estinctiō du chef,  
comme la nature de la faction est de n'auoir bord  
ny mesure, & que l'ambitiō est celle seule qui n'ē-  
uieillit point en l'homme, dit Tucidide. Si tout à  
coup & au premier iour nous ne venōs à bout de  
l'heresie, au moins, qui est le principal, nous nous  
pourrons cōseruer avec nostre religion contre sa  
furie: & aurons moyen d'attendre l'aide de Dieu,  
& si seruirons d'entree à ceux qui voudront pren-  
dre la cause de la Religion à cœur: ou si nous nous  
souz-mettons, cōme des estourdis volontairement  
à sa tyrannie, voila nostre Religion perduē en  
France pour l'ōg temps, & tous nous si miserables,  
qu'apres, tous les aduis & conseils ne nous serui-  
ront que de bien peu. Si nous y faillons mainte-  
nant nous ne pouuons euitier que nous n'y soyōs  
contraincts en peu de iours, ou de presenter noz  
testes en la main du bourreau. Si cela ne peut arri-  
uer si tost, d'autant plus deuons nous prēdre & re-  
tenir l'occasion, qu'elle est plus à nostre aduātage,  
& que tel refuse qui apres mufe. Auec peu de fraiz

& de peine on peut entretenir vn bastiment, qui est encores entier: mais il est mal-aisé d'en reparer la faute, apres qu'il est tombé en terre. C'est vn dire tres-veritable des anciens, & nous nous trou-<sup>nisi oppri-</sup>  
uons en ces termes, que l'heresie nous accablera, si <sup>matur est</sup>  
nous ne l'accablons. Et d'autre part l'on sçait bié, <sup>oppressura.</sup>  
qu'aux guerres ciuiles, il n'y a que la continue qui l'emporte, à la façon des maladies longues, & que si l'on eust voulu y faire à bon escient, & auoir la patience de perseuerer avec bon ordre, & y seruir sa Maiesté selon son desir & commandemēt, l'heretique ne parleroit si haut en France, & tous les Estatz ne seroiēt si affoiblis & harassez qu'ils sont.

Si routes les annees leur nombre, qui est tout accompli, & est parueni iusques à sa plenitude, se racourcissoit de mesme, qu'il a faict depuis l'Edir de la re-vnion, y en a-il pour trois ans au plus? N'est-il pas bien certain, qu'outre ceste grande multitude, qui a renoncé & abiuré volontairement leur impieté & societé, il en est mort en routes les prouinces de France de ceux, qui portoient les armes, & qui entretenoient la guerre, ou de la seule main de Dieu, par la peste & mala-<sup>Grās pro-</sup>  
dies, ou de celles des armées du Roy, plus de dou-<sup>grex cōtre</sup>  
ze mil? Deux ou trois villes forcees de plus ne leur <sup>l'heresie.</sup>  
emportoier̃t elles pas ce, qui leur reste de meilleurs hommes? & si le coup portoit au petit filet, qui les soustient, auroient-ils grand moyen de regimber? & le procez ne soit-il pas departy bien tost? C'est folie certainement d'imputer à impossibilité leur affoiblissement & dechet, sinon autant que par vn iugement de Dieu nos pechez donnent l'estre, yie, & force. Car encores que plu-

seurs n'ayent eu autre intention , que de se seruir  
des Huguenots, comme d'un arbre qui porte du  
fruit de fin or, ou d'une vache à lait, & ainsi que  
Venceslaus Roy de Boëme faisoit (ce qui fust en  
fin sa ruine) des heretiques de son temps dits Huil-  
liers, pour son auarice, disant que l'hoye (car Hus  
ne signifie autre chose en leur lague) est bone, qui  
porte des œufs d'or, encores dy-ie que plusieurs  
n'ayent eu autre but, que de faire leurs orges, & la  
guerre au pauvre peuple, & le matter & affoiblir  
de telle façon, qu'il ne puisse plus s'opposer ou re-  
sister à leur ambition & cupidité, n'y à l'enuie que  
ils ont de leur faire recevoir toute telle loy & Re-  
ligion, qu'il leur plaira, & que nous ayons tous  
grâce occasiō de souhaitter vne telle quelle paix,  
ou quelque meilleure guerre, avec la malediction  
entiere de telles gens, qui sont si traistres à leur  
Roy, & proditeurs de leur patrie: si est-ce que dieu  
n'a point laissé de benistre sa cause, les deuots de-  
sirs & la saincte intētiō de sa Maiesté, & en faire  
reussir beaucoup de fruit. Qu'ils brauent tant  
qu'ils voudront, qu'en tout vu an le Roy ny la Li-  
gue n'ont sceu gagner sur eux en quatre armées  
que de Bicoques, encor' cela mesmes nous doit  
dōner d'autāt plus de cœur à leur resister & main-  
tenāt & à l'aduenir, que leurs moyēs ne seront ia-  
mais à comparer à ceux de sa Maiesté. Qu'ils escri-  
uent par leur chetif Aduocat de Pan force Antiguy-  
sats, & par vn, qu'on sçait bien, leurs expositions  
des exploicts du Duc de Mayenne, si ne pour-  
ront-ils faire, que les gens de biē ne cognoissent,  
que leur valeur n'est pas morte. Et que si les villes,  
qu'ils ont surprins en Dauphiné & ailleurs, eussēt

*Auarice de  
catholiques.*

esté encores pour lors en leur garde, qu'ils n'en triompheroyent pas tant, comme ils fôr, & moins se mocqueroient ils de la foiblesse de l'vnion des Catholiques, si autre respect neles retenoit que les forces & la vaillance de l'heresie. Ceux qui sçauër, si peu que ce soit, du monde, pourroyent bien dire à quoy il tient, & comme ils ne braueroient pas tant de Die, de Montelimart, de Ambrun, ny de aucune autre ville de ce pays la singulierement si ces Princes qu'ils blasment tant, eussent esté aussi retifs à les remettre, & aussi desloyaux & pariures, que ceux qui ont retenu & retiennent, outre le temps limité, les villes qu'ils auoient promis de rendre. Parce qu'il n'y à point enfant, qui ne sçache, qu'ils n'y ont eu entree, que par la fidelité & tres-grâde obeissance de ces Princes, & par la sortie de leurs forces & garnisons? L'exéple frais du pays de Flandre, auquel de dixhuiet prouinces les dix-sept estoyêt toutes perdues & soubstraiçtes de l'obeissance de leur Prince, & ce qui restoit non guerres sain, peut seruir de belle & asseuree instructiõ, combien la perseuerance contre l'Heresie est profitable, mesmement d'autant que c'estoit vn pays esloigné de la personne & demeure de son Roy, escarté de tous ses autres Estats & commoditez, enclaué & enuironné d'Angleterre, Dannemarc, Sueue, & autres estats & Princes, sinon ennemis tout à faiçt de l'Espagnol, pour le moins desireux que ses affaires n'allassent guere bien: & auquel il auoit à cõbattre tous les trois ordres, qui estoient tresbien vnis à la rebellion, ou, Dieu mercy, c'est tout au cõtraire en nostre France, ou & l'Eglise, & la Noblesse, & le tiers Estat sont tres-bien

vnis & bandez contre l'Heretique.

Nous sommes peut estre entrez trop auât : mais puis que ces empoisonneurs, enchâteurs, & boutefeux d'Estat ne taschent si licentieusémēt que d'enforceller le môde, d'enflamber & embrazer la France & les Catholiques de diuisions, par l'ouuerture, entretien, & corruption de tel subie& si haut & si importât, nous pensons qu'on le trouuera d'autât moins mauuais, que nous n'auôs voulu lascher ces quatre mots, que par forme d'antidot & contrepoison, laissant à ceux qui ont plus de iugement, de penetrer plus auât, & d'en penser ce qu'ils doiuent & peuuent de plus. Et cōment deuions nous, ou pouuions nous souffrir, que tant de meschans liures, qui n'enseignent que toute rebellion, & ne tendent que à denigrer le Roy & les Princes Catholiques, & abolir nostre Religion, ayent vogue & course, sans que nous ouurions la bouche pour les descourrir tels qu'ils sont? Car faut il se taire en vn temps, qu'il est plus que necessaire de parler, pour manifester telles meschancetez qui courent, afin qu'on s'en garde? Seroit-ce bien fait, si nous rencontrions des empoisonneurs & boutefeux, qui courussent par pays, semant de la poison & mettant le feu par tout, de ne les arrester point, ains les laisser faire? Et ceux cy sont ils moins dangereux?

Ce n'est pas à nous particuliers de rechercher trop curieusement les ressorts secretz, qui sont en l'affaire des derniers remuemens soubz le nom de la Ligue, & ne nous est pas permis de nous enquerir si particulierement de ce, qui se passe entre le Roy & ses principaux Officiers & Princes: par ce

*Qu'il est  
necessaire  
de respon-  
dre aux  
liures que  
les hereti-  
ques &  
faux Ca-  
tholiques  
font.*

1. Points  
*Quel vnus  
contre l'he-  
retique est  
de l'inten-  
tion du  
Roy.*

que les conseils des Roys & Princes: sont autât de secrets & de misteres, & n'est pas bon les publier, dict l'Escripture. Il nous doit suffire pour descharger contre tous ces liuies des Heretiques, de tout blasme les sainctes intentiõs du Cardinal de Bourbon, de ces Princes de Lorraine, & de ceux, qui les ont suyuis, qu'il ne s'y est rien passé, que le Roy n'aye eu pour tresaggreable, & n'aye bien voulu auctorizer de tout son pouuoir: afin qu'il ne fust plus permis à aucun d'en douter ou l'interpreter autrement, qu'il ne falloit sans euidente calomnie. Il nous doit suffire de la responce & declaration, que n'agueres la Royne mere à faict au R. de N. de la part du Roy, Qu'il tiét tous ceux, qui ont esté de la Ligue, pour ses meilleurs subiects, & les plus affectionnez Catholiques. L'on prenoit bien au commencement l'execution de la sainct Barthelemy pour attentat de ces mesmes Princes contre la volõté du Roy, les lettres patêtes de sa Maiesté les en accusoiét au commencement, toute fois l'euene-mét mōstra tout le cōtraire, & que c'estoit vn stratageme d'Estat. L'on pensoit bien que les Ligues de Peronne & de Picardie fussent traictés de mutins, rebelles & criminels de leze Maiesté: toute fois la suite des autres Ligues & associations és autres pays par le commandement du Roy, & à la suscitation & conduite de ses Gouverneurs Lieutenans generaux descourrit bien tost, ce qui estoit de la vraye inclination & intention de leurs Maiestez. Le refus de l'entree d'Angoulesme faict à feu Monsieur de Montpensier, fust poursuiuy long temps au Parlement de Paris par le Procureur general, pour crime de leze Maiesté &



toutefois l'occasion passée, les aucteurs en ont esté tresbien recompencez: & ainsi d'autres infinis faits aduenus en nostre temps, qui sont mieux tuez que publiez: & lesquels toutefois ceux, qui sçauent le cours des affaires n'ignorent pas.

Et à la verité, comment peut on s'imaginer que ces Liges & entreprinſes ayent esté commenees & executees contre la volonté du Roy, par Princes & Seigneurs de telle qualité, & pour si bonne & iuste cause, que la conseruation de la Foy Catholique & la defence de l'Estat contre son ennemy ordinaire, coniuuré, & qui auoit ses pieces prestes & assultes pour les viser & descocher, à la ruine de sa Maieſté, du Royaume, & des bons Catholiques?

Peut il entrer en aucun bon sens & entendement que ce vieux, ancien, & sage Cardinal de Bourbō, premier Pair & Prince du sang, premier & le plus ancien Conseiller du Cōseil du Roy, le plus ancien Cardinal, Primat, & Archeuesque du Clergé de France, luy, qui à seruy tant fidellement tant de Roys, qui à renoncé tant de fois à son propre sang & sa chair, pour satisfaire à sa conscience, & preferer Dieu & l'Estat à la commodité de ses plus proches luy, dis-je, qui à monſtré par toutes ses actiōs & deportemens de tant d'annees n'auoir rié si cher n'y en telle recommandation, que le bien de ceste Couronne, qui à mōſtré vne si grāde sagesse, pieté, attrempance, & prudence parmy tous nos troubles & partialitez des grāds, que de n'auoir iamais gauchy, ains s'estre tousiours maintenu & cōſerué au seruice de sa Maieſté, & en l'amitié du peuple, & generalement de tous les ordres, qui n'a ia-



mais regardé que par le trou des affections & volôtez des Roys ses souuerains Seigneurs, & lequel singulieremēt à eu toute sa vie tel respect à la Royne Mere, qu'il n'a iamais pensé que à la seruir, assister & luy complaire entieremēt, & singulieremēt pour le pourchas de la paix du Royaume? Peut on penser que luy, qui est du tour exempt de suspition de picoree, d'auarice, & d'ambitiō, aye procuré & armé ces Princes & ceste Ligue contre l'intention de leurs Maiestez, que ie die contre l'Estat? Moins y a-il apparence qu'estant nourry dès sa ieunesse c's artifices de la Court, & estant impossible qu'il s'y eust peu conseruer heureusement parmy tant de diuers vents & tempestes sans vne rare & admirable prudence, il soit mené (comme l'on dict) en tout cecy contre sa volonré par la passion d'autrui, comme on feroit du plus idiot, endormy, & stupide du monde. S'il ne l'eut faict aussi sur vne telle necessité, & vn danger si apparent & si proche & contre l'Eglise & cōtre ce Royaume, quelles maledictions de Dieu & reproches de tout le monde assembloit il sur sa teste & sa memoire. Voire ses plus proches nepueuz, & des enfans, par maniere de dire, conduire la troupe des Heretiques, & estre si soigneux d'une cause si damnee & pernicieuse, que de l'auoir amenee au point de pouuoir engloutir les Catholiques, & s'affectionner point pour la cause de Dieu & de l'Estat, luy qui auoit tant de poincts sur eux qu'estoit ce en bon François que trahir & sa Religion & le Royaume, & la maison de France, de laquelle, apres le Roy il est le chef? Veoir ces gens ne gagner pays, que à l'occasion du sommeil profond

des Catholiques, que ie ne die faineantise, & stupidité, & sur la faueur pretendue de ceux, qui auoient bonne part aux affaires de l'Estat, & ne s'esueiler point n'y s'esuertuer pour seconder & fortifier les sainctes & continuelles intentiōs & vœux de leurs Maiestez contre l'hérésie, quel odeur eut il donné de foy à la posterité? N'eust il pas deu auoir honte, que son nom eut esté iamais nommé entre les Chrestiens, si pour s'opposer à tel erreur, horreur, & progres, il n'eust rapporté tous les moyens que Dieu luy a donné, & n'eust tasché d'animer, encourager & ioindre ensemble vne si sainte & si grande compagnie de Princes, Seigneurs & communautéz, pour vne cause si iuste, si commune, & si agreable au Roy.

Est il croyable, que tant de Princes, Pairs, & Seigneurs, qui tiennent les principales charges & gouuernemēs de ce Royaume, qui sont si obligez aux liberalitez des Roys, qui sont & beaux freres, & si proches de sa Maiesté, qui luy ont ordinairement assisté en ses plus grands affaires, qui ont tant d'interest à la cōseruatiō de cest estat, & de sa personne, qui n'ont iamis aprins autre leçon en l'Eglise Catholique, que d'obeyr à leur Roy Catholique, eussent voulu estre de la partie & y exposer si auāt du leur, s'ils n'eussent esté biē assurez faire seruice agreable à sa Maiesté & profitable à tout le Royaume, à la descharge de leur conscience, & à l'acquit du serment, qu'ils ont à la cōseruatiō de la Religion Catholique & des loix de l'Estat?

Est il possible que se remuās pour vne si raisonnable & legitime cause, que la cōseruatiō de la personne du Roy, de l'Estat, & principalēmēt de la

Religiō Catholique, ils ayēt peu encourir la mau-  
uaife grace du Roy, & la Maiefté leur peut eſtre  
contraire en ceſte pourſuite?

Comment peut il tomber en ceruelle d'homme  
de iugement, que ceſte cauſe aye deſpleu au Roy,  
luy qui eſt de plus deuōts & zelateurs à la religiō?  
Car de tous ceux, qui ayent eſté depuis le Roy  
ſainct Loys & plus que tous les autres Princes ſe-  
culieres enſemble, qui viuent de noſtre temps: luy  
qui à déclaré ſouuent n'auoir rien qui luy poiſe  
tant ſur ſa conſcience, ne pourquoy il puiſſe plus  
craindre de rôber au rigoureux iugement de Dieu  
(dequoy nous le prions de tout noſtre cœuſ & af-  
fection le vouloir preſeruer) que de la tollerance  
& permiſſion, qu'il dōnoit de l'exercice de la nou-  
uelle opinion: à l'extinctiō de laquelle il ſe ſentoit  
obligé & par ſon ſerment Royal faiēt lors de ſon  
ſacre, & par tout droit diuin & humain, & par la  
gloire & reputation qu'il y à acquis, & par l'exem-  
ple des heretiques meſmes: & notamment pour le  
deſir, qu'il à d'aſſeurer de ſon viuāt l'Eſtat de la re-  
ligion Catholique & Romaine, contre tant de  
dangers, perils & troubles qu'il y preuoit treſſa-  
gement? Combien de fois a-il regretté & s'eſt il  
plaint & en priué, & en compagnie, de ſon mal-  
heur, en ce que lors, qu'il vouloit mettre la main  
à bon eſciant à defraciner l'heresie, il y trouuoit  
tant de contradiçtions mauuais offices & de froi-  
deur de la part de ſes ſubieçts Catholiques. Com-  
biē de ſouſpirs & ſanglots luy à on veu ietter ſou-  
uent leuant les yeux au ciel à ce que Dieu le ſeit ſi  
heureux, que de pouuoir purger ſon Royaume de  
ceſte peſte par ſon propre ſang?

*Regrets du  
Roy contre  
l'heresie.*

Combien de fois à on ouy de sa bouche ceste plainte, qu'il n'estoit pas de moindre auctorité en ce Roiaume, que vostre Roine d'Angleterre chez soy, & que le R. de N. mesmes en s<sup>on</sup> pays de Bearn: lesquels ne veulent permettre exercice d'autre Religion que de celle, dont ils font profession: & que neantmoins ils le forçoient d'y entretenir & augmenter l'exercice de la nouuelle opinion?

*Belle &  
sainte de-  
claration  
du Roy.*

Y a-il bon François, qui aye oulié ceste si heu- reuse & immortelle matinee du 28. Decembre. 1576. en laquelle fut prinse & iuree ceste determination, dont parle le Roy en sa Declaration du mois d'Auril 1585. par laquelle sa Maiesté en son Conseil réply de plus de cinquante des plus grâds du Royaume, declara assez longuement avec son admirable eloquence, qu'estant paruenue à l'age de 25. ans, il estoit resolu ne permettre ny tollerer iamais plus en son Royaume & pays de son obeissance autre exercice de Religion que de la Catholique, Apostolique, & Romaine, l'uiuant le grand serment qu'il auoit faict apres auoir receu nostre Seigneur, lors de son sacre? En vertu duquel il declaroit toutes ses promesses & sermens faicts pour l'Edit de Pacification extorquez & forcez, nuls & de nulle vigueur & efficace, comme aussi pareillement tous ceux, qu'il pourroit faire à l'aduenir à mesme fin, il declaroit & iuroit deslors, que son intention estoit de n'en rien tenir, fut-ce qu'il y fut contrainct pour le bien de la paix, ou par autre vrgente necessité, que si deuant aucuns d'eux luy auoient conseillé de souffrir l'exercice de la nouuelle opini<sup>on</sup>, qu'il les en excusoit par ce qu'ils luy auoient donné tel conseil, qu'il auoit voulu. Mais qu'il  
leur

leur enioignoit, que desormais nul ne fut si hardy, que de luy donner aduis contraire à sa presente declaration. Pour l'exécution de laquelle il se deliberoit d'y employer le verd & le sec jusques à sa vie propre, s'estant resolu de la faire entendre par monsieur le Marechal de Biron ce grand Capitaine, & Cheualier sans reproche, & qui a tant merité de ce Royaume, au R. de N. & si avoit intention de la signifier, comme il fit, aux deputez du R. de N. les sieurs de Beynac des Aiguës, & la Marsiliere. La Royne mere declara aussi l'aise & plaisir extreme, qu'elle receuoit de veoir prendre au Roy son fils telle resolution, ne l'ayant nourry à autre fin. Que pour son regard elle y employeroit tous ses moyens, pour l'ayder à continuer & effectuer ceste bonne intention. M<sup>o</sup>seigneur frere du Roy declara aussi qu'il protestoit de vouloir viure & mourir en la religion Catholique, en laquelle il auoit esté nourry, & de cōseruer à iamais le nom Chrestien & Cath. qui luy a esté laillé d'heritage par ses ancestres, & gardé par le grād soing de la Royne sa Mere, promettant n'espargner moyens ne vie, pour servir le Roy en si bonne poursuite.

N'est-ce pas auoit tesmoigné assez clairement vne fois pour toute son intention & ferme resolution pour ce regard? S'il a cassé dōc ces malheureux Edicts de Pacificatiō, pour reuenir à celuy de la Reunion, l'a il fait (comme ils disent) par force & à contre-cœur? N'est-ce pas chose, qu'il auoit deffors voué à Dieu, promise à ses subjects, & qu'il aduertit tout le mōde qu'il feroit tāt qu'il viuroit, & pourroit? N'est-ce pas vn zele qui luy est aussi

*Le Roy iure l'extirpation de l'heresie.*

propre & de son inclination naturelle, que le boire & le manger?

*Les Lignes  
sont de l'or  
donnance  
du Roy.*

En cemesme temps sa Majesté n'approuua & authorisa-elle point les Lignes & associations des Cath. semblables à ceste cy dernier? Ne les iugeat elle point si necessaires pour son service, & le bien de la religion Cath. qu'il les receust en tous leurs poin&ts: & fit que ce qui n'estoit parauant, que de deuotion, fut apres de son commandement & par son ordonnance expresse, ainsi qu'il le fit entêdre en propres termes au R. de N. par les instructions dudit Sieur Marechal de Biron, & que la pratique: qui s'en ensuiuit, par toutes les provinces de France, monstra assez?

*Qu'est-ce  
que la S. L.  
gue.*

L'on ne peut dôc blasmer le Cardinal de Bourbon, ny la Ligue, soit pour sa forme, soit pour sa matiere, que l'on n'accuse le Roy mesmes, qui a esté l'auteur & approbateur de telles Lignes, poursuittes, & intentions: car nous n'entendons point parler d'autre Ligue, que de celle, qui n'importe autre chose, & qui ne vise qu'à la manutention de sa Majesté & du royaume avec sa compagnie inseparable, qui est la foy & la religion Catholique. Car aussi ne pouuions nous pas penser, que ces Princes pussent auoir autre finale intétion ne fut ce qu'ils scauent bien, qu'autrement ils ne pourroient auoir pires ennemis ne plus contraires, que les bons & vrais Catholiques: lesquels ne reuerent rien tant en terre, que la Majesté du Roy estant vnie, comme elle est, à la religion Catholique, ny que le sang royal estant arrousé du sang precieus de Iesus Christ. Cela ainsy presuppposé qu'eul peut faire sa Majesté, pour tesmoigner au monde, que

c'estoit chose de son ordonnance, de plus, que ce qu'il a fait? Il enuoie vers ces Princes son cœur & son ame, c'est à sçauoir la Roine Mere, pour accommoder & disposer toutes choses à l'effect de leurs communes, secretes, & anciennes intentions contre l'heresie. Il y a employé vers eux les plus confidens seruiteurs. Ces Princes s'estoient departis par leur derniere requeste par escrit de toutes demandes, pour se restreindre & accrocher au seul point de la religion, argument infallible, que la religion estoit seule la cause & la fin de leurs armes. Le Roy leur accorde pour leur seurété plus de villes, qu'ils ne tenoient, les rembourse de tous les frais faits en ceste poursuite. Il s'est mis & déclaré proprement & bien manifestement chef de la Ligue, reduisant ce, qui n'estoit lors que volôtaire, en loy generale & en Edit de la Reunion, qu'il a voulu estre à ces fins perpetuel & irreuocable: & la publicatiô duquel il a bié voulu authentifier de sa propre bouche, & par vn solénel sermēt, estât assis en son liēt de Iustice au Parlemēt de Paris. Il ordôna qu'on en dit le *Te Deum laudamus*, avec le brimballement de toutes les cloches par les Eglises, qu'on en feist des feux de ioie, & toute demonstratiô du contentement, qu'il en receuoit, & de la resiouissance publique, qu'il vouloit qu'on en eust pour vn iamais. Laquelle aussi fut telle, que de memoire des viuans l'on n'en a point veu de semblable, mesmement dans la ville de Paris: où le peuple ne se pouuoit saouler de luy en rendre graces, & luy en crier *VIVE LE ROY*. Il cômēt & fie toutes les forces du Royaume, & par consequent la personne, & tout l'Estat és mains des deux freres, les



Ducs de Guyse & de Mayéne, l'un pour garder la frontiere de l'estranger, l'autre pour attaquer le R. de N. & faire les exploits de guerre en Guyéne. Et si les eut tenus pour rebelles & ennemis de soy & de l'Estat, où qu'il eut cognu en eux quelque mauuaise volonté, leur eut-il baillé tout à coup tât de moyen de nuire, s'ils vouloient? Il depesche vers le Pape l'Euesque de Paris pour l'asseurer de plus en plus de son intention, & des moyens qu'il vouloit & pouuoit tenir pour l'exécution de son Edit, & extirpation de l'heresie. Il fait de iour à autre de son propre mouuement en continuation de sa bõne volonté, & tesmoignage certain, que riẽ ne l'auoit poussé, que le seul zele & affectiõ à sa religiõ, plusieurs declarations & reglemens sur l'observatiõ de son Edit. Il declare nommément, qu'il en veut & y cõprend & les biẽs & la personne du R. de N. au lieu qu'en toutes les autres guerres on pardonnoit à sõ nom. Il a armé puis apres de tous costez, & en toutes les Prouinces pour le desir qu'il a de en veoir bien tost vne fin. Les Huguenots ont ils entrepris sur le Chasteau d'Angers, il y faict accourir tout le mōde: le Seigneur de Pluuot s'est il faisi de la ville & chasteau d'Auxonne, pour quelque inimitié particuliere & mescontentement du peuple cõtre leur Gouverneur, le Roy luy fait faire son procez au Parlemēt de Dijõ, où il est déclaré criminel de leze Majesté, & ses biẽs cõfisquez. Cela ne suffit-il point? Il fait leuee de Lasknechs, & baille la charge à Messieurs de Guyse & le Grãd de l'assieger. Lesquels en sont venus à bout tout soudain, avec la satisfaction de tous, sans coup ferrer. Nous ne parlons point du chasteau de Bour-

deux c'est vn fait qui n'a rien de cōmun avec la Ligue, de l'accord de toutes parts. Et neantmoins les Huguenots font vn grand cas par leurs liurets de ces trois places, pour faire croire aux butors que le Roy est des leurs, & qu'il s'en va Huguenot tout a faict, & ennemy cruel des Guyfars.

Mais finalement, que pouuoit-on desirer du costé de sa Majesté, qu'il n'aye faict, pour recognoistre le seruice, que ces Princes luy auoient faict en cest endroiect, & oster tout doute enuers le mōde, que les fins de la Ligue ne luy fussent fort agreables, & que l'Edict de Reunion ne procedast de sa franchise, pure, entiere & libre volonté? nq

Toutesfois mettōs le cas, que les premiers motifs du remuēment du Cardinal de Bourbon, & des autres Princes, ne soient point procedez du Roy. Qu'importe-il, pourueu q̄ ce soit chose, qui tourne à son seruice, & à l'exécution de ses plus intimes intentions & bonnes affections enuers Dieu & l'Estat: & pourueu que depuis il l'aye eu & déclaré l'auoir pour agreable, & ne tendre qu'au seruice & aduancement de la religion Catholique? Voulez vous mieux? Mettons le cas que ee aye esté vn zele indiscret, qui les aye poulléz, faut-il que ce seul peché soit irremissible & sujet à perpetuel reproche, & que le desespoir de recōciliation, & damnstie les precipite plus auant? Et les gens de bien peuuent-ils permettre que le R. de N. & les Huguenots, qui sont chargez de tant de si frequentes rébellions, coniuurations & guerres contre Dieu, le Roy, & l'Estat, les en agacent à tout propos, pour nous tenir à iamais en troubles & desliances? Mettons le cas (disons nous)

que le Roy fut si animé cōtre les chefs de ceste Ligue, & la maison de Guise, que les heretiques publient, y a-il apparence qu'il le voulut exterminer, pour leur faire plaisir, & pour la grāde amitié qu'il leur porte? Y a-il apparence que le tolerāt & patient vne si orde racaille que les Huguenots, les ennemis mortels & de l'Estat, pour demonstratiō & exercice de sa clemence, apres tant d'abolitions & Edicts d'oubliāce, il eust reserué toute sa colere & vengeance contre ces Princes, quād mesmes ils auroient fait vne folie en cest endroit: veu qu'ils l'en sont departis tout aussi tost? qu'ils ont deuāt & de puis tant meritē de sa Majestē & de cest Estat: & qu'ils sont si estimez ayez, & chers par les gens de bien de ce Royaume, & de toute la Chrestientē, que le feu sieur du Ferriert est cōtraint de cōfesser, que les Cath. les adorēt de longue main. Ou bien s'il n'entrecient les Huguenots, que pour craincte des inconueniens & d'affoiblir autāt son Royaume, y a-il moins à redouter de ce costē, quand la couche seroit de leur perte & extermination?

Les Huguenots, qui sont de leur nature, comme tous heretiques dit S. Paul, sans affection, sans fidelitē & sans alliance, auront-ils plus d'affection & de cœur enuers les Princes & Seigneurs, qui les supportent, que les Catholiques enuers les leurs? Si ceux-là se ressentent de leurs trauaux, pour exposer leur sang & vie à leur defence, que ne ferōt ceux-cy? S'il s'est trouuē parmy eux des Poltrots, y aura-il faute pour ceux-cy de Marthias, & de Phinees, & cōme dit Roquelaure, des Sceuelles, zelateurs de la libertē de leur patrie, de Dieu & de leur religion? Si au contraire le Roy à desir d'ag-

grandir quelques vns, faute de moyens pour remplir & contérer les vns & les autres, peut-elle estre cause de luy faire desirer la despouille de ceux de Guise ny d'aucun (comme ils disent) ou bien faute d'amis ou de prudēce à pouuoir accorder & vnir la fortune & grandeur des Princes & Seigneurs, avec son seruice, & Paix du Royaume, à l'imitatiō de ce debonnaire Henry 2. peut-elle donner occasion à aucun d'entr'eux de se desbâder de ses volontez & intentions? Ce sont choses trop absurdes, & dont les hérétiques deuroient auoir honte d'enjauler si miserablement le monde.

L'Édict n'est pas si tost fait, que les Huguenots fōt courre force copies de diuerses lettres (les Ariens s'opposioient ainsi des lettres de Constantien en leur faueur ) qu'ils disoient que le Roy auoit escrites au Roy de Nauarre contenant force ofres & babioles, qui sont mieux teuz, que dictes, mais qui ne tendoient que contre les Sieurs de Guise & ceux de la Ligue, & pour le prier de se ioindre avec sa Majesté pour les ruiner entiere-  
mēt, l'assurāt de luy estre pere & frere, & que l'Édit de la Reunion estoit directemēt cōtre son intétion, comme il cognoistroit par le peu d'effect, qui s'en ensuiuroit, chose qui greuoit fort les Catholiques & tous les bons François, pour veoir des-crier indignemēt la bonté du Roy de la plus iniurieuse & scelerée perfidie, qui fut onques. Toutes fois ce n'est rien de nouueau à tel party, qui a assis son fondemēt sur les calōnies & mesdisances, & lequel se glorifie ordinairemēt tirer plus de profit des menzonges & semblables bruits & inuentiōs que le Roy ny les Catholiques ne peuēt faire de

leurs veritez & moiés. C'est la façon de ceste purain  
de l'heresie, qui est cōme vous diètes, deshôtee, &  
laquelle ayāt vne fois imposé à l'escriture, ne trou  
ue riē de sain ne de sacré. Le front des heretiques,  
dict S. Augustin, n'est point front, si nous enten  
dons par ce mot, non le membre du corps, mais la  
honte & vergoigne. Aussi entre les marques des  
heretiques S. Pierre y adiouste celle-là, qu'ils sont  
mêteurs & mesdisans. Car la verité est, qu'en mes  
me tēps & tousiours depuis sa Majesté à fait en  
tendre au R. de N. & par les Sieurs de Lenôcourt,  
Poigny, & Brulart, & par tous autres, que c'estoit  
sa dernière volōté, en laquelle il vouloit mourir:  
& a relinoigné assez suffisamment par effect aux  
Catholiques, qu'il n'auoit aucune volonté n'in  
tention de l'agrādir, tant qu'il tiendrait ceste secte.  
Mais sil luy a donné esperāce, cōme ils disent (ce  
que nous ne croiōs point) du tiltre de Monsieur  
& de son Lieutenant general, à ce peut estre à au  
tres fñs que pour se rendre assēuré Cathol. & se  
gaigner à Dieu & à l'Eglise, voire à ses propres de  
spens & diminution de son authorité, estant plus  
desireux, cōme parle S. Augustin de Gratiā l'Em  
pereur enuers Theodose de la fociété de la foy  
quē d'une ttop grande puissance? Car sil luy a re  
fusé en tēps de paix l'entree de ses villes Cathol.  
& mesmes de moindres de celles de son gouver  
nement, de peur qu'il ne s'en preualut contre son  
seruice, & le bien des Catholiques, y a-il occasion  
de craindre qu'il le vueille establir ou laisser pour  
son successeur avec son huguenottage? Y a-il occa  
sion de penser, que sil pouuoit resluseiter apres  
sa mort, qu'il luy donnaist sa voix, & qu'il permit

iamaſ qu'il ſ'aſſiſt au ſiege royal de iuſtice, ou que  
 il couchaſt au grãd liẽt du Louure, luy qui a tedit  
 ſouuẽt ceſte rovalle & Chreſtienne patole de ſon  
 ayeul ce grãd Roy François premier, Que ſ'il ſça-  
 uoit q̃ ſonbras fut heretique qu'il le feroit bruler.  
 Et le quel ordinairement a eu en la bouche ce beau  
 conſeil & dire de S. Chryſoſtome à Theodoſe,  
 Qu'il vaut beaucoup mieux quitter la royauté que  
 de trahir la maiſon de Dieu: & de faillir en la re-  
 ligion. Y a-il auſſi rien ſi naturel & conforme au  
 deſir general des gens de bien & des grands Prin-  
 ces, que de laiſſer ou auoir vn ſuccesseur ſembla-  
 • ble à ſoy, ou plus grãd & meilleur, ſ'il eſt poſſible?  
 afin, diſoit l'Empereur Tybere, que les fautes des  
 deuanciers ſoient corrigees & amãdees par les au-  
 tres. L'hiftoire de Boniface Comte d'Afrique (au-  
 quel il y a pluſieurs lettres de ſaint Auguſtin) n'eſt  
 elle pas notoire à vn chacun, en ce qu'il eut tãt de  
 regret de la nominatiõ que l'Empereur Honorius  
 auoit faiẽte d'un heretique pour ſon ſuccesseur, q̃  
 ne pouuans ſouffrir vne telle iniure & deſhõneur  
 à ſon grade, cela fut cauſe que les Vvandalles fu-  
 rent appelez par luy en Afrique, & qu'il leur y  
 donna entrẽe, bien que ce fuſt au grand malheur  
 de toute ceſte prouince, & nõ ſans vne grande re-  
 pentãce de ſa part, telle qu'elle luy cauſa la mort,  
 voyant les grandes deſolations des Eglifẽs, & les  
 barbaries qu'ils commettoient contre les conuẽ-  
 tions, ſouz leſquelles il les auoit receuz. Confor-  
 mement à ce nous liſons, que Conſtãtius l'Empe-  
 reur mourãt, teſmoigna n'auoir rien tant à regret,  
 ny qui luy poiſaſt plus ſur ſa conſcience, que d'a-  
 uoir changẽ ſa religion Catholique, & fait vne ſi



mauvaise electiō pour son successeur, que de Iulian l'Apostat. Aussi est notoire l'aduertissement de ce grand Theodose, par lequel il remonstroit à ses enfans, que s'ils se rangeoient & composoiēt leur vie & mœurs à la loy & religion de Dieu, qu'il les lairroit les successeurs, & non autrement. Cest ce qui fait que les Histoires louēt tant ledit Tyberre, d'auoir voulu preferer l'Empereur Maurice, qui estoit de grand merite pour son successeur, à ses propres enfans. Philo aussi remarque en Moyse pour vn des plus grans argumens de son amour & fidelité enuers dieu & son peuple, le soin, qu'il eut de mettre vn bon successeur apres luy, par continuelles prieres enuers Dieu, & pour preferer la pieté & crainte de Dieu, qui estoit en Iosué, à l'affection qu'il portoit à ses enfans, nepueux, parens & amis.

Pensez vous que le Roy ne cogneut pas bien la iuste occasion, que le Cardinal de Bourbon, les Princes, & generalemēt tous les Catholiques ont eu tousiours, & mesmement depuis le decez de feu Mōsieur, de craindre le R. de N. avec son party de l'heresie: qu'il soit si peu soigneux de ses affaires, & du bien de ses bōs sujets, qu'il ignorast les menaces que le R. de N. faisoit lors dedans & dehors le Royaume, & lesquels ne tendoient, qu'à leur ruine, pour le moins à leur desfiāces extremes? & quand biē par ses deporttemēs il n'eut pretendu faire aucun nouueau remuēment, que neātmoins la seule apparence produisoit de tresdāgereux effects, & q̄ c'estoit en tout cas vn artifice & moyen pour diuiser les Catholiques d'entr'eux-mesmes, & de son obeysance: afin de trouuer l'entree plus



facile és villes du Roy, par la porte de la discorde, ou de deffiance de sa Majesté.

Quelle apparence y a-il que sa Majesté aimast mieux que le party des Heretiques, qui luy a tousiours esté contraire, & lequel n'est bandé qu'à la ruyne de sa personne & religion, fust ligué & fort d'une plus estroite intelligence ensemble, que celui des Catholiques, qui luy a tousiours obey, & lequel fortifie sa religion, & qui aussi n'a eu onques autre obiect avec la conseruation de sa religion, que d'obeyr à ses commandemens, & d'auoir sa Majesté pour sainte & sacree.

Pensez vous que sa Majesté ne preueut pas bien que s'il eut autorisé ou favorisé le R. de N. avec son heresie peu ou prou, que c'estoit le vray moïe d'entretenir & entoncer les Catholiques en leur desesperoir, ligués, confreries, & bandes particulieres? que c'estoit le vray chemin pour leur faire prendre des resolutions trop dangereuses & perilleuses pour eux & pour cest Estat, & irremediables à iamais? & ausquelles neantmoins ils estoient plus disposez de se precipiter, que de tomber en la puissance d'un Roy heretique, qui leur est plus en horreur, & à contre-cœur qu'un Moscoue, Scythe ou Sarrazin? Estimez vous que sa Majesté ne iugeast pas bien, qu'il n'y alloit rien de moins, que de le priver de ses bras & iambes, & qu'en fin il n'y auroit que luy, qui payast les estœufs, & qui seruit de Roy despouillé: qu'ayant eu les Catholiques qui l'ont seruy, obey, & maintenu iusques icy pour tres-fidelles, tres-assurez & resvnis à son seruice, & à son Estat, il estoit en danger de les rebuter & perdre, ou du tout, ou en grande

partie sans esperance de pouuoir rien gaigner en contrepoids sur les Huguenots, qui sont en ceste possession plus que triennale de ne luy obeir, que autant qu'il faiët, & veür ce qu'il leur plaist, & que ils sont commandez par le Roy de Nauarre?

Est il croyable, que sa Majesté n'entendit pas les propos ordinaires de la plus part des Gentils-hömes & des autres Catholique guerriers disants tout haut iusques à la chambre de sa Majesté, qu'ils ne combattroient n'offenceroiët iamais ceux de leur religiö: lesquels ne pouuoient estre hays, que pour l'enuie & zele, qu'ils auoient d'espandre leur sang à l'extirpatio de l'heresie, chose qu'aucun ne pouuoit ignorer estre de la naturelle intention & reciproque inclinatio de sa Majesté, si elle n'estoit circonuenüe d'ailleurs? Est-il non croyable, que sa Majesté ne cogneust pas bien ce, que chacun touchoit au doigt, que le Roy de nauarre ne guettoit autre chose, que de veoir choëquer les forces du Roy & du Royaume ensemble: afin de se rendre maistre plus facilement de celles, qui resteroient victorieuses, & neantmoins bien haracees? Il luy sembloit que l'heure estoit venuë de iouyr de ceste royaume tant desirée à la faueur de ceste diuision, scachant bien n'y pouuoir paruenir par la prosperité, ains par la confusio & ruyne de cest Estat. Est-il croiable que sa Majesté voulut diuiser & faire huerter & cöbattre les Catholiques les vns cötre les autres, ou qu'elle soit marrie ou ennuieu se que sa religiö & son party des Catholiques, pour leq'il a tât de fois exposé son sang & sa propre vie, Heureüx victorieux, & le plus soit, puis qu'il ne peut ignorer, qu'après son decez, pout de

*Le Roy de  
N. desiré de  
uoir entre  
les Catho-  
liques.*

plus tard, le R. de N. pretend l'accabler? Ne nous deuôs nous pas persuader le cōtraire, & qu'il n'oblirera rien du monde pour deliurer ceste couronne de la main d'un heretique: & pour fortifier ceux qui peuuent estre les plus vtils à c'est effect?

Pensez vous que sa Majesté n'attirast pas mieux, que les Catholiques se continssent souz les mesmes chefs, qui leur auoient commadé par le passé de sa part, desquels il scauoit bien qu'il iouyroit tousiours aisément, que de faire des nouuelles associations souz des chefs empruntez, & desquels on ne pourroit apres disposer, qu'autant que la confusion le permettroit?

Et outre le point de la religion, pēsez vous que le Roy aye oublié tant de rours de dissimulation & de hayne intestine desquels le R. de N. luy a vŕe toute sa vie: qu'il aye oublié les protestatiōs de fidelité, qu'il luy faisoit lors, qu'il desseignoit cōtre luy: & les baise pied du soir deuant, qu'il se desroba de la Court? Pensez vous que sa Majesté ne sçache pas bien qu'il n'a plus grand ennemy & corruual, que le R. de N? Qu'il ne sçache pas bien que sans luy & sans le pretendu vicariat, qu'il s'est forgé, & qu'il dit auoir de la part de Dieu pour deffendre sa pretenduë cause & ses esleuz contre sa Majesté & les Catholiques, il iouyroit de son Royaume avec toute obeissance, & maintiendroir son peuple en pleine paix & repos asseuré? Qu'il ne sçache pas biē que tous ses propos les plus domestiques ne sont que vilaines mesdisances de luy: que ce qu'en semoit Segur en Angleterre & Allemagne, n'estoit que suiuant l'apprentissage, les instructions, & memoire de son maistre? Ne

sçait-il pas bié que le R. de N. à iuré souuent, qu'il n'iroit iamais en Cour, & si ne se fieroit iamais de sa personne à la Majesté? Ne sçait-il pas bien avec quelles indignitez & paroles de desdaing il a accoustumé de recevoir & traicter avec ceux, qu'il luy enuoie? Ne sçait-il pas bié quil n'y a eu en luy toute sa vie que faintise & mauuaïse intention contre la personne de la Majesté & contre l'Estat?

Ne sçait-il pas bien, côme desia ayant formé les Estats & Officiers de la Cour & maison au parangon de la sienne il contrainct les sujets de la Majesté passer par son Conseil priué, & d'Estat, par les mains de ses Chanceliers, Secretaires d'Estat & des finances & autres Officiers de Bearn, tout de mesme que s'il estoit Roy, chose fort odieuse aux bōs Frâçois, & que son ayeul n'eut pas entrepris, moins luy eut-on permis? Sa Majesté ne sçait-elle pas, comme il se fait appeller parmy rous ceux de son party, & qui luy veulent obeyr, Roy sans queuë, & côme iceux parlans de la Majesté le nōment le Roy de France, & bien souuent le Roy des Papistes, le massacreur & le Tyran, comme ils feroient d'un Prince estranger, d'un Othoman ou Tartare? Ce qui est d'autant plus considerable & insupportable à tous vrais Frâçois, lesquels (côme l'on dit des Lvdien) reconnoissent vn Roy, & ne en puenēt tollerer deux, nō plus, côme disoit Alexandre, que les cieus ne puenēt endurer deux soleils: & aussi que l'on sçait que de tout tēps & ancienneté, cōme souz le nom de Frâçois par Anronomasic, que disent les Grecs, sont entendus tous les Chrestiens: aussi les Rois de France ont eu telle prerogatiue & preeminence enuers tout le mōde,

*Le R. de N.  
se fait ap-  
peller Roy  
sans addi-  
tion.*

*Vnū regem  
agnoscent  
Laiq̃ duos  
solerare nō  
possunt.*

que souz ce nom de Roy, & parlant simplement du Roy, sans addition, l'on a tousiours entëdu parler de nostre Roy: ainsi que nous tesmoignent & les Canonistes sur le chap. *per venerabilem*, & ce ancien Grec Suidas, & ce officier de la Cour de Rome de Vitalinis, lequel dit cela auoir esté ordinaire & commun à Rome de son temps. N'est-ce pas pourquoy encores au iourd'huy la Thiare du Pape, qui est de trois couronnes, dont il vse les grãds festes par chemin & hors l'office, comme Prince temporel, est appellé *Regnum*, il regnoit, comme nous ont laissë par escript cest ancien Archeuesque de Reims Hincmarus, & Sigibert, disants que le Pape Hormisdas appella la couronne d'or qui luy fut enuoyee, & vouee à S. Pierre par le Roy Clovis, *Regnum*, comme par excellence du Roy, qui la donnoit, & cõme si ce nom de Roy estoit le propre nom des Rois de Frãce, pour la raison, qui est en sainct Gregoire le Grand, disant que le Roy de France surpasse tous les autres Rois, d'autant que l'autorité & dignité royalle, excelle par dessus tous les autres hommes. Et Nicolas premier, donnant la raison de ceste preeminence de nos Rois, cite le Pape Pelage escriuant au Roy de France, & dict, que c'est parce que le principal soin, but & office du Roy de France est de procurer la manutention de la foy Catholique, & la paix de l'Eglise.

*Nom de  
Roy propre  
au Roy de  
France.*

Sont-ce pas de belles occasions à vostre aduis à sa Majestë tres-Chrestienne de cetcher à complaire au R. de N. heretique, pour offencer & mettre en peine toute la Chrestientë, & l'acharner contre sa reputation & renommee, si pis n'arriuoit de l'esta-

blir en sa place, pour faire recevoir les pauvres  
 Catholiques bons sujets en l'oppression de l'he-  
 resie, qu'ils ont suy & taché d'euer touz la con-  
 duite & commandement, par l'effusion de tant de  
 sang, pertes & ruynes si continuelles il y a tant  
 d'annees? S'il auoit enuie d'aller a vaudetoute en  
 Enfer, & de se faire maudire a iamais, pourroit-il  
 mieux assemler sur soy l'ire de Dieu, & les male-  
 dictiōs & execrations de son peuple, des estrangers  
 des petits & des grands de tout sexe, condition &  
 qualité? Cōme nous lisons que la sage antiquité a  
 maudit Constantius l'Empereur non moins que  
 son heresie, pour auoir nomé & laissé pour sō suc-  
 cesseur vn tel ennemy de la religion Chrestienne  
 " que Iulian l'Apostat. Cōmēt est-ce (luy disoient ils)  
 " qu'estant prudent & tresaduise en toutes autres  
 " choses, tu t'es monstř en ce seul point grossier &  
 " idiot? Quelle promptitude est celle-là de clemen-  
 " ce & d'humanitē inhumaine? Quel grand diable  
 " t'a peu induire à ceste deliberation? Comment as  
 " tu deliurē à telle furie, & peste commune, si tost,  
 " & en si peu de temps ceste grande hereditē, l'hō-  
 " neur & l'ornement de ton pere, sçauoit la Chre-  
 " stientē, ceste gent qu'est claire & reluir par tout le  
 " monde, ce royal sacerdote qui a acceu & est au-  
 " gmētē avec si grands labeurs & tant de sueurs, pei-  
 " nes & toutmens? O gřetue reproche! Mais il a  
 " failly par ignorance: telle ignorance est indigne  
 " de sa pietē, d'auoir nourry aux Chrestiens l'enne-  
 " my de Iesus Christ, ne le sçachant point: & en cela  
 " mesme il a vř peu honorablement de son hu-  
 " manitē & beneficence, de ce qu'il a reserue &  
 " creē Empereur celuy, lequel a eētē gardē & con-  
 seruē



serué, & qui a administré l'Empire avec si grand  
 dam & dommage. Et toutefois la dissimulation &  
 hypocrisie de Iulian contrefaisant le bon Chre-  
 stien, pouuoit seruir de meilleure deffence ou ex-  
 cuse à Constantius, outre ce que c'estoit son cou-  
 sin germain, que ne peut la manifeste déclaration  
 & profession que le R. de N. fait de l'heresie. Si les  
 vertus & qualitez des successeurs honnorent ou  
 entachent la memoire de leur deuâcier, & qu'à ce-  
 ste occasion chacun desire naturellemēt ( comme  
 nous auons dit ) vn successeur semblable à soy ou  
 plus grand & meilleur: quel crime & demerite en-  
 uers Dieu & les hōmes encourroit le Roy, faisant  
 en cela plus de mal à la gloire de Dieu & à son E-  
 glise, qu'il n'auroit peu faire de biē en toute sa vie?  
 Quelle memoire pēsez vous qu'aquerroit sa Ma-  
 iesté, de laisser en son lieu celuy, qui est aussi con-  
 traire à ses vertus, voyes, & actions, que le noir est  
 du blanc: & lequel par l'antipatie, qui est en luy, a-  
 boliroit les loix & ordōnâces qu'il auroit publié,  
 destruiroit les Eglises & monasteres, qu'il auroit  
 fōdē & basty, tueroit ceux qu'il auroit aimé & cō-  
 serué au danger de sa vie. Et lequel pour toute re-  
 cōpence d'hōneur & de seruice, defēdroit de prier  
 Dieu pour so ame, & prostituerait sa sepulture, ses  
 os & son corps à la voirie & aux oiseaux du Ciel,  
 selō l'honorable pratique & traditiō de sa mere,  
 contre les sepultures des Seigneurs d'Albert ses  
 aieulx, & des Cardinaux de ceste maison, dans Ca-  
 stet-Ialoux, & l'enseignemēt des Ministres obser-  
 uē par eux contre la memoire, & monument du  
 Roy Loys vnziesme dās nostre Dame de Clery &  
 d'infinis autres. O quel reuers de medaille à celle



du Roy Henry, tres-chrestien & tres-deuor, que ceste cy du Roy Héry de Nauarre tres-heretique & tres-impie?

*La Roynne  
Mere ne sa  
uoris point  
le R. de N.*

Et quoy: la Roynne Mere a-elle oublié, vous semble-il, la professiõ qu'il fait, qu'elle a esté tousiours ennemie & contraire au gouuernemēt & grãdeur de feu son pere. & de ceux de sa maison? A-elle oublié le bon traiçtemēt faiçt à sa fille en sa faueur? A-elle oublié les mauuais tours & sailies fãscheuses que le R. de N. luy a fait endurer souuēt? A-elle oublié les indignitez & rodomontades, qu'il luy à fait souffrir en son voyage de Guyenne pour la Conference de Nerac, iusques à mettre souuēt en Conseil & deliberation de la retenir prisonnier, tant soubz pretexte de la surprinse qui aduine lors du Chasteau de la Reolle qu'autres occasiõs, qu'il se forgeoit pour esueilleir la bonne amitié que ces gens luy portent? Ne s'est-elle point apperceuë de ce, dont tout le monde s'est si fort scandalizé, qui est de la façõ brauache, de laquelle il l'a esté trouuer à S. Bris à ce dernier voyage de Coignac? Et sa Maieité a-elle grande occasion de demeurer satisfaiçte de ses propos & responce si peu respectueuses? A-elle oublié le resentimēt ordinaire qu'il fait contre elle pour la iournee S. Barthelemy, & sa retention dans le Chasteau du bois de Vincenes? A-elle oublié le prouerbe de sa nation, que *chi offense non perdona*? Mais a-elle oublié ses promesses ordinaires contre la tollerance de tant d'Edicts de Pacification faiçts soubz les ieunes ans de noz Roys? Que ce n'estoit que pour gaigner tẽps, & iusques à ce que ses enfãs peussent eux-mêmes auoir ceste palme & cest hõneur de vaincre l'hidre de l'he-

resie, & en deliurer la France? Peut-elle attendre  
 saison plus propre, ou necessité plus vrgente? Esti-  
 mez vous qu'elle vouldit quiter l'amitié des Cath.  
 pour celle des Huguenots, & la demeure de Paris  
 pour se tenir à Nerac, ou Nauarreins? Estimez vo-  
 qu'elle aye rien rauulé ou diminué du grand ze-  
 le qu'elle a tousiours porté à la religiō Cath? qu'elle  
 aye desapris les moyés, avec lesquels par sa grāde  
 prudence & pieté, elle l'a sceu tres-bien conseruer  
 en aussi grands dangers & perils? Finablemēt esti-  
 mes vous qu'elle n'aimast mienx mourir de cent  
 morts, q̄ de veoir tous ses labeurs & desseins, pour  
 la conseruation de la religion & l'Estat perdus &  
 rompus en vn iour, au preiudice de la religion, &  
 à la dissipatiō de cest estat? Ce sont choses trop es-  
 loignees de la bonté, sagesse, & ze-  
 le de sa Maieité.

Finalemēt pour oster toute occasion, couleur,  
 & pretexte, tant aux Catholiques timides & des-  
 fians, qu'aux Huguenots rebelles, d'entrer en au-  
 cune sinistre interpretation de l'intétion du Roy  
 pour l'heresie, & par consequent pour l'installatiō  
 & aduancement du R. de N. demeurār heretique,  
 la Declaratiō derniere & recente que sa Maieité  
 en a faiēt en sa Cour de Parlement de Paris, du 10.  
 Ianuier dernier, n'est-elle pas plus que suffisante  
 pour fermer la bouche à tous les mesdisans? Se  
 voit-il en danger de ne pouuoir rednre le R. de  
 N. à la paix, quelque grande peine que la Roine  
 Mere y prenne, il declare ne vouloir iamais souf-  
 frir ny au R. de N. ny en son Royaume autre Re-  
 ligion que la Catholique, & estre plustost prest de  
 respandre son sang en ceste querelle? Qu'eust plus  
 fait vn S. Loys? La roine mere fait entēdre le mes-

*Nulle occa-  
sion de soup-  
çonner le  
Roy pour  
l'heresie.*

me au R. de N. & comme il ne doit & ne peut at-  
tendre aucune faueur de leurs Maiestez, ny des Ca-  
thol. tât qu'il sera heretique. C'est le sommaire &  
l'argument de toute sa negotiation avec luy. Que  
pouuôs nous desirer de leurs Maiestez de pl<sup>r</sup> clair?  
Quelle maniere est-ce principalement aux Cath.  
de se forger de ce coste des peurs si mal fondees à  
l'appetit des libelles diffamatoires des Heretiq.  
qui ne demandent que trouble, & à bâder & mu-  
tiner tout le môde contre leurs sacrees Maiestez?

*Le conseil  
du Roy en-  
nemy de  
l'heresie.*

Nous laissons à penser si tous les principaux  
officiers & cōfidens seruiteurs, desquels leurs Ma-  
iestez se seruent le plus souuent en leurs conseils  
& affaires, & qui sont Dieu mercy tres-affection-  
nez Catholiques, & qui à ceste occasion ont ac-  
quis la haine du R. de N. & des Huguenots, leur  
voudroient donner conseil si preiudiciable, que  
de le fauorir avec son heresie, & les servir en cest  
endroit pour trahir & leur conscience, & leur reli-  
gion, & leur patrie. Ne sont-ils pas bien asseurez,  
que si leurs Maiestez endurent du mal, qu'ils ne  
s'en porteront pas mieux, & n'ont-ils pas veu pra-  
tiquier souuent deuât leurs yeux le dire anciē, Que  
les mauuais conseils retombēt sur leurs auteurs?  
Ne preuoyent-ils pas bien qu'il n'y a aucun qui  
soit ordinairement plus dangereux en semblable  
confusion d'affaires, que ceux qui sont en tels gra-  
des qu'eux, & qu'on peut craindre pour leur va-  
leur & suffisance, & lesquels ont esté les plus fauo-  
ris de celuy qui commandoit.

Si quelques Seigneurs, & des mieux aimez de sa  
Maiesté ont fait cas de cōplaire au R. de N. & de  
luy procurer sa grâdeur, est-il croyable, qu'au faict

& au prendre ils aimasēt mieux renōcer à Dieu, à leur religiō & à l'affectiō qu'ils portēt au Royau-  
me & au seruice du roy, que d'abādonner le party  
de l'heresie à l'appetit, peut estre, de quelques e-  
mulatiōs de Cour, que le tēps emporte avec soy?

Si vous dites que si sa Maieisté a eu agreable les  
desseins & pretentiōs du Sieur Cardinal de Bour-  
bon, des Princes & Sieurs de la Ligue, qu'elle de-  
uoit donc declarer ledict Cardinal de Bourbō ou  
autre pour son successeur, & le R. de N. ou tout  
autre heretique exclus, incapable & indigne. Nous  
vous prions quelle necessité, y a-il de decider de ce  
point, deuant qu'il soit arriué? Ne peut-il pas ad-  
uenir infinis cas qui peuuent faire que cest article  
sera vuidé de soy-mesme? Pourquoi empirera-on  
les iours deuant qu'ils soient? Pourquoi est-il dit,  
que le Roy n'aura point de lignee? Qui a parlé à  
Dieu, pour le sçauoir? Pourquoi faut-il que le  
Roy face ce plaisir au R. de N. de se laisser mourir  
deuant luy? Vn ou deux ans qu'il a de plus, luy doi-  
uent-ils donner tant à penser à sa succession? N'en  
a-on pas veu d'aussi ieunes que le R. de N. demeu-  
rer en chemin, & s'en aller les premiers? Sa Maie-  
sté ne peut-elle pas viure si longuemēt, qu'il pour-  
ra faire mōtir l'idre de l'heresie deuant? C'est cho-  
se, sau la correctiō des plus sages, qui nous semble  
fort adiafore & indifferante. Combien que nous  
sçachions, qu'en plusieurs Royaumes biē reiglez,  
voire succellifs l'o aye vſé souuēt de la nominatiō  
d'un successeur, lors q'il on y a preu quelque dis-  
pute, pour l'opinion qu'ils auoient qu'autrement  
l'estat estoit en grād hazard & danger. Aussi (com-  
me nous tēmoigne nostre autheur François en sa

*4. Point.  
Que le R.  
de N. est  
inhabile de  
la Courōne  
de France,  
par voye  
de droit  
& raison.*

*Nulle ne-  
cessité de  
declarer le  
successeur  
au Roy.*

Republique, voz Estat d'Angleterre ne font cō-  
tinuellemēt autre requeste à la Roine, & singulie-  
rement en tous les Parlements depuis 20. ans, sinō  
qu'il lui plaîse ne se voulat marier declarer pour sō  
successeur le Côte Hutington, & apres luy le Duc  
de norfolk, ou autre qu'elle iugeroit pl<sup>9</sup> à propos.

Toutefois il doit suffire à vn chacun que le Roy  
par son Ediēt de la re-vniō remet les loix ancien-  
nes du Royaume & de la religion Catholique cō-  
tre l'heresie, en leur premiere auctorité, & qu'il  
chasse & bannit tout heretique du Royaume. Car  
c'est assez bien claiemēt chasser le R. de N. & tout  
autre heretique de la France de charge publique  
& de la Couronne royale, pour y appeller tout  
autre Cath. le plus proche de l'estoch, masle suiuant  
la coustume. Et quand biē le Roy l'eust fait plus  
notamment & specifiquement, quel aduantage y  
auroit gueres plus l'estat & les Catholiques ? La  
passion de l'interest des particuliers separé du biē  
public nous doit elle aueugler ? Mais le Roy peut-  
il instituer son successeur, y peut-il appeller celuy,  
qu'il luy plaira ? Peut-il alterer les loix anciennes  
& fondamentalles de l'Estat, qui appellent les vns  
à la succession, & excluent les autres ? Vne loy ou  
ordonnāce particuliere qu'il pourroit faire, pour-  
roit-elle empescher le cours des loix vniuerselles  
& fondamentalles : ains au contraire ne seroit-elle  
point d'autant plus inutile ou nuisable, qu'elle se-  
roit suspecte de precipitation, ou de force, ou d'au-  
tre semblable obieēt ?

N'est-ce pas chose certaine & indubitable, que  
quant aux loix, qui concernēt l'estat du Royaume  
& l'establissement d'iceluy, d'autant qu'elles sont

annexées & vnies avec la couronne, & l'obeissance du subiect, le Prince n'y peut aucunement déroger? Car quoy que cest Estat soit commisé par vn Monarque qui ne peut auoir les mains liées, toutefois il faut dire, cōme ce Romain Valerius, Qu'il y a des loix inuiolables, pour le perpetuel profit de la Republique, d'autres seulement necessaires pour quelque temps, Que celles-là ne meurent iamais, & que celles-cy sont mortelles, selon les diuerses occurrences. Et de la premiere espee sont les Loix Royales, & qui concernent l'Estat du Royaume, qui est vny & annexé avec la religion catholique. Et quoy qu'il face pour vn tēps, tousiours luy & le successeur peut casser ce qui aura esté fait au preiudice des Loix du Royaume: & sur lesquelles est appuyée & fōdée la Maiesté & puissance souueraine & du Roy & de Dieu. Car comme c'est autre chose des Loix de l'Empereur, que de celles de l'Empire, aussi autre chose est des Loix du Roy, autre des Loix du Royaume. Car celles-cy, comme elles ne peuuent estre faites qu'en assemblée generale de tout le Royaume, ou en diete Imperiale, ou qu'elles sont confirmées par longue vsance, aussi ne peuuent-elles estre changées ne alterées qu'au pis aller, avec mesme solemnité, & sans necessité ou euidente vtilité cōme recognoit mesme le R. de N. en sa Declaration.

Premierement y a-il Loy, soit escrite, ou nō escrite, plus naturelle, plus fondamētalle, ancienne, & vniuerselle, de tout le mōde, que la Loy de Religion? Y a-il Loy plus vnice, essentielle, incorporee, & inseparable de ce Royaume, que la Loy de Iesus Christ, où la Loy chrestienne & Catholique,

*Loy du roy  
aume in-  
uolable.*

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

*La Loy  
Chrestienne  
est la Loy  
de religion  
et du Roy-  
aume.*



(ce n'est tout qu'un: Car si Iesus Christ est la baze,  
 le soubazement, le fondemēt & l'appuy principal  
 de tout estat, & la source originelle de la maison  
 & verité, qui sont l'ame & l'essence de toutes les  
 bonnes Loix, celuy qui se dit chrestien, peut-il  
 nier sans impudence & impieté manifeste, que sa  
 Religion & la Loy chrestienne ne soit Loy, & la  
 principale, & fondamentale de l'Estat, de la Mo-  
 narchie, de la police de toutes les Loix, & de tout  
 ce qui en depend: La cōstitution de nostre Repu-  
 blique (disoient les Empereurs Theodose & Valé-  
 tinian à S. Cyrille Archeuesque d'Alexandrie) de-  
 pend de la Religio & pieté qu'on doit à Dieu. Ce  
 sont deux choses qui sont cōnexes & accouplées  
 ensemble d'une grande societé & consanguinité:  
 l'une croist par l'accroissement de l'autre, de sorte  
 que la vraie Religion resplēdit du deuoir & affe-  
 ctio de iustice: & la republique est florissante estat  
 aidee de l'une & de l'autre ensemble. C'est ce que  
 nous vouloit signifier nostre feu Charles neuief-  
 me d'eternelle memoire en sa devise par Pieté &  
 iustice, representee par l'entrelasement des deux  
 colonnes, sçauoir que les deux principales Loix,  
 fondemens, soustiens, & colonnes de ce Royau-  
 me, ce sont celles qui concernent premièrement la  
 Religion, & puis la iustice. Se peut-il douter que  
 la Loy chrestienne & catholique n'aye este receüe  
 & entretenue & auec ce Royaume dès son enfan-  
 ce: Se peut-il douter, que noz anciens Roys, Prin-  
 ces, Pairs, Ducs, Seigneurs, Officiers, Magistratz,  
 les trois Estatz, les Cours de Parlement, & gene-  
 ralement tous noz ancespres, n'ayent esté depuis  
 Clouis, chrestiens & catholiques (nous ioignons



icy volontiers ces deux epithetes & qualitez, pour  
 obuier à toutes tergiuersations & disputes de  
 mots, n'y ayant autre difference si ce n'est, comme  
 dict tres-bien Pacianus Euesque de Barcelonne,  
 Que Chrestien, est nostre nom, Catholique est le  
 surnom : celuy la fait qu'on nous appelle, cestuy  
 cy qu'on nous cognoisse, celuy la nous fait remar-  
 quer, cestuy cy nous faict approuuer: celuy la pro-  
 uient de ce que nous croyons en Iesus Christ, ce-  
 stuy-cy de ce que nous y croyons selon que l'E-  
 glise catholique enseigne: celuy la nous distingue  
 des Iuifs & infideles, & cestuy cy des Heretiques.

*Difference  
 entre Chre-  
 stien & Ca-  
 th.*

Se peut il douter, que la Religion chrestien-  
 ne n'aye esté receue & approuuee pour la Reli-  
 gion du Royaume, non seulement pour les parti-  
 culiers, qui vouldroyent y adherer, mais pour tout  
 le corps mystique du Royaume, & en qualité d'un  
 Estat vny, formé, composé, & concurrent en mes-  
 mes loix & singulierement en vne mesme loy de  
 Religio? Si peut il douter, disons nous, qu'elle n'y  
 aye esté non seulement soufferte, mais aussi auto-  
 risée & commandee par ordonnance publique  
 de nos Roys, receue, emologne & confirmee, en  
 pragmatique par ordres, & par toutes les assem-  
 blees generales, & prouinciales des Estats & com-  
 munautez de France? Et qu'elle n'aye esté faite &  
 reduitte en loy vniuerselle de tout l'Estat du Roy-  
 aume, pour tousiours & vn iamaïs, c'est à dire,  
 qu'il n'a pas esté seulement permis par loy publi-  
 que du Royaume, de croire en Iesus Christ, se-  
 lon la tradition & instruction de l'Eglise Cathol.  
 Apo. & Ro. ou selon que chacun la vouldroit cō-  
 ceuoir, & s'y vouldroit volōtairement obliger &

*La Loy  
 Chrestien-  
 ne sert de  
 Loy & cō-  
 mandement  
 sur le Roy  
 & sur le  
 peuple.*

astraindre, suiuant la liberté, qu'il pourroit prétendre de sa conscience: mais aussi qu'il à esté enioint & ordonné generalemēt, & specifiquemēt à tous, & vn chacun, de quelque sexe, qualiré, & condition qu'ils soient, de receuoir en eux mesmes, en leur vie & actiōs exterieurs, la Loy & la Foy Chrestienne & Catholique, d'en faire demonstration & exercice public, & de la conseruer iusques à la mort, souz les peines, rigueurs, & seueritez, que les loix Roiales, ciuiles, & temporelles ont accoustumé de contenir, & notamment de la priuation de tous biēs, & de tous grades de l'estat, & de tous honneurs publics, voire iusques à la peine du dernier supplice.

La seule reception du Baptesme, & conuersion particuliere à la Foy Chrestienne, n'emporte, & ne cōprend elle pas en soy mesmes vne obligatiō expresse & inseparable d'honorer & seruir Iesus Christ & la Religion de toute nostre ame, de toutes nos pēsees, & de toutes nos falcutez? Nos Rois donc, nos Ducs nos Magistrats, & autres nos maiēurs, de ce seul qu'ils ont creu en Iesus Christ, n'ont il pas promis, & ne se sont ils point obligez par expres, chacun en son endroit, de consacrer & soub-mettre au seruice & obeysance de la Foy (comme parle S. Paul) & de la Religion Catholique tout leur regime, gouuernemēt, autorité, pouuoir & auoir, voire leur propre vie?

La seule reception & auctorisation, que tout le gros & le general du Roiaume à fait de la foy & religion Catholique, quād il n'y auroit autre loy & cōmādemēt, sur tous ceux du Royaume, n'éporte elle pas avec soy ceste expresse, generale & particu-

liere obligation, comme par contract avec Iesus Christ & l'Eglise, & entre eux mesme de la recevoir & tenir pour l'unique & seule religiō du royaume: & partant le Roy de ne vouloir regner, & le peuple avec les Princes & Officiers de ne vouloir desormais recognoistre, n'y oboir à Roy n'y Seigneur autre, que Catholique & selon que la loy chrestienne commāde ou defend. Et tous ensemble ont promis tacitement ou expressement, & autant que cela est necessairement conioint & contenu en la nature de la loy Chrestienne, de conseruer & regler par icelle la Monarchie, la Republique, la Iustice, la Police & la milice, & generallemēt tout l'Estat: & de viser & mirer deuāt & sur toutes choses à l'entretienemēt & augmentatiō d'icelle seule

*La loy qui commande l'obseruation de la Religion Cath. à esté gardée tant de siècles en France que le Roy & ses subiects la doivent garder violemment.*

Si d'abondāt ils en ont fait vne loy d'estat & vn commādemēt & ordonnāce expresse & generalle qui à esté approuuee & formee par laps de plusieurs siecles sās interruptiō obseruee & pratiquée inuiolablemēt par & pour tout le royaume, & sur tous ceux, qui sōt regnicoles, & qui fōt part en l'estat, à ce qu'ils soiēt tenus & obligez d'estre Cath. & d'en faire profession, qui peut douter qu'ils

n'ayent souz-mis & assubiecti souuerainement par telle loy tout l'estat à Iesus Christ tant en general qu'en particulier? Ou qui osera nyer, que telle loy de la nation & de l'estat n'oblige non moins leur posterité & successeurs, que les premiers auteurs & ceux de leur siecle, & aussi estroitement que la loy Salique ou autre quelconque loy du Royaume peut faire, pour estre tous les François, & notamment tous ceux, qui voudroient iamais auoir part à leur succession, & iouir des prerogatives, grades & charges du Royaume, & qui singulierement voudroient succeder à la Couronne, & à tant de Roys catholiques astraincts & tenus par ceste loy d'estat à l'observation & creance de la loy & foy chrestienne & catholique, & ce souz les peines temporelles humaines, politiques, & lesquelles deppendent de la iurisdiction & autorité seculiere?

*Si la religion est loy au temporel donc elle contient des peines au temporel.*

Cars'il y à aucune loy de religiō faicte en ce royaume il y à donc des peines cōtre les contreuenāz: car iamais ny eut loy sans sanction, c'est à dire, cōme expliquent nos iuris cōsultes, sans que sur la fin d'icelle, il n'y eut aposition de peines cōtre les desobeissāz. Puis q̄ c'est vne loy de tout le royaume & sur toute sorte de gens, & singulieremēt sur ceux qui sont la testē, la face, & le visage du royaume, & lesquels ont la charge de le représenter tel qu'il est, elle ne peut contenir autres peines, que celles, qui cōcernent l'estat du royaume, & dōt toute sorte de gēs d'iceluy se puissent resētir. Cōme la loy est dictē ciuile, qui contient les peines, lesquelles touchēt la citē & les honneurs, cōmoditez, ou incommoditez de ville & de bourgeoisie. Qu'elles et-

les sont & nos histoires, & tous nos liures le tesmoignent assez : c'est à sçauoir de la priuation & exclusion de tous honneurs, rangs, biens de la partie, de la conuersation des hommes, finalement du dernier supplice & le plus souuēt du feu, conformément aux constitutions & loix imperialles, qui en ce faict ont esté autorisees par les Roys & tout le Royaume. Car pour le regard des peines, qui touchent le faict de la conscience, de l'excommunication de l'anatheme & autres peines spirituelles qui chassent les gens de l'Eglise, & les rendent subiects à la damnation eternelle, & aux peines de l'autre vie, tous les François Roys & subiects y estoient desia assez obligez, aussi bien que les autres nations par la seule auctorité de la loy Chrestienne, & comme estant icelle loy de Iesus Christ le vray Dieu, sans que pource il fut besoin d'autre loy humaine, ou cōmandement temporel ny mesmes sans le consentemēt ou autorisation de la nation. D'autant qu'il n'y à point de salut, qu'en Iesus seul, & que tout genouil luy doibt fléchir tost ou tard de bon gré ou malgré.

Si donc outre les peines cōprinſes & specifees en la loy Chrestienne, le Roy est subiect en consequence de la loy du Roiaume, qui oblige tous & les mesmes que la loy Chrestienne, aux peines temporelles d'icelle, quelle difficulté y a-il, qu'il ne soit pour le moins par icelle priuable & dimissible en cas de cōtraire religiō, d'heresie ou apostasie ? & à pl<sup>9</sup> forte raisō que celui, qui est tel ne soit inhabile & incapable de recueillir la succession du Royaume, & d'y pouuoir iamais paruenir : si ce n'est en violāt nō seulemēt la loy Chrestienne, mais aussi la

*Le Roy  
subiect aux  
peines de la  
Loi de Re-  
ligion.*

loy du royaume touchant sa religiō : Car si le Roy n'est exempt de la loy Chrestienne, n'y donc aussi de ceste loy du Royaume. S'il n'en est point de ceste-cy, ny donc des peines y contenuës. Si des peines sur les corps & sur les biens: celles sur les biens

*Les Roys  
contrene-  
nant à la  
loy qui les  
oblige d'estre Cath.  
peuvent estre depo-  
sez & ex-  
clus du  
Royaume.*

sont les moindres: donc le Roy ou quicō que peut pretendre à la Royauté, ne peut recevoir moindre peine en contreuenir à ceste loy du Roiaume, que la deposition ou l'exclusion. Tellement que par la & le Roy & tous les François, non seulement peuvent, mais sont obligez à estre Catholiques, selon, & à la façon, que l'Eglise Cath. Rom. l'entend, & ne recevoir ny tollerer autre, non seulement cōme bons Chrestiens, & autant que la loy Chrestienne le commande à tous, souz telles peines, qui s'exercent en l'Eglise & par Dieu mesmes: mais aussi comme bons François, & autant que la loy de la nation des François, qui est incorporee en leur Royaume, le veut & l'enioint ainsi soubs telles peines, qui s'exercent sur le temporel & en ce qui est du mode. Aussi que par la religiō Chrestienne nos Rois, nos Peres & tout le royaume, n'aient receu ny entēdu autre religiō, que celle des Catho. c'est à sçauoir celle, qui a retenu & retient la foy & doctrine de Iesus Christ, selon l'interpretation & sens de l'Escripture sainte, receu & presché notamment en l'Eglise Romaine, pour l'union & cōformité continuelle, qu'elle a, & que Iesus Christ luy à promis qu'elle auroit avec toute l'Eglise Cathol. Aposto. & selon la pratique exterieure & apparece de ses saintes ceremonies, actes & exercices visibles de religion, il n'y a personne (comme nous dirons) qui en puisse douter, s'il n'a les yeux du



tout creuez. Si bien que pareillemēt nous ne pou-  
 uōs point douter, que Clouis, Charlemaigne, Hu-  
 gue Capet, & leurs successeurs n'ayent fait & or-  
 donné mesme loy de religion en France, ou pour  
 mieux dire, qu'ils n'y aient maintenu & comman-  
 de la mesme loy de religion, qu'ils y ont trouuer,  
 receue, & publice par les Empereurs Gratian, Va-  
 lentinien, & Theodose, comme elle estoit aussi par  
 toute l'estendue de leur Empire, contenant Que  
 tous eussent à retenir & obseruer la mesme reli-  
 gion, que la continuelle obseruance de religion  
 dans Rome monstrois que saint Pierrey auoit  
 laissé, & laquelle estoit suiue pour lors par Da-  
 mase Pape de Rome, & par Pierre Patriarche d'A-  
 lexandrie en Egypte, voulans que ceux qui tien-  
 droient la mesme religiō, qu'eux fussent dits Chre-  
 stiens catholiques & tous autres, comme gens for-  
 cenez & hors de sens dits heretiques, & qu'ils fus-  
 sent subiects aux peines temporelles, outre la pu-  
 nition diuine. Et Iustiniā à iugé ceste loy si impor-  
 tante & fondamentale des loix de l'empire, qu'il  
 à bien voulu commencer par elle la premiere loy  
 de son Code.

De dire que ceste loy de religiō sur le Royaume  
 & la nation François ne peut rié sur le Roy, ny sur  
 sa personne, ny sur son estat que par directiō, & nō  
 par correction: que par conseil, & nō comme loy,  
 cela est trop ridicule, impie, & insoustenable. Car  
 la loy publique de l'épire & du royaume, qui à cō-  
 mādē, que la religion Chrestienne seroit désormais  
 la religiō de tout ce royaume, tāt s'en faut qu'elle  
 aye voulu en rien deroguer au cōtenu & à l'auto-  
 rité de la loy chrestienne, & à la submission & obli-



gation, qu'encourent ceux, qui la reçoivent de leur franche volonté, qu'elle à pensè plus tost à l'amplifier. Elle n'en dispence ny soubstrait aucun de tous ceux, qui y sont comprins & subiects à l'observatiō d'icelle, comme sont generalemēt, sans aucune exception, tous les hommes grāds & petits, les Roys aussi bien que les subiects. Mais seulement elle declare tous les François, & chefs, & membres & officiers du Royaume, estre subiects à Iesus Christ & non moins obligez soubz les peines temporelles, à l'observatiō de sa Loy Chrestienne, selon le sens, explication & conformité de l'Eglise Catholique, Apostolique & Romaine que à toutes les autres loix du Royaume, des Roys de l'estar & civiles. Elle ne diminue n'y altere aucunement la nature de la Loy Chrestienne, n'y les peines escrites, & dependantes d'icelle, contre les trāsgresseurs & desobeissans: mais seulement elle y adiouste de surcroy cōtre iceux les peines temporelles, & desquelles & les Roys & les Royaumes, & les Estats peuvent disposer & y soub-mettre tous ceux de leur destroit, selon le droit diuin, de nature; des gens, & civil.

Si donc la Loy Chrestienne & Cath. à esté receue pour loy du Royaume sans changemēt de sa nature de loy, & sans limitation, reservation, exceptiō, ne sans modification quelcōque (car cela seroit vne trop grāde impietē & entreprinse sur l'autoritē & iurisdicțiō de Dieu) ains avec toutes ses clauses, extensiōs, pouvoirs & autoritē, brief selō sa nature, forme, & teneur: si elle sōmande sur les Rois, elle est dōc aussi biē receue en France sur eux, que sur les autres. Si outre qu'elle parle du propre office  
du

du Roy enuers le seruice de Dieu, elle commande indubitablemēt, que toute personne, quelle qu'elle soit, aussi bien donc le Roy, que le moindre soit chrestien & Catholique: que quicōque se fera vne fois souz mis par le Baptisme, & en aura fait vœu, promesse, & profession publique & appârete, soit cōme particulier, soit cōme officier, ou en corps de communauté, s'il y manque par heresie, ou par apostasie, qu'il soit contrainct par tous moyēs humains à tenir sa foy & promesse au public: mais principalement à Iesus Christ, qui est tenu & receu pour le vray & souuerain Seigneur du pays, du royaume, & des Roys ensemble.

Comme nous voyons que chacun de noz Roys prend sa particuliere deuie, aussi tout le royaume en a vne, qui luy est propre & speciale, c'est à sçauoir vn Dieu, vn Roy, & vne Foy (où loy de religion) l'Estat ne peut estre & demeurer le mesme sans ces trois choses ensemble, qui luy sont essentielles & necessaires pour sa composition & construction naturelle. Il n'est pas moins necessaire, ny aussi moins ordonné par la loy du royaume qu'un Dieu & vne religion soit receuë & recogneuë au royaume, de tous tant Roys q̄ subiects, qu'il est requis & besoin, que tous les subiects recognoissent vn Roy. Nous voulōs dire, qu'il n'est pas plus necessaire ny ordonné de noz maieurs d'entretenir & cōseruer en ce royaume la Monarchie, que la religion chrestienne & Catholique. Et cōme si noz Roys ou autres, quels qu'ils soiēt, vouloiēt faire plusieurs monarchies d'une, ou chāger l'estat de monarchie en vn estat d'aristocracie, où d'y moracie, nous ne douterions pas leur dire en

*La deuie  
du Royaume.*

face, que la loy du royaume est pour ce regard sur eux, qui les en empesche: & laquelle dōne permission de droit à vn chacun, ou pour mieux dire à ceux qui ont la tutelle & garde du Royaume pour le deuoir de leurs offices & charges de l'estat, soit les Cours de Parlemens, soit les Estatz generaux, ou autres qui ont de ce pouuoir, de s'y opposer iustement.

*La loy de  
religio in-  
violable.*

Aussi certainemēt nous ne doutōs point de dire, q̄ si noz Roys vouloiēt viure en autre loy de religion, que de la catholique: ou changer l'estat du royaume, qui est chrestien & tres-chrestie, en celuy d'infidelité ou d'heresie, qu'ils ne le peuuent nomplus: ains que nous, ou pour mieux dire, que tout l'estat s'y doit opposer directemēt. La loy de religiō & la loy de monarchie vont ensemble & de mesme pied & auctorité. Si celle-là n'est certaine, ny ceste-cy aussi: qui se licēcie en l'vne, se peut aussi iustement licentier en l'autre, selon les loix humaines & diuines. S'il n'est permis ny à Roy ny à peuple de s'opposer ou se departir de la monarchie Françoisē, ny aussi pareillemēt de l'vniō de la religion Françoisē. Si faisant autrement, l'on est subiect aux peines de celle-là, l'on en doit estre à plus forte raison à celles de ceste-cy: & ce d'autant plus, qu'outre l'antiquité & l'auctorité de la loy du royaume, celle de la loy de Dieu y est conioincte & par dessus, ou l'autre n'a pour soy que la seule antiquité & l'institutio des hōmes, & icelle tou-  
tefois si fielle, que durāt quasi la premiere famille de noz Roys par l'espace enuiron de 300. ans nous lisons trois & quatre Roys de France souuerains ensemble, & autāt de monarchies en mesme tēps,

& quasi par tant de fois, cōme il y auoit d'apana-  
ges à faire. Mais il n'y a eu tousiours qu'une seule  
& mesme loy de religion du royaume entre tous,  
& obseruee esgalement de tous ces Roys & de  
leurs peuples pour loy de tout l'Estat François.

De là, & d'autres plusieurs raisons nous appre-  
nons que nō sans cause tous noz peres ont estimé  
la loy du royaume, touchât la religion cath. estre  
non seulement la loy de religion du royaume,  
mais aussi la loy fondamentale, & principale de  
toutes les loix fondamentales & principales de  
tout l'estat de l'auctorité du Roy, de l'obeissance  
du peuple, de l'executiō & obseruāce des loix, de  
la reuerence enuers les Princes, Seigneurs & Ma-  
gistrats de la crainte de mal faire, de l'amitié mu-  
tuelle entre les subiects, de la iustice enuers tous,  
& de l'employ des forces à la conseruatiō des bōs  
(sçauoir Catholiques) & à l'exterminatiō des au-  
tres. C'est pourquoy il ne se trouue point parmy  
les annales & histoires, ny parmy les archiues, pā-  
cartes, & registres anciens Roy quelconque, ou  
aucune assemblée generale ou particuliere d'estat,  
qui n'aye tousiours commencé à parler ou ordō-  
ner en premier chef (à l'imitation de Platon, & de  
tous les grands Legislatteurs & constructeurs des  
republicques) sur l'observation de la religion cath.  
& du service diuin, selon icelle, & sur l'extirpation  
de tous abus, erreurs, & heresies ses contraires. Les  
anciens Conciles d'Orleans, de Tours, de Soissons,  
de Paris, & autres souz Clouis, & nos premiers  
Roys, que les Roys & le royaume ont receu, &  
auxquels ils se sōt souz-mis, aussi les anciēnes loix  
de France, qui sont compilees es chap. de Charle-

*La loy de  
religion est  
la loy fon-  
damentale.*

magne & de Loys Debonaire en font bonne foy.

Noz anciens pareillement se sont plus formalisez pour ceste loy de religion que pour toutes les autres C'est sur celle-là, qu'ils ont fondé la cause & le droit de leur souveraineté & Royauté, lors que ils se sont distraits de l'obeissance de l'Empire. C'est pour celle-là, & non autre, que leur Roy avec tout le peuple se trouue auoir prins les armes, & fait la guerre le premier de tous les Roys chrestiens du monde, & plus souuent que tous iceux ensemble. C'est pour celle-là & en haine de l'heresie son contraire, que deuant qu'ils eussent des Roys, ils ont tasché d'auoir vn chef ou Empereur cathol qui les y peut maintenir. C'est pour celle-là, & en horreur de l'heresie, que la France se trouue de toutes les regions & nations du monde la premiere auoir condamné à mort, & au dernier supplice les heretiques, tefmoin Priscilianistes enuiron l'an 415. Comme aussi c'est l'vnique, & la seule nation du monde, qui estât encores Payenne, n'a iamais esté ennemie de la religion chrestienne, dit Charles Martel dans Paul Emile. C'est finalement la seule Loy, par la reception & souz-mission à laquelle, tous les plus grâs ennemis des François ont tousiours appaisé en guerre leur plus grande colere & fureur.

*Toutes  
charges de  
l'estat son-  
dex en la  
Religion.*

C'est sur la protestatiō & professiō de ceste loy chrestienne & catholique, que tous les principaux actes du royaume, & de tous ceux qui y sont, en quelque estat & preeminēce, se cōmencent & paracheuent. C'est sur la professiō & serment de foy en Iesus Christ & à l'Eglise catholique, c'est sur le signe de la Croix, sur la deuotiō de la sacree messe,

& sur les autres saints exercices de la religion cath.  
que cōsiste la principale forme, gloire, solemnité,  
& ceremonie des charges & actes du Royaume.

C'est par la, que toutes les cōpagnies, assēblees,  
& cōmunautēz de l'estat & des prouinces & villes  
particulieres cōmencent leurs deliberations, & re-  
solutions. C'est par la pratique de ceste loy, que  
tous les principaux officiers & Magistrats, tant du  
royaume que des ressorts, Seneschaucees & villes  
prennent leur installation, approbation & confir-  
mation. C'est par les actes de ceste loy de religion,  
que tous ceux qui ont charge publique, cōmencēt  
de sortir en euidence, & à se faire premierement  
cognoistre catholiques, qu'Officiers. C'est pour  
le respect de ceste loy, que la publication, rece-  
ption, & confirmation des Officiers, & leurs pre-  
mieres entrees & salutations és villes ont esté ob-  
seruees, & faictes de toute ancienneté dans les E-  
glises durant la Messe, deuant ou sur le grād autel,  
sur les saints Euangiles, sur le *Te igitur* ( qui est le  
Canon de la Messe ) sur le Crucifix, sur la Passion  
figuree, sur les reliques, deuant les Prestres & Ec-  
clesiastiques, & par l'iuocation du Dieu du roy-  
aume sur eux, & parmy tant d'autres actes & cere-  
monies de la religion catholique, qui ne peuuent  
signifier & emporter autre chose, fors vne pro-  
fession publique, qu'ils font de la foy catholique,  
& vne promesse faicte de bouche, des piedz, & des  
mains de viure, cōme Officiers & personnes pu-  
bliques, & membres de l'estat, en l'obeissance &  
fidelité de la loy de religion, conformement à la  
loy & vñance chrestienne & catholique. Bref, de  
s'acquiter aussi fidelement de leur charge en l'ob-



seruation des autres loix politiques & ciuiles, que ils tiennent la loy de religiō pour la principale de leur charge & qu'ils ne croyent rien si veritable que Iesus Christ Dieu & homme, que sa loy, que ses Euangiles, que sa passion, & la religion catholique: ny nulle autre sienne & vraye Eglise, que celle qui vse & obserue & la Messe & les autres sainctes ceremonies & exercices.

*Les Offi-  
ciers ne sōt  
receux que  
comme ca-  
thol.*

Le peuple aussi & ceux de l'Estat, qui ne les re-  
çoient & recognoissent pour officiers que suiuit  
telle formalité de religion, & autant qu'ils se de-  
clarent catholiq. monstrent assez combien pour  
leur regard il est necessaire qu'ils soient tels, afin  
qu'en saine conscience, & la loy principale du  
royaume & de la nation sauue, ils leur puissent o-  
beir & rendre l'honneur à leur personne, que tel  
office requiert, tesmoignans tous ensemble que  
pour estre officier, & faire legitiment part en  
l'Estat public du royaume, l'on ne doit pas estre  
moins catholique, que François & homme, ains  
beaucoup plus soigneux d'observer la loy de reli-  
gion, suiuant le christianisme, que nul autre de la  
police humaine. Tellement que selon cela la reli-  
gion chrestienne est meslee avec tous honneurs,  
respects, & seruices qu'on doit au Roy, aux Prin-  
ces, & aux Magistratz: la foy catholique est conioin-  
cte avec la reuerence qu'on doit aux loix, Edicts,  
Ordonnâces, Arrests, & coustumes: & toute char-  
ge & fonction temporelle & de l'estat du royaume,  
est fondee sur la loy de religion, & la foy catho-  
lique. Et s'il nous est permis de parler ainsi elle  
ne sent que le Papisie & l'Eglise catholique, Apo-  
stolique, & romaine, à sons de cuue. Nous laissons



comme l'obseruation des iours de festes, d'abstinence, des processions, & des mariages, & autres choses concernant la societé humaine, est reglee & suivie en la police temporelle. Bref, comme les saints Decrets & tout le cours Canon sont pratiques cōme les autres loix du royaume par les Officiers & Magistratz, le tout en consequēce de ceste loy de religion fondamentale de l'estat & de toutes ses autres loix, auxquelles elle donne pied, fondement, vigueur, force, sens, & explication.

Et pour nous restreindre à nostre hypotese, Pour quoy est-ce, que noz peres en la publication & reception du Roy, tant en son sacre, qu'en ses premieres entrees des villes capitales, & deuant qu'il puisse estre receu es Parlements, ou estre ausis au throsne & liēt de Iustice, ont institué de toute antiquité qu'il soit receu premierement dans les Eglises, & avec tant de processions & saintes obseruations & ceremonies prinſes de la foy & loy chrestienne & catholique? Que ses premieres ordonnances se facent contre les blasphemateurs, & pour l'obseruation de la loy chrestienne & catholique sinon pour signification, que le Roy par la loy de l'estat & propre constitution & fondement de ceste Monarchie & de sa dignité ne peut estre Roy, qu'il ne soit chrestien & catholique? A cela principalement tend le saint sacre de l'huile enuoyee du Ciel (tesmoin Aimonius) le sermēt solennel & le courōnement, qui s'obseruēt en la receptiō & installation de noz Roys, laquelle se fait non en camp, cōme anciennement, mais dans l'Eglise, durāt la Messe, deuāt le grād Autel à deux genoux, & par les mains & entre les mains d'un Pre-

ste, ou, pour parler plus proprement de l'Archeuesque de Reims, & autres Pairs Ecclesiastiques, & sous le seau de la sainte communion du precieux corps & sang de Iesus Christ.

*Sermôn du Roy auant receuoir la Couronne.*  
 Car par le serment solelnel qu'il faict entre les mains de saint Remy, en la personne de l'Archeuesque de Reims son successeur, apres qu'il luy a expliqué le sommaire de la foy catholique, & qu'il l'a interpellé, s'il la croit, & specialement s'il la veut soustenir & deffendre, & qu'il a respondu, ouy. Il promet & iure mettant la main sur le liure des Euangiles, & signe de sa main par mots expres de faire viure le peuple en vnion, souz l'obeissance de Dieu & de son Eglise, de traualier de bonne foy à chasser & exterminer de ses terres tous heretiques, & notamment de deffendre, cōme vn Roy doit les Euesques, & leurs Eglises, & de garder à l'Eglise de Dieu tout le peuple chrestien. Qui est autant que rēdre la foy, fidelité & hōmage à Dieu & à Iesus Christ de sa Royauté, & faire non seulement promesse solelnelle à son peuple, mais vœu à Iesus Christ deuant son Ministre & Procureur, en ceste partie l'Archeuesque de Reims & à l'Eglise d'employer sa Royauté à son seruice, de luy estre fidele vassal, & de ne pretēdre, n'accepter, ny demander la couronne; que sous ceste condition expresse & specifique, de la seruir, d'estre catholique; & de deffendre contre tous heretiques, ses speciaux ennemis la foy du royaume, & icelle chrestienne, non au sens que chacun heretique y voudra dōner, mais en la façō & selō que saint Remy l'a enseigné à Clouis, & que les Roys & lesdits Archeuesques de Reims leurs suc-

celleur (autant en la doctrine de foy, qu'en aucto-  
rité) ont tenu & tiennent de main en main, & de  
l'un à l'autre iusques à ce iour la, conformément  
à l'Eglise Rom. & Cath. promettant ne contreue-  
nir iamais au contraire de telle confession de foy  
& serment. Lequel est de si grand effitace que plu-  
sieurs ont soubstenu, que le Roy ne doit iamais  
faire pour ce regard en l'édroit de ses subiets autre  
serment que cestuy solennel: mais qu'il suffit qu'il  
promette seulement en parole de Roy, comme es-  
tant sa parole approuuee pour foy certaine, par le  
serment fait à son sacre.

Par l'onction & sacre qui ne se fait, qu'après le  
serment & la profession de la foy Catholique &  
d'autant que le Roy futur se declare tel, il consent  
d'estre separé du commun, tant des autres Roys  
profanes, que des particuliers du peuple, Princes  
ou autres pour estre sanctifié, consacré, & destiné  
à vne fin & intention sacrée, & sainte, c'est à sça-  
voir à seruir Dieu, Iesus Christ & son Eglise en la  
charge de Roy & comme Roy reconnoissant &  
confessant d'estre obligé par le deuoir de Roy à  
faire, non ce, qui est de l'office des Prestres, qui sôt  
sacrez comme luy, mais faire à mesme fin qu'eux  
c'est à sçavoir pour la gloire de Dieu, de Iesus  
Christ, & bien de son Eglise Catholique, comme  
estant la fin principale & le dernier but des Roys  
& du Royaume. Ce que les autres Roys non sa-  
crez ny chrestiens font pour la seule consideratiō  
& fin purement politique, profane, terrestre, & de  
leur estat mondain, sans autre finale intention de  
seruir Dieu.

Par le couronnement qui se fait apres la declara-

*Sacre du  
Roy.*

*Couronne-  
ment du  
Roy.*

tion d'estre catho. & apres l'onction / combié qu'il  
deut preceder, n'estoit qu'on à voulu signifier, que  
la loy de religion y sert & est plus considerable en  
ce, que celle du sang & de la nature) de la main du-  
dict Archeuesque, les Pairs y prestant la leur qui  
est le principal & premier acte de l'installation &  
possession de la Royauté, il confesse recevoir &  
accepter sa Couronne & son auctorité non seule-  
ment du consentement & de la translation ou de-  
mission naturelle, que le peuple à fait de sa puis-  
sance aux Roys & à leur famille & posterité, ou  
côme le plus proche par succession, mais princi-  
palement comme chrestien, de la main de Iesus  
Christ qui a esté constitué le Roy & souverain Sei-  
gneur du Royaume, & duquel l'Archeuesque est  
ministre, & tous eux les seruiteurs: & au service du-  
quel la puisſance royale & tout le Royaume en ge-  
neral & en particulier à esté donné, dédié & destiné  
par les premiers, qui l'ôt acquis & estably, comme  
encores tesmoignent tresbié toutes les oraisôs, qui  
se disent sur luy, par ledit Archeuesque, & mesmes  
ces paroles en luy posant la Couronne sur la teste.  
„ Artestez vous icy (dit-il) & des maintenant iouissez  
„ de l'Estat, lequel iusques icy vous auez tenu par  
„ successiō paternelle, & maintenant, côme vn vray  
„ heritier, vous est mis entre les mains de l'auctorité  
„ de dieu tout puissant, & par la tradition que nous  
„ Euésques & autres seruiteurs de Dieu presêteme  
„ vous en faisons. Et ayez souuenance de departir en  
„ lieux cōuenables autāt plus grād hōneur au Cler-  
„ gé, que vous le voyez estre plus proche des sacrez  
Autels &c. Le sacre & toutes ces choses de religiō  
acheuees, & au partir de Reims, les Roys ont aussi

accoustumé d'aller à S. Marcou , & y faire faire la  
neufuaine ce qui seroit ritee à vn heretique.

Toutes ces choses, que nous voyons practiquees  
de pere en fils de Roy en Roy , & d'un si general  
accord, consentement & ordonnance de tout le  
Royaume, par loy & coustume ancienne & inuiolable,  
depuis Clouis, iusques au Roy present , &  
pour le moins sans contredict depuis Pepin, peu-  
uent elles estre de moindre force & obligation en-  
uers leurs successeurs Roys & les François, que s'il  
y auoit vne loy escripte particuliere & speciale  
pour la succession des Roys contenant exclusion  
de la Royauté contre tous ceux, qui ne voudroient,  
ou ne seroient dignes d'observer ou d'estre admis  
à tel acte, c'est à dire, qui ne seroient catholiques?  
Peuvent elles aussi obliger moins tous les bons  
François à ne receuoir & ne tenir aucun pour Roy,  
que selon ces formes anciēnes & accoustumees en  
l'estat: que s'il y auoit vne loy formelle & escrete,  
qui cominandaſt, que nul ne fut receu Roy, lequel  
ne fut Catholique, & qui ne tint la foy de l'Eglise,  
laquelle observe ces ceremonies?

Nos maieurs pouuoient-ils mieux declarer par es-  
crit, ou de bouche par traditiō, forclos de la Cou-  
rone tous heretiques, iuifs, & infidelles, ou qui ne  
seroient catholiques Romains si vous voulez pour  
euitier tout equiuoque, que de faire passer nos Rois  
par les mains des Prestres & Euesques de l'Eglise  
Rō. & par ces ceremonies qui ſont vrais alibies de-  
monſtratiōs, & preuues infallibles de leur foy &  
religion? Quand il n'auroit aucune loy general du  
Royaume, qui peut astaindre nos Roys d'estre auſ-  
si bien Cath. que malles, ce ſeulement qui est ou-

*Sermon  
du Roy  
surquoy  
fondé.*

tre la loy generale du Roiaume, vne loy particulie  
re & Royale, concernant la personne, l'office, & la  
charge du Roy, & l'establissement de son auctori-  
té, & auquel ils sont tenus & obligez, non pour ce  
qu'il leur plaist seulement, mais par la loy, coustu-  
me, & commune obseruance du Royaume, ratifiée  
par l'ordonnance du Concile general de Latran,  
(reçeu en France, conformément au 4. Concile de  
Tolete l'an enuiron 625. ce seul serment (disons  
nous) n'est il pas plus que suffisant, pour les obli-  
ger à estre Catholiques? Et si selò le commun sen-  
timent de tous les hommes, il n'y à loy, soit gene-  
rale, soit particuliere, ny contract, qui puisse obli-  
ger d'auantage vn chacun soit Roy ou sú biect, soit  
grád ou petít que les promesses faictes par vn cha-  
cun, moyennát serment: principalement lors de só  
installatió & prinse de posséssió en quelque grade  
ou degré, que ce soit, qui peut douter avec appare-  
ce de raison, que le Roy ne soit tenu d'estre catho-  
lique par la necessité de ceste propre loy, qu'il s'est  
faict à soy mesmes, & à ses successeurs: ou pour  
mieux dire, par la necessité du contract & de la cõ-  
uentiõ mutuelle, qui se passe partie tacitemét, par-  
tie expressement pour lors entre le Roy & le peu-  
ple, & qui oblige reciproquemét les deux parties,  
si bien que l'vne d'icelles n'y peut contreuenir au  
preiudice, & sans le consentement de l'autre, & sans  
vne generale ordonnance de tout l'Estat, à ces fins  
le Roy n'ayant, pour pouuoir n'estre pariure des  
loix du Roiaume, aucun priuilege ou auantage  
par dessus le sú biect, ny deuant Dieu, ny deuant  
les hommes, comme il se declare estre Cathol, &  
promet de defendre la religion des Catholiques, &



notamment d'exterminer tous heretiques, ausi  
moienant ce, le peuple en la personne des Pairs &  
des Seigneurs faict serment de fidelite, & promet  
seruice, obeissance & secours souz ces propres ter-  
mes, Que le Roy soit Religieux, & qu'il defende la  
foy chrestienne. Ce sont conditions mutuelles &  
reciproquement obligatoires, selon lesquelles les  
subiets sont quitte de leur promesse, quand le Roy  
n'a les conditions y apposees: ou qu'il manque à la  
sienne ainsi que nous lisons que nos ancestres ont  
seu tresbien remonstrer, soustenir & practiquer  
contre le Roy Childeric troisieme. De maniere  
que si le Roy est tenu de faire ainsi publiquement  
profession de la foy Cathol. & serment d'extirper  
tous Heretiques, qui est ce sol, qui oze soustenir,  
qu'il ne doiuue necessairement estre Cathol. & que  
nous ne pouuons iustement receuoir ne recognoi-  
stre autre? Qui ne voit ausi que le Roy est obligé  
à ce, pour le regard, & en l'endroit des subiets à mes-  
me esgalité, & par mesme sorte d'obligatiō, & na-  
turelle & particuliere du Roiaume, qu'ils sōt obli-  
gez à l'honorer & seruir: & luy s'y licentiāt de son  
costé, les autres en peuuent faire de mesme, avec  
ausi bō droit & iuste tiltre, & ce specialemēt pour  
raison de la religion? que pour la consideration  
d'icelle ils sont compagnons & concurrés en mes-  
me subiection, obeissance & seruitude?

*Obligatiō  
du Roy &  
du peuple  
reciproque.*

De dire que le Roy de N. se fera dispenser par ses  
Ministres pour cōmunier à tels actes & ceremo-  
nies de la religion catho. ou que sans dispense il s'y  
soubmettra volōtairement & mesme à telle profes-  
siō de foy & à tel serment. En ce cas il aura, ou mō-  
strera auoir volōté formee de la croire & intentiō



*L'heretique  
ne peut  
estre sacré  
ny couronné*

resolue de le garder & tenir sans fraude au sens selon lequel il à esté tousiours entendu & pratiqué, ou non : s'il à ou monstre en auoir la volonté, en cela mesmes, il est ou se monstre catholique s'il ne l'a point, & que ses autres actions y soient du tout contraires & repugnantes encores qu'en cela mesmes il puisse faire quelque declaration & profession exterieure d'estre catholique: toutefois declarant d'ailleurs ouuertement qu'il n'en est point, sera on si sot & si mal aduisé de luy deferer ou luy admettre pour participer à vn si manifeste & faux sermēt & periurē? Quelle chose pourroit estre plus ridicule, abominable & impie, que de vouloir faire visage de foarre à Dieu, & d'admettre par vn cōplot & coniuratiō generale, ferme dessein ou extreme conniuece, à telle sacre couronnement benedictions, cōmunion du saint Sacrement, & autres saintes cerimonies & singulierement à la profession de foy, & à ce grand & solēnel sermēt, & aux autres choses qui sont des deppendances & appartenances de la constitution & reception de nos Roys, celuy, que non seulement on cognoistroit ouuertement estre indigne ou incapable, par heresie ou infidelité, de l'onction, de l'entree de l'Eglise, de la reception du saint Sacrement, d'assister à la Messe, n'auoir aucune creance, à icelle, n'y à l'onction & benedictions, ains y venir avec feintise, hypocrisie, & derision manifeste & n'auoir intention quelconque de tenir sa promesse & serment? & lequel à l'opposite les condamneroit & tiendroient pour fatras & abominatiō, & feroit profession publique de l'heresie & d'une opinion toute cōtraire & qui ne tēd que à l'extinctiō

de la foy catholique receue en Frâce pour le principal fondement de l'estat, de l'auctorité du Roy & de la Monarchie? Lequel aussi auroit iuré par tant de fois (comme à faiët le Roy de Nauarre) la defence & conseruation de l'heresie, comme son chef & protecteur qui est autant par vne explication claire & consequence ineuitable, que d'auoir iuré la ruine de son contraire sçauoir de l'Eglise catholique, bresqu'au lieu de iurer la manutention de l'Eglise catholique, en iureroit, si ce n'est de la langue, au moins du cœur, la destruction, & dissipation, & lequel pour toute tenue & obseruation, n'alleguera apres sinõ par mocquerie de Dieu & des catholiques, la defence de ce pariure Payen descrié comme tel en Ciceron, Qu'il n'a iuré que du bout du bec: ou bié la belle force ou iuste crainte, qu'il met en auant contre son abiuration, & séblable posession de foy en l'an 1572. & durât quatre ans: si vous n'aimez mieux ce, que ses Ministres ont desia escrit, Qu'il ne peut estre nõ plus astraint par tel serment, que s'il s'estoit manifestemēt obligé à Sathan luy mesmes en personne de renuerser tout droit diuin & humain. Ce sont leurs mots, & lesquels nous y doiuent bien faire penser.

Toutesfois qui à iamais ouy dire ou leu qu'õ aye onques receu à participer aux actes & misteres d'une religion ceux, qui faisoient profession d'y estre contraires, & lesquels premieremēt n'eussent faiët protestatiõ & profession publique de la foy d'icelle? Voyez si parmy les heretiques mesmes, ils voudroient admettre aucün en leur Cene, ou autres actes de leur opinion de religion, qui n'eust premierement detesté & abiuré toute autre religiõ contrai-

*Iurani lingua, mentem iuramentum gero.*

"

"

"

"

estre dans la Republique, & nō pas la Republique  
 dans l'Eglise, d'autāt que la loy de la religiō Chre-  
 stienne est loy de la Republique, & les loix de la  
 republique ne sont pas loix de l'eglise, qui à sa po-  
 lice & discipline separee, & prouenāte de pl<sup>h</sup> haut.  
 Tout de mesme que Iesus Christ, qui est l'auteur  
 de ceste loy, est Seigneur de la Republique, &  
 doit estre seruy en icelle & par icelle. Mais le Roy  
 n'est pas Seigneur de l'Eglise, ains vn de ses en-  
 fans, subiects, & seruiteurs, & par consequent ses  
 loix, qui ne sont q̄ pour la Republique, ne peuēt  
 auoir aucun cōmandemēt dans l'Eglise. Et suiuant  
 cela, ce grand Euesque S. Ambroise auoit coustu-  
 me de dire, Autre chose S. Paul en l'Eglise, autre  
 chose Papiniā au Palais, voulant inferer, que leurs  
 loix ne peuēt rien en l'Eglise. Aussi non seule-  
 ment l'Eglise Gallicane est dictē Chrestienne, mais  
 aussi tout le royaume est dit Chrestie & tres-Chre-  
 stien, & la religion Catholique est dite la religion  
 du royaume, pour estre iceluy aussi biē proprē &  
 acquis, destinē & dediē à Iesus Christ en tout ce,  
 qui touche le temporel, & le seruice de sa religiō  
 Catholique, & aussi sujet à sa loy Chrestienne, que  
 son Eglise, & qu'elle est dediee à Iesus Christ en  
 tout ce, qui touche le spirituel pour estre vn cha-  
 cun du royaume obligē & tenu à l'observatiō d'i-  
 celle loy de religion, non seulement cōme Chre-  
 stien, ou pour ce que Iesus Christ est Dieu & le  
 Seigneur du mōde & d'vn chacun, ou qu'il desire  
 son salut: mais comme naturel Frāçois, & pource  
 que Iesus Christ a esté fait, reconnu, & declarē le  
 vray Roy, & Seigneur souverain de Frāce: & que  
 tout ce qui est de l'Estat, ou qui en depēd, est con-

— sacré à son service, aussi bien que les consciences, tant deslors, & en cela, que toute la France, le Roy & le peuple ont receu la foy Chrestienne, qu'aussi principalement en ce, que la loy de la religion Chrestienne à esté particulièrement commandee, receüe, iurée, & publicce pour loy en l'estat de France, tant par le Roy, que les principaux, & tous les ordres du Roiaume ensemble, tant à leur nom priué, qu'à celuy du public, & comme personnes publiques. Donc par consequent il est impossible, que chacun n'y soit tenu autant, ou plus, qu'enuers toutes les autres loix d'estat & du Roiaume seul, qui ne peuuent estre de telle force, cōme leur defaillant l'autorité diuine. Et cōme l'Eglise Gallicane ne peut estre dictē Catholique, si les Dioceses, ou les chefs & principaux membres d'iceux, & des Eglises principales, comme sont les Euesques, Abbez & autres, ne sont Catholiques: aussi le Roiaume ne peut estre dit tres-Chrestien, si le Roy n'est tres-Chrestien, & aussi les Pairs, Princes, & principaux Officiers de la couronne en corps, & ce autant de fait, que de nom. Et cōme personne ne peut nier, que le Roiaume ne doieue estre Chrestien & Catholique, aussi ne peut-il nier, que le Roy à plus forte raison, qui en est le principal mēbre, ne doieue estre Chrestien & Catholique. Tellemēt que selon la loy du Roiaume, & la forme de l'estat, qui est coniointe, vnīe, & fondee sur la loy Chrestienne, l'heretique, ou tout autre, qui n'est Catholique, ne peut estre Roy. Et sommes obligez par icelle, de ne recevoir, ains de resister, & nous opposer à l'heretique, qui voudroit auoir part à l'estat, se reuestir du manteau royal, & obte-

nir la couronne.

D'opiniaſtrer apres tout cela, que la religiō Catholiqu. n'a point eſté receuë en l'eſtat du Roiaume, pour loy & commandemēt, c'eſt le faiēt d'un vray inſenſé, cōme encores le moindre peut iuger par les abſurditez qui en reſultent. Premièrement il ſ'enſuiuroit que les François ſeuls auroient eſté naturellement athees ſur tous les hommes, & cōtre leur nature, & le commun dire, qui porte, Que l'homme naturellement n'eſt point athee. Il ſ'enſuiuroit que noſtre natiō Gauloiſe ou François, comme faiſant vn corps de natiō & de roiaume, ſeroit deuenue la plus barbare & athee de toutes celles du monde, meſnemēt depuis la reduētion de nos Rois & anceſtres à la religiō Chreſtienne. Car il n'y a eu iamais peuple ou gent aucune ſi ruſtique & farouche, laquelle (i'entens meſmes en corps d'vniuerſité, & cōme nation & peuple reduit ſouz meſmes loix, & en vne meſme forme de viure de iuſtice) n'aie eu vn ou autre dieu, & quelque religion, qui luy aye ſeruy de reigle, & de loy fondamentale de l'eſtat, faiſant partie en la police, ayant cōmandement general ſur tous ceux de leur natiō, & ſervant de guide ſur toutes leurs autres loix: afin que l'oſeruation de ceſte religion ne dependit point de la volōté d'un chacun, ny du choiſ ou refus de l'un ou de l'autre: mais fut embrasſee par deuoir & neceſſité de l'ordonnāce de la nation, & par la crainte des peines tēporelles. Et ſi ſelon Ciceron, & S. Auguſtin, ceſte multitude qui n'eſt aſſociée en vne communauté, & conſentement d'une iuſtice, & d'un commun droit, ne merite point nom de peuple: à pl<sup>o</sup> forte

*Abſurditez.*

*Nul corps de nation ſans loy de religion.*

*Nul peuple ſans religiō pour loy.*

*La nation  
Gauloise  
religieuse.*

raison, si elle ne conuiert en religion. Le sentiment de laquelle à esté deuât, qu'il y eut aucun peuple. Ainli parmy l'estat temporel des Iuifs, la loy de Moyle estoit la loy de religion, vengée par peines tēporelles: & aujourdhuy en l'Estat & Empire du grād Seigneur, & du Sophy de Perse, celle de Mahomet: & ainsi des autres (sans en faire toutes fois comparaiſon avec la Cath.) Et la seule natiō Gauloise, qui a esté (au tesmoignage de Cesar) voire deuant d'estre Chrestienne, la plus adonnee & encline à la religiō de toutes, iusques à auoir creu, mesmes deuant la venue du Sauueur, vn Dieu, vne rēcōpēse en l'autre mōde, & l'immortalité de l'ame, qui sont les trois poincts, lesquels (dit S. Paul) seruent de fondement à la foy Chrestienne, & laquelle, depuis auoir soumis son Sceptre, sa couronne & Monarchie à Iesus Christ, a donné la loy, & a esté comme la maistrēse & pedagogue en religiō de tous les Rois, estats, peuples, gens & nations, est-il croiable, disons nous, qu'elle auroit laissé pour son regard la religion en option, guise, & liberté de conscience du fol & du sage, du meschāt & du bon, du Roy & du peuple, du grād & du petit, de l'ignorāt & du sçauāt, ou biē sans la reduire en loy & ordonnance sur l'estar, & sur la Monarchie, & sans que la loy Catholique y aye aurtre authorité de commandemēt sur le Roy & sur le peuple, que les Pādēctes & loix des Empereurs, qui ne seruēt en ce Roiaume, q̄ par forme d'aduis, & cōseil à celoy, qui en veut prēdre, & pour instructiō de ce qui est de la raison naturelle, & nō pour authorité, ou bien elles seruēt par la permission de nos Rois, de coustumes en aucuns pays?



Il s'enfuiuroit aussi, que tous nos Rois & ancestres tres-Chrestiens, n'auroient receu en ce royaume la loy Chrestienne, qu'en mesme degré & honneur, que le Turc & le grand Chan l'ont receuë en leursestats & Empires, c'est à sçauoir, pour ne seruir de loy, que dans l'Eglise, & en fait de conscience, & n'obliger de ceux, qui veulent estre de l'Eglise des Chrestiens, & en ce qui concerne le spirituel, l'excommunication, & la discipline Ecclesiastique, & nō l'estat & la police, & sans que le Roy, ny le Magistrat, ny le peuple François y soit non plus sujet & obligé, pour ce qui regarde l'estre & l'autorité du Roy, l'estat politique, & le reiglement de la chose publique, & les peines des loix ciuiles, que le grand Seigneur en Turquie, le dit Chan en Tartarie & leurs peuples, qui ne sont Chrestiens, qu'autant qu'ils veulent : & lesquels ont leur loy de religion pour leur estat, toute contraire à la loy Chrestienne.

*La Loy  
Chrest. re-  
ceuee autre-  
ment en Fr.  
ce qu'en  
Turquie.*

Si aussi le Roy auoit esté exempté de la subiection & obeyssance de la loy de religion, comme estant souuerain & par dessus toutes les loix & qu'il ne fut tenu à la manutention d'icelle, il s'enfuiuroit, qu'ils n'auroiēt eu en l'affaire le plus important & necessaire, cōme est celuy de la charge du Roy, non plus, ou pour mieux dire, moins de consideration de la religion, qu'un Turc, Iuif, ou Sarrazin: chose trop honteuse, & esloignée de la pieté de nos ancestres, & d'un Sceptre & Royaume, qui a esté acquis & assujety à Iesus Christ, & à ses loix.

*La religion  
est loy sur  
les Rois.*

Il s'enfuiuroit aussi vne non moins grande absurdité, que toutes celles-là, c'est que si la religion

Chrestienne n'estoit receuë pour luy & commandement en l'estat Monarchique, & politique du Roiaume, & notamment sur nos Rois, & que partant selon les loix du royaume, vn Athee ou heretique peut estre Roy (ce qui seroit plus licentieuxement, que ne pourroient estre les Rois de Phez, du Peru, ou de Marrocca) il faudroit dire que de tous les Rois du monde le Roy de Frâce auroit seul ce meschât priuilege (il faut parler ainsi) & ceste maudicte dispensation ou plustost (comme parle S. Bernard) dissipation, de pouuoir estre selon les hommes sans religion, & le plus impie & abominable, qui se puisse imaginer. Car iamais ne fut toleré, ny principalemēt receu Roy, voire parmi les plus barbares nations, qui ne fit demōstration de auoir vn Dieu, & vne religiō receuë au pays, ie ne dis pas parce seulemēt, qu'il luy plaisoit ainsi, mais par la loy royalle, ou plustost nationale, & par l'obligation naturelle & la necessitē connexe & conioincte avec son estat, & pour la satisfaction des consciences & repos du peuple & des sujēts qui nel'eussent receu, permis, ny reueré autrement, ainsi qu'n'en pouuoient craindre & attendre, que tout desastre & malheur.

Dauantage si le Roy n'estoit sujēt à la loy du royaume sur la religion, & que partant il peut legitimement & iustement selon les loix humaines & de l'Estat, & le pouuoir d'un Monarque & souverain, estre de nulle, ou telle faulse religion, qu'il luy plairoit & se maintenir ce nōobstāt en son auctorité royalle, iugez comment se pourroit comporter bien aisement, ou cōment seroit bien seāte telle bigarrure, que le chef fust d'une religion &

*Nul Roy  
estere sans  
religion.*

allaſt à la moſquee, à la Synagogue, ou à la Miniſterie, & les ſujets & principaux officiers & membres du Roiaume fuſſent d'un autre, & allaſſent à l'Egliſe & à la Meſſe.

Mais outre cela, puis que ſelon le droit des gens & ſingulierement ſelon les loix d'une monarchie, & celles de ce Roiaume, c'eſt au Roy ſeul, pour la ſouueraineté qui eſt en luy, à qui il touche de faire des loix & des ordonnances, deſquelles il peut diſpenſer, les changer, & reuoquer, dont il peut faire par la legitimement des loix de religion ou non. S'il n'en peut point faire legitimement, ou c'eſt par ce, que ceſt eſtat ſe peut gouverner & policer, ou bien eſtre regy & parfait ſans religion, & que icelle ne concerne rien le regime temporel & politique: ou biẽ ſi elle y eſt neceſſaire, qu'elle ne depend point de ſon opinion arbitre, cõmandemẽt, ou puiffance particuliere de Roy. Et partãt il faut cõclurre, que la loy de religion n'eſt pas ſujette au Roy, ny du gibier des Rois, ains qu'au contraire iceux luy ſont ſujets & obligez de meſme; que tout autre du roiaume, ou bien le Roy pourra legitimement faire des loix nouvelles de telle religion, qu'il luy plaira, meſmement en tout ce, qui concernera la police, le temporel, les offices, charges, & fonctions du roiaume: en ce cas il ſ'enſuura, qu'il pourra legitimement faire des loix ſelon l'opinion qu'il tiendra, de nulle ou de telle ſorte de religion, qu'il voudra qu'il pourra juſtemẽt & iuridiquement, non ſeulement oſter la religion Chreſt. & Cathol. & toute conſideration d'icelle, en tout ce, qui eſt de l'eſtat, & en eſteindre tout l'exercice public: mais auſſi qu'il pourra de ſa

*Le Roy ſeul  
ne peut faire  
loy de religion.*

puissance absoluë ou plustost dissoluë & authorité souveraine, & toutesfois legitime & iuste ordonner & establir au Royaume l'atheisme, ou l'adoratiō des Singes, des Rats, & des Souris, de Venus, Priape, & autres idoles, ou plustost diables, à la façon de certains Payens & notamment de Iulian l'Apostat, ou telle autre religiō, qu'il trouuera bonne: qu'il pourta mettre & ordonner que tous les officiers soient Athees, ou de telle religion qui luy reuiendra en volonté & capriche: Que tous les officiers, Magistrats & toutes autres, cōme bōs François & bons sujets, luy deuront en cela obéissance, comme és autres choses: Ou bien au pis aller comme bons Chrestiens (à leur opinion) ils deburont & selō Dieu & les loix humaines quitter leur charge, ou le pais. S'il n'y a aucun si enclin à impieté, ny si fol & hors de sens, qui n'abhorre seulement d'y penser, & lequel ne confesse, que l'estat de ce Royaume ne peut estre cōposé si mal que cela, quelque plenitude de puissance, que nos Rois ayent, ne s'ensuit-il donc pas necessairemēt, non seulement, que la loy de religion est exempte de la puissance du Roy, mais aussi que le Roy est plus obligé, que tout autre, à l'observatiō d'icelle, & que le peuple ne peut receuoir pour Roy ny obeir à celuy que ladite loy ne reçoit, ne tollere & n'autorise?

*La volonté  
du Roy n'est  
pas loy de  
religion.*

Finalemēt il sensuiuroit, disons nous, que l'estat du Roiaume n'auroit iustemēt & iuridiquement en soy, & cōme estat temporel, politique & Monarchique, aucune religiō propre, ny exercice d'icelle, moins aucune foy ny loy de teliō, q̄ la seule volonté du Roy, & celle, qui dépendoit de son

iugement, & de son ordonnâce, à la façõ des peuples de Perse, dits Assassius, lesquel on lit auoir esté l'an 1253. les seuls au monde, qui n'ont eu aucune loy ny foy, q̃ celle, que leur prince leur ordonnoit & enseignoit. Mais en ce cas il s'ensuiuroit, qu'autant de tois, qu'il plairoit au Roy de chāger de religiõ, soit en loy, soit en ses officiers, soit és villes, ou au peuple, en tout ou en partie, qu'il se deuroit & pourroit faire iustement par raison de telle loy de l'estat, qui ne seroit en bon François, que la loy d'impieté, irreligion, atheïsme, & vne pure manie. Et s'il faillloit que selõ le chāgemēt & la diuersité des Rois & de leur volonté, la foy aussi changeast en tout le Roiaume, ou en vne partie, & en tous les sujects, selon qu'il semblera mieux à chacun Roy, & qu'il luy plaira ordōner de iour à autre, de momēt en moment, en la religiõ: en ce cas, ou sa volonté ne sera point suiue de tous, ou de la plus part, & il s'en vouldra faire accroire? & partāt l'on sera tousiours en troubles & seditions intestines entre les sujects, ou en guerre estrāgere avec les autres Rois voisins, & Princes Catholiques, ou autres du païs, qui se formaliseront pour la loy & religion. Ou bien elle sera receuē & embrassée, & par consequent il n'y aura iamais vne foy ferme, stable, & certaine en ce Roiaume: parce qu'il nous la faudra changer de iour a autre, d'an en an, selon la volonté du nouueau Roy & que sa fantasie le ptendra. Comme vostre Angleterre en fert de miserable exemple, laquelle au commencement de Héry 8. estoit fort Catholique, & à la fin schismatique & Lutherienne: Sous Edouard son fils Calvinienne: Sous Marie, Catholique. Sous Elisabeth

*L'Angle-  
terre a chā-  
gé sa reli-  
giõ souuēt.*

elle est recheute au Caluinisme, & de plus entrelardée & farcie d'Anabaptistes, Puritains, des Illuminez, & autres sectes, bien que non y authorisées encores. Et si ce changement continue à l'aduenir de mesme, & en si peu de temps, vous estes taillez de veoir en vostre païs autant de religions, que les Payens auoient de dieux. Et Dieu sçait, si ce peut estre sans grande effusion de sang, cruautéz & miseres, & en fin, si ce ne sera pas l'entier réuersémēt de tout l'estat. Dieu sçait aussi quelle sincere & pure foy pourroit auoir avec cela, non seulement le cōmun peuple, mais tous ceux, qui n'auront autre esgard, qu'à obeyr au Roy. Car il est bien croiable, que ce, qu'ils se cōformēt à la volōté du Roy, se fait plus de crainte & par force de son cōmandement, que nō pas qu'ils le croient ainsi de cœ̃ur & d'ame: si ce n'est qu'ils facent le salut, & deuiennent du tout Arhees, pour le lisantier à suiure, & se conformer indifferemmēt à la religion, que tiendra & ordonnera le Roy qui sera pour lors: cōme si la religion estoit vn office deu au Roy, & non à Dieu seul, selon que nous lisons les gros & faux Chrestiens auoir fait anciennemēt. Lesquels pour

*Il ne faut  
suiure la religion  
du Prince &  
du Roy si  
elle n'est de  
Dieu.*

toute defence de leur legereté en la foy, ne scauoient alleguer sinon, Nous suiuiōs la religiō de l'Empereur, qui commande au pays, ou nous uiuons. Laquelle maniere de parler, les Empereurs  
 « Valentinian & Gratian ont bien voulu reprēdre,  
 « inhiber, & defendre par ordonnance particuliere,  
 « re, Parce (disēt-ils) qu'il faut plustost obeir en matiere de la foy à Dieu, qui nous fait les commandemens de salut, qu'à l'Empereur, suiuiāt le dire du  
 « Seigneur, Rendez à Cesar ce qui est à Cesar, & à



Dieu ce qui est à Dieu. Qui sera dict en passant, pour responce à ce, que le R. de N. à coustume de dire en ses communs propos, sur ce: & aussi qu'ils escriuent. Que c'est aux Rois de donner la loy de religion aux sujets, & , chose indigne, qu'ils la prennent d'eux: à ce qu'ils soient tenus d'estre & de suiure leur religiō, & non à eux d'estre & de suiure la leur. Mais nous disons, que (sauf son hōneur) c'est prendre cest affaire de mauuais biais: car ny l'un ny l'autre n'est aucunement soustenable, n'estant pas de la loy de religion, comme des autres loix particulieres, qui dependent de la seule volonté du Roy. Et nous ne disons pas aussi, que le peuple puisse luy cōmander en ce, non plus qu'au reste il ne faut, ny que le Roy prenne sa religion du peuple, ny que le peuple la prenne du Roy. Et non plus de droit à le Roy sur le peuple en cela, q̄ le peuple sur luy, sauf que la protektiō & defence de la loy du royaume sur œ, appartient souverainement & proprement au Roy. La raison en est pertinente, d'autāt que le Roy & le peuple sont cōpagnons & esgaux en mesme subjection, pour le regard de la religiō, l'autorité de laquelle ne depend principalemēt que de Dieu, & des Prestres qui sont cōmis expres à ce. Mais humainemēt & ordinaiemēt il la faut prédre selō le sens cōmun & naturel, & le droit des gēs du cōmun accord du Roy & du peuple, de la loy, vñce & coustume generale de la nation & de l'estat: & Chrestiennelement & extraordinaiemēt selon le sens illuminé de Dieu, & le droit diuin, de Dieu mesmes, & de son Eglise, & par l'interuention de ses deputez, officiers & Vicaires, tant au spirituel, qu'au tem-

porel, les vns ordonnās, les autres tenās la main à  
 l'exécution. Et lors que ces deux droits concurrēt  
 en vn estat, cōme ils font en ce Roiaume (au iuge-  
 mens de tous bons Catholiques) la chose est hors  
 de tout doubte, que l'on n'y soit tenu & selon les  
 hommes, & selon Dieu: selon les peines réporē-  
 les, & selō les peines spirituelles: selon la pure ve-  
 rité, & selon la vraie iustice. Et neantmoins le seul  
 droit des gens est si considerable au fait de la reli-  
 gion, que quand bien elle seroit detestable, les par-  
 ticuliers en sont humainement excusables, & selō  
 Dieu, en certaine façon aucunement, iusques à ce  
 qu'ils voier des operatiōs & œuures miraculeuses  
 & supernaturelles, par lesquelles ils ne puissent  
 doubter, que c'est Dieu, qui leur parle exterieure-  
 ment, suiuant le dire du Sauueur parlāt aux Iuifs,  
 Si ie n'auois (dit-il) fait rāt d'œuures miraculeuses,  
 ils auroient excusé, sçauoir de se maintenir en leur  
 refus de croire en luy. C'est pourquoy nous ne li-  
 sons point, que iamais, ou bien raremēt vn Prince  
 & les peuples soiēt venus à la foy Chrestienne, sans  
 plusieurs miracles au preallable, & sans que Dieu  
 les y aie attiréz par quelqu'vn, entre autres grand  
 & signalé miracle. Ainsi l'Empire Romain souz  
 Constantin y est venu par la voix & vision celeste  
 de la croix au ciel, & la victoire miraculeuse cōtre  
 Maxence: Ainsi Clouis par semblable vision, & la  
 victoire diuine contre les Allemans & leur Roy:  
 La plus part de la Perse l'an 430. par le miracle du  
 fils du Roy, deliuré de l'esprit malin: Les Russiēs  
 enuiron l'an 880. par le miracle du liure des Euan-  
 gilles conseruē dans le feu sans tate: Les Danois  
 avec leur Roy & Roine enuiron l'an 970. par le

*La religion  
 de la natio  
 excusable.*

*Nul lenatiō  
 conuerse  
 sans mira-  
 cle.*

miracle d'un Clerc nommé Popon, qui tenoit vne grosse masse de feu ardente en preuue de la verité de la Foy: & ainsi d'infinis autres.

Et sur ce propos, nous demandons, si nos Rois, ou, pour micux dire, si nos Ducs (car autres ne pouuoient-ils estre, puis qu'ils n'auoient ny couronne, ny aucune autre marque de roiauté deuant Clovis) ne deuoient pas, selon le droit de gens, & la loy de l'estat, deuant que pouuoir estre receuz en ceste dignité, croire en Dieu, & tenir quelque religion, & mesmes celle de leur natiō & ancestres? Le changement de la religion du pais de l'idolatrie à la foy Chrestienne, a-il peu exempter, absoudre, ou deliurer les Rois, & nos Seigneurs souverains de ceste obligatiō du droit des gēs naturelle & nationale, d'auoir la religiō de la nation, & de croire en leur Dieu? Au contraire, ne les a-il pas laissez astringez de mesme lien & obligatiō, & encores d'abondāt, n'y a il pas adiousté vn nouveau surcroy, qui est contenu en la religiō Chrestienne, & qui prouient de l'autorité de Iesus Christ, à ce qu'ils soient tenus de deuoir croire non seulement à tel dieu, ou en these & en general en vn dieu incognu, ou tel quel, mais specifiquement & en hypothese à Iesus Christ, selon le iugement & pratique du royaume, conformement à celle de l'Eglise Cath. Apost. Rom? Et si estans Payens, ils estoient tenus d'observer la religion de l'estat, & ne pouuoient estre receuz que par icelle: peut-il dire moins de la relig. Chrestienne, & de l'obligation qu'ils y ont, non plus que le droit diuin n'efface le droit des gens, ains le confirme, le purge, & l'ameliore? Ainsi la mutation & changement

de religion, de l'idolatrie au Christianisme, n'a pas  
 osté l'obligatiō enuers la religion, & n'empesche  
 pas que le Roy ne soit tenu autāt, que deuant, d'a-  
 uoir vne religion, & celle de l'estat: ains a laissé en  
 mesme force & autorité telle obligation, & de-  
 uoir du Roy. Toutesfois l'estat ayant chāgé la re-  
 ligiō, ç'a esté autant pour le Roy comme pour le  
 peuple: & tous sont obligez de mesme obligatiō  
 enuers celle-là, qu'ils estoient enuers la premiere:  
 mais encores de plus telle obligation est agréādie  
 & amplifiée selon le contenu en la loy Chrestien-  
 ne, & autant qu'elle oblige & Rois & vn chacun.  
 Et elle est d'autant plus vraie & legitime obliga-  
 tiō, que la religiō Chrestienne & Cath. est la vraye  
 religiō, & que le Dieu qu'elle sert, est le vray Dieu.  
 Ce n'est pas raualler ou racourcir la puissance sou-  
 ueraine des rois d'un royaume Chrest. au petit  
 pied, q̄ de les sousmettre ou tenir liez à telle obli-  
 gatiō de la loy Chrest. du royaume: qui n'est que  
 pour le respect, que tous ceux du royaume doiuent  
 à Dieu, & à la Foy, que eux & leurs predecesseurs  
 ont vōcée & promise à Iesus Christ, tāt pour eux,  
 que leurs successeurs, heritiers, & bien tēnans. Car  
 il n'y a point de doute, que la loy & la foy Chre-  
 stienne n'oblige d'aussi bon & fort lien vn corps  
 du royaume & tout vne cōmunauté, dès qu'ils l'y  
 font vne fois soumis, qu'elle peut obliger cha-  
 cun particulier, qui en fait profession, & qui l'a re-  
 ceu. Et autant que tel corps public sera en estre &  
 sus pied, tous les membres ne peuuent par raison  
 estre deschargez de l'obligation de tout le corps,  
 s'ils ne veulent encourir les peines accordees ou  
 ordonnees par iceluy contre les contreuenans,

*La loy de  
 religiō obli-  
 ge l'estat &  
 corps du  
 royaume.*

C'est vne debte trāsmillible aux successeurs, que la religion, parce qu'en matiere de foy & du respect enuers Dieu, ils sont non seulement leurs successeurs, mais encore leurs heritiers. Et la vraie puissance & grandeur & des Rois, & de tout le mōde, est l'impuissance de ne pouuoir faire mal, & de ne pouuoir estre Athee, heretique, ou autre que Chrestien & fidele Catholique. C'est le plus haut degre d'honneur (disoit Pline à Trajan l'Empereur) que de pouuoir ce, qu'on veut, & de grandeur, que de vouloir ce, qu'on peut iustemēt. Que reste-il dōc, si'on veut se sauuer de tāt d'absurditez & impietez, sinon de tenir pour tres-assurē & tres-veritable, Que la loy de religiō, & icelle Catholique est la principale, fondamentale, & inuiolable loy du Roiaume, & de la Monarchie Françoisē, la mere & la matrice de toutes les autres loix, portant commandement & peines tāt sur le Roy, que sur tous autres, qui sont moins que Dieu, lequel en est l'auteur & premier legislateur, & par consequēt, que nous ne pouuons iustement receuoir ou souffrir vn roy heretique.

*Conclusion  
monstrant  
qu'un he-  
retique ne  
peut estre  
Roy de  
France.*

Nous laissons que pour le regard de la persōne du R. de N. nous auōs sans ceste loy d'estat, & quād mesme la loy Chrestienne ne seroit loy q̄ des particuliers, & de ceux, qui s'y obligēt d'eux-mesmes, vne raison bien forte, pour le contraindre d'estre Chrestien & Cathol. (l'vn ne peut estre sans l'autre) deuant qu'il puisse estre Roy. Car s'il n'y a riē qui puisse plus obliger l'homme, que la parole, s'il n'y a rien de plus grāde obligation enuers le plus grād du mōde, que la foy & la parole de roy, & si lō est tenu de garder la foy, qu'o a promis en par-

ticulier aux hommes, ou bien en mariage, ou bien  
 autrement, pourquoy non celle, qu'on a promis &  
 donné à Dieu & aux hommes ensemble? Il a promis  
 & au Baptême, qui est le mariage spirituel des  
 Chrestiens, & estât fait maieur par l'aburatiō de  
 son heresie, par sermēt fort discrettement & solen-  
 nellemēt, souz toutes les peines du monde d'estre  
 Chrestie & de viure à iamais en la foy de l'Eglise  
 Catholique, Apostolique, & romaine. Pourquoy  
 ne sera-il tenu de garder le foy du mariage spiri-  
 tuel aussi biē, que de l'autre, tout de mesme que se-  
 roit vn particulier? Que peut-il respōdre à ce, veu  
 qu'il est aussi bien subiect aux peines de la foy de  
 Dieu & du royaume, que tout autre? & que l'Egli-  
 se est aussi bien sur les Rois, que sur les autres? &  
 que d'ailleurs & le plus grand Prince du mode se  
 degrade, & se rend perfide, abiect & vilain en rō-  
 pant sa foy, estant vray le dire ancien, Que celuy,  
 qui rompt sa foy, merite que les autres ne luy gar-  
 dēt point la leurs: Il ne veut dire (qui est la seule  
 saluariō & retraicte, qu'il puisse prendre) que l'on  
 n'est tenu aux promesses meschantres, & que la re-  
 ligion Catholique est vne abomination: mais ce-  
 la estant de bas aloys enuers les Catholiques, qui  
 croient le contraire, & qui tiennēt son dire en fa-  
 ueur de son heresie, pour perfidie, & pure folie, nō  
 moins que les pretensions du iadis Roy des Gau-  
 lois (nous parlons par exemple, sans entrer autre-  
 ment en comparailon) qui les fondoit pour sem-  
 blables, calomnies & mesdisances contre le Roy,  
 sur l'inspiration du S. Esprit & sur l'Escripture sain-  
 te, tirée & entendue à sa façon, & à la façon des  
 Ministres, & de ce vieux refuseur Brocard (l'oracle



de de Segur & du R. de N.) il s'ensuit tousiours, que pour le regard des catholiques, & de l'estat du royaume, qui approuue & commãde en loy la religion catholique, & reprouue sa nouuelle opinion, cõmmẽ heresie, le R. de N. n'est aucunement receuable à ne garder sa foy, & la promesse qu'il a faicte à Dieu & à tout l'estat d'estre catholique.

Ceste raison prinse de ce, que la loy de religion, & icelle chrestienne & catholique, a esté receuë pour loy du royaume, & pour la fondamentale de l'estat de Frãce, n'est pas si petite, que vostre Royne & le R. de N. ne s'en sçache tres-bien preuailoir, pour leur principale exception & defence, de ce qu'ils ont aboly la religion catholique en leurs terres, & qu'ils n'y veulent tollerer que la foy & religion Caluiniẽne: par ce qu'ils alleguẽt, qu'icelle a esté receuë pour loy d'Estat, en assemblee des Estatz generaux de leurs pais, par vn Edict public, & la loy catholique chassée & abolie. Et en consequence de ce, ils pretendent & s'excusent cauteleusement, ne tourmenter, ny condamner aux peines ciuiles, & à la mort les catholiques pour leur foy & religion, mais seulement cõmmẽ rebelles & infraẽteurs de ceste loy du pays & de leur estat, & des autres faicts en consequence d'icelle. Et nous miserables & abrutis cath. ne nous en aiderons nous pas de mesme & auct plus iuste raison, contre noz Huguenots & le R. de N. vœu que nostre religion a esté receuë en cest estat, non pas vne seule loy & ordonnance de sepime, mais par Edict general & irreuocable de Clouis (dit Sigisbert & autres) & receu par le royaume, & par infinies ordonnances des Roys subsequens en af-

semblee generale des Estats? & qu'aussi iceux nous troublent en la iouyssance, vſage, executiō & possession de nostre ancienne, continueſſe, & principale loy d'estat, laquelle a receu & commandé à tous de ſi long temps, & à l'approbatiō de tout le monde, & de tāt de ſiecles nostre religion catholique, avec exclusion de tout autre, nō en vne ſeule aſſemblee publique, nationale, generale, prouinciale, ou de communautē, mais en toutes, & par tous actes generaux & ſolemnels du royaume, & de chaſque pays & prouince, reiterez vne milliaide de fois en tous les ſiecles, par vne continueſſe ſuite. Le R. de N. n'allegue-il pas pour vne de ſes principales raiſons politiques contre le Concile de Trēte, & pour mōſtrer qu'il n'y peut eſtre aſtraint, qu'il n'a point eſté receu du royaume par loy & ordonnance acceptee, verifiee, & emologuēe és Parlements: & partāt n'en fait-il pas ceſte illation & conſequence neceſſaire tiree au contraire, qu'il eſt obligē aux autres Conciles & loix de religion receuēs au royaume. Et ſi l'heretique, ou le Roy de Nauarre eſt ſi hardy, que de ne tenir aucun conte de ceſte loy, qui eſt ſi certaine & indubitable, qui concerne l'honneur de Dieu, & le repos de l'eſtat, ains qu'il ſ'y oppoſe, & pretend deuoir eſtre receu avec ſon herēſie pour Roy, au contraire d'icelle: quelle iuſte occaſion peut-il auoir, d'obliger les cath. à l'oſeruation de l'autre loy, touchāt la ſucceſſion des maſſes, & qu'ils puiſſent recevoir en Roy quelqu'autre, au contraire d'icelle: Car ſi la premiere n'eſt loy, ne l'autre auſſi: ſi l'on n'eſt tenu d'oſeruer la premiere, & pourquoy en ſera-on de l'autre, meſmeuēx à la façon qu'il veut qu'on

*Le Roy de  
Nauarre  
reproūait  
le Concile  
de Trente  
approuue  
les autres  
Conciles re-  
ceus en ſon  
re.*

l'entende separee de ceste-cy & de toute cōsideration & respect de religiō, voire (qui est plus estrāge) prinse en sens cōtraire à icelle. De laquelle neantmoins elle prēd, comme toutes les autres loix du royaume, sa principale forme, estre, droicture, direction, interpretation, & exposition. Seroit-ce pas chose trop ridicule, & dont la posterité ne se pourroit trop esmerueiller, de faire plus d'estat de l'accessoire que du principal, de la fille plus que de la mere, du monde plus que de Dieu ? & que s'il escheoit aucune dispute ou doute sur l'interpretation de la loy Salique, à sçauoir, si elle entend ou requiert en celuy, qui doit succeder à la Couronne, la foy chrestienne & catholique aussi necessairement, que le sang masse & Royal, doit-on, ou peut-on s'en mieux esclaircir, que la conference & rapport avec la loy de religion, qui est vnīe & inseparable d'avec toutes les loix du royaume, non moins que l'ame de tous les mēbres du corps viuant, ausquels elle donne vie, sentiment, mouuement, force, & operation ? Si la loy principale de religion peut estre ainsi mise en controuerse, mesprisee, & enfrainte à l'appetit de certains cerueaux mal timbrez, ou de qui que ce soit : que reste-il de respect, d'auctorité, & de cōsideratiō de prerogatiue à toutes les autres loix ? Pourquoy ferra-on differēce d'un Prince du sang à un autre d'un Prince à un Gentilhomme ? d'un Parlement à un Seneschal, ou siege Presidial, si l'on ne fait point difference de religion à un autre ? Et si en un royaume le respect & deuoir enuers Dieu (qui est celuy seul qui reigle le monde, & qui est reiglē par la seule Eglise catholique) n'est inuiolable &

immuable, que deuiendra ccluy enuers le Roy &  
 les Seigneurs? Si au contraire la loy de religion est  
 arbitraire, s'il est permis & licite à vn chacun d'en  
 iuger & y destroger à sa fantaisie, pourquoy ne se-  
 ra-il permis? le mesme de ce qui est moins, cōme  
 du respect & seruice qu'on doit au Roy, aux Loix,  
 aux Princes, aux Magistrats, & à tous ordres? Au  
 contraire si les ehoses moindres beaucoup ne de-  
 pendent point du iugemēt de chacun, ny mesmes  
 d'aucun, non pas mesmes bien souuent de tout le  
 general, se peut-il considerer chose de plus grāde  
 imprudence & folie, que si l'affaire de la plus grā-  
 de consequence du monde, qui est la loy de reli-  
 gion, est laissē au iugement d'un chacun, biē qu'il  
 se vante, peut estre, d'auoir l'esprit de Dieu? N'est-  
 ce pas bien mettre la charruē deuant les bœufs, &  
 ouurir la porte au mespris & à la confusion de  
 toutes choses? Se peut-il imaginer chose si brutale,  
 que ne permettant point que le plus prudent du  
 monde puisse censurer ou oster les loix, qui sont  
 simplemēt humaines, toutefois nous cōmettions  
 communemēt à l'arbitre, liberté, & opinion d'un  
 chacun la loy diuine, & qui est la premiere des hu-  
 maines: où il faut qu'au fait de la religion & de la  
 foy, le iugement soit diuin, non humain, public  
 & vniuersel, non priué & particulier, tres-certain  
 & tres-cogneu, non disputable & douteux, tres-  
 resolu & non en suspens, & où il faut singuliere-  
 ment conseruer consentement, vnion, moyen, or-  
 dre, constance, gravité, tranquillité, & fermeté, d'où  
 sont sorties tant de loix imperiales, de ne disputer  
 point de la religion, & tant de troubles pour n'y  
 auoir point esté bien satis-faict: Et si toute loy fai-

de & publice, l'on punit les contreuenans à icelle, combié à plus forte raison doit-on estre soigneux que l'on ne face rien impunément contre la loy de religion? Ce fondement osté en vn royaume, & qu'iceluy ne peut-on plus subsister s'as loix que le corps sans nerfs, que reste-il autre chose, qu'un brigandage general (dit S. Augustin) & vne Praguerie vniuerselle, & sinon que le plus fort l'emporte, & que la violence soit la principale loy, droit, & raison des François? Que reste-il sinon que la loy des bestes, qui est celle de la force, & que la pure brutalité soit la loy fondamentale de ce royaume, & de tout l'Estat de ce monde? Que reste-il finalement sinon que nous voyons pratiquer en noz iours le dire de ce premier des sept Sages de Grece Solon, Que la republique qui n'est liée ny obligée d'aucunes loix, deuiet en bref comme vn monstre: Car aussi l'enormité & deformité des vices, fait que les hommes ne soient plus hommes, mais monstres de nature, pourtraicts figurez à l'image d'homme. O renuersement de toute humanité! ô amortissement de toute société! ô misérable cadence & retraicte de l'heresie! ô abysme des abysmes de toutes les impietez, que la reception d'un Roy heretique.

Toutes ces raisons, observations, & formalitez pour la loy principale de religion, pour l'installation, acceptation, & reception du Roy, & de toutes personnes publiques, ne nous monstrent-elles pas assez, qu'on ne peut oster cest ordre & fondement de la religion catholique, que l'estat ne soit renuersé, & que d'une Monarchie tres-chrestienne & bien reglee, ne s'en face vne tyrannie manifeste, & d'un

estat fidele, chrestien & politique, ne s'en face vn estat infidele, heretique & tumultuaire? Ne nous expriment-elles pas assez viuement & clairement, qu'elle a esté l'intention, & conception de noz peres, sur l'intelligence, & pratique de la loy, ou coustume Salique, concernât la succession du royaume: & qu'infaliblement ils n'ont voulu ny entédu parler que du sang masse chre. & cath. cōme ils n'en tolleroiét ny n'en pouuoiet imaginer qu'autre s'y oſa presenter, ou y pretendre? Ne nous montrent-elles pas la distinction qu'il faut faire en tel subiect, d'estre simplement masse ou chrestien, ou bien tous deux d'estre heretique, payen, ou bien cathol. ? & que pour estre digne & capable ſuiect d'estre Roy il faut auoir ensemble & ce qui est de la nature, & ce qui est de la loy du royaume, tant au fait de la religiō, que pour la proximité du sang, & que l'un ne ſuffit ſans l'autre? N'est-ce pas aussi pour monſtrer, qu'il y a grand difference entre vn Roy certain, ou vn Roy incertain: entre pretendre auoir droit à la royauté, ou l'auoir accepté, & estre cogneu & receu des ſubiects pour tel entre estre Roy, ou y pretendre: qu'il faut deux choses deuant que pouuoir estre Roy, qu'il faut estre homme le plus proche du sang royal, mais premierelement qu'il faut estre chrestien, & auoir les qualitez requises en l'une & l'autre naiſſance, en la charnelle de ſiſg, & en la ſpirituelle de la foy: qu'il faut qu'elles ſoient iugees, receues, approuues, & publices telles par les Pairs, & les principaux du royaume, & que de tout ce il en apparoiſſe ſuffiſamment à tout le peuple en vn reception ſolemnelle, & acceptation de la royauté, & de ſes droicts dans l'E-

*Il faut estre cath.  
pour estre  
Roy.*



glise, & parmy les principaux actes & mysteres de la religion chrestienne, selon les formes establies, & qui ont esté ordonnees de toute ancienneté, & lesquelles se pratiquent seulement enuers les catholiques les iours du sacre & du couronnement. Et selon cela il est bien deffendu de resister à son Roy, c'est à sçauoir, à celuy, qui est ja receu & approuué pour tel (si toutefois depuis il n'est tombé en apostasie, ou heresie: & s'il n'a esté demis iuridiquement & autentiquement cōme vostre Royne & le R. de N.) mais non à celuy qui pretend en estre ou qui se veut introduire ou faire Roy, principalement contre ces formes, vs, coustumes, & loix du royaume, & de la foy de l'Eglise catholique. Apost. & Romaine.

C'est pourquoy noz Roys ne sont pas dits simplement Roys de France, mais Roys par la grace de Dieu: ils ne sont pas dits tenir seulement leur royaume de l'espee, mais principalement de Dieu, & de sa religion: qui n'est autre chose à dire, sinon qu'ils sont & ont esté receuz & maintenez Roys, non pour ce qu'ils ont de la nature seulement, ains principalement parce qu'ils ont, & ne peuuent tenir que du don & de la grace de Dieu & de sa religion, c'est à sçauoir, pour estre chrestiens. C'est aussi pourquoy noz Roys, sur tous les autres, ont ces deux propres Epithetes, d'estre dits Roys naturels & legitimes, comme les Empeleurs Romains estoient dits legitimes, apres qu'ils auoient esté saluez, publiez & approuuez pour tels, & l'un ne suffit sans l'autre, non plus qu'és successions des familles particuliers d'estre fils naturel, pareilleuent l'on n'est legitime. Il faut

s'opposer virilement au naturel & bastard : rece-  
voir & obeir au naturel & legitime ensemble.

Et que pour la succession de ce royaume, la loy  
ou coustume soit plus considerable que la nature,  
ou la proximité du sang, & que le Roy tient plus  
de la loy ou coustume du royaume, sa Couronne,  
que de la nature ou sang paternel, il appert euidē-  
mēt de ce, que le plus proche de nature & de sang  
royal, s'il n'est masle, & descendu de l'estoc masle,  
est exclus par la loy du royaume, & que celui du  
costé du sang masle, bien que soit esloigné de de-  
gré, est preferé à celui-là par le benefice de la seu-  
le loy. Si noz Peres ont seu pourvoir par ceste  
loy Salique aux inconueniens & nouueutez qui  
arriuent es successions de royaumes, lors que le  
successeur deppēd de la volonté du Roy, où qu'il  
est à la liberte des subiects d'en prēdre vn de telle  
famille, qu'ils veulent & qu'ils iugent leur estre  
plus à propos, est-il croyable ny aucunement di-  
gne ou approchant de leur preuoyance & sagesse,  
qu'ils ayent oublié de preuenir & remedier par  
ordonnance & loy certaine, aux guerres, esmo-  
tions, seditions, à la confusion & aux sinistres &  
cruels euenemens, que le changement de religion  
apporte ordinairement & necessairement avec  
soy beaucoup plus grāds, plus ineuitables, & plus  
dangereux, que l'incertitude, ou le chāgement de  
famille & de sang ne scauroit produire?

Sila propositiō des huguenots en leur Frācogal-  
lie, ailleurs suiuiue de plusieurs, & de l'Historiograp-  
he de France est veritable, que le royaume des sa  
premiere & anciēne constitution, est electif, & nō  
hereditaire ny successif, comme ils pretēdent qu'il

à esté en la premiere lignee tousiours, voire (disét-ils) long temps apres Charlemaigne, ne s'enfuit il pas bien que la loy ou coustume Salique, laquelle à leur compte l'a rendu succeffif, est plus nouuelle & moins fondamentale en France, que la loy de la religion Cath. qui à commecé en Clouis, à estre auctorisee & faire part en l'estat: & qu'il est partât plus necessaire, & de plus longue & ancienne obligation, que le Prince futur Roy, soit Catholique de succession, que masse de succession, ou le plus proche de nature & de sang? Ne s'enfuit il pas, que la loy, qui en exclud les heretiques & ceux, qui ne peuuent pour leur infidelité estre admis au sainct Sacre, & c. est la loy fondamentale des fondaméntales, & sur laquelle, & la loy de succession, & toutes autres generalles & plus nouuelles loix, & formes du Royaume sont fondees & establies, comme sur la vraye Salique qui dōne le sel, le goust & assaisonnement à l'estat, & qui le maintient & conserve en son estre & dignité?

*La loy Salique plus nouuelle que la loy de religio.*

Quand bien toutes ces choses cesseroiēt, la seule vñance & cōtinuelle suite, ordre, obseruatiō & reception des Roys tous Catholiques, comme nous sommes, par successiō de l'un à l'autre: n'est ce pas vñeloy ancienne vniuerselle, & fōdaméntale du Royaume que Dieu à inspiré, imprimé, & plâté dans le cœur de tous les vñs & naturels Frāçois? & qu'estant receue & approuuee de tēps en temps en ce Royaume, elle doit auoir beaucoup pl<sup>d</sup> d'autorité & de vigueur, que ne pourroiet auoir toutes les autres loix de l'Estat, qui se trouuēt esrites, si la raisō des Iuriscōsultes est veritable. Que les choses introduites par vñ vieil vsage sont plus equitables,

que celles qui s'ont cōmādees par les loix, ie dis mesmes que ne pourroit estre ceste loy dite Salique, qui ne viert, que de l'institutio des hommes (car nous serions bien marries de dire, cōme plusieurs historiens, & auteurs qu'elle soit de l'erreur cōmū & de l'usurpatio ou droit de bien-seance) & laquelle ne se trouue point auoir esté reduite en cōstitution ou ordonnāce, ny par escript, ny mesmes estre si certaine de siecle en siecle, si approuuee & pratiquée, q̄ celle de la foy & religiō car. en la personne du Roy.

Car tout ainsi que l'ancienne pratique & coustume, par laquelle l'on a tousiours veu que nul à succedé à la Couronne, qui n'aye esté masle par successio des Roys, c'est à dire, de mesme sang masle, que eux, & le plus proche, sert en ce Royaume de loy qu'on nomme par la tradition de noz maieurs Salique, aussi ceste ancienne pratique & coustume, par laquelle l'on a tousiours veu, que nul n'a esté admis à succeder à la Couronne, qui n'aye esté catholique par succession des Roys, c'est à dire, de mesme foy & religion qu'eux, & qui ne tint la foy Catholique, Apostolique & Romaine, comme eux ne peut qu'elle ne serue pareillement & avec mesme raison, de loy pour la successio du royaume par laquelle nul n'y peut paruenir qui ne soit catholique. Il faut estre par l'une masle par succession de sang, il faut estre aussi par l'autre Catholique par succession de religion & de loy : & ne baste d'en estre à sa poste ou par pretendue renouation ou reformation nouuelle de religion, comme pretend le R. de N. & tour heretique.

Ceste coustume en nos Roys d'estre Catholique par succession est d'autant plus considerable & estab-

cace que l'autre, qu'elle est beaucoup plus certaine par le dire de tous les anciens & modernes auteurs & historiens, qui tesmoignent qu'elle n'a esté iamais deniee ou controuuëe, d'aucun en France, comme à esté l'autre plus ancienne puis qu'elle commence à Clouis, & l'autre apres Charlemaigne par le propre dire des Huguenots: plus continue plus qu'elle à esté du tout estroitement gardée, cōme sacree & inuiolable, sans interruptiō quel cōque cōme l'autre l'a esté souuent, tesmoin Hugues Capet preferé à Charles de Lorraine, Odo à Charles le ieune fils de Loys le Begue, & Héry premier fils de Robert preferé au Royaume à son aîné par testamēt cōfirmé par les Estats generaux: & Charles le Chauue à Lothaire sō frere aîné, & ainsi plusieurs autres outre que les bastards succedoient avec les legitimes en tiltre de Roy: plus fondamētale puis qu'il y va de la foy & de deuoir envers Dieu, & que l'ame est la partie plus fondamentale & formelle de l'homme & Dieu celle de l'ame d'un chacun: plus obligatoire que Dieu en est l'auteur, & qu'elle oblige répoirement: & spirituellement: plus autentique, par ce qu'elle à esté tousiours pratiquée de l'adueu & accord vniuersel, tant des Roys, que du peuple tant des François, que des estrangers & en tous eages & siecles: ou l'autre à eu souuent besoing d'estre soustenue & restauree par la force des armes.

*La loy de  
Religion  
plus certaine  
que la  
loy Salique.*

Et si l'on veut (comme il est plus que raisonnable) que ceste coustume pour la succesiō des Rois soit obseruee infalliblement, pourquoy n'estera de mesme la coustume de la religiō? Si le R. de N. ose debatre, ou nier ceste cy: pourquoy n'estera on fai-

re autant de l'autre puis que l'une & l'autre est vne  
 mesme coustume & loy de la gent François, com-  
 me parle Balde, bres pour vn mesme sang Royal  
 & pour vne mesme personne: S'il dir, comme son  
 Antiguisard, que la loy qu'on appelle Salique, est  
 infalible pour auoir esté achaptee cõtre l'Anglois  
 au sang de nos ancestres, de la destruction de nos  
 villes, de la ruïne de nos maisons & de la perte de  
 tant de batailles, qui ne voit, que cela se peut dire  
 encor plus proprement & veritablement pour la  
 loy Cat. contre les Heretiques Arriens, & autres,  
 & contre les infidelles Gots, & Sarrazins? Brief s'il  
 est permis vne fois de battre & tirer en doute im-  
 punement que ceste coustume ne doit point ser-  
 uir de loy, que deuiendra l'opinion & l'autorité  
 de l'autre coustume dicte loy Salique: veu qu'au  
 iugement de tous ceux, qui en ont le mieux escrit,  
 elle n'est appuyee que sur le mesme fondement de  
 l'vñce & continuelle obseruance? & qu'il est biẽ  
 certain, que oncques ne s'est trouuẽ personne, qui  
 se soit ausẽ vẽter d'ẽ auoir veu ou leu ceste loy Sa-  
 lique pour la succession du Royaume: & que con-  
 formemẽt à ce il ne se liẽt rien de semblable es ta-  
 bles & articles de la loy Salique imprimee & mise  
 en lumiere depuis quelque temps, tout ce qui s'y  
 trouue touchãt les successions ne parlant aucune-  
 ment de celle du royaume, & ne faisant aucune ex-  
 clusio de l'estoc maternel, ains disãt simplement que  
 le plus proche mĩse succedera à vn chacũ sãs par-  
 ler des Roys plus que des autres, si disons nous, il  
 est permis de venir au contraire de ceste coustume  
 n'est-ce pas faire vne belle ouuerture aux preten-  
 tiõs de vostre nation sur ceste Couronne? N'est-ce



pas bien leuer le nes à la maison de Lorraine, pour l'y faire penser ? n'est-ce pas en exclurre du tout le Roy de N. & le mettre bien loing apres tous les masses, du costé des filles, qui sont les plus proches du sang Royal? Car on trouue biē, que les Anglois & plusieurs aùtres ont esté si impudens, que de s'inscrire en faux contre ceste loy Salique, ou pour le moins contre l'intrepretation sur l'exclusion des masses de l'estoc femenin, voire il y a de noz derniers historiographes François, qui sont si hardis, que de la descrire & en parler comme d'une chose fabuleuse. Mais il ne se liēt point que iamais iusques icy aucun aye ozé douter ne mettre en dispute la loy du Royaume touchant l'obseruation ancienne & continuel de la religion Catholique en France, tant en la personne des subiets, que singulierement en celle des Roys & leurs successeurs, laquelle soit Salique Ripuere, Francique, Gallicāne, ou autre, quelque nom que l'on y vueille donner, est nee, entretenue, & cōseruee avec le Royaume, suyuāt laquelle il à esté de tout temps gardé & tenu pour tres-certain & inuiolable, que noz Roys deuoient estre Chrestiens & catholiques par necessité, aussi bien que hōmes: & en vn mot, si vous voulez, de mesme foy que les Papes de Rome que les Prestres & les deuanciers Roys & que les Euefques & Pasteurs de l'Eglise Gallicane.

Si le R. de N. & les Huguenots mesmes en leur Francogallie, Antiguifard & autres liurets suiuant l'opiniō de Balde & des Iuriscōsultes pretendēt la seule coustume & vsāce de la succcessiō d'un masse à la Couronne deuoir obtenir vigueur & autorité de la loy appallee Salique, pour exclure les masses

*La seule  
coustume  
fait la loy  
Salique.*

du costé feminin, ils ne peuuent, que par mesme raison ils ne prénent pour la mesme loy Salique, ceste vñce dela succesiõ d'un cath. à icelle, avec debou-  
 tement & exclusion de l'heretique. Puis que l'autre ne se lit point auoir esté iamais obseruee que conioinctement & en mesme subiect & personne que ceste cy, c'est à sçauoir pour vne mesme succession & en vn mesme successeur masle & catho.  
 ensemble. Si l'une n'est point coustume ou loy, ne l'autre ausi. Si toutes deux en sont, ou ne s'õt promett que vne mesme chose & vne mesme coutume & loy Salique, il s'ensuit dõc necessairemẽt, que ces deux loix coustumieres & anciennes, ou pour mieux dire, que par ceste mesme & vnicque coutume ou loy Salique, pour estre Roy de France il faut estre tout ensemble & par mesme moyen autant catholique, que masle, l'un n'ayant & ne pouuant estre separé de l'autre, demeurant l'anciẽne coutume en la force. Si les Catholiques ne s'õt point receuables à exclurre le R. de N. du Royaume par ceste loy, ou partie de ceste coutume par ce qu'il n'est pas catholique, ny luy ausi n'est nõ plus receuable d'exclurre les filles ou les masses descendans d'elles par l'autre loy ou partie d'icelle coutume: par ce qu'elles ne sont masses ny eux descendãs des masses. Si toutesfois il pẽse & peut iustement exclurre ceux de Lorraine par ceste loy, de ce qu'ils ne viennent de l'estoc masculin, pourquoy ne le peuuent ils ausi iustemẽt exclurre par l'autre, de ce qu'il n'est Chrestien, Catholique & de la religion des anciens Roys? Car si la coutume obseruee en la succession de noz Roys, doit estre suiuite pour vne partie en ce qui concerne

*La loy de  
Religio ne  
peut estre  
reprouee  
que la loy  
Salique ne  
le soit.*

le sang masse, pourquoy non en l'autre partie, qui regarde la foy chrestienne & catholi. de ce mesme masse? Si le R. de N. dit que celle qui touche le sag masse est indubitablement & seulement la loy Salique approuuee de tout ancienneté par tout & de tous les François avec ceste interpretation de l'exclusion non seulement des filles, mais des plus proches masses descendans d'icelles, par mesme moyé qu'il verifera ce point & qu'elle aye autre auteur, que la coustume, les autres verifieront aussi que l'autre partie est encor plus approuuee avec exclusion de celuy qui n'est cath. Et comme il produira en bonne forme la sienne mesmement avec ceste expresseion de l'exclusion des masses descendans des filles, il sera aussi aisé aux autres de produire la leur avec ceste expresseion de l'exclusion de tous heretiques, ou de celuy, qui n'est catholique & de mesme foy que Clouis & les anciens Rois. Bref la mesme de fence qu'il pourra alleguer pour foy, & pour l'approbatiō de ceste coustume ou loy, qu'il faut pour succeder estre masse & de l'estoc Royal & paternel, & les autres aussi beaucoup plus facilement, pour l'approbation de ceste coustume ou loy, qu'il faut estre catho. pour succeder. Et si l'une & l'autre est douteuse encor en tout cas la consideration de Dieu, de sa religion, & de la condition & qualité du Catholique obseruee aux Roys de tout temps en ce Royaume, sera tousiours plus fauorable, pour ceux de Lorraine, par la loy diuine, naturelle & humaine, avec la proximite naturelle du sang, & la commune obseruance & pratique des Royaumes voisins, ou les filles succedent ou bien les masses sortis d'elles, que pour le Roy

de N. la seule opinion & interpretatiō de ceste loy Salique qui n'est comme nous reprochoit anciennement vostre Edouard 3. que fantastique, fabuleuse, imaginaire & presumee à plaisir, si la commune & ancienne vñance ne sert de loy & ne l'autorise, puis qu'il est ainsi que la souveraine raison est celle (dit Papinian) qui fait pour la religion: & que la sentence du peuple Romain & de tous estats biē reglez à tousiours esté de postposer toutes choses à la religion, voire (dit Valere) ou il reuulsoit plus de souveraine Maiesté. Aussi il n'est nullemēt à croire, que noz Peres ayēt fait vne loy pour la succession du Royaume avec exclusion de celle de la Religion: c'est à dire qu'ils ayēt ordonné ou voulu qu'on n'aye aucun esgard à la religiō du successeur, mais seulement à son sang & degré masculin. Et s'ils ne l'ont ny exprimé ny exclus encores en tout doubte l'on ne peut mieux coniecturer de leur intention & sens, que par leur Religion, & par la pratique de laquelle ils ont vñe en tel cas, la succession du Royaume n'ayāt iamais esté couverte à aucū, que autant qu'il a esté fondé sur la loy & coustume de la Religiō Catholique. Et cōme toutesfois celuy seroit tenu meritoirement mauuais François & Tyrā qui voudroit nier ceste cy ou s'y opposer, ou bien pretendre de vsurper la Courōne au contraire, aussi certainement celuy la ne peut estre tenu que tres-mauuais François & tres-meschant Chrestien, & vray tyrā tout ensēble, qui voudroit niens'opposer, ou biē pretendre, ou vsurper la Courōne contre l'autre qui requiert quele Roy soit Cathol. Tellement que le Prince du sang qui n'est Catholique ne peut auoir non plus de droit à la

*Summa  
ratio est  
que pro re-  
ligione fa-  
ciat.*

à la succession, que celuy qui est purement cathol. sans estre du sang. Et tout ainsi que tout vray François est tenu de garder ceste coustume de sang, & de seruir & cōseruer de tout son pouuoir au Prince du sang & catholique, qui se trouuera le plus proche, le droict, qui luy est aquis & deu par icelle, s'il n'y a autre empeschement, aussi reciproquement tout Prince est tenu de garder l'autre coustume, & de conseruer le royaume & les subiects en la posselsiō & iouyssance de ce droit & coustume, qu'ils ont de ne pouuoir estre commandez par vn Roy, qui ne soit du sang & catholique ensemble, ny par autres officiers & Magistratz que catholiques. Si c'est chose tenue pour certaine, que les Roys ne peuuent abollir les coustumes priuees de chacun pays au preiudice des contractz & des droicts de leurs subiects, comment pourront-ils tollir la principale coustume & du royaume & de toutes les prouinces en l'observatiō de la religiō, que chacun a plus chere, que tous les biens du monde, ny que sa propre vie : veu mesmement que ceste coustume n'est pas comme les autres, qui sont seulement accordees par les subiects, & non ordonnees par les Roys ? Mais elle est & ordonnee par eux, & accordee par les subiects par vn temps immemorial, continuel & sans interruption.

Si le R. de N. dit/qui est la cadance, le refuge, & l'eschapatoire ordinaire des Huguenots/que ceste coustume d'estre cathol. par succession est contre Dieu, de l'inuention des hōmes, & le principal de ces abus, qu'il a charge & commissiō de Dieu de reformer: en ce cas ceux de Lorraine auroient encor plus de prinse sur luy, pour annuller la loy Sa-

*Le Roy ne  
peut oster  
la religion  
Cathol. au  
royaume  
qui l'a te-  
nue plusi-  
eurs siecles.*

*Dieu &  
nature ven-  
lent que les  
plus pro-  
ches soient  
masles ou  
femelles  
succedant.*

*La loy Sa-  
lique inter-  
pretee au-  
deuât a-  
ge des mas-  
les descen-  
dais des fi-  
les et saurs  
des Roys.*

*Le R. de  
Nest estrā-  
ger, non les  
Princes de  
Lorraine.*

lique avec le sens, qu'il luy donne, d'autant qu'où il met en fait qu'elle a esté ordōnee, establie, & publiee souz iour & an, comme porte la forme des loix, par le Roy & par les Estats generaux ensemble, ou par le Roy seul (ce que toute fois le R. de N. ne prouuera iamais) ils luy peuvent respondre & dire avec plus de verité le mesme de la loy qui exclud l'heretique: & de plus que c'est Dieu & la nature, qui font les Roys de France, & non les loix des hōmes: Que selon cela Dieu & la nature appellent les plus proches du sang selon l'ordre de primogeniture sans distinction de masse ou femelle: partāt que la loy Salique qui a esté faite par les hommes, & laquelle fait ceste distinction de masse & de femelle, ou pour mieux dire de l'estōc masculin ou feminin, ne peut auoir aucune auctorité ny cōmandemēt sur les Roys, & ne leur peut préiudicier: estant mesmement cōtre les loix de nature, & faicte ou interpretée par ceux qui auoient interest en la cause, & obtenue pareillement par les menées & pratiques du Comte de Beaumont, où, cōme disent noz histoires, en haine des estrangers Anglois, anciens ennemis de la France. Et pour ce que d'ailleurs cōme seulmēt estrāgers ils sont inhabilles par le droit des gens du gouuernemēt du royaume: ou eux ils sont François, nez de François, Pairs & Officiers de la courōne, & le R. de N. Biarnoïs & nay hors de Frāce, cōme vostre Edouard.

Si d'ailleurs il mer en faict qu'elle n'est que loy mentale, & qu'il n'en a esté iamais fait aucune ordonnance & loy par escrit, ains que la coustume seule luy donne auctorité & vigueur de loy, & en est seule l'auteur, Quand bien il n'en auroit esté



visé diuersemēt, ains que telle coustume fut veritable, & eust esté inconcussément & inuiolablement gardee & auctorisee par vn continuel vsage de tāt de siècles. Ils ont encore plus beau ieu par les mesmes raisons. que le R. de N. & les huguenots scauent proposer cōtre les coustumes anciēnes, Que nos peres estoient de pauures gēs, qui se mouchoient (comme l'on dit) à la mâche, pauures auéglez en ce, qui estoit de la vraye cognoissance de la loy naturelle, qui est autāt, que de la raison & de la verité, cōme ils ont bien monstřé ayant adoré les bois & les pierres & vn lean le Blanc ( ce sont leurs inuites) pour Dieux, fait & cōmis tant d'autres abominations, que les heretiques scauent reprocher aux Catholiques pour auoir esté disēt-ils du tout ignorans de la loy de Dieu, & par cōséquent de la loy naturelle, Que s'ils ont erré en tāt de choses si importantes, qu'il n'est pas merueille, que Dieu les aye deliurez ou permis tomber en sens reprocuē, & qu'ils ayent failly preferans leurs inuētiōs à l'ordre, cours & proximité naturelle du sang. L'ordre de nature voulāt que le premier nay marche le premier apřes le pere, & que les autres le suivēt chacun en son rang, Que notāment par la loy de Dieu il est dit, que quand l'homme mourra sans fils, que sa succession vienne à sa fille: & que ces pauures abusez auoient preferé vn, qui ne seroit qu'au 30. ou 40. ou bien cōme parle Balde, au millesime degré en ligne collaterale, à la fille ou à ses enfans mâles, qui seroient au premier, second & tiers degré en droicte ligne: Que c'est cōtre la loy de nature & la pure parole de Dieu: Que le temps de reformation estant venu, porte de remettre en

*Par la loy  
de Dieu les  
filles ou fils  
descendans  
d'elles doi-  
uent succe-  
der aux  
mâles s'el-  
leur degré.*

credit & vſage en ſa vraye pureté tant en la police  
& au temporel, qu'en l'Egliſe & au ſpirituel, la loy  
de Dieu & de nature.

*Diuers ex-  
emples des  
filles qui  
ont ſuccédé  
aux Roy-  
aumes pour  
eſtre les pi-  
proches.*

S'ils veulent enfoncer ceſte matiere, ils n'aurô-  
point faute de pluſieurs notables preiuges adue-  
nus en diuerſes nations pour l'explicatiô de la loy  
& couſtume ancienne, obſeruee és autres pays pour  
la ſucceſſiô des maſles. Par ce que telle loy n'a peu  
empêcher, qu'en plus forts termes à Naples, Cō-  
ſtance femme de Pierre d'Arragon n'aye ſuccédé à  
Mauſroy le baſtard ſon pere: & environ l'an 1560.  
en Ongrie & Poloigne Marie & Hedvige à Loys  
Roy d'Hongrie & Poloigne leur pere: & quaſi en  
meſme temps és royaumes de Noruege, Suede, &  
Dannemarc, Marie Volmar: au royaume de Caſtil-  
le Yſabelle de Caſtille: au royaume d'Arragon l'an  
1407. Ferdinād ſils de Leonor fille de Pierre Roy  
d'Arragon ſuccéda à Martin: & environ 1240. Per-  
rine femme de Raymond Conte de Barcelone à  
Ramire ſon pere Roy d'Arragon: au royaume de  
Nauaire, la femme de Henry le Large Conte de  
Chanipagne: & de noſtre temps l'an 1551. l'on a  
veu, ce que ne ſe vit iamais en voſtre paysd'Angle-  
terre, & contre vne preſcription couſtumiere des  
maſles d'enuirō 1500. ans, que Marie ſuccéda à E-  
douard 6. ſon frere, & depuis voſtre Elizabet à la-  
dite Marie ſa ſœur, cōme en Eſcoſſe autre Marie,  
qui viſt, à Iaques Stuard. Par leſquels exemples l'ō  
peut inferer, comme toutes ces natiōs n'ont point  
penſe, qu'une couſtume bien que tres-ancienne  
& continuelle de la preſerée du maſle remuē de  
beaucoup de degrez à la fille, à la ſœur, ou autre  
proche femelle, fut iuſte & vallable pour icelles

exclurre de la succession du royaume, si elles mesmes n'y renonçoient volontairement.

Ils pourront adiouster, s'ils ont vne fois passé le rubicon & la ligne d'impudence, ou de vergongne, que c'est vne inspiration du saint Esprit, qui le veut ainsi : & qui les force, & leur commande en leur ame de poursuiure ceste reformation : ce qu'ils feront d'autant plus hardiment que ceux qu'on reçoit en tels dires, n'en ont pas plus d'assurance qu'eux, & n'en mōstrent point plus de preuve. Et n'est pas qu'ils ne trouuēt quelque cerueau mal-façoné qui leur fournisse quelque lieu de l'Apocalipse, pour verifiser leur vocatiō, ou milliō extraordinaire pour cest effect, aussi biē que le R. de N. y a faict trouuer par son brocard, qu'il doit estre infailliblement Roy de France, & qu'il a cōmission parti culiere de reformer la chrestienté.

Si cela n'est pas suffisant, ils seruiron t tres-bien des escritures & enquestes faites par les huguenots, pour verifiser que noz maieurs, qu'on pretēd auoir faict ceste loy, ou commencé & entretenu ceste coustume, s'estonnoient d'une cheniuiere, & estoient si badauts, si innocens, & gens de si peu de sens, qu'ils se souz-mettoient trop volontairement sans s'affectionner aux loix iustes à vn chacun, qui auoit le moins de ruse, de moyen, & puiffance, tesmoin que Roys & Princes, & tout le monde, à ce qu'ils disent, se sont laissez gouverner contre tout droit & apparence, par ces Cafars & Cagots de Prestres, iusques à adoter ce chef nouveau l'Antechrist Romain (soit dit sous la supplantation des oreilles chrestiennes) qui à este occasion enfrainēt bien souuent les loix du royaume.

me, comme par l'absolution & deliurance du serment de fidelite des subiects, enuers le Roy Childeric, par sa deposition du royaume, & tant d'autres infinis exemples. Et qu'il n'est point raisonnable, que le R. de N. qui le tient pour ennemy de Dieu & de la chrestienté, & qui soit pour article de foy, qu'il ne peut rien ny au spirituel, moins encor au temporel, iouysse des droicts & prerogatives acquises à ceste couronne, où à la famille & succellio de Pepin & Charlemaigne, par telle autorité vsurpee, à son dire, imaginairo & contre le commandement de Dieu, conformément au prouerbe François, Qu'autant fait & vaut celuy qui tient, que celuy qui escorche. Par consequent qu'il faut venir au droit de succellio, semblable aux autres nations, & sçauoir qui est le plus proche de ce Roy despouillé Childeric, ou bien reprendre l'usage & coustume ancienne, d'elire les Roys, qui seroient choses bien absurdes. Toutefois ces raisons auront d'autant plus de force contre le R. de N. qu'elles, & semblables sont les fondamentales de son heresie, & pretétion à la royauté avec icelles: qu'il declare les croire tres-veritables, icelles estre de Dieu: & qu'il ne doute point de les signer & souscrire par l'effusion de son propre sang.

Nous adiurons icy tous ceux qui ont quelque iugement, qu'ils disent, si ce n'est pas vn argumēt tres-apodictique & necessairé, & vne ratiocination indissoluble, & sans iuste replique: qu'ils iurent ausi si ceux de Lorraine, outre les catholiques, qui ont commun interrest avec eux, à la manutention de la religion catholique, & des loix & coustumes du royaume, ne seroient pas bien les

*Les Cath.  
tant Prin-  
ces qu'au-  
tres seroi-  
ent idiots,  
s'ils permet-  
toient qu'un  
heretique  
fut Roy.*

plus simples, les plus idiots, & les plus lourdaux qui ayent iamais esté, de se laisser passer deuant le nez si effrontement ceste opinion & heresie d'estat & de religion, Qu'autre que catholique puisse estre Roy de France? Que chacun s'examine qu'est-ce, qu'il feroit, s'il y auoit en tel eas si bonne part, que ceux de Lorraine, puis que le R. de N. ne les peut exclurre, qu'autant que la coustume & obseruance ancienne a force de loy, & que par icelle il faut que le Roy futur soit tout conioinctement aussi bien catholique, que du sang royal masse. S'il luy est permis de venir au contraire du principal point de ceste loy coustumiere, & de le separer tellemēt d'icelle, qu'il ne soit tenu y auoir aucun esgard, ny d'estre catholique: & pourquoy non a eux, & à vn chacun en ce qui est moindre, à ce qu'on ne puisse estre tenu d'auoir aucun esgard, si le masse est de l'estoc paternel ou maternel? Vid-on iamais perdre procez en si bōne cause? Et la Couronne de France ne vaut-elle pas biē le plaider? Neluy fōt-il pas vn beau party, qu'autres qu'eux ne luy feroient point, peut estre, de luy bailler gain de cause, par sa propre piece & ancienne vsance produite par luy au proces, & passer condamnation à son seul dire: pourueu aussi que telle piece soit commune, & qu'eux & les cathol. s'en puissent seruir reciproquement contre luy, selonc sa teneur, & qu'il la suiue cōme veritable en tous ses poincts, ce que ne fut iamais denié en iugement par le moindre iuge de l'ormeau de Gentilly.

Le R. de N. & apres luy to<sup>9</sup> ses escriuains à louage & à pris fait, preuoyant la force de cest argu-

ment, & comme en consequence que la religion cath. est prinse pour la loy de religiō du royaume, il est necessaire que le Roy, aussi bien que tout autre y soit subiect, & en face profession, & que de la coustume de religion obseruee en la succession des Roys, & luy & tout autre doit estre, pour leur succeder, aussi bien religieux & cath. que masse, il s'est aduise d'une responce la plus captieuse & inuile (sauf la correction) qu'il est possible de penser, & laquelle seroit plus seante à vn Charlatan de Venise, & crieur de Teriaque, ou bien à vn bō Machiaueliste, qui parleroit au plus loin de sa pēsee, en fait de religion, que d'un bon religieux, tant ses escriuains luy font dire & souzcrire ce qu'il leur plaist, sans iugement ( nous disons sans iugement, par ce que ce sont choses trop apparement fauces, lesquelles toutesfois le rendent condamnable par sa propre bouche, & font que luy mesme dresse & signe la sentence d'exclusiō, chose si esloignee de la prudence humaine, que nous sommes cōtraincts y recognoistre du fait de la sagesse de Dieu, qui fait, dit l'Escripture, que ses ennemis se condānent par leurs propres paroles ) il dit dōc que noz Roys & Princes heroïques ont defēdu l'Eglise & nō pas les abus: qu'ils ont commandé & soustenu la doctrine de nostre Seigneur, fōdemēt vnique de l'Eglise, mais qu'ils n'ont laissé à réformer: & à se plaindre des abus introduits: que de sa part il tient mesme doctrine, & est de mesme Eglise qu'eux: & qu'il ne se plaint & ne proteste que des abus. mais q̄ ce desir ne lui doit point estre imputé à heresie, ou à inimitié contre l'Eglise: & que c'est la seule cause du Schisme & du différent



dont il est aujourdhuy question en l'Eglise.

Il faudroit vn long discours pour discourir au monde & refuter la malice piperesse (ainsi s'appelle S. Paul parlant des heretiques) qui est en ce langage. Mais nous ne toucheròs que succinctement, ce, qui peut seruir à nostre propos. Il faiet distinction de la doctrine de l'Eglise & des abuz qui y sòt la doctrine estant le fòdemèt, & le corps de la maison de Dieu, les abuz la balieure & l'ordure, qui est dás icelle. De cela nous en sommes d'accord, estât entendu sainement: & adioustons pour explication, que la corruption formee de la doctrine de la foy en Iesus Christ s'appelle heresie, & la corruption du cult exterieur des mœurs & la discipline Ecclesiastique se nomme abuz. L'une regarde le deuoir interieur, l'autre l'exterieur. L'une consiste en l'entendement, l'autre consiste en action exterieure, ou bien volonté interieure. L'une blesse à mort la foy, l'autre l'empuantist & difforme le diuin seruice, noz mœurs & la police exterieure. L'une tue l'ame la priuant de la foy, qui est sa propre vie, l'autre la debilité & l'affoiblit. L'une nous met du tout hors l'Eglise, & l'autre nous y retient bié que mal sains. L'une nous despouille de toute pretention, conseil, voix, opiniõ & autorité en ce que concerne l'Eglise, comme n'y ayant plus ny part ny quart, de maniere qu'estant vne fois chafsez hors & declarez separez d'icelle, elle ne peut rien plus sur nous, comme aussi nous ne voyons point qu'elle s'épésche à politer l'Eglise des Ministres, ny la Sinagogue des Iuifs, l'autre nous y laisse le mesme rang que nous y auions. Brief le differet pour l'une rend les contentieux heretiques, &

*Differences  
de l'abuz  
& de l'heresie.*

le different pour l'autre les rend aucunement Schismatiques: mais entierement (dit saint Augustin) quand c'est avec separation du corps de l'Eglise, & des pasteurs d'icelle.

Il dit de plus que noz Roys & le royaume ont bien ordonné de suivre la doctrine de l'Eglise, mais qu'ils ont desiré & recherché la reformation des abus, Nous acceptons ce dire. Il adiouste, qu'il est de mesme doctrine & Eglise, qu'eux, & qu'on n'est en different, que des abus, & qu'il ne preted que la reformation d'iceux, n'estant raisonnable tenir pour heretique celuy, qui dit que l'Eglise a besoin de purgation. Nous respondons qu'il fait les cathol. trop sots & ignorants, de penser qu'ils ne le tiennent heretique, que pour ceste occasion, & de plus que s'il ne cherche que la repurgation des abus, à la façon de noz anciens Roys, qu'il ne deuroit donc point esmouvoir, non plus qu'eux, tant de tragedies en la chrestienté, qu'il fait, moins faire des assemblees separees, & vne bande & forme d'Eglise toute nouvelle, & (comme parlent les saints Peres) eriger chaire contre chaire, cene contre cene (bien que les anciens disent autel contre autel, monstrant que le sacrifice de la Messe estoit pratiqué vnaniment de tous, tant heretiques que catholiques) ministre contre ministre. Mais laissons cela, & tout ce qui touche le point de conscience aux Theologiens, & à esplucher si ce que le R. de N. & les Calvinistes, mettent, & veulent faire passer par abuz, en est, ou non: si ce n'est que nettoyer & repurger la maison au dedans, que d'en faire vne nouvelle, en changeant le fondement par le changement de la foy & de la do-

doctrine: si aussi estant hors de l'Eglise, il est receuable à opiner, ou à s'entremettre de son mesnage & de sa police: & si cela peut bié accorder ensemble, qu'il n'en veut qu'aux abuz, & que toutefois il s'est departy de nostre Eglise cathol. par ce que la doctrine n'en valoit rien, & que par consequēt elle n'est point Eglise.

Nous nous contiendrōs dans les bornes & termes de nostre subiect pour dire qu'il nous suffit que le R. de N. accorde que l'Eglise & la doctrine de noz Roys & peres, qui ont estably & obserué la loy de religion du royaume ont tenu & deffendu la vraye Eglise & doctrine de Iesus Christ, & qu'accordant qu'il est de mesme religion qu'eux il confessē & cosent que tous leurs successeurs en doiuent estre de mesme, & partant qu'il ne peut estre Roy ny n'est aucunement receuable à estre tolleré, moins à estre ouy en toutes ses pretensīōs sur la royauté, qu'autant que ce qu'il met en auāt, soit vray & bien verifié deuēment prealable, c'est à sçauoir, Qu'il tienne la mesme doctrine, & qu'il soit de la mesme Eglise que les Roys, & noz peres ont tenu & deffendu selon la loy du royaume, & notammēt Charlemaigne, Philippe, & S. Loys, qui sont particularisez par Mornay, bié qu'il leur impose des liures & faicts tous faux, & qu'aussi nous sçachions que tel dire en leur peut prouenir de cœur: par ce que c'est contre le sentiment, & la foy des Ministres, & de ceux de la nouuelle opinion. Toutefois d'autant que c'est vne question de fait, & qu'il n'y a si petit enfāt, qui n'en puisse estre iuge, nous nous en remettons à ce que chacun en peut penser & cognoistre. Car il n'est pas moins

certain, ny moins difficile à verifier, que la foy du Royaume & la doctrine des Cath. depuis cinquante ans & leur Eglise est la mesme, que celle de sdits Roys & ancestres, & non celle que le Roy de N. diët tenir & defendre: qu'il est certain & qu'il se peut prouuet que le soleil de present est le mesme & non autre, que celui qui estoit de leur temps.

Mesmemment enuers ceux qui n'ont point le sens commun renuerse, & que Dieu n'a point ietté en sens reprouué comme enuers vn Estat si chrestien que le nostre, & les vrais catholiques, desquels il est composé, & qui en sont asseurez par tât de certitudes. Et soustenir le contraire, cela n'a non plus de garbe, que si l'on soustenoit que le soleil est obscur, & que la nuit est claire & lumineuse. Les seules fondations & dotations des hospitaux, & Eglises soubz le nom des saincts, les seuls testamens de noz Rois & maieurs, qui les chargent & nous de faire dire des Messes, & prier Dieu pour leur ame, & de paier pensio, réte, ou autres deuoirs à ces fins: la seule masse & construction, ou biē, si vous voulez les seules ruines des Eglises, qui restent souz le nom des saincts avec marques d'Autels, Croix & images: la seule conserance de la maniere de ordonner & establir les Pasteurs en leur Eglise, avec celle des Calvinist. & des seuls noms d'Euesque, Prestre, Moine, &c. avec ceux de Ministres, Surueillâr, Ancien, Consistoire, &c. la seule diuersité ou contrariété d'administler les Sacremēs, d'adorer Dieu & prier les saincts par Breuiaires, Messelz, Baptistaires, heutes de Nostre Dame, & à certaines heures du iour, matines, Prime, Tierce, &c. cōme nous, ou par ceste nouueauté des Pseumes de Marot

Catechismes, & oraisons de Beze & de Calvin, & es iours par eux destineez aux prieres, leurs versios de la Bible, la confessiõ de foy de leurs Eglises cõposee à Poissy, rapportee avec celle de nosdicts Rois & maieurs sans autre marque de cõmencement, que des Apostres: la suppressiõ qu'ils font de tout le cours & droit canon: brief la face & le seul visage ancien & ordinaire de l'Eglise Gallicane semblable à celuy de nostre temps en toutes ces disciplines, obseruations, comportemens, ceremonies, & enseignemens, comme estant choses toutes contraires à la façõ & nouveauté de l'Eglise des Calu. & lesquelles ils abhorrent & prennent pour abuz & corruptiõ, ne sont-elles pas plus que suffisantes pour conuaincre apertement leur imposture, qu'ils puissèt estre de mesme Eglise & doctrine en la foy, que noz peres, ny moins qu'iceux ayēt tenu pour abuz ce, que ceux cy y veulent cõprendre? Le nyer apres tout cela n'est-ce pas autāt que nier, qu'il est iour en plein midy? L'improbité & la meschanceté de l'heresie (disoit S. Athanase en cas semblable contre les Arriés) est suffisante à desmentir & descou-  
 urir l'ignorance des siens propres: (la disans ancienne) & ceste seule nouuelle, maniere de liures rend  
 l'heresie Arriane de mesme tēps & antiquité qu'ils  
 sont. Car elle demonstre assez le commencement  
 de la foy d'icelle, & quand est-ce qu'ils ont com-  
 mencé à croire & à l'embrasser. Au cõtraire toutes  
 les choses dont noz Rois & maieurs ont vísé &  
 hors l'Eglise & dās l'Eglise, ne mōstrent & tesmoi-  
 gnent elles pas que leur foy & religion à esté toute diuerse, & contraire à la Caluinienne, aussi clere-  
 ment, que les rayõs & la clarté du soleil monstret

& tesmoignét le propre soleil:& comme les effets du soleil present cōforment aux anciē mōstrēt que nōstre soleil est le mesme que celuy des anciēns?

Les pancarres, qui nous restent des fondations de Clouis, ne portent elles pas en mots expres que c'est pour dire la Messe en recognoissance des graces de Dieu, obtenues par l'inuocatiō & intercession des Saints de Paradis & notāment de saint Pierre & de S. Paul? Charlemaigne n'a il pas esté par deuotiō à S. Pierre de Rome, & au S. Sepulchre en Hierusalē, & à S. Iaques en Galice? & n'y a-il pas laissé de grands dons & donations? N'a-il pas basti & fondé vn tres-grād nombre d'Eglises & Abaies non seulemēt des thresors & despouilles des ennemis & infidelles: mais ayāt laissé à ces fins par testament les deux parties de ses propres meubles & deniers tant pour y chanter les louanges de Dieu, que singulierement pour l'adorer par le S. Sacrifice de la Messe: Quant à S. Louys, qui est le chef de la famille de noz Roys & de celle de Bourbon, toutes ses actions confites en religion ne tesmoignent elles pas assez sa foy catholique & si vous voulez, Papistique? Il rachepre à gros pris des Venitiens vne partie de la Croix du Sauueur, l'esponge & le fer de la lance, pour les mettre en sa sainte Chapelle de Paris. Il fait obseruer par toute la feste du corps de Dieu instituee pour lors par le Pape Urbain. Est-il prins à Damiette par les Sarrazins, il dōne en hostage la sainte Hostie & la rachepre d'une raison du Roy, tesmoing, qu'à ceste occasion la marque des tapis Quairins est vn Calice avec l'Hostie lugent les idiots par ces exēples sans plus, si la foy du Roy de N. se peut rapporter à la



leur, & si elle se peut dire la mesme : attendu qu'il soule aux pieds ces precieux & sacrez gaiges, & notamment la sainte Hostie à la façon des heretiques les Donatistes, cōme escript Opatrus. Ioinct l'enqueste, qui est aisee à faire pour veriffier, que les autres nations, estats, & prouinces, qui ont receu la foy Chrestienne de noz Roys, Pasteurs, & Peres n'ont rien aprins d'eux qui sente, ou s'approche de la puanteur de ces nouuelles opinions. Et si d'ailleurs l'ancienne & continuelle doctrine de l'Eglise Françoisse n'est la vraye doctrine de l'Eglise catholique, il n'en y à eu donc iamais aucune, ne se lisant point, qu'il y aye eu oncque vn seul Ministre en l'Eglise, lequel deuant 30. ans aye creu ou presché la loy ou la foy, que tiennent les Cauinistes. Si le R. de N. ne peut donc & par noz loix & par sa propre promesse & cōfessiō estre receu Roy estant heretique, & ne tenant le vœu & le sermēt, qu'il à fait si souuent & deuant Dieu & deuant les hommes d'estre catholique qu'autant que nostre foy & celle de noz Roys & peres est detestable, & que necessairement, pour le recevoir iustement & par raison, il nous la faut premierement condamner telle, & nous declarer tous ensemble avec noz peres & Roys bons athees, gens qui en effect ont este sans Dieu, sans loy, & sans la vraye religion, & en fin d'estre l'apast du feu d'enfer. Nous sommes bien les plus niaiz & aueuglez, ou les plus mechans du monde de le recevoir estant Heretique, s'il n'a aucune raison vallable pour foy, si ce n'est d'autāt que son heresie est la foy Chrestienne & la loy de France receue par Clouis & obseruee de siecle en siecle en ce Royaume, & que les songes de

les Ministres, qui y sont contraires diametralemēt  
 sont la parole de Dieu, & les secrets de s<sup>on</sup> cabinet.  
 Quelle cause de iustificatiō ou excuse peuuent  
 pretendre les catholiques de le recepuoir & ap-  
 prouver pour Roy, tous tels dites estans aparem-  
 ment faux, & que iceux sont si certaines qu'il n'y  
 à eu iamais en France depuis Clouis autre religion  
 receue que la leur, & qu'il n'y à point de grace de  
 Dieu ny de salut horsicelle: voyans aussi que ceux,  
 qui tiennent les opiniōs du R. de N. & des Hugue-  
 nots, sont non seulement par les catholiques, mais  
 aussi par les Lutheriens, & tous autres Euangeli-  
 ques de nostre temps ennemis des Carth. (& qui se  
 vantent toutesfois auoir l'esprit de Dieu & enten-  
 dre seuls l'escriture) tenuz pour heretiques, & sub-  
 iets à damnation eternelle & aux peines des loix  
 ciuiles? Qui voyent finalement que tous eux, n'ōt  
 & ne sçauent alleguer autre principal fondement  
 & cause de leur foy que celuy mesmes qu'ont eu  
 les Donatistes (dit S. Augustin) & tous heretiques,  
 & tous les plus grands fols du monde: c'est à sçauoir,  
 leur propre volonté, sentiment, & imagination  
 qu'ils donnent au sens, & interpretation de  
 l'Escriture, que sans probabilité, que ie ne dise as-  
 seurance, ils osent baptiser, ou nommer inspira-  
 tion & reuelation particuliere du S. Esprit.

*Quod vo-  
 lumus fa-  
 ctum est,  
 discent les  
 Donati-  
 stes.*

Nous sçauōs bien qu'ils disent pour charmer les  
 pauvres gens, que c'est la Parole de Dieu, qui est la  
 cause, l'appuy, & le fondemēt de leur foy, cōme si  
 les catholiques, en auoient quelqu'autre. Mais quād  
 on vient à chercher, esplucher, & disputer du sēs d'i-  
 celle, sur lequel est toute la difficulté & vuydange  
 des points controuerfēs, ils le cherchēt en eux mes-  
 mes,

mes, & en la conference des passages tirez à leur guise, ils n'en font ny n'en veulent autre iuge, que leur cerueau creux, & leur conceptiō particuliere, qu'ils s'imaginent soudain & se persuadēt en vrais fols & Sibillots de Cour, venir de Dieu. Et par cōsequēt leur cōceptiō & entēdemēt estant la seule premiere cause du sens, qu'ils donnēt à l'escriture & à leur foy, eux-mesmes se sont tres-manifestement autheurs de foy: & monstrēt qu'ils se cōstituent Dieux sur eux-mesmes. Voilā certainement vne grande tēratiō à ceux, qui ont des yeux pour leur adiouster foy: voilā vne occasion biē vrgente d'estre ou fauoriser l'Huguénot, ou bien de se départir de la foy Cath. & du vray sens de l'escriture reuelé generallement à toute l'Eglise par le S. Esprit, suiuant la promesse de Dieu, qui ne peut mētir, verifié, cōforme, & authorisé par le cōmun accord & consentemēt de ceste grāde generalité & cōmunauté de tous les Chrestiens de tout temps & de tous lieux. Par consequent voilā vne belle defence ou couuerture aux Cath. receuans vn Roy heretique, s'ils ne le peuuent faire n'humainemēt ny en conscience, qu'autant que c'est directemēt cōtre leur propre foy & creance, & qu'il faut que ils accordent & confessent faulusement, que l'heresie des Calvinistes est cōforme à ceste loy Chrestienne & Catholique, receuē pour loy d'estat du roiaume par Clouis, Charlemagne, S. Loïs & leurs successeurs: que la foy & doctrine, qu'ils tiennēt, y est du rout cōtraire: & que tous nos Rois & peres ont esté abusez en la faction & obseruation de la principale loy du Roiaume.

C'est à la verité le principal point & le plus de-  
P

cisoire du doute de l'exclusiō du R. de N. enuers  
tous ceux, qui veulent iuger d'une chose selon sa  
nature & d'un estat selon les loix, coustumes, &  
droits. Car nous ne pēsons pas, qu'il soit possible,  
que personne doute qu'en general, le deuoir du  
Roy ne soit d'auoir religion & notāment d'estre  
Chrestien, aussi bien que masse: & q nous n'en deu-  
uōs point receuoir ne toller d'autre en vn roia-  
me appartenāt à Iesus Christ, cōme est le nostre. Si  
nous estiōs tous asseurez, cōme sont les vrais Cat.  
que qui ne tiēt la foy Cathol. Apostolique & Rom.  
n'est point chrestien, & n'a point veritablement de  
religiō, ny ne croit en dieu, nous concludrions bien  
tost que nul, soit heretique, Iuis, ou d'autre se & de  
de religiō, brief qui ne soit Cathol. ne doit ny ne  
peut iustement, non plus que le plus grand faquin  
& roturier du monde, estre Roy de France.

*Les seuls  
Cat. sōt les  
vrais & le  
gitimes iu-  
ges de la  
questiō pre-  
sente.*

Il nous suffit que nos raisons soient receuēs, iu-  
gees & approuuees des seuls Cathol. tant pour ce  
qu'ils ont leur iugement esclairé de la lumiere di-  
uine & naturelle, & qu'ils sont les maistres & iu-  
stes possesseurs du royaume: mais principalement  
par ce qu'ils vivent & iugēt par les loix & formes  
anciennes, & qu'ils entendent mieux, que tout au-  
tre, les loix, qu'eux-mêmes ou leurs peres ont fait:  
& avec lesquelles ils ont vescu tant de tēps: & se-  
lō lesquelles ceste matiere aussi se doit vider: Si  
l'on ne veut, que la voie de fait & de droit de biē  
seāce l'éporte (ce que nous esperons que Dieu ne  
permettra point, quelque enuie qu'en ayent les  
malings) aussi par ce que nous tenons avec l'E-  
criture tous les heretiques pour contēueux, auen-  
gles, reprouuez de Dieu, & de sens peruersty &

bouleuerfé. Et que d'ailleurs no<sup>e</sup> ne pésous point qu'il soit imaginable, que les Atheistes (qui sôt le troisieme party, & lesquels sont de la grande & troisieme religiō, dans laquelle & Catholiques & Huguenots sont d'accord ensemble d'y comprendre tous ceux qui ne sont des leurs) soient les vrais iuges de ceste matiere, non plus, que les aueugles des couleurs, & les foux de la raison. Mais quant bien ils en seroient, encoresne pourroiet-ils iuger humainement ny sainctemēt d'un Estat particulier, que selon les loix, vs, & coustumes propres & particuliers d'iceluy, & contre l'innouation & le changemēt de religiō. D'autāt qu'il emporte avec soy le chāgemēt ou alteration de tout l'Estat, cōme disoit ce Payē Mæcenās à Auguste l'Empereur & cōme le renuersement du fondement emporte avec soy la ruine de la maison. D'entrer plus auāt en ce sujet, si ceste loy d'estat, qui ordonne à tous François de tenir & suiure la religion Catholique en France, est iuste ou non, & si la coustume obseruee en la succeſsion des Rois pour la religion, est contre Dieu & les bonnes mœurs, nous nous en mettrons aux Euesques & aux Theologiens: outre que politiquemēt ce doute n'est receuable aucunement. Par ce qu'aussi ce seroit sortir trop loing hors du propos, qui ne tend seulement qu'à monſtrer, que la foy & la religion des Catholiques est la loy principale du royaume & notammēt de la succeſsion des Rois, avec laquelle, selon laquelle, & par laquelle le royaume a prins son estre, il est né, il a creu, vescu, duré & prospéré par le passé, & tous nos Rois ont succédé l'un à l'autre depuis Clouis: Et que partant tout vray François soit

Roy ou sujet, est obligé par deux principales fortes d'obligation de tenir la religion Catholique: l'une comme Chrestien, par ce que c'est la loy de Iesus Christ, auquel toutes creatures doiuent obeissance: l'autre, cōme François, & par ce q̄ c'est aussi la loy du roiaume: à laquelle tout bō François doit obeissance & respect. L'obseruatiō & l'accomplissement de ceste-ci le rēd participāt & capable des honneurs, biens, repos, & cōmoditez temporelles du roiaume: & l'obseruatiō de l'autre, le rend participāt des biens & de ceste vie, & de la future, cōme la trāsgressiō de l'une & de l'autre luy apporte tout le cōtraire. Mais le Roy futur y est obligé sur tous, s'il veut recueillir la saccellion des Rois Cat. & commander à vn peuple & Estat Catholique. Si tout vray & naturel François doit plustost mourir, que d'ēdurer que la loy ou coustume Salique, ou autre sēblable loy ou coustume du roiaume & de l'estat soit en rien enfraincte, que doit-il moins faire pour la loy Chrestienne, qui n'est pas moins q̄ loy du roiaume: ains la principale & la fondamentale: Et si elle chasse l'infidelle & singulierement l'apostat, & l'heretique du roiaume, comment le peut-il donc, son honneur & sa conscience sauue, toller ny recevoir à Roy, & luy bailler cōmandēmēt sur le roiaume? A plus forte raison qui osera declarer le R. de N. absous & exēpt de ceste loy diuine, royale, & François, qui prouient d'ēhault & est receuē en l'Estat & de tous ceux de l'Estat? Lesquels quād bien ils l'appelleroient & preferoient d'un costé pour raison du sang masle, ils l'excluent & le chassent de l'autre beaucoup plus clairement, pour raison de son heresie. Qui osera

*Tout bon  
François doit  
plustost de-  
fendre la loy  
Chrest. &  
Cath. que  
la Salique.*



au contraire non seulement ne le contraindre à reuenir à l'eglise, mais le maintenir & fauoriser en son heresie? l'admettre à la successiō du roiaume? & se soufmettre volontairement à luy obeir. Qui osera le tenir pour bon François, voulant renuerser la loy & coustume principale, & oster ce qui est de meilleur en France : s'il ne veut luy-mesme perdre le nom de bon & de vray François & d'amateu des loix de sa patrie? & estre dit à iuste tiltre Biarnoïs, Nauarroïs, ou estrangier?

Et par consequent qui ne veoit euidēment, que ces Princes de Lorraine qu'ils appellēt estrangers, sōt meilleurs Frāçois & plus amateurs de nos loix de beaucoup, que le R. de N. qui est Biatnes, & aussi estrangier de naissance, que de religion & de mœurs, ny que tous autres Princes du sang, qui voudroient abolir & s'opposer à telle loy & coustume de religion, & par consequent à toutes les autres loix & coustumes du roiaume? & lesquels neantmoins ne se vantent de rien tant, que de ce nom de bons Frāçois, d'estre de la maison de Frāce, & aimer la conseruation de nos loix sur toutes autres? Qui ne voit aussi que se bandāt contre telle loy ils ne sçauoient mieux se declarer ennemis coniurez & aduersaires capitaux des loix fondamentales de l'estat? Que poursuiuās la violatiō ou suppression d'icelle ils ne peuuent rendre qu'à la subuersiō du roiaume, & que se formalisāns cōtre telle loy, ils ne sçauoiēt euitier qu'ils ne se formalisent contre la loy principale & fondamentale du roiaume, sans laquelle, tout ce qui reste des loix, n'est pas seulement moins que rien, mais ne peut estre que cōfusiō, iniustice, ordure, & abo-

*L. R. de N.  
estran ger.*

*Ceux qui  
ne deffen-  
dēt la reli-  
gion Cath.  
sōt les vrais  
ennemis du  
roiaume.*

mination & selon Dieu & selon le iugement du roiaume & de nos peres gardé inconculsement.

Finablement si la loy de religion est la loy de toutes les loix d'un estat: si la coustume en la religion est la principale de toutes les coustumes: si l'usage en la succession & reception de nos Rois est la principale regle & loy, qu'on doibue observer: si la religion est le fondement de la construction & fabrication du roiaume, & de la Majesté & authorité royalle, comme il ne peut estre bastimé quelconque assureé, ny qui merite le nom de Palais ou maison, lequel n'aye vn fondement bõ, ou tel quel: Aussi nulle assemblee ou communauté de gens peut estre appelée roiaume, ny vne loy loy, ny vn Roy Roy, sans religiõ telle quelle. Si le fondement est mauuais & ruineux, la maison est mauuaise & ruineuse. Si la religion n'est vraie, le roiaume, la loy, le roy ne sont point vraiment tels, mais seulement autant, que l'opinion des hommes à lieu, & les estime tels. Si la religiõ est l'ame d'un roiaume, cõme celuy ne peut estre vray homme, qui est sans ame, aussi le roiaume ne peut estre vray roiaume, qui est sans religion. Et cõme l'on doit faire le fondement d'autant plus profond que l'edifice doit estre haut & de grande masse & poids: aussi la religion est d'autant plus requise & necessaire au Roy, qu'il est plus eleué en autorité, que tous ses sujets ensemble. Et d'autant qu'au sentiment & iugement de tout le roiaume & de tous les trois Estats, depuis Clouis (qui est a preferer à celuy des Rufians & Apostats, ou moines reniez.) Il n'y a autre vraye religion, que la Catholique, Apostolique, & Romaine, aussi autre ne peut estre

*Le bon Et  
assuré fo-  
ndement d'un  
Roiaume  
est la reli-  
gion.*

Roy au iugement de tout le royaume ancien & present, qui ne soit de ceste religion Apostolique, & Romaine.

Si les infirmités & defauts ordinaires du sexe féminin empêchent la plus vertueuse fille ou femme, & le plus sage personnage sortât d'elle, qu'ils ne puissent estre receus à estre Rois de France, ceste putain d'heresie, laquelle sans aucune cōparaison est accōpagnée non seulement d'infirmités, mais de tous les vices de son espoux Sathan (dit S. Cyprien) se trouuera elle plus fauorisée en vn royaume si tres-Christien? Si les François ont eu le soing de pourueoir par la loy, qu'ils appellent Salique, contre les defauts de la femme, en ce qu'ils pouuoient estre contraires au bon reglemēt de la société humaine, y a-il apparēce, qu'ils ayent esté si oublieux & non-chalās de pourueoir par la mesme loy Salique ou autre, appelez-la comme vous voudrez, contre ceste vilaine & abominable heresie? Qui n'a ny honneur, ny craincte de Dieu, & laquelle n'est pas moins dōmageable à l'Estat, que la femme vertueuse: ains au cōtraire elle a route disposition & habitude à meurtres, faulces opiniōs, & à toute sorte de maux & malheurs, pour la cōfusiō & dissipatiō de la tranquillité humaine, & de tout Estat. Si la coustume ou loy Salique admet les Roines Meres à l'administration du royaume, durant la minorité des rois, comme il a esté souuent iugé & mesmes par les Estats generaux d'Orleans & que nous l'auons practiqué au grand bien de tout l'estat en la personne de la Roine Mere, & qu'au contraire la coustume & loy ancienne du royaume exclud de toutes charges & fonctions

*L'heresie est  
empesche-  
ment plus  
grā d à ce-  
luy qui doit  
estre Roy  
que le sexe  
féminin.*

soit publiques, soit priuees, les heretiques : qui ne voit clairemēt que l'heresie a esté tousiours tenuē en toutes façons de pire conditiō en ce royaume, que le sexe & estoc feminin? Et si chacun iuge nō receuable, ains execrable celuy, qui se voudroit iuger au royaume cōtre la premiere loy, ou fair e tomber la couronne en quenouille, pourquoy ne nous sera abominable & anatheme celuy, qui se voudroit pretendre Roy contre la seconde? & qui voudroit faire tōber la couronne en heresie, chose non moins nouuelle, prodigieuse, & domageable, que l'autre? Car tout ainsi, dit Plutarque, que les bons veneurs ne cherchent pas ce qui est né du bon chien, mais le chien mesmes, qui soit bon: ny vn escuier ce qui est né d'un cheual, mais le cheual mesmes, qui soit bō, aulli l'on doit plus regarder, quel est vn Prince en sa religion, que nō pas, de qui il est né, combien que cestuy ne soit à mespriser. Mais aura-on plus d'esgard au corps masse issu d'un Prince de sang royal, qu'à l'ame effeminee, anorcie & engēdree du Prince de ce mōde, la sentēce de S. Paul demeurāt inuiolable, Que les enfans de la chair seule ne doiuent point estre reputez enfans, & y tenir lieu en la successiō d'Abrahā & des Chrestiens: ains ceux seuls qui sont enfans & successeurs de la foy?

*Certaines  
infirmitez  
du corps &  
de l'esprit  
mēt empes-  
ché que le  
Prince du  
sang plus  
proche n'est  
reueu Roy.*

Si estre lepreux (cōme le Roy Osias, qui en fut depose) si estre hors de son sēs humain, voire pour l'indisposition du corps, est vne exclusiō à toutes charges publiques, & mesmes à la roiauté, que sera ce d'estre forcené, hors de foy, & contre le sens cōmun de Dieu & des fidelles à l'ocasiō de l'indisposition causee par l'heresie: qui est vne furie

beaucoup plus à fuir & dommageable au iugement de S. Augustin & des saints Peres, experts en cela : puis qu'au premier il n'y a à considerer ou craindre, que l'inhabilité & incapacité à s'acquitter de la charge : & au second, non seulement cela, mais vne contrariété & opposition à ce, qui est du principal deuoir d'icelle? Car ie ne pense pas qu'il y aye Chrestien quelconque, qui nie, que la principale fin & charge d'un Roy Chrestien, & mesmes de celuy de France ne soit de seruir Dieu & Iesus Christ, & auoir soin de conseruer sa religion, & de tenir la main à l'exécution de ses loix. Qui pense autrement, presuppose vne autre fin, qui Dieu & Iesus Christ : & partât est vn vray Iuif, ou athee. Qui croit aussi & ne peut ignorer que l'heretique, quel qu'il soit, & quelque beau bec qu'il aye, est du tout non seulement inhabile, ains tout contraire à telle fin, il est bien auetugle & contraire à soy-mesmes, s'il estime qu'un heretique puisse estre Roy de France.

Si le droict de sang & de succession, qui appelle les masles à la roiauté, n'est point rompu ou violé par l'exclusiō d'un fou, ains qu'il l'emporte en soy tacitement, d'aurant que sans autre expression il s'entend assez entre les hommes, & par le commun iugement naturel de tout hōme, que le Roy doit estre exēpt de folie : tout de mesme il n'est nō plus enfrainct par l'exclusion d'un heretique, d'aurant que sans autre expression il s'entend assez entre les Chrestiens, & par le commun sentiment des François & des Cath. que le Roy de France doit estre Chrestien & Catholique.

Si la tyrannie est estimee cause legitime pour la

*L'heresie est  
vme tyrannie  
plus grâde  
que tout  
autre.*

destituô des Rois, & que plus grâde ne se puisse  
imaginer, q̄ celle, qui ôste les loix fondamētalles  
de l'estat, qui abat & supprime la loy de la religiō  
Cath & faiēt la guerre à Dieu, & qu'au consente-  
mēt & accord de tous, l'heresie soit de telle nature  
& cōmādemēt. Qui peut douter qu'elle ne soit  
vne cause plus q̄ legitime, pour empescher d'estre  
Roy, singulieremēt d'un royaume si biē policé que  
le nostre, & puis qu'il y va de la vie de l'ame? Si se-  
lō l'opiniō des Iuriconsultes & notāmēt d'Alciar  
tout Roy est tenu de faire droit & iustice par soy,  
autremēt il peut estre priuē, & cela par le droit des  
gens, que sera-ce de celui, qui avec son heresie ne  
peut cōmettre q̄ toute iniustice & cruauté, & qui  
desia aūt qu'estre Roy emploie toutes ses forces  
& moies pour abo'ir la vraie iustice chrestienne, &  
pour effacer la memoire de l'auteur qui est Iesus  
Christ: lequel ne peut estre vrayemēt cognu, seruy  
ny honoré, que par la religiō Cath. Qui ne iugera  
celuy-là nō seulemēt indigne d'estre admis, receu,  
& tolleré pour Roy entre les Chrestiens, mais  
aussi qui ne conclura à sa demission & depositiō?

*Le R. de N.  
indigne de  
succeder  
pour auoir  
prin les ar-  
mes contre  
le Roy &  
le royaume.*

Si nous lisons que par plusieurs Arrets donnez  
cōtre quelques maisons du sang elles ont esté pri-  
uees du droit, qu'elles pouuoient pretendre à la  
successiō du royaume, pour auoir porté les ar-  
mes contre les Rois, & que ceste mesme cause se  
trouue outre l'heresie au R. de N. qui les a portees  
si souuent & si cruellement & contre le Roy, &  
contre Dieu, & contre son Eglise, & contre les  
Cathol. François, comment peut-on opiner de le  
recevoir pour Roy?

Si nos anciens François ont depōsé & desmis



leurs Rois, qui estoient les plus proches du sang  
 masse, Childeric fils de Merouce, l'ā 469. Eudo, &  
 vn autre Childeric l'an 579. Theodoric l'an 668.  
 Chilperic l'an 750. Charles le Gros l'an 891. Odon  
 l'an 890. Charles le Simple l'an 926. & en ont mis  
 d'autres en leur place, ayant pareillement exclus  
 & priué de la succession de Louys 5. Charles Duc  
 de Lorraine, son oncle, & mis en son lieu Hugues  
 Capet, qui en estoit fort esloigné, ou du tout estrā-  
 ger, comme les Huguenots en leur Gaule Frāçoise  
 ont sceu recueillir soigneusement, & conclurre  
 de nos anciens Historiens, & ce seulement pour  
 cause de la dissolution & paillardise, de l'insolēce  
 & auarice, de la faineantise, follie & simplese, ou  
 d'auoir fauorisé les Reistres contre la France: Cō-  
 bien à plus forte raison eussent-ils non seulement  
 empesché l'establissement du Roy de Navarre  
 heretique à ceste couronne, ie dis quand mesmes  
 il seroit le plus proche, & exempt de toutes ces  
 belles fleurs: mais aussi l'eussent-ils depossédé à  
 cause de son heresie, esleu ou receu vn autre en sa  
 place?

*Diners Rois  
 de France  
 depose pour  
 moindre  
 chose que  
 heresie.*

Il est bien aisé à voir, que les Huguenots sont  
 maintenāt biē penuz d'auoir mis en auāt, & auoir  
 triomphé de toutes ces depositions de nos Rois,  
 n'ayant osé escrire à present le contraire, que souz  
 le masque & nom supposé des Cathol. Quand ils  
 ont pensé pouuoir estre les curateurs de nos Rois,  
 & despouiller durant leur minorité, & renuoyer  
 la Roine mere en Italie, comme ils se vantoient,  
 ils tenoient que les estats & le peuple estoient par  
 dessus les Rois, qu'iceux estoient electifs & desti-  
 tuables pour plusieurs & diuerses occasions. A ceste

*Les Hugue-  
 nats ont en  
 bouche tant  
 de lechayt  
 tantost le  
 froid.*

*Proposition  
des Hugue-  
nots ather.*

heure qu'ils voyent n'y pouuoir plus prétendre par ce moyen, ny par leur faulſe & deſcrite religion, moins par aucū merite, ains ſeulement par l'aide de la force & faulſe pretention de la loy de nature, & interpretation renuerſee de la Salique, ils maintiennent tout le cōtraire en l'Apologie, oſans eſcrire (tant l'herēſie eſt eſfrontee,) que le Roy ne peut eſtre du tout incapable & inhabile, auſſi ennemy de Dieu, & des hōmes. & des loix, & auſſi abādonnee à toute ſorte d'irreligion, atheiſme, impietē, & de meſchacētē, qu'il voudra, ſans que ſes ſujets, ny en gros, ny en particulier, ny en eſtats generaux ny autrement, ny les officiars de l'eſtar, ny autres, luy puiſſent reſiſter, ny qu'ils aient riē que veoir ſur luy, ou ſur ſa receptiō, excluſiō, ou depōſition: ains q̄ le ſeul remede eſt d'obeir, en jurer, & prier Dieu qu'il l'amāde. Belle ſentēce certes, digne de vñ Luciā, & propre pour introduire vñ Iuliā l'Apōſtar, & pour eſtablir en peu de tēps l'atheſme en Frāce, & par tout le monde: & laquelle pour ſa nouueutē ſe peut nier auſſi hardimēt, qu'elle eſt miſe en auāt, ſans loy, ſans autoritē, & ſans exēple, & moins ſans raiſon quelconque. Et laquelle toutefois eſt la raiſon principale & fondamentale de leur pretendue ſuccellion charnelle d'vn heretique & du R. de N. Dieu ſçair ſi en choſe ſi abſurde on les doit croire à leur ſeul dire, & ſi ce ſeul point ne meriteroit pas biē, qu'ils nous produiſent vñ loy auſſi formelle de ce, comme ils en demādent vñ, pour la particuliere expreſſion de l'excluſion du royaume pour herēſie, ou bien vñ ſeul exēple ou preiugē en noſtre Frāce, en faueur d'vn maſle heretique, ou autre non Catholique.

Nous serions tres-marris de rien rabattre de la Majesté & grâdeur ny de nos Rois, ny d'aucú autre estrâger: si est-ce, que, comme toute-puissance est de Dieu, & icelle limitee & bornee de luy, il n'est pas croyable, que Dieu, ny les peuples ayent donné autre puissance aux Rois, que pour edifier, & nô pour destruire & rauager: n'y qu'il y aie loy si grieue, qui aye tellemét assujetty l'homme l'un à l'autre, qu'elle ne luy aie laissé quelque lieu de iuste defence, & resistance. Aussi on ne peut dissi-muler, que les Rois chrestiens, n'ayét esté tousiours sujets à pouuoir estre desmis & priuez en certains cas, ou par le Pape, ou par leurs propres subjects, & ce selon la diuersité des nations & estats comme les loix de chacun pays & roiaumes sont diueres sur l'establissement & la depositiô des Rois. Nous ne trouuons és histoires, tant de France, que des autres nations, & roiaumes, tant Payés, que chrestiens, rien si ordinaire & frequent, que telles depositions, ou pour le moins force resolutiôs, des-seins, & menees pour y paruenir, iusques à les tuer, ou leur mouuoir guerre. Nous l'auons veu pratiquer l'an 1520. contre Christiernus Roy des Danois, lequel aiant esté desmis par le commun consentement de ses subjects, pour sa cruauté, est mort miserablement en prison. Et les Polonnois l'ont bien osé entreprendre sans scrupule de conscience contre le Roy, pour sa seule absence. Et vne cruelle residence de l'heresie est bien pire. Mais

*Les Rois  
Chrestiens  
sont suiets  
à estre pri-  
uez pour  
certaines cas.*

*Grâde in-  
iustice de la  
Roine d'An-  
gleterre con-  
tre la Roine  
d'Escoffe.*

(qui est vne cruauté & tyrânie, dôt il ne s'en trou-  
uera iamais vne plus grande contre le droit des  
gens) vostre Roine d'Angleterre avec son Parle-  
ment, n'a-elle pas desgradé par voye de iustice, de

toute souveraineté Royale la Roine d'Escolle, sans qu'elle puisse auoir, nō pas meisme pretendre aucune autorité, ou droit de iustice sur elle, nō plus q̃ sur l'Empereur. Toutefois s'il y a meschacete, crime, ou forfait, qui puisse priuer aucū de la succession à vne Courōne, nous disons meismes le deposseder, & qu'il ny a point de pire, que l'heresie, qui peut douter qu'icelle n'en soit vne cause treslegitime, meismemēt en ce royaume tres-Christien? Car en tous les autres casde corruptions de mœurs, la difficulté n'est pas petite, si le Roy doit, ou peut estre depossédé ou priué: mais en cestui-cy, ou il y va de la foy, & d'attaquer Dieu directement, en violāt sa religion, & celle de l'estat, il n'est pas de meisme, y ayāt grāde difference de nier & s'opposer formellement à l'honneur qui est deu au Roy, ou de luy faire tort en quelque autre chose legere.

*Raison que  
le Roy ne  
peut estre  
qu'estant  
Cathol.*

Premierement il est certain, qu'en chacune chose il y a des cōditions & qualitez necessaires pour l'estre d'icelle, cōme la forme & la matiere, l'ame & le corps: & d'autres pour le bien estre & la decence commela bonne santé. Celles-icy defaillāt il ne sensuit pas, que l'estre defaille, ains seulement la decence d'icelle. Nous voulons dire, que pour l'estre propre du Roy de France, il y a deux dispositions, conditions & qualitez simplement & necessairement requises, sçauoir, qu'il soit le plus proche masse de la ligne, mais principalemēt qu'il soit Christien & Catholique. L'une & de la nature, & de la loy coustumiere du royaume, l'autre de la grace & de la loy diuine & Christienne, non moins receuē en France pour loy & escripte & coustumiere de l'estat que l'autre. L'une le faiēt

estre fils & membre de la maison de France, l'autre le fait estre fils & membre de la maison de Iesus Christ, & de son Eglise. Toutes deux ensemble font vn estre composé, qui le nomme Roy. L'une ou l'autre defaillant ou manquant, la conjunction & l'estre composé defaut necessairement, comme defaillant ou manquant en l'homme l'ame ou le corps, l'homme defaut. Toutes les autres conditions requises au Roy, ne sont necessaires, que pour le bien estre du Roy, cōme bonnes mœurs, la bonté, l'experience, & suffisance à gouverner, & autres semblables. Pour celles-cy il n'est pas necessaire, qu'il soit priué ou déposé, mais bien pour les autres. Car defaillant en celuy, qui est Roy, les secondes conditions, qui ne sont point necessaires simplement & absoluement, ains pour le bien estre, pour cela n'est pas dict, que la composition soit dissoluë en son estre, non plus que la maladie ne dissout point le composé de l'homme: mais les seuls contraires aux conditions requises de necessité à l'estre, du Roy, rendēt le Roy destituable & personne priuée. Et parce que l'apostasie ou l'heresie est contraire à l'une de ces conditions necessairement requises à l'estre du Roy, sçauoir au Christianisme, d'autant qu'elle change l'estre d'iceluy de l'estat de Christianisme à l'estat d'infidelité, qui est son contraire, ce que les autres crimes ne font pas. Car la foy ostee du Roy, l'estat de Chrestienté est chāgé au Roy, en tant qu'il estoit humain, & en la maniere qu'il peut estre changé par l'homme: & ceste mutation de l'estat de Chrestienté, met le Roy de sa propre nature hors l'union & le nombre des Chrestiens. C'est pour-

*Deux choses necessaires à celui qui veut estre Roy.*

quoy l'apostasie ou l'heresie est celle, qui de tous les crimes peut plus rēdre le Roy destituable, non tant pour la grauité & nuissance du crime, comme pour la mutation qu'il fait de tout son estat, le cōstituant de l'estre de Christianisme à l'estre d'infidelité, & partant de l'estre Roy à non estre Roy, comme vn contraire defaut & celle suruenāt sont contraire, & qu'aduenant la mort cesse la vie. Car puis que le sujet de la roiauté est d'estre homme Chrestien, comme defaillant la vie corporelle par la mort, defaut le sujet de l'homme: aussi defaillant la foy par l'heresie en celuy, qui est Roy, defaut le sujet de la roiauté: mais aux autres crimes le sujet demeure en son mesme estat de chrestien.

*Les sujets  
ne doivent  
obeyr aux  
impies,  
des Rois.*

C'est pourquoy aussi l'Escripture ne nous commande iamais de desobeyr aux Rois, qu'au seul cas d'impieté, & elle excepte notamment le crime de l'idolatrie, & par consequent de l'heresie ou apostasie: car Dieu auoit commandé, que pour ce crime le mari tua sa femme & ses enfans, & donc à pl<sup>e</sup> forte raison il estoit permis de deposer le Roy. Et ne nous cōmande il expressement d'euitier & nous soustraire de tout nostre prochain, pour riō tant, que pour la seule heresie. Mais si pour les autres crimes nous en voulons faire le mesme, il faudroit, dict saint Paul, sortir tout à fait de ce monde.

Nous aiousterōs à ce vne chose, qui semblera de prime-face aucūs estrāge, mais qui n'est pas pour tār moins veritable. C'est que la foy & la religion Cathol. Apostol. & Romaine, est aussi necessairement incorporee & vnīe à la couronne de France, & inseparable de la personne & office du Roy, qu'elle



qu'elle est de tout Euesque, voire de la Thiare du S. siege Apostolique, & de la personne & office du Pape. L'un & l'autre d'ancienne & immemoriable usance & coustume doit estre masle, sacré, & couronné en l'Eglise & par les Ecclesiastiques: & quasi avec mesmes cerimonies & oraisons doit iurer pour le deu de son office à sa receptiō: & faire serment entre leurs mains de l'obseruation de la foy cathol. en faire deslors professiō visible & actuelle de bouche, & ce par diuers actes d'icelle accumulez ensemble. Le Pape est Ecclesiastique, & le Roy est Beneficier & Chanoine en plusieurs Eglises du royaume: le Pape a ses vestemens Pōtificaux, le Rocher, Tunique, Dalmatique, Sādales, Chappe, Mitre, la Croix ou Crosse. Le Roy a ses ornemens Royaux, Sceptre, Courōne, Camisole, Sādales, Tunique, Dalmatique, Mantel dit Surcor, fait à biē pres en maniere d'une chappe sans Chapperon. Le Pape comme Prestre celebre la Messe, le Roy cōme Roy chāte souz luy l'Euāgile. Le Pape cōme Pape Pasteur & Pere doit enseigner la foy, declarer, chasser de l'Eglise, & excommunier l'heretique: le Roy comme Roy protecteur & fils aîné de l'Eglise la doit deffēdre, & est obligé de son office propre (dit saint Bernard à Lothaire) à repousser la rage des heretiques, & de deliurer & sō royaume & l'Eglise de leur infestatiō. Et comme le fils charnel ne peut estre que du sang, & mesme nature du pere: aussi le fils spirituel ne peut estre, que de la mesme foy & religion que le Pere. Le Pape est Euesque constitué de Dieu pour les choses qui se doiuent faire dans l'Eglise, le Roy Euesque constitué de Dieu pour les choses, qui se doi-

*Les ornemens qu'on donne aux Roys lors qu'ils sont sacrez, semblables à ceux qu'on donne aux Papes en leur sacre.*

uent faire hors l'Eglise, ainsi qu'Eusebe nous tes-  
moigne, que souloit dire Constantin le Grand de  
soy faisant comparaison de s<sup>on</sup> auctorité ( laquelle  
est de mesme au Roy ) à celle des Euesques. Si le Pa-  
pe doit estre necessairement chrest. & le Roy aussi:  
l'un en raporte le nom de tres-sainct, l'autre le n<sup>om</sup>  
de tres-Chrestien. Et l'un & l'autre doit estre mē-  
bre de Iesus Christ, l'un le bras spirituel & chef de  
la iurisdic<sup>ti</sup>ō spirituelle en l'Eglise sur les ames: &  
l'autre le bras tēporel & chef de la iurisdic<sup>ti</sup>ō tem-  
porelle au destroi<sup>ct</sup> de s<sup>on</sup> royaume sur les corps.  
L'un & l'autre tiēt sa puis<sup>s</sup>ance immediatement de  
Dieu, biē que differemment. Car le Pape la tiēt du  
tout immediatemēt, l'autre par la loy ou coustume  
du royaume, & de la Rep. qui à trāsferē en luy tou-  
te s<sup>on</sup> autorité. Et quād biē ils ne seroiēt obligez ne  
subiets ( cōme l'<sup>on</sup> dit ) qu'au droit diuin & à la loy  
de Dieu, en signe de quoy sōt tous deux oincts &  
sacrez, nō aux mains, cōme les Prestres, mais sur la  
teste, comme les Euesques ( biē que Roy soit oinct  
en quatre autre lieux ) encores cela mesme seroit  
cause, que en matiere de la contrauention à la foy  
par heresie ou apostasie l'un & l'autre peut & doit  
estre iugé pour le moins par celuy, qui est l'auteur  
de la foy, c'est à sçauoir par le S. Esprit presidant  
selon sa promesse ( qui ne peut manquer ) à l'Eglise  
dispersee parmy tout le monde, ou bien assemblee  
en vn Concile general, ou autre, qui sera delegué  
en iceluy. Comme le Concile de Latran à delegué  
le Pape sur les Roys en tel cas, se reseruant à soy la  
cognoissance sur sa saincteté.

Si le Pape, de ce mesme qu'il est heretique ou biē  
qu'il a esté declaré tel par le Cōcile n'est plus Pa-

pe: aussi le Roy dès qu'il est heretique, ou biẽ qu'il  
a esté declaré heretique par le Concile ou le Pape,  
n'est plus Roy. Et comme le grand Prestre pechât,  
tout le peuple peche, dit l'Escripture, aussi le Roy  
estât heretique tout le peuple est plus enclin a he-  
resie. Et comme c'est l'office du College des Car-  
dinaux & des Princes chrestiens, qui sont les pro-  
tecteurs & defenseurs de la foy & des saincts De-  
crets, de s'opposer vertueusement au Pape qui se-  
roit tel: aussi c'est l'office des Prelats, des Cours  
de Parlement, des Estats generaux, des Princes &  
principaux officiers du royaume qui sont les de-  
fenseurs & gardiẽs des loix du royaume & de l'E-  
stat, brcf de tout le royaume de s'opposer & faire  
reste au Roy, qui seroit de telle qualité. No<sup>9</sup> vous  
laissions à pẽser si à plus forte raison ils ne doiuent  
se formaliser contre la reception & installation de  
l'heretique, qui veut pretendre à la royauté, & le-  
quel est subiect aux loix de Dieu & de l'Estat con-  
tre les heretiques, comme toute autre priuee per-  
sonne. Et comme ce seroit vn paradoxe plein de  
risee, que le Pape peut estre receu estât heretique,  
biẽ qu'il eust le droict de l'electiõ, ou pour mieux  
dire, la pluralité des voix & son acte bien dressẽ:  
aussi ce ne peut estre qu'une opinion bien fade &  
sotte, que l'on puisse recevoir en Roy vn hereti-  
que, bien qu'il aye le droict du sang. Car c'est au-  
tre chose de recevoir de nouveau vn Roy hereti-  
que, autre chose de tollerer celui qui est devenu  
heretique: comme c'est autre chose de se marier  
de nouveau avec vn infidele, heretique, ou Apo-  
star, & autre chose de retenir la femme ou mary in-  
fidele, heretique, ou Apostar. Le premier n'a esté

*Le peche  
du Royeau  
se celuy du  
peuple.*

*Qui sont  
ceux qui  
doimẽt s'op-  
poser aux  
heretique.*

iamais licite en vn royaume chrest, le second est tolerable. Et beaucoup de choses sont tollerees estant faites, lesquelles l'on ne permettroit pas de faire de nouueau. C'est dôc chose certaine, qu'entre les chrestiens & selô leurs loix & vsances, la forme essentielle de ces deux charges de Pape & de Roy de Frâce, & sans laquelle elles ne peuuent subsister, c'est la foy & la religion cath. Apost. & Ro.

Et l'on ne scauroit repliquer à ce autre chose, si ce n'est que le Pape y viét par election, & le Roy par succession : mais la voye diuersé de paruenir à vn office ne fait rien pour pouuoir alterer ou diuertifier la qualité & le deuoir, qui est annexé & inseparable à l'office, ou les peines qui en dependent. Quant bié tous les offices de France seroiét domaniaux, & qu'on y paruint de pere en fils, cela peut-il empelcher que celuy qui l'exercera, n'y doiué apporter les mesmes qualitez, suffisance, fidelité, & deuoir, que l'office requiert, & qu'il falloir, qu'eussent ceux, que le Roy instituoir au parauant : ny qu'il ne soit subiect aux payés, qui sont contre ceux qui en abusent : Si aussi le Roy de son propre & naturel deuoir estoit tenu d'estre catholique aussi bien que masse souz peine de priuatiô : la coustume, par laquelle l'on a attaché & vny la royauté à vne certaine famille, röp-elle ou rabattelle pour cela rien des obligations, deuoirs, & peines, aufquelles noz Roys estoiet tenus & astraits singulierement enuers Dieu & la religion : Toutefois si l'heresie emporte deposition cōtre le Pape, & que la loy de l'Eglise est executable en tel cas contre luy, qui peut nier que par l'Argument du plus grand au moindre il n'en soit de mesmes

contre vn Roy.

Il n'y a point de doute, que la raison en cecy *L'Hereti-*  
 pour la necessité de la foy cathol. spécialement en *que ne peut*  
 noz Roys (car du Pape nous croyons biē qu'au- *estre Roy*  
 cun n'en doute, nō pas mesmemēt les heretiques, *speciale-*  
 qui tiennēt, qu'un Pape, ou Prelat mauuais, voire *ment de*  
 seulement es mœurs, n'est plus Pape ou Prelat: & *France.*  
 qu'il est destitué des lors, & en cela mesme qu'il  
 faict mal) est prinse de ce, que noz premiers chre-  
 stiens ont conformé & reiglé l'estat, la condition,  
 & l'office d'iceux, au parangon, & sur le patron &  
 formulaire, que Dieu auoit ordonné sur l'establis-  
 sement des Roys de son peuple, tāt pour les pren-  
 dre par succession, & d'une seule famille de Iuda,  
 & par l'ordre de primogeniture ou proximité: que  
 pour la ceremonie de l'onction obseruee en noz  
 Roys premieremēt, & plustost qu'en tous les Prin-  
 ces chrestiens, outre plusieurs autres formalitez  
 & conformitez. Or il est certain, que par droict  
 & raison, & selon la loy de Dieu, le peuple Iudai-  
 que ne pouuoit receuoir, ny mettre ou establir de  
 la pure volonté, nō pas mesme par traicté de paix,  
 en Roy, aucun, qui ne fust de leurs freres, c'est à di-  
 re à l'explication de tout le monde, qui ne fust de  
 mesme religion. Et par ce mot de frere estoient ex-  
 clus non seulement tous ceux, qui n'estoient de la  
 lignee charnelle de Iacob ou Israël, soit Idumees, *Nul Roy*  
 Ismaélites, & autres nations, qui estoient de la po- *des Iuis*  
 sterité d'Abraham, soit Gentils, & des autres na- *qui ne fut*  
 tions non apparentees avec les Israëlites: mais *Cath. par*  
 aussi tous ceux qui n'estoient de la lignee spiri- *succession.*  
 tuelle, ains qui estoient naiz idolatres, & leurs en-  
 fans, & qui auoient esté d'autre religion, que la Iu-

*Enere les* daique, bien que depuis ils se fussent conuertis, &  
*Iuis vs* eussent fait abiuration de leur erreur. Car quand  
*nouuelli* bien tels eussent eu le tesmoignage d'un Prophe-  
*couerty ne* te, d'estre esleuz Roy de dieu, il ne les falloit point  
*pouuoir e-* receuoir: & la raison estoit, afin d'obuier au trop  
*estre Roy, et* grād hazard qu'il y auoit, qu'un tel Roy ne les in-  
*pourquoy.* duisoit ou forçar à estre idolatres, & à quitter la  
 vraye religion de Dieu & de la nation.

Le dīger n'estoit pas petit, pour le regard de ce-  
 luy mesme, qui estoit cōuerti ou de ses enfans. Car  
 premieremēt cōme disent les maistres, combien q̄  
 celui qui est reduit du Gētilisime, tiēne la bōne foy  
 & religiō, toute fois ordinaiemēt on voit, que tels  
 ne sont pas si bien confirmez en la foy, que les au-  
 tres, qui en sont de pere en fils, ou de tousiours. Et  
 partāt y ayāt du dīger qu'ils ne sentisēt ou retour-  
 nassent à leur erreur, Dieu ne vouloit point qu'ils  
 fussent receuz en Roy, pour la mesme raisō que S.  
 Paul ne veut point q̄ celui soit Euesque qui est né  
 Ophire, c'est à dire, nouuellemēt cōuerti. Secōde-  
 mēt, tels cōuerts portoiēt communemēt quelque  
 haine ou dēt de laict cōtre le vray & naturel Iuis,  
 comme ils luy estoient aussi naturellement à con-  
 tre-cœur. Tellemēt que nous lisons, que la seruitu-  
 de estoit estimée beaucoup plus grande, d'estre vē-  
 du & estre serf ou suiet d'un cōuerti à la foy, que  
 de celui qui auoit esté tousiours Iuis. Finalemēt le  
 conuerti au Iudaïsme, ayāt des parens, amis, & ser-  
 uiteurs de sa premiere religion, il ne pouuoit estre  
 qu'il ne les fauorist pour leur donner charge sur le  
 peuple de Dieu. Ce que luy estoit chose insuppor-  
 table, & partāt celui qui n'auoit tousiours esté de  
 la vraye religiō, bien qu'il fut entieremēt conuer-

*Dīger d'a-*  
*voir un cō-*  
*uerty pour*  
*Roy.*



ty, estoit non seulement inhabile de la royauté, mais aussi ne iouyssoit point esgalement de beaucoup d'autres liberttez & priuileges de l'Estat, qui estoient propres pour celuy qui auoit tenu tousiours la religiō Iudaïque, & en estoit de naisânce.

Il semble que pour l'exclusion d'un Roy Idolatre, il suffisoit de la loy generale, par laquelle Dieu defendoit de n'en laisser pas viure vn seul en tout le pais de leur domination. Toutefois il importe tant que le Roy tienne la vraye religion, que par ceste autre concernant particulieremēt les Roys, Dieu y a bien voulu expressement pourueoir. Nous confessons que ceste loy a tousiours esté obseruee selon la lettre par les Iuifs: car il ne se list point, qu'ils ayent onques receu de leur bon gré & franche volonté, ny moins constitué sur eux Roy, qui ne fust de l'une des douze lignees. Mais si contre l'intention de la loy ils ont receu, constitué & toléré par fois, mesme ceux de Iuda (car de ceux d'Israël il n'est pas de merueille, puis que quasi tout le peuple & tout le royaume dès son cōmencement & establissement, & depuis par la suite & succession de leurs Roys a tousiours esté heretique, & voire tous les Roys ou la plus part par vsurpation & tyrannie) des Roys, qui mesloient l'idolatrie avec le vray cult cōmandé de Dieu, & partant autāt heretiques qu'idolâtres: leur nonchalance ou defaut en ce n'a peu non plus ancātir ou desroger à ceste loy royalle de Dieu, pour les rendre inexcusables, que la contrauention qu'ils faisoient à l'autre loy generale de ne laisser viure l'idolatre dans leur Estat, & pais, en estat eux mesmes pour la plus part. Aucuns pēsent que ce dire de Dieu ne leur e-

estoit que permission, & non commandement : &  
 qu'en tout cas la loy ne parle que d'exclurre ou ne  
 receuoir les Roys Idolatres ou conuertis, mais nō  
 pas de les depouler: Par ce que Dieu s'estoit expref-  
 sement reserué à luy seul de les punir & y pour-  
 uoir par autre voye, comme nous n'en liſons pas  
 vn de ces Roys qui n'aye eu de grandes guerres in-  
 testines ou estrangeres, ou bien toutes deux. Con-  
 formemēt à cela Dieu depose Saül apres qu'il s'est  
 rendu defobeissant à sa parole, & punit en sa suc-  
 cession Salomō à cause de son Apostasie: permet-  
 tant & ordonnāt que son ſeruiteur Ieroboam fut  
 Roy des tribus d'Iſrael au preiudice de Roboam  
 son aîné: & deſlors les Roys de Iuda & d'Iſrael  
 ont eſté tousiours en cōtinuelle guerre ensemble.  
 Toutefois quoy que s'en ſoit, il nous chaut fort  
 peu du ſair, puis que nous ſōmes certains du droit.  
 Et il nous ſuffit de cognoiſtre que la volunté de  
 Dieu eſtoit toute contraire à telle pratique, & que  
 par conſequent, il ne comprenoit pas ſeulement  
 en la loy generale contre les Idolatres & heretiques  
 les Roys, mais qu'elle deſiroit encor en eux vne  
 plus grāde ſanctimonie & religion, qu'au cōmun  
 du peuple: à ce que non ſeulement ils tintſſent la  
 vraye religion de l'Eſtat, mais qu'auiſi ils fuſſent ex-  
 empts & elloignez de toute ſuſpition d'Idolatrie,  
 ou d'autre contraire religion, cōme ils euſſent peu  
 eſtre, ſ'ils en euſſent eſté vne fois entachez: & tout  
 cela ne rendoit que pour obuier au trop grād dan-  
 ger; qu'autrement il y auoit de la perte entiere de  
 la religion en tout le peuple.

Pourquoy eſt ce, diſent les Docteurs, qu'il a eſté  
 imputé à gros crime au ſeul peuple, des Iuiſ d'a-

uoir demadé a Dieu vn Roy, veu que les enfans de Samuel abusoient de leur charge, & que cela estoit cōforme à la prophetie & à la loy que Dieu auoit fait, 900. ans deuant sur la constitution du Roy, & qu'il n'estoit peché aux autres peuples d'en auoir ou d'en demander, si ce n'est pour estre mēme occasion, qu'ils se precipitoient par là en ce trop grād dangier d'estre diuertis de la vraie Religion, par ce qu'il estoit à craindre, que ayants sur eux vn prince seculier, qui n'auoit le soin, ny la charge du seruice propre de Dieu, comme auoit Samuel & les Prestres, il ne les attirast ou constraignit à l'Idolatrie: & qu'ils ne s'occupassent seulement & principalement au seruice du Roy, sans se soucier beaucoup du seruice de Dieu. Voulant donc auoir des Roys & iceux seculiers, & nō Prestres, ils desiroient en certaine façon n'estre point subiets à Dieu, & ne demandoient qu'une principauté terrienne à la façon des Gētils, pour se separer de celle de Dieu: parce que n'ayant point de Roy, Dieu estoit leur Dieu & leur Roy immediat: & ils luy ostoient ceste immediation en recognoissant vn autre seculier au milieu, & s'exposioient partant à choir plus facilement à Idolatrie, comme les Gētils. A cela se rapporte ce que Dieu disoit à Samuel: Ils ne t'ont pas reietté, mais moy: afin que ie ne regne sur eux.

*Danger  
d'un Roy  
heretique.*

Si l'on cōteste que ceste loy de Roiauté est abolie parmy les autres loix Mosaiques, pour le moins ne peut-on nier, que la raison d'icelle ne dure tousiours tāt que le cas sera semblable: & qu'elle ne puisse & doibue seruir en vn Estat Chrestien & subiet à Dieu comme est le nostre, contre l'Heretique ou

*La consuetudine des luis en la reprobatum des idolatres que aspireroient à la royauté doit estre gardée entre les heretiques. Et Apostats qui veulent estre Roy des Chrestiens. Les Princes mesmes estrangers soit obligés de defendre les catholiques contre l'heretique.*

l'Apostat, qui se vouloit preualoir de la seule succession charnelle, & proximité du sang. Car cobien que les Roys de Iuda & d'Israël y vinssent par succession suivant l'ordonnance de Dieu, ou la predication: toute fois il appert par la que la foy & la religion est plus considerable & necessaire pour estre Roy, que le sang: & que l'Idolatrie, infidelité ou heresie, est de droit & selon la loy de Dieu vn moyen tres-suffisant d'exclusion à la royauté, & de priuation de tout le droit de primogeniture ou proximité du sang, pour y pretendre & qu'il falloit par consequent, que selon la loy du royaume publiee & establee de Dieu, le Roy fut & de sang royal, & princier, palemēt de la vraye religion par succession de pere en fils, & non par innovation, ny par conuersion.

C'est autre chose d'un Estat ja chrestien, & qui appartient en propriēté & vsusfruit à Iesus Christ, autre chose de celui, qui est des tousiours infidelle, & de l'vsusfruit duquel le diable iouit. Car en cestui-cy, Dieu ne requiert au subiect fidele, que patience & obeissance, si ce n'est en certains cas, lesquels il luy est licite de resister & repousser la tyrannie de son Prince, & se commettre à ces fins à la protection & deffence d'un Prince Chrestien, bien qu'estranger, lequel y est obligé par droit naturel & diuin, comme la deffence de l'innocent est commandé à vn chacun. Mais au premier diu redemande tousiours le deuoir & pouuoir de tout l'Estat, pour empescher par tous noz moyens, que la foy ny son nom ne soit blasphemé, ny vilipendé de qui que ce soit, Roy ny autre. En vn Estat ou royaume infidelle, le mary conuert à la Foy, est obligé de droit diuin, de retenir sa femme infi-

delle, si elle veut demeurer avec luy, bien que ce ne puisse estre qu'avec contumelie de la foy de Iesus Christ: mais en vn Estat ou royaume fidelle, ou la iustice, la force, & tout ce qui est de l'Estat, doit conseruer l'honneur, le droict & l'interest de Dieu: il n'y est tenu de droict diuin & humain, que d'autant qu'elle y veuille demeurer, sans iniure ou contumelie de la religion chrestienne. C'est chose qui est sans doute parmy tous les Theologiens & Canonistes.

Il y a grande difference & distinction entre les Princes ou Roys des Gentils (dit le Sauueur) & entre ceux des chrestiens, & qui commandent en vn Estat ou royaume chrestien. Entre les Gentils les Roys sont comme la fin & le but, auquel sont rapportees toutes choses, & pour l'amour, gloire, & conseruation desquels, & les loix, & la police, & generalement tout s'y fait, tend & est vise: entre les chrestiens, Iesus Christ seul est la fin de toute loy: & l'autorité du Roy, & de ses Magistratz, & des Officiers du royaume tendent, & sont destinez, & dediez finalement & souuerainement à la gloire seule. Entre les Payens, le Roy est chef du royaume. La volonté du Roy est loy. Cela est iuste, qui est utile au Roy. Mais entre les fidelles, & en vn estat chrestien, il n'est pas de mesme, ains tout au contraire. Car comme le Roy est chef du royaume, ainsi l'Eglise, est le chef du Roy. Le Decret de l'Eglise, est la loy du Roy: & rien n'est iuste au Roy, que ce qui est utile à l'Eglise & à la chrestienté. Les Roys des Payens sont ou peuvent estre humainement persecuteurs & deualiseurs des chrestiens & catholiques: Les Roys

*Difference  
du Roy des  
Payens à ce-  
luy de chr.*

*Difference  
d'un Roy  
Chrestien à  
celuy des  
Payens.*

des Chrestiens sont & doibuent estre defenseurs des catholiques & persecuteurs de leurs ennemis. C'est pourquoy le Prophete les appelle les nourrices de la chrestienté, & des Pasteurs de l'Eglise. D'auantage entre les Payens, les Roys commandent à baguette: en l'Eglise ils obeissent: la l'hōme commande, icy la raison: la le Prince du môde (Sathan:) icy le createur & le conquerant du monde Iesus Christ. La les Roys sont les Seigneurs, & y entrent souuēt par force & usurpation: icy ils sont seruiteurs des seruiteurs de Iesus Christ, & n'y entrent que selō les formes & les loix. Là ils sōt establis & constituez pour vne raison: & icy pour vne autre. Là l'excellence & la domination des Roys gist en vne infinie ou absoluē puissance à tort ou à droit, car ils ne sçauent, ou ne croient point leur puissance estre de Dieu, n'y qu'il soit leur iuge. Bref leur Empire n'est autre chose, qu'une pure tyrannie. Icy leur souveraine autorité gist à ne pouuoir mal faire cōtre la foy singulieremēt, & à estre subiects au Royaume de Iesus Christ, duquel ils sont dits protecteurs, ministres, & seruiteurs: parce qu'ils ne sont d'aucū vsage, recepte, nymise, que autant qu'ils seruent à la commodité & vtilité de l'Eglise, & de la foy chrestienne.

C'est pourquoy tout l'estat & la communauté ou vniuersité d'iceluy en corps n'est pas dit Royal, c'est à dire, subiect principalement au Roy, mais il est dit chrestien, parce qu'il est principalemēt subiect à Iesus Christ, & que sa loy y à la principale, supreme & souveraine & autorité & puissance.

L'office & le vray but de l'estat des Roys, qui se sont vōtez & soumis volontairemēt à l'obeissan-



ce de Iesus Christ & de son Eglise, n'est pas seulement & principalement la tranquillité de ceste vie, & à faire iouir par iustice esgale paisiblement vn chacū de ce, qui luy appartient au temporel (cōme conclud trop impudēment du Ferrier cōtre Marmet) selon que les Payens estimoient de leurs Rois Estats & polices: mais la gloire de Dieu, la conseruation de son Eglise, & la pieté. A quoy mesmes la vie presēte doit viser, & le deuoir de tous les Rois singulierement, dict S. Paul à Thimothee.

Mais quand la seule iustice seroit la fin du Roy, *Les Roys doiuent seruir la religion.* encores gist elle, comme nous enseigne le Sauueur, à rendre non seulement (comme pensent les athees & mondains:) aux hōmes & à Cesar, ce qui est à Cesar, mais aussi à Dieu, ce qui est à Dieu, pour auoir soing de maintenir les subiects aussi tost en la seule vraye Religion, & à chasser le contraire, que en leurs vrais biens & possessions, & en chasser l'iniustice occupateur. Et à ceux qui louent & estimēt vn Prince avec la seule premiere partie de iustice, nous leur pouuons respondre, cōme faisoit S. Augustin à ceux, qui recommandoient le regne de Iulian l'Apostat, de ce que faisant obseruer la iustice humaine entre les subiects, il n'y auoit (disoient-ils) que la seule iustice, qui eust lieu & credit en son endroit, Qu'un Apostat ou heretique ne peut estre dit faire iustice, nō plus que l'Apostasie ou heresie n'est partie de l'Euangile, puis qu'il ne rend à Dieu son droit & sa gloire. Iuger autrement du propre deuoir & fonction du Roy, c'est ne faire point de difference d'un Roy tres-Christien à vn Roy Payē. Autrement ce seroit cōme parle sainct Bernard à l'Empereur Conrad, di-

uiser Iesus Christ, tronquer & mutiler le corps de  
 la dignité du Roy, auquel appartient de maintenir  
 sa couronne, & aussi de defendre l'Eglise cōtre ses  
 ennemis, executant l'un comme Roy, l'autre com-  
 me défenseur de l'Eglise, qui sont deux charges &  
 qualitez inseparables: autrement aussi ce seroit fai-  
 re & rendre nos Roys vrais Atheistes, & Roys des  
 bestes, voire ce seroit les faire pires. D'autant qu'il  
 n'y a rien, dont tous les mesmes Atheistes soient  
 plus d'accord, de ce, qu'il n'y a chose, qui plus  
 maintienne les Estats & Republiques, ny qui soit  
 plus requis en vn Roy, & gouuernemēt politique,  
 que la Religion: & toutefois noz Roys n'auoiēt  
 soing & esgard, que de nous maintenir & regir en  
 la vie, que nous auons cōmune avec les bestes. Ne  
 seroit-ce pas reduite pareillement tous les bons  
 catholiques, & tous les François au nombre des  
 Athees, cōme s'il mesuroient l'amour & l'affectiō  
 qu'o doit à Dieu, au pied des propres cōmoditez?  
 Ou biē, s'ils n'auoient aucun soing de Dieu, ny de  
 Religion, ains seulement de iouir de leurs reuenuz  
 & biens temporels, sans faire aucun estat en rece-  
 pre ou mise de leur Religion, & du deuoir, qu'ils  
 ont à Dieu, ou de ce que y peut estre contraire: nō  
 plus que s'ils mettoient Dieu, leur Religion, & la  
 crainte & cognoissance de Iesus Christ au nom-  
 bre des biens. Ou au contraire, ils y cōstituent leur  
 principale portiō, heritage, thresor, richesses, plai-  
 sir & contentement: ou bien comme s'ils pen-  
 soient, que la prudence humaine eut plus de puis-  
 sance & autorité au gouuernement des affaires,  
 que la prouidence & benediction diuine. Et  
 quand bien le repos & commodité de ceste vie se-

roit le dernier but, encor faut-il confesser, que le  
vray moyen de la maintenir & conseruer c'est de  
seruir le Roy des Roys Iesus Christ, qui en est l'au-  
theur & conseruateur: & de rapporter tant les per-  
sonnes publiques, que les particulieres à l'entre-  
nement du seruice de Dieu tout les moies, qui de-  
pendent de l'estat. Aussi les Romains (dict Valere)  
ont pensé, que les Empires gouueneroient bien  
les choses humaines, s'ils seruoient à la diuine Ma-  
iesté fidelement. Et par-ce ils n'ont point douté  
que les Empires seruissent aux choses saintes & la  
Religion. N'est-ce pas ce, que dit cest ancien ca-  
non, Que les puissances ne sont point en la Chre-  
stienté, sinon afin que ce que les Prestres ne peuuent  
faire par la parole de Dieu, la puissance le com-  
mande & face accomplir par la terreur des peines?  
Et afin (comme dict Fulgence) que la puissance du  
Roy mette sur le col des arrogans le ioug de la di-  
scipline, laquelle l'humilité de l'Eglise ne peut  
exercer sur eux pour leur arrogance.

*Sacris im-  
peria serui-  
re.*

C'est le mesme, que dict saint Gregoire, que le  
Roiaume terrestre doit seruir au royaume celeste:  
& c'est aussi, cōme S. Augustin interprete souuent,  
le dire du Pseaume, Que les Rois doiuent seruir Dieu  
en toute crainte & respect, defendant dit-il, & puni-  
ssât par vne seuerité religieuse tout ce, qui se fait  
contre sa loy. Car il sert autrement par ce qu'il est  
hōme, autrement parce qu'il est Roy. Il luy sert cō-  
me homme viuant fidelement, & cōme Roy cō-  
mandant les choses iustes, & deffendant les cōtrai-  
res, & en vn mot, dict-il, ils seruent à Dieu entant  
qu'ils sont Rois, quād ils font pour son seruice ce,  
qu'autre ne peut faire, qui ne soit Roy. Partāt cō-

*Vi terreſtre  
regnū ce-  
leſti regno  
ſamulatur.*

me seruiteurs de Iesus Christ ils doiuent & sont tenus d'employer toute leur puissance pour son seruice, & notamment à faire viure leurs subiects en paix souz son obeissance, tant dedans, que dehors l'Eglise, ou vn Roy Payen n'a cure que de la paix hors l'Eglise & de la seule iustice & paix temporelle. Si donc comme dit le Pape Leon à l'Empereur Leon, la puissance Royale n'est point seulement establie pour le regime & gouuernement du monde, mais principalement pour la defence de l'Eglise, il s'ensuit bie que par raison autre ne peut & ne doit estre Roy qu'un Catholique : & que le principal deuoir du Roy est de faire seruir Dieu, demeurant le dire de Theodoze & Valentinian à S. Cyrille tres-veritable, Que les Empereurs & Roys sont le lien & l'accouplement de la Religio & prosperité des subiets, & les vrais gardiens de la societé inseparable de ces deux choses.

*L'extirpation de l'heretique cause des Roys.*

C'est donc le deuoir propre & le souuerain office d'un Roy des chrestiens de deffendre & conseruer l'Eglise catholique contre les ennemis de la foy: entre lesquels il n'y en a point de pires, que l'heretique: & s'il n'y auoit point d'Heretique, les Roys ne seroient pas beaucoup ou quasi point necessaires par maniere de dire. Car c'est leur fin finale, c'est le bout de leur carriere qu'ils puissent arriuer à garder la cité de Dieu, cōtre la cité du Diable, & qu'ils preseruent le Roiaume de Iesus Christ & son Eglise de tout domage enuers le Royaume de Sathan. Lequel est composé quasi comme point auourd'hui, que des heresies, comme les Iuifs ne fōt que certains heretiques cōtre le sens de la loy de Moyses, ny le Turc & Sarasin, que des auortōs de l'heresie

lie Arrienne, ny toutes les autres sectes & Eglises  
pretédues que compagnies d'heretiques & enne-  
mis coniurez de Dieu.

Si cela est vray d'aucun royaume ou estat de la  
chrestienté, il est encores plus certain du royaume  
de France, qui à ceste occasiõ en est appelle Tres-  
Chrestien, comme ayant & en general & en par-  
ticulier & aux membres & au chef pour son tres-  
souuerain Seigneur, Iesus Christ, & pour sa souue-  
raine loy, la foy chrestienne & catholique. Cecy  
est dit & tesmoigné tres-clairement par saint  
Gregoire le Grand, qui viuoit l'an 600. parlant de  
l'essence, prerogatiue, & excellence de nostre Roy  
& de sa religion. Ce n'est pas, dit-il, grãd merueil-  
le, que le Roy soit Roy, par ce que d'autres en sõt  
bien, mais en ce qu'il est catholique, ce que les au-  
tres ne meritēt pas, c'est ce qu'il luy faut, & qu'est  
assez pour estre Roy. Ceste sentence sert d'Arrest  
& de decisiõ pour le regard de noz Roys, car il ne  
parle pas là de la personne seule du Roy Childe-  
bert, auquel il escrit, mais en general du Roy de  
Frãce, de l'ordre, qualité, & estat de noz Roys: cõ-  
bien qu'il tesmoigne ailleurs, qu'ils y paruenoiēt  
dors non par election, mais par succession de  
sang, comme à present. Et s'il n'entend pas que ce  
soit selon le droict diuin seulemēt, qui est cõmun  
sur tous Roys, ains aussi particulierement selon le  
droict municipal & de la gent Françoisē, & selon  
la propre nature & constitution des Roys de Frã-  
ce: tellement qu'estre catholiqu. c'est ce qu'il faut  
& est assez pour estre Roy de France. Au cõtraire  
donc celuy qui n'est point catholique n'a poinct  
ce qu'il faut pour estre Roy, biē qu'il soit du sang

R.

Arrest de  
S. Gregoire  
cõtre le R.  
de N.

*Esse regem  
quia sunt  
& aliij, nõ  
mirum est,  
sed esse ca-  
thol. quod  
aliij nõ me-  
ritur, hoc  
satis est.*

royal & le plus proche.

*Les Roynes  
de France  
Cath. par  
nécessité.*

Conformement à cela nous trouuons bien que  
noz Roys ont prins leurs femmes; cōme Brune-  
haut, Gualfont & autres, aucunes heretiques, d'au-  
tres infideles. Mais deuant d'estre Roines & de les  
pouuoir espouser, il a fallu qu'elles ayēt esté Bap-  
tisees, & ayent fait vœu & profession de la reli-  
gion chrestienne & catholique, voire du consen-  
tement de leurs peres, bien qu'ennemis de la foy  
parce qu'ils voyoient que les loix du royaume es-  
toient telles, & qu'autrement l'on ne les eust peu  
comporter ny tollerer. Si au contraire les Roys es-  
trangers d'Espagne & d'ailleurs heretiques ou  
infidelles ont prins des femmes catholiques de  
France ou d'ailleurs, ç'a esté tousiours avec condi-  
tion qu'elles seroiēt libres & maintenues en reli-  
gion catholique telsin en la guerre que Childe-  
bert fist contre Almaric Roy de Vvisgots en Espa-  
gne, qui y fut tué, pour vouloir forcer sa femme  
Clotilde sœur d'iceluy d'estre Arrienne, & tant  
d'autres exemples.

*Deposition  
d'un Roy  
heretique  
est de droit  
diuin.*

Nous disons d'auantage que l'Escripture sainte  
appertement enioinct non seulement l'exclusion  
mais aussi la destitution des Roys, aussi bien que  
des Papes & de tous autres en cas d'Apostasie ou  
d'heresie. Car si elle, ou si Dieu, pour parler plus  
clairement nous commande de nous soustraire &  
separer generally de tout heretique, l'auoir  
pour anatheme, ne nous souz-mettre à son ioug  
& pouuoir, l'euit, ne le receuoir point en noz  
maisons, ny en noz villes, ne luy faire aucun hon-  
neur, non pas mesme luy dire le bon-iour & le sa-  
luer, souz peine de communiquer à ses œuvres &



en estre coupables: qui en peut faire exception de la personne du Roy, ou d'autre quelconque, sans vne notable impieté, d'iminution & derogation à la parole de Dieu? Y a-il droit, loy ou auctorité inferieure, qui puisse faire aucune exception sur le droit diuin & le commandemēt de Dieu? auquel tous Roys & Estatx sont subiects, singulierement pour le regard de ceux qui ont faict vœu à Dieu, & qui s'y sont volontairement & temporellemēt souz-mis, comme les Roys & l'Estat de France ont esté depuis Clouis chrestiens, & partant subiects temporellement & en qualitté de royaume & des Roys aux loix de Dieu receuës en la chrestienté? Peut-on aussi euitier, fuir, ne supporter, & salüer celuy qui demeure Roy, le peut-on euitier, que par exclusion ou deposition?

Comment peut-on porter sans peché mortel & sans violer le commandement de Dieu, la reuerēce, qu'on doit à son Roy vray & legitime, à celuy lequel est si odieux à Dieu & abominable deuant les Anges, qu'il ne nous est permis, ains defendu par expres de le salüer, d'entrer en sa maison, non pas mesme recevoir de l'eau de sa main? Où bien n'est-ce pas bien plus obeir à vn heretique, que de le salüer ou entrer chez luy? Et qui ignore que par le mot de salüer & honorer ne soit entendu tout seruice & obeissance?

Si l'Apotre ne peut supporter, que les chre. qui doiuent iuger tout le mōde, plaident & recognoissent pour leur iuge & Magistrat vn infidelle, voire qui est desia estably par la loy & forme du pays, combiē à plus forte raison trouueroit-il indigne, que les mesmes chrestiens permüssēt & tollerassent

*N'obeir au  
Roy heretique.*

volontairement vn heretique obstiné & formé, regner sur eux, & qui est pis qu'ils constituassent & receussent de nouueau vn infidele, Apostat, ou heretique pour leur Roy & souuerain iuge, les pouuant oster ou empêcher? Cōbien à plus forte raison condēneroit-il l'erreur de ceux qui ont ceste impie folle & fantastique opinion, *Que* c'est chose bōne, iuste, & selō la loy de Dieu, de ne faire aucune distinction de religion en matiere de Roys, comme si dieu commandoit d'auoir plus d'esgard à l'ambition droit, cōmodité, interest, cruauté & tirānie des Princes & du monde, voire au desauantage de son hōneur & seruice, qu'à sa propre gloire, exaltation de la foy & de son Eglise, & au salut des ames: & comme si Dieu nous auoit plus crees pour ceste vie que pour l'eternelle: & encorès cōme s'il y auoit aucune verisimilitude q̄ Dieu ayāt laissē le cours des polices humaines, qui estoient cōtre son honneur & religiō, sans les enfreindre, ny nous bāder au cōtraire, il seroit ennemy & cōtraire des seules polices qui tendent à la manutētiō de la foy & de son Eglise. Voila donc cōment l'exclusion & deposition d'un Roy, ou de celuy qui pretend l'estre, est par vne indubitable & necessāire consequence de l'expres commandement de Dieu en cas d'heresie, & que ceste doctrine des Apostres est beaucoup plus certain, que toute la repliche & cabale des hug. Et à ce propos si la loy Salique ou autre telle loy du Roiaume n'est point contraire ny ne desroge aucunement à la loy de Dieu, ains s'explique & s'entend par elle, *Que* la loy de Dieu chasse l'heretique de la cōpagnie des chrestiens, & partant d'un royaume chrestien, qui

*La loy Salique s'explique par la loy de Dieu.*

peut douter que la loy Salique prinse en son vray sens n'en face de mesme? Et ne faict rien au contraire l'autre cōmandement general conforme au droit des gens d'obeyr aux Roys & superieurs, bien que discoles: par ce que c'est vne regle asseuree des Iurisconsultes q̄ lors qu'il y a en vn certain cas, cōme en cestui-cy de l'heresie, vn cōmādemēt & droit special, il ne faut point recourir au general, parce qu'il y est déjà derogé par le special.

Si aussi par la parole de dieu les Roys sont mēbres, fils, & subiects de l'Eglise, cōme vn chacun chrestien, mēsmement en ce, qui est de la foy, tout de mesme q̄ tout autre fidele & qu'icelle ne peut errer: puis, comme nous dirōs, qu'elle en a ordonné suiuant l'Escripture, l'exclusion & la dimission en cas d'heresie, pour toute qualité de Seigneurs & gens: qui peut iustement absoudre & exempter de telle puissance le Roy, sans que telle exception soit entenduë en l'Escripture ou exprimee en quelque Concile? & toutefois c'est tout au contraire.

Et l'on ne doit trouuer mauuais ou estrange, que l'Eglise & les Prelats, qui ont l'exercice de la puissance que dieu luy a donné, se messent de ces iugemens, voire au temporel & sur les Roys, ne qu'ils ne puissent, ou doiuent deliurer, deslier, ou bien declarer desliez, & absoulz les subiects de l'obeissance d'un Roy heretique, ou bien qui soit souuerain en son Estat. Car si tout ce, que saint Pierre & son successeur deslie en terre, est deslié aux Cieux, certainement quand il deslie en terre avec les formes & l'ordre gardé, & ne cherchant, que le salut des ames, les catholiques de l'obeissance d'un Roy Apostat, ou heretique, il n'y a point

*L'Eglise  
peut depo-  
sir le roy*

de doute, qu'ils ne soyent pareillement desliez & deliurez aux Cieux, & de la part de Dieu. C'est la puissanco que le Prophete Ieremie predict deuoir estre en l'Eglise sur les nations & royaumes, notamment pour destruire & edifier, planter & arracher.

Et comme les seuls Prestres (ainsi que discourt tres-bien Lucifer contre Constantius à ce mesme propos, & pour preuue de la deposicion des Roys heretiques) iugeoient anciennemēt de la lepre: & que le Roy Ozias à esté chassé, cōme tel, par eux, du Temple, depossédé du royaume, & son fils mis en sa place dès son viuant: aussi les Prelatz sont les seuls iuges de la foy & de l'heresie son cōtraire. Et les Roys par eux declarez heretiques, doiuent estre demis de leur royauté par la loy de Dieu & constitution de l'Eglise. Veu que la puissance des Prestres de la nouuelle alliāce est beaucoup plus grāde que celle de l'ancienne (dit S. Paul) c'est à l'Eglise seule & aux Prelarz de iuger de la foy & du sens de la parole de Dieu, & du droit diuin. Et si le Roy ne peut estre qu'il ne soit subiect à Dieu, au droit diuin & à l'Eglise par consequent: il s'ensuit bien qu'il peut estre iugé par l'Eglise, le Pape, ou les Prelats en ce qui est de la foy, & que la loy de Iesus commande ou defend: qui est ce en quoy ils ont esté constituez iugez, & non seulement interpretes sur tous les chrestiens, & tous ceux qui sont dās & souz l'estat Monarchique de l'Eglise. Car si comme (dit S. Paul) le Pape & les Prelats sont establis & constituez de Dieu, pour regir, gouuerner, & defendre son Eglise: s'ils ont toute puissāce pleniēre & souueraine, & singulierement

*Les Roys  
iuges par  
l'Eglise.*

le Pape, peut pourueoir au bié spirituel des brebis de Iesus Christ, en laquelle coing du monde qu'elles soient dispersees & espâdues: si à eux seuls priuatiuement à tous autres appartient ce droit ou charge de procurer ce, qui est necessaire pour la vie spirituelle, & le salut des ames: & si en cela il n'y a rien si necessaire, que la foy, ny rien qui la puisse plus empescher, endommager ou destruire, que la dominatiō & regne d'un Roy heretique: ne s'ensuit il pas necessairemēt, que le Pape & les Prelats ont ceste puissance de Dieu indirecte contre tous Seigneurs temporels & Roys heretiques nuisants à la foy, d'absoudre leurs subiects de tout serment de fidelité, & de iceux destituer iuridiquemēt, brief de faicte cōtr'eux & tous autres, quels qu'ils soiēt, tout ce qui est necessaire pour les empescher de nuire au salut des ames, & à la puissance & droit, que Dieu leur à commis en ce? Et non seulemēt ils le peuuent en saine conscience: mais ils y sont tenus & obligez toutes & quantes fois, qu'il n'y a point d'âger de plus grand mal. Car si les Princes tēporels peuuent & doiuent selon Dieu directemēt deffendre la vie & les biens corporels de leurs subiects contré tous empeschemēs, & que Dieu leur à baillé à ces fins tout pouuoir de deposer, & tuer par iuste guerre tous Rois & autres qui les voudroient molester en ce, aussi le Pape & les Prelats doiuent de mēme deffendre l'Eglise & la vie spirituelle des chrestiens contre tous tāt par leur auctorité, que par conseil & exhortation enuers les Princes chrestiens. Et ceste obligation est d'autant plus grande & inuiolable que le salut des ames est plus important & à preferer à celuy des corps

*Les Prelats  
doutent de  
deffendre l'E-  
glise.*

C'est la commune resolution de tous les Theologiens & Canonistes.

*Dispence  
des sermens.*

C'est aussi chose si ordinaire en droit & en commune pratique & obseruace entre les chrestiens, Que la cognoissance des dispenses & descharges des sermens sont de la iurisdiction Ecclesiastique, qu'il n'y a personne qui en puisse legitiment douter: tellement que ce seroit chose absurde, que autre, que l'Eglise puisse absoudre les subiects enuers vn Prince heretique, du serment de fidelité.

*L'Eglise ne  
deroge à la  
souveraineté des  
Rois.*

Mais pour cela les ROYS ne perdent rien de leur iurisdiction & auctorité souveraine au temporel, qu'ils ne puissent vser de tout leur ancien droit, & puissance libre & absolue en tous les affaires, qui n'empeschent, ou ne diminuent point la foy & la religion chrestienne, soit pour establir tels officiers, ordonner telles peines contre les mal-faïcteurs qu'il leur plaira, soit pour faire toute autre chose qui leur est permis de droit de nature, des gens, civil, & coustumier, & en quoy l'Eglise ny les Prelats n'y peuuent rien, sauf que de cōseil ou d'admonition. Et les ROYS ny les royaumes (nous parlons principalement de ceux qui croient en Iesus Christ, ou qui y ont creu quelque fois) ne leur peuuent estre subiects, qu'és choses seulement, qui pourroient empeschier la foy ou le salut de la chrestienté, si elles n'estoient defendues (comme les diuorces, mariages és degrez de consanguinité, & autres choses) ou bien commandees comme le secours & la defence des pauvres, la tuition de l'Eglise & de la religion catholique, & generalement en tout ce qui est des appartenances ou depandances spirituelles, & que le droit diuin cōman-



de ou prescrit aux Rois comme necessaires à salut. Et n'est merueille si les Roys leur obeissent en cela, puis qu'il leur est imputé autant, que s'ils obeissent à Iesus Christ obeissans à ses cōmis en ceste partie. Car ils y ont d'autant plus grand interest, & cela les touche d'autāt plus, qu'ils ne peuuent estre sauuez autrement, & sans l'acquiēt de ce deuoir. Nous disons dōc que les Rois sōt subiets à l'Eglise & aux Prelats en cela, principalemēt qu'ils ne peuēt estre sauuez ny estre receuz par vn peuple chr. au Royaume tollerez en l'administration d'iceluy s'ils ne font & laissent ce, que la loy de Iesus Christ interpretee par l'Eglise & les Prelats commāde de faire, ou laisser. Et l'on ne peut sçauoir plus certainement qu'elle est sa loy & qu'est-ce qu'elle commāde ou deffende, que de la bouche de ceux, que l'Escripture nous tesmoigne estre les gardiēs d'icelle: ausquels elle veut, que nous recourions, & desquels il est dict, Qui vous escoute & obeit il m'escoute & m'obeit: & qui vo<sup>e</sup> mesprise, me mesprise. Et par ce que les loix se font des faicts, qui arriuent plus communemēt & qu'on ne voit gueres, & quasi il est impossible que tout heretique, soit Roy ou autre, ne tache de supprimer la religion & foy catholique, c'est pourquoy l'Eglise à faict & peut faire iustemēt cōformement à la parole de Dieu & icelle interpretant & executāt ceste loy. Que tout heretique Roy ou autre soit chastié & par peines spirituelles & par corporelles, iusques à ceile de la mort inclusiuement & non seulement iusques à la priuation & spoliation de leurs biens, grades, & hōneurs, de quelque sorte, qu'ils puissent estre. Nous prions le lecteur poiser bien en iuste ba-

*L'heretique  
supprime  
la foy  
Catholique.*

lance ces raisons, & ne s'arrestent aux passios d'autrui, n'y à des friuolles apparences, qui sont au contraire, & lesquelles si l'on reçoit vne fois pour bones, il ne faut plus penser parler par raison, ny esperer, que ceste question se vuide au point de la loy, ny du droit, mais par oppiniaistreté & confusion brutale.

Et à la verité, si le Prince le plus prochain de ceste Couronne tomboit à estre ou luiſ, ou Anabaptiste, ou Arrien, ou Sarasin, ou Payen, ou Atheiste profez (que Dieu nous garde) comme l'heretie (remarquent les anciens) est vn passage ordinaire à telles confrairies qui vouldroit opiner de l'admettre pour nostre Roy? Ceste opinion ne sembleroit elle pas bien monstrueuse, scandaleuse, & impie aux oreilles des chrestiens, & singulierement des François, les ancestres desquels n'ont rien tant eu en soing ny à cœur, que la manutention & dilatacion de la foy catholique? Et tant s'en faut qu'ils eussent receu ou souffert pour leur Roy vn Turc ou heretique, ou d'autre sorte de ces gens, ennemis de Iesus Christ, qu'ils n'ont pas mesmes peu permettre, que ceux, qui estoient tels, combien qu'ils fussent ja establis & desirez des leurs, commandassent en tiltre de Roy ou Prince souuerain à leur propre peuple, & subiets volôtaires: Ils n'ont peu souffrir, que les autres nations, bien que esloignées, & sur lesquelles ils n'auoient aucune cognoissance ou autorité, les ayent permis & tolerez à leur commander, encore que ce fut de leur gré, & consentement. Tesmoing les guerres saintes de Clouis contre les Arriens, de Charlemaigne, de Philippes Auguste, de S. Louys contre

les Sarrafins, Lombars, Arriens, Albigeois, & Iconomaches Grecs, & refinoing tant d'expeditions, & voyages d'outre mer cōtre les Turcs, & que par le moyen des François le Christianisme, & la religion catholique à esté plantee & remise, cōseruee & maintenue en la plus part des nations & estats du couchant & du leuant. Enuers lesquels Iesus Christ s'est seruy, pour les souz-mettre & ranger en son obeissance, de noz Rois, cōme d'vne troufse & carquois (ainfi que parle le Pape Gregoire 9.) dōt il à desployé ses traic̃ts & fleſches. Ils ont chafſé & depofſedé les Roys eſtrangers de leurs Royaumes pour le ſeul point de l'infidelité & de l'heresie, contraires à la religion catholique. Et l'euffent ils peu faire iuſtement, ſi la loy de religion ne s'eſtendoit ſur les Rois & Princes ſouuerains, auſſi bien, que ſur les ſubiets? Autrement ne ſe deuoient ils pas contenter que le peuple fuſt cathol. ſans y aſtrindre leurs Roys à peine de priuation & de poſition? Combié à plus forte raiſon euſſent ils ſecoué ce joug de ſur eux meſmes & leur peuple, & empesché que autre que vray Catholique & vray chreſtiē ne les commādaſt, & ne paruint à la Couronne? Seroit ce tour de gens bien ſages, d'auoir reiglé la maiſon de leurs voiſins, & n'auoir pourueu à la leur? Ou bien, eſt-il imaginable, qu'ils ayent eſtimé loy & raiſon ſur les autres ce, qu'ils n'auront voulu ſubir eux meſmes? S'ils ont acquis aux autres peuples ceſte liberté & priuilege chreſtien de ne pouuoir eſtre commandez par vn Roy heretique ou infidelle, pour le plus ſouuerain remede propre à la conſeruation de leur foy catholique, ne l'auront ils point reſerué pour eux meſ-

*La reli. ſur  
les Roys.*

*Priuileg. de  
la France.*

mes? S'ils ont acquis & soubmis à Iesus Christ les Royaumes & peuples estrangers, ont ils peu oublier ou luy enuoier celuy de Frâce, pour ne l'auoir soubmis & laissé, que à la seule volonté & Religion du Roy catholique, luif, ou heretique? N'est-ce pas vne trop grande malice & impudence, que de les faire auteurs d'un tout autre ordre en ce Royaume, & d'une si athee interpretation, & conceptio, qu'on donne sur la loy Salique? Qu'il fuffit pour succeder à la Couronne, qu'on soit de la masse de chair humaine & du sang Royal & masse, sans que la consideration de Iesus Christ, de sa foy, & de la Religion cath, du Royaume, des Roys & des François, y soit necessaire? Si au contraire le zele, duquel ils ont esté poussés pour l'honneur de Iesus Christ, & l'augmentatio de sa foy & religio, à esté louable, qui peut blasmer en cas pareil leurs enfans & successeurs? Si toute l'antiquité à creu, que ce qu'ils en faisoient estoit du droit de la liberté chrestienne, du commandement de Dieu & de son inspiration, comme il n'est permis de s'ingerer sur l'estat & bié d'autrui, Qui osera reprocher & maintenir aux Catholi. le semblable estre contre le commandement de Dieu? Si saint Charlemaigne, & S. Louis, & autres ont esté estimez auoir fait en ce vn œuvre si meritoire enuers Dieu, non seulement de la prosperité de ceste vie, mais aussi de la felicité & vie eternelle, que leur siecle en à esté benist, & leurs personnes doüees de l'estat & nom de sainteté, les bons catholiques Roys, Princes & autres, peuuent ils craindre aucunement offencer leur conscience, que la posterité les maudisse, & que Dieu ne leur rende pareil salaire & re-

compence, que à ces deux grands Rois & saints de Paradis, s'ils s'emploient sincerement à semblable poursuite & entreprinse cōtre les heretiq. & ennemis de la foy? Peuvent ils craindre d'estre accusez d'vsurpation ou occupatiō d'estat, puis que l'antiquité à iugé ny auoir meilleur ny plus iuste tiltre d'acquisition, que l'extirpation de l'heresie, ou de l'infidelité: & que la plus part des Princes chrestiens encores à cest heure, ne iouissent d'vne bōne partie de leur estat, que de ceste façon?

Finablement, s'il n'y a plus iuste guerre, selon Dieu & les hommes, que celle, qui s'entrepren pour la religion, & conseruation de la foy, & icelle seule chrestienne & catho. & que de tous les ennemis d'icelle, il n'en y à point de plus dangereux, n'y pires, que les heretiques: & que de tous eux il n'en y a point aussi qui y soient plus nuisables, que les Roys, Princes & autres, qui ont beaucoup de moiens & de pouuoir: qui peut nier, que ce soit vn œuvre d'autant meilleur, & plus meritoire, de despouiller & oster les gens de leur grade, qu'ils sont contraires à Dieu, & grandement dommageables à son Eglise & à la foy? Et si l'on ne les peut destituer sans guerre ou que la guerre ne se peut acheuer sans leur mort; qui doute, qu'on ne les puisse selon Dieu (dit saint Thomas) tuer pour lors iustement? Et si cela est permis contre vn voisin & compagnon, ou estranger, sur lequel l'on n'a aucune puissance ordinaire ou iuridique, pourquoy non aussi bien sur le compagnon, domestique, & le Prince, qui par son heresie ou apostasie est deuenu de maistre, valet, cōpagnon ou persōne priuee. Si nous sommes tenuz de vâget l'hōneur de Dieu

*Guerre iuste pour la foy.*

de sa loy cōtre l'ennemy estrāger, pourquoy non plustost contre l'intestin qui nous est plus preiudiciable, & duquel Dieu, la religion, & ses seruiteurs & subiects, & nous mesmes pouuons estre plus offencez?

Si tout droit de seigneurie, prerogative, & domination n'est introduit & fonde que sur le droit des gens, & que le droit de conseruer la foy est du droit diuin, il s'ensuit bien, que lors qu'il y a danger de la subuersion de la foy, l'Eglise peut priuer toute sorte d'infideles, & à plus forte raison d'heretiques, de leur domaine & superiorité: d'autant qu'il faut que le droit des gēs cede au droit diuin.

Les huguenots se scandalisent à tort en l'Apologie, à la façon des anciens heretiques, de ceste comparaifon, qu'on faict d'eux avec les luifs, infidelles, Payens, Turcs, & Sarrazins: car c'est vne opinion generale de Tertulien, de S. Clemēt Romain, S. Cyprien, S. Athanase, S. Hierosime, S. Augustin, & generalement des anciens Peres, que les heretiques sont pires de beaucoup que tous ceux-là. Ils sont, dit S. Clemēt, plus impies que les luifs, & plus sans Dieu que les Gentils. Les Ethniques, dit Tertulien, croient ne croyans, & les heretiques ne croyēt point en croyant. Et certainemēt, comme celuy qui n'accōplit point ce, qu'il a promis, peche plus griefuement que celuy, qui ne tiēt ou ne faict ce qu'il n'a iamaïs promis: aussi l'infidelité de l'heretique, lequel faict profession de la foy Euangelique, & qui toutefois y est contraire par la corruption qu'il y cōmet, est beaucoup plus detestable, que l'infidelité des luifs, ou du Turc: & par consequent, l'heretique est pire de beau-

*L'heretique pire que tous infidelle.*

*Heretici magis sunt impij quā Iudei, & magis, sine Deo quam gentes. Ethnici nō credendo credunt, & heretici credendo non credunt.*



coup, & peche plus griefuement, que le Iuif, le Payé ou le Turc, qui n'a oncques receu la foy de l'Eua-  
 gile, fuiuant (comme cite tresbien saint Augustin)  
 le dire de S. Pierre, Qu'il leur vouldroit mieux, n'a-  
 uoir point cogneu la verité, que s'en estre retirez.  
 Outre que c'est plus grand crime de diuifer l'Egli-  
 se, que de sacrifier aux Idoles, cōme ce grand saint  
 Denis Alexandrin aduisoit Nouatus. Aussi il n'y à  
 point de doute, dit le mesme S. Augustin, que ce,  
 qui est puny plus griefuement, ne soit plus gros  
 forfait. Et l'Escripture enseigne, que l'Idolatrie n'a  
 esté punie que du glaue, mais le Schisme de l'en-  
 gloutissement de la terre, & du feu celeste. Aussi l'a-  
 theisme ne cōsiste pas seulement à croire plusieurs  
 Dieux, ou n'ē croire point du tout (selō que Mor-  
 nay pretēd en la responce, qu'il à fait cōtre vous)  
 mais aussi à ne seruir le vray Dieu, comme il faut.  
 Pour ceste raison saint Hierosme ne doute point  
 d'appeller Ennonius Athee, cōme aussi S. Athana-  
 se Arrius, & l'histoire Ecclesiastique vn Ætins. Et  
 S. Chrysostome ose biē prononcer ceste generale  
 proposition (apres S. Cyprien & conformement  
 à Epiphane) Personne ne doute que les heretiques »  
 ne soient pires que les Gentils: premierement par »  
 ce que les Gentils blasphement Iesus Christ par »  
 ignorance, mais les Heretiques deschirent la veri- »  
 té de Iesus le cognoissants: d'auantage il y à espe- »  
 rance de la foy en ceux-là, mais en ceux cy vne »  
 continuelle & incessable discorde contradiction  
 & contention. C'est chose aussi verifiee par infi-  
 nis exemples & tesmoignages des anciens. Que  
 les Heretiques sont tousiours plus cruels enne-  
 mis aux catholiques que les Payés, Et que l'Eglise

estre iuste d'executer enuers les autres, cōme estās  
 beaucoup plus tolerables. De maniere que si selon  
 ceste maxime vn Iuif ou vn Turc ne peut estre  
 Roy de Frâce, ny à plus forte raison vn heretique.  
 Mais en tout cas puis que toute autre religiō, hors  
 la seule Chrestienne & Catholique, quelque ap-  
 arence qu'elle aie, est nulle, mensongere, diaboli-  
 que, & pniciuse: q̄ nous chaut-il qui est le moins  
 mauuais, le Iuif, le Sarrafin, l'infideile, ou l'he-  
 retique? Qu'importe-il partant de quelle religion  
 on soit, si l'on n'est de la vraye & vnique, & celle  
 seule, qui est de Dieu & nous peut cōduire & vnir  
 avec luy? Que nous chaut-il, qui est le pire d'entre  
 eux, puis que quiconque n'obeit à l'Eglise Cathol.  
 (quand mesmes il ne seroit Heretique, que nous  
 deuons fuir) nous doit estre (dict le Sauueur) en  
 mesme rang & consideration qu'un Ethnique &  
 Publicain: C'est à dire avec lequel nous ne deuons  
 auoir nō plus de commerce & de familiarité, que  
 les Iuifs auoiēt avec les Publicains & Ethniques.  
 Toute fois si l'heretiq̄ quel qu'il soit, est tenu pour  
 pire & plus derestable, q̄ le Iuif, le Payen, le Turc,  
 ou infidelle, voire, disent aucuns, dix mille fois au-  
 rant, de mesmes (ce que dit Aristote souuent) que  
 l'homme meschant est dix mille fois pire, que la  
 meschante beste: que dira on de ceux qui tiennent  
 que l'heresie n'est point vn moyen d'exclusion du  
 Royaume? & de du Mornay qui en sadiēte respōce  
 oze contredire impudamment ces saints peres?  
 Qui voudroit (dit-il) ignorer, qu'infideliré ne fust  
 pire que l'heresie, & que par consequēt l'infidelle  
 ne merite plus grief traictement quel'heretique?  
 Par consequent si par la loy de France & de la

*L'heresie  
 que pire  
 & plus  
 desestable  
 que tous  
 autres inf-  
 delle.*

Chrestienté, vn Turc, vn Iuif, ou infidelle ne peut estre Roy, encor qu'il soit le plus proche du sang, il resulte que la loy du Royaume pour la religion est plus cōsiderable en la succession des Roys que la nature. Et si de toutes les pretendues religions autre n'est proprement & veritablement religion, que la seule Chrestienne & Catholique ( cela ne se peut nier des Chrestiens) il l'ensuit de toute necessité, qu'on doit auoir esgard seulement à la religion Catholique. Et que pour estre Roy de France il est plus necessaire d'estre Chrestien & Catholique, que d'estre hōme & le plus proche de sang masse. Qui ne dispute apres cela, merite plustost, qu'un bourreau luy responde qu'un Philosophe, comme disoit Aristote de ceux qui nient les maximes de nature.

Et ce qu'on dit, Que le mort saisit le vif, & que le roy ne meurt iamais, & autres semblables sentences se doiuent entendre tousiours presuppōse qu'il n'y aye vn plus proche de sang, legitime empeschement, ou obstacle d'heresie, ou autre cause Chrestienne, par laquelle le droit de succession est deuolu consecutiuement à l'autre plus proche du mesme estoc, par la loy mesmes, sans autre declaration des hommes.

Si les loix de la Chrestienté ne peuuent porter ou permettre, qu'un heretique, ou qui sent mal de la foy Catholique, Apostolique, & Romaine, de quelque condition & garde qu'il soit, soit receu, ou maintenu aux charges du moindre officier ou Magistrat: qu'au contraire c'est vne chose sans doute, & qui est mesmes confirmee par plusieurs liures de Caluin & Beze, & receu parmy les Hu-

*Plus neces-  
saire pour  
estre R.  
d'estre  
Cat. que  
homme.*

guenors, qu'il n'y a crime en vn Estat plus pestiferé, ny qui doieue estre poursuiui de pl<sup>us</sup> griefue peine de mort, q<sup>ue</sup> celui d'heretique, qui est celui si despourueu de sés, qui puisse donter que ces mesmes loix n'aiēt à pl<sup>us</sup> forte raisō lieu aux charges de Roi, & cōtre les heretiques, qui y pourroiet pretēdre?

Si les loix de toutes natiōs & Royaumes ne peuvent comporter l'aduancement & promotiō d'un estrāger du pays aux offices & charges publiques: combien moins d'un heretique, qui est estranger, & ennemy de la foy Chrestienne: & lequel sans cōparaison est beaucoup plus hay & à cōtre-cœur d'un chacū, & plus estrāger que l'estāger du pays?

Si nous lisons que l'Empereur Iouinian refusa l'Empire apres le decez de Iulian l'Apostat, iusques à ce que l'armee se fust declaree Chrestienne, pour ne vouloir gouuerner, ny pouuoir commander (disoit-il) qu'à personnes Chrestiennes, combien à plus forte raison eust-il refusé & fuy de donner sa voix, & de consentir volontairement à constituer vn Empereur infidelle, ou, qui est pis, heretique sur luy & les Chrestiens? Combien à plus forte raison est-il inique & indecent que les Chrestiens & Catholiques reçoieūt & acceptent volontairement vn Apostat ou vn heretique pour Roy ou Empereur sur eux? N'est-ce pas bien se bander cōtre Dieu en faueur de ses ennemis, & se ietter biē gayemēt au dāger de perdre ce precieux ioyau de la foy tant pour eux, que pour leur posterité, & tout l'estat du Royaume? N'est-ce pas bien contre toute apparece de raison que les membres de Christ establisent sur eux vn membre du diable, & qu'estant sur le propre d'interpreter leur

loy Salique ils y veullent ou puissent bailler autre sens, que celuy qui est conforme à la foy Catholique & à leur religiō pour s'asuiettir à vn Roy qui y soit contraire? Ne lit on pas qu'un de vos Roys anciens nommé Emond estant pressé par guerre de se rendre & s'oubsmettre luy & son estat aux Daces, gēs infidelles, ne le voulist iamais, s'il ne luy promettoient d'estre Chrestiens, faisant ceste response, Qu'un peuple Chrestien ne pouuoit se s'oubsmettre à celuy, qui abhorroit la Religion Chrestienne: si premierement il n'en faisoit profession? & ceste constance a esté tant estimee, que estant mort sur ceste querelle il en a obtenu tiltre de saint & de martyr.

Si les Payens mesmes & Idolatres, qui ont eu leurs Estats bien reglez & heureux, cōme les Romains & autres, ont prins pour le s'oustien & loy principale de leur Estat celle de la religiō du pays, nōmeemēt pour n'admettre ou toller aux charges de consul, de Roy ou autres publiques, q̄ ceux qui faisoient professiō de la religion receuē parmy eux ou autorisee par le Senat: que doiuent faire les Catholiques, qui sont assurez le salut estre de leur costé, & que c'est la prouidence de leur vray Dieu Iesus Christ, qui guide & gouverne les Royaumes & Estats? Aurōt-ils moins de zele & d'affection à l'honneur de Dieu, & bien de son seruice, que ces Payés enuers leurs Idoles & vaines imaginations? Ou bien aurōt ils moins d'aduiz, de iugemēt, & de prudēce pour la police & les moyēs de s'entretenir en paix & en repos, quand mesmes il n'y iroit rien du fait de Dieu & du salut, q̄ ces gens, qui vivoient en tenebres & destituez de la grace de Dieu.

Il est escript en Iosephe, que quād Isates Roy des  
 Adiabenes eust receu en soy la religion des Iuifs  
 avec Heleine sa mere, qu'elle & Ananias grand  
 Docteur de la loy, qui l'auoit instruit & excité à  
 ce, luy dissuada de declarer sa religion, & de rece-  
 uoir la circoncision, de peur que ses suieçts con-  
 gnoissant ce changement de religion, ne se retiras-  
 sent de son obeissâce, & ne luy deuissent ennemis,  
 pour ne pouuoir supporter, qu'autre leur cōman-  
 dast, qui ne tint la religion du pays. Cōme de faict *Roy chas-*  
 sen estant apperceuz ils recoururēt à Abias Roy *sez de leur*  
 d'Arabie, & apres luy à Vologese Roy des Par- *Royaume*  
 thes, pour l'oster, & leur dōner autre Roy, à l'occa- *par leurs*  
 sion seule de l'hayne, qu'ils luy portioient, de ce *suieçs pour*  
 qu'il estoit d'autre religiō, que les Roys ses prede- *auoir chan-*  
 cesseurs. Dōr il appert, que ce a esté tousiours vne *gé la reli-*  
*gion.*  
 opiniō ordinaire de toutes natiōs, & en tous Roy-  
 aumes que les suieçts ont pensé pouuoir iustemēt  
 refuser l'obeissance, & depōser celuy, qui laissoit la  
 Religion du Royaume, & laquelle ils estimoient  
 estre la meilleure. No<sup>r</sup> lisons aussi qu'Anxius Roy  
 des Bulgares s'estāt faict Chrestie enuiron l'an 850.  
 la plus part de son peuple, & les Sacrificateurs de  
 l'Idolatrie excitarent vne rebellion de ses suieçts  
 contre luy à ceste occasion. Carpualde Roy des  
 Anglois n'est pas si tost baptisé & fait Chrestien  
 enuiron l'an 620. qu'il est tué par vn nommé Rich-  
 bereceth sien suieçt en hayne seule de sa religion.  
 Gordas Roy des Huns soubz Iustiniā s'estant faict  
 Chrestien, les Huns de ce offencez vniz avec son  
 frere Moageras le tuēt, prinēt ses enfans de sa suc-  
 cession, y mettent ledit Moageras en leur place.  
 Idomeneus Roy de Crete ayāt voulu sacrifier son



fils contre la religion du pays il est desmis par ses  
 suicets & chassé du pays. Misteuo Roy d'Vuagie-  
 res l'estant fait Chrestien, il est chassé du Royau-  
 me par ses suicets, & meurt en exil enuiron l'an  
 1020. les Gots & Sueones tuent leur Roy Erice, de  
 ce qu'il festoit fait Chrestien. Les Hongres chas-  
 sent leur Roy Pierre enuiron l'an 1047. de ce qu'il  
 en auoit fait le mesme, & auoit laissé la religion  
 du pays. Cupasse reuolte avec plusieurs du peu-  
 ple contre Estienne Roy d'Hongrie, à cause qu'il  
 estoit Chrestien. Le Roy de Noriques enuiron  
 l'an 1000. est tué par son peuple à son retour de  
 France, pour auoir quitté la religion du pays &  
 prins Baptisme. Sigibert (di& le petit) Roy des  
 Anglois ou Saxons orientaux est tué par coniura-  
 tion des siens, pour s'estre rendu Chrestien. Les  
 Perles enuiron l'an 500. depesent & emprison-  
 nent leur Roy Cabades, & y mettent en la place  
 vn sien frere, à cause que contre leur religion il a-  
 uoit fait vne loy, par laquelle il introduisoit la  
 communauté des femmes: & tourefois leurs Rois  
 estoient faits par succession de mesme que les no-  
 stres, comme remarque S. Gregoire le grand. Et est  
 notable du mesme Cabades, qu'ayant recouuert  
 son Royaume il feit mettre à mort beaucoup de  
 milliers de Manichiens, par ce qu'ils auoient se-  
 duit & rendu de leur religion son fils Phatuarfan,  
 & qu'ils luy promettoient de le faire declarer par  
 son pere son successeur. En l'histoire des Indes  
 Orientales nous li&ons, que le Roy Syonis s'estant  
 fait chrestien quasi tout son Royaume s'est departy  
 de son obeïssance à moins de seize mois, pour ceste  
 seule occasion. Aussi Barthelemy Roy de Jappon

ayant delibéré de se faire baptiser avec sa famille les principaux de ses suieets coniurent contre luy & rasehent d'y en mettre vn autre en sa place.

Tous leurs liurets se targuent grâdement contre ceste opinion des Catholiques à la façon (testmoing Lucifer) de Constantius Empereur Arrië, du commandement de Dieu, qui porte, Qu'il faut estre suieet, rendre hōneur & obeir aux Roys, aux Princes & à toutes puissances. Mais qui ne voit, q̄ ce n'est rien à propos de la question, de laquelle on est en different ? sçauoir si l'on doit receuoir en roy le R. de N. ou autre Heretique ou non. Le commandement de Dieu parle de celuy qui est ja roy estably & nous disons que le R. de N. n'en est pas encores, graces à Dieu, qu'il n'en sera iamais avec son ayde, & qu'il n'en peut estre par droit & raisō. Ce sont deux faits fort diuers, & ils nous obiectēt cest argument, comme fil estoit Roy. Toutesfoiς mettons le cas, qu'il fust desia receu, ou comme heretique, ou cōme Catholique, & qu'après il deuint heretique : Nous disons qu'en ce cas nous sommes aux termes, que nous auōs touché cy deuant : c'est que du commandemēt general d'obeir aux Roys il y a dispence, ou plustost exception expresse portāt non seulement liberte aux chrestiens, ains inhibition de ne receuoir l'heretique en nos villes, & maisōs, nō mesmes lui faire aucū hōneur.

S'ils contestent, comme ils font qu'en ceste exception les Roys & Princes souuerains n'y sont point nommez : c'est tout de mesme, comme si nous leur disions, qu'au commandement general d'obeir aux Roys l'heretique n'y est point exprimé notāment, & que par mesme raison qu'ils vou-

*Response  
au cōman-  
demēt de  
Dieu d'o-  
beir aux  
Roys.*

dront distraire le Roy du commandement contre l'heretique, nous pourrons aussi exempter l'heretique du commandement general d'obeir au Roy, mais bien plus iustement, que c'est l'escriure mesme, qui l'exempte, ou de l'autre costé il parle en termes generaux des Roys & Princes. Et le Roy doit estre d'autât plus comprins en ceste exceptiõ, que cela est conforme à la loy expresse & particuliere de Dieu, de ne recevoir en Roy vn Idolatre, ny autre qui ne tint la Religion Iudaïque.

Mais encorcs que l'exception del'heretique ne fust point si formelle en l'escriure, nous disons, que dans le commandement general d'obeir aux Roys, l'heretique n'y peut estre comprins ny entendu en aucune façon. Et en voicy la raison: Car comme ce commandement general d'obeir aux Roys n'est pas tant vn commandement propre de Dieu, comme c'est vn commandemēt qui depend de la loy naturelle & du droict des gens, lequel le droict diuin ne tollit point, mais bien le bonifie: aussi l'autre commandemēt, qui est vne exception du premier, de ne honorer, ny obeir à l'heretique, n'est pas tant vn commandement propre de Dieu, qu'il depēd de la mesme loy naturelle, & du droict des gens. Lequel deffend de permettre simplement en vn Estat nouveauté ou contrariété d'opinions en la foy & doctrine de la religion de chascune gent & nation, quand elle n'excede point les termes du sens naturel, & que l'on a iuste occasion d'ignorer la religion Obrestienne par defaut de la lumiere supernaturelle: ce qui est autāt, que de n'y permettre vn heretique. Et partant tant s'en faut, que le commandement general, qui est d'obeir aux

Rois se doiue entendre sans consideration de leur religion, qu'au contraire il requiert & presuppõe necessairement, que suiuant l'autre loy naturelle des gens, ils tiennent la Religion de l'Estat: qui est autant que de dire qu'ils ne soient heretiques ou innouateurs en la foy ou religion, si Dieu par vne lumiere extraordinaire & diuine, corrigeant ou purgeant ceste loy des gens, ne inspire autrement les suieets. Si donc la Religion Chrestienne & Catholique a esté vne fois receuë & establie en vn Royaume, pourquoy sera il permis au Roy de la changer en sa personne? en sa Royale Maieité, ou en son peuple, non plus que selon le droict des gens il ne pourroit humainement faire d'une autre religion: & qu'il n'y a point d'apparence que Dieu aye voulu que la condition du Christianisme & de sa religion soit pire ny plus suieete à changement que celle du Diable? Dauantage ce second commandement de ne honorer l'heretique estant conceu par negatiue doit estre obserué en tous temps, en tous lieux, & de toutes personnes. Ce qui n'est pas de mesme de l'autre, qui est affirmatif, lequel n'a lieu que selon les circonstances, suiuant la nature des preceptes negatifs & affirmatifs, comme tresbien enseignēt les Philosophes & les Theologiens.

Mais quād bien toutes ces considerations cesseroient, n'ont ils pas appris de leur principal maître en son institutiō, Que tout le commandement qui est donné de Dieu d'obeir aux Roys & de souffrir d'eux toute dominatiō desordōnee ne s'entēd que pour le regard des personnes priuees. Car s'il y a des Magistrats constituez pour la defence du

*Opinion de  
Caluin touchant  
l'obissance  
qu'on doit  
aux Roys.*

peuple pour refrener la trop grande cupidité &  
 licence des Roys (comme sont possible aujour-  
 d'hu y en chacun Royaume les trois Estats quand  
 " ils sont assemblez ) à ceux, qui seroient constituez  
 " en tel Estat, tellement ie ne deffendray de s'oppo-  
 " ser & resister à l'intéperance ou cruauté des Roys  
 " seló le deuoir de leur office: que mesmes s'ils dissi-  
 " muloient, voyans que les Roys desordonnement  
 " vexassent le pauvre populaire, i'estimerois deuoir  
 " estre accusée de periure telle dissimulation, par la-  
 " quelle malicieusement ils trahiroient la liberté du  
 " peuple, de laquelle ils se deuiroient cognoistre estre  
 ordonnez tuteurs par le vouloir de Dieu. Nous  
 auons bien voulu transcrire icy le dire de leur ora-  
 cle, non pour l'approuuer en tout, mais afin que  
 l'heretique aye la gorge coupee par son propre  
 couteau, & qu'il ne face plus tant de parade de  
 Dieu, avec lequel il n'a ny part ny quart, ny aucu-  
 ne société. Car si ces Officiers del'Estat (comme  
 sont sans doute les Courts de Parlemēt, les Estats  
 generaux & les Princes & officiers de la Couróne  
 bien vniz, mesmement apres le decez du Roy, &  
 lors que la successiō est ouuerte & disputee: & en  
 l'Empire les Electeurs (dit Martir) doiuent selon  
 Dieu sous peine d'estre pariures, non seulement  
 desobeir, mais s'opposer & resister au Roy abusant  
 de son pouuoir, mesmes és choses, qui ne sont cō-  
 tre la foy & la religiō, que doiuent ils y faire en tel  
 cas? Et si resister au Roy n'est autre chose, qu'em-  
 pescher qu'il ne face ce qu'il veut, & le destituer &  
 demettre autant qu'est en soy, & se fortifier à ces  
 fins de celuy, ou ceux, qu'on pourra du pays ou es-  
 trangers, & de tous moyens propres à ce: si cela est

permis en cas des mœurs, de la police, & des biens  
 & des loix humaines & pour la vie du corps : que  
 ne fera il pour la foy, pour la cause de Dieu & pour  
 la vie de l'ame ? Et si demettre le Roy, pourquoy  
 non à plus forte raison ne le recevoir avec la qua-  
 lité de l'heresie, qu'on sçait estre non seulemēt in-  
 compatible avec la religion, ains qu'il l'y est con-  
 traire comme la mort à la vie, demeurant la paro-  
 le de Dieu infallible, Que le deserteur de la foy ne  
 machine que mal en son cœur, & qu'il seme dis-  
 sentions en tout temps, & que l'heresie s'espan-  
 de qu'à mal.  
 comme vne gangrene ou chancre, tellement, que  
 par tel dire & la propre confession de Calvin il re-  
 sulte que selon Dieu on ne doit, ny ne peut iuste-  
 ment recevoir ou recognoistre pour Roy vn he-  
 retique, qui ne peut que nous forcer ou violanter  
 en nostre religion, & celle de tout l'estat.

N'est-ce pas vn commandemēt exprez de Dieu  
 & aussi formel que d'obeir & estre suiets aux  
 Roys, que de faire prieres & oraisons pour eux, &  
 pour tous ceux qui sont constituez sur nous ? &  
 toutesfois l'Eglise, qui est l'interprete de l'Escri-  
 ture n'a elle pas eclipsé & osté les Roys & Princes  
 heretiques ez oraisons publiques, où les Roys sont  
 nommez par prerogative d'honneur, de respect &  
 seruice, & ce en consequence du susdict com-  
 mandement, de ne honorer l'heretique. Car l'on sçait  
 que c'estoit vne ancienne coustume de l'Eglise d'ex-  
 primer le nom du Roy ou de l'empereur parmi les  
 plus saintes prieres & hauts mysteres de la Messe,  
 comme elle faiçt bien encor. Toutesfois elle l'a  
 prohibé & defendu, lors qu'ils se sont trouvez he-  
 retiques. Comme nous lisons aux epistres du Pape



Leon premier, & en plusieurs autres lieux, & que cy apres il se verra par exemples: nous enseignant & instruisant par là, que si l'heresie nous absout de l'obligation de prier pour eux specifiquement, & mesme au lieu d'honneur, à plus forte raison de leur obeir, veu mesmement que de prier pour eux no<sup>y</sup> y sommes induits par charité, voire, cōme dit S. Paul, par nostre propre interest, & autant, que nous desirōs de passer vne vie tràquille & douce.

N'est-ce pas vn commandement de Dieu, & le premier (dit S. Paul) qui a promesse speciale de recompence en ceste vie, que de honorer, & obeir à pere & mere, & en consequence duquel sensuit l'obeissance & seruice enuers le Roy: Toutefois si l'heresie, sans aucun doute, & au consentement de tous les Theologiens & Canonistes suiuant le sens de l'Escripture sainte, absout & depestre les enfans du ioug, de la cohabitation, & de la puissance paternelle, & de tout droit, que leurs parens ont de leur pouuoir commander en toutes choses, comme en leur propre, au cas qu'ils soient heretiques, sans qu'il soit besoing d'autre excommunication: combien à plus forte raison les suiets de toute la conuersation, suiection ou puissance Royale: veu que le deuoir enuers les parens est d'un lié plus estroit & de tout droit diuin, naturel & humain, & cause de celuy enuers le Roy, pour estre censé cōme vn second pere: & aussi que nous deuōs à pere & mere, plus qu'aux Roys, voire plus (disent les Theologiens) qu'aux Anges, ny qu'à la Vierge mesme. Et suyuant cela (dict saint Hierosme) Marche hardiment, foulant la teste de ton pere, pour embrasser l'enseigne de Iesus Christ. Et

*On doit  
preferer le  
seruice de  
Dieu à  
tout autre.*

apres luy saint Cyrille, Où la Religion est violée,  
 le bon Chrestien ne fait estat de la reuerce de ses „  
 parens, comme estant chose inutile & perilleuse, „  
 il quitte l'amour enuers ses enfans & ses freres, „  
 prefere la mort à la vie, esperant trouuer par ceste „  
 mort vne resurrectiō plus glorieuse. Et lōg temps „  
 deuant ces deux, saint Ignace : Ne hante point „  
 l'heretique, quand bien il seroit ton pere, ton fils, „  
 ton frere, ou domestique. Conformement au dire „  
 d'Aristote, Que pour la verité il faut rompre les „  
 droicts de famille & de parenté, & à ce que par la  
 loy il estoit enioinēt aux peres, de deferer en iuge-  
 ment, voire de tuer leurs enfans, comme aussi au  
 frere son frere, & à l'amy son amy, au mary sa fem-  
 me, s'ils les auoient vouldus seduire de la foy, &  
 les induire à idolatrie, au regard de laquelle l'he-  
 resie est beaucoup plus detestable. N'est-ce pas ce  
 que nostre Seigneur vouloit dire, Que celuy n'est  
 son disciple, qui ne hait pour son seruice & pere  
 & mere, & sa femme?

N'est-ce pas vn commandement de Dieu aussi  
 formel, que celuy pour les Roys, d'obeir & ren-  
 dre double honneur aux Pasteurs de l'Eglise, & à  
 tous ceux, qui sont constituez pour veiller sur nos  
 ames : & toutesfois l'heresie ne nous deliure elle  
 pas de ce deuoir, & ne les destitue & degrade elle  
 pas de foy mesmes cōme nous auons dit du Pape?

N'est-ce pas vn cōmandemēt de Dieu à la fem-  
 me de seruir & obeir à son mary? Et au mary d'ay-  
 mer & secourir sa femme, & à tous deux de viure  
 ensemble en bonne vnion, cohabitation, & com-  
 munication de biens & de la personne, & de se  
 rendre l'un à l'autre le deuoir de mariage? n'est-ce

*Le mariage se vèpt  
par heresie*

pas vne liaison indissoluble de foy, que le mariage ? toutesfois si à l'explication & selon la pratique de l'Eglise, l'heresie & apostasie, voire la simple infidellité en certain cas, est cause suffisante pour la separation, comme estant fornication spirituelle, beaucoup pire, & non moins condamnée de Dieu, que la fornication corporelle, de sorte qu'ice cas Dieu donne priuilege, dispence, & liberté à la partie Catholique de se retirer de sa compagne, & luy denier tout deuoir de mariage, tout office & seruice, pour le moins iusques à la conuersion, ou bien, si leur diuorce a esté fait ou autorisé par sentence iudiciaire, iusques à tousiours, & tant qu'il luy plaira: nous disons, que si l'on est absous & deliuré du debt & lien de mariage par le moyen & à cause de l'infidellité, de l'heresie, ou de l'apostasie, à plus forte raison du lien de suiection & seruitude, qui est beaucoup moindre, & de l'obeissance, & seruice que le suiet ou vassal doit au Roy ou seigneur, voire quand bien apres il se reduiroit à la foy Cathol. si vne fois il a esté déposé ou priué par iugement du Pape, ou de l'Eglise, ou qu'il n'aye esté retraicté par les mesmes ? Si aussi la disparité & differéce de Religio non seulement empesche le mariage futur, mais aussi dissout celui, qui est fait, combien à plus forte raison empeschera elle la reception ou conionction d'un Roy infidelle heretique, ou apostat en un estat ou Royaume Catho.

*Le maistre heretique peut  
la puissance sur son  
serf.*

N'est-ce pas un commandement de Dieu, à tous les serfs & seruiteurs d'obeir, & d'estre suiection à leurs maistres, bien qu'infidelles: toutesfois ne voyons nous pas que la pratique en est toute au contraire en la Chrestienté, & que suiuant plusieurs

Conciles & constitutions, la seule foy Chrestienne deliure & absout les serfs du Iuif, du More, ou autres infidelles, de toute suiection, seruitude, & deuoir éuers eux: ou, pour mieux dire, la seule infidelité de leur maistre le priue & despoille de tout droit de maistrise, & seigneurie sur vn Chrestien.

Le mesme n'a il pas esté tousiours ordonné & obserué pour le regard du serf Catholique enuers son maistre heretique, l'heresie duquel le despoille pareillement de toute autorité & puissance sur son serf Catholique, & la raison qui est du seruiteur au maistre, n'est elle pas la mesmes du suiect au seigneur ou Roy?

Or si le peril & danger de perdre la foy est la cause principale de l'entiere & legitime separation du fils contre le pere, & de la femme contre le mary, de la brebis contre son pasteur, du seruiteur contre son maistre, & qu'iceluy est encores beaucoup plus grand de la part du Roy & Seigneur heretique, ne sera il donc pas permis au suiect, ou plustost n'est-il pas obligé de se separer & aliener entierement de la conuersation, du service, obeissance & suiection de tel Roy, plustost que se mettre en danger de perdre la foy? N'est-il pas donc à plus iuste tiltre obligé à ne le receuoir, ne s'y soubmettre, & ne le cognoistre volontairement & librement, & s'il s'en peut passer ou depaistrer? La raison que saint Paul donne pour le regard du mariage, n'a elle pas lieu aussi bien en tout le reste? C'est par ce (dict-il) que Dieu n'a point appellé le Chrestien à vne seruitude & suiection, ains en vne vraye paix & tranquillité, c'est à dire, que comme la partie fidelle n'est point

*Danger  
de perdre  
la foy no<sup>u</sup>  
fais quit-  
ter la suie-  
ction d'un  
Roy heretique.*

tellement abstraincte au lien de mariage, qu'elle soit tenue à ceste occasion de faire rien, qui soit au preiudice de Dieu, ou au peril euidēt de la foy: & que si l'on ne peut conseruer la paix & la concorde maritale, qu'aux despens de la religion & du salut, il vaut mieux faire entier diuorce pour aspirer & pretendre à la vraye paix, qui gist à estre bien avec Dieu, & ne perdre point la foy. Aussi le Chrestien n'est point tenu de receuoir ou obeir à vn Roy qui a delaissé ou se depart de la foy Chrestienne, au danger de la religion, & au tres grand scandale & trouble de la Chrestienté. Car toute suiectiō du Chrestien presuppōse, que ce soit saul l'interest de Dieu, de sa Religion, & de la paix de l'Eglise, & de la conscience. Ces deux poincts sauuez & gardez, il est permis apres honorer, recognoistre, & obeir à pere, mary, Roy, maistre, & Pasteur: mais autrement ils nous doiuent estre en mesme rang & consideratiō que les plus estrangers & incognus du mode, n'estans tenus à leur obeir en tel cas, que lors seulemēt, que Dieu y est seruy: c'est à sçauoir, toutes & quantes fois, qu'en leur desobeissant il y a dāger, que cela ne reuiēne & retombe au dommage de la foy Chrestienne, & à rebuter & scandaliser tellement les infirmes, que cela puisse estre occasiō, qu'ils delaissent à receuoir la foy, ou qu'ils saignent contre la Chrestienté. Comme nostre Seigneur pouuoit bien par iuste raison se deliurer de payer le tribut, neantmoins pour fuyr scādale, il a commandé qu'il fust payé. De mesmes S. Paul ordonne que la femme suiecte au mary infidelle, & que les serfs & suiets fidelles obeissent aux maistres & seigneurs infidelles: mais il adioute iusques

ques à quoy, & pourquoy: afin, dict-il, que le nom  
de Dieu & sa doctrine ne soit blasphemée en eux,  
monstrant bien, que la consideration de scandale,  
qui en arriueroit par fois contre toute l'Eglise & la  
foy Chrestienne, est la propre & principale raison,  
pour laquelle vn Chrestien doit selon Dieu & en  
la cōscience rendre subiection & obeissance à son  
maistre ou mary infidele. C'est ainsi que plusieurs,  
& mesme de nos aduerfaires, interpretent le dire  
de S. Paul aux Romains. Qu'on doit estre subiects  
à toute puissance, voire pour la conscience, c'est à  
sçauoir d'autrui, de peur que s'ils voyent, que les  
Chrestiens n'obeissent point au Magistrat, ils ne se  
scandalisent contre la religion Chrestienne, pour dire  
(comme dit S. Chrysostome) qu'elle ne sert qu'à  
mouuoir sedition & à mutinerie: & que par cōse-  
quent ils ne se rendent plus facheux, & persecu-  
teurs de la religion Chrestienne, au lieu de s'y cō-  
uerir & l'embrasser. Ce que ne peut auoir lieu, qu'e  
vn Estat ou Royaume infidele. Tellement que par  
là, la distinction des Royaumes Chrestiens ou in-  
fideles est necessaire pour l'intelligence du com-  
mandement de Dieu, touchant le deuoir du sub-  
iect & du seruiteur pour la diuersité qui s'y trou-  
ue de la raison de la loy, & de ce que peut seruir ou  
nuire à la religion, & au progrez de la foy, de l'hō-  
neur de Dieu, & de la paix de l'Eglise. A quoy  
visent toutes les loix de Dieu:

*Vn fidele  
n'est tenu  
obeir à  
l'infidele,  
que de  
peur de  
scandale.*

Finablement qui ne voit, que le cōmandement  
d'obeir au Roy, ne peut faire rien pour le R. de N.  
quand bien il seroit vne fois receu, & paisible: Car  
ou il s'entend de celuy seul, qui est le vray & iuste  
titulaire & possesseur, & lequel aye esté receu, &



*Le cōman-  
dement de  
Dieu ne  
sera en ce  
lieu.*

qui s'y cōporte selon les formes, vsances & loix du Royaume, comme il est certain, dict S. Chrysostome, que la doctrine Chrestienne ne destruy point les polices du monde, ny les formes & regles d'estat, ains les cōfirmē, & ameliore bien plustost: ou bien de tout autre, qui commandera, & se pourra rēdre maistre de ce Royaume, soit avec droict, ou sās droict. Si c'est seulement du premier, & que par nos formes anciēnes, vsances & obseruatōs; & selon la loy vniuerselle de la Chrestientē, & particulièrement de cest estat, nul ne puisse auoir iuste tiltre sans religion & sans tiltre de vray Catholique, & que l'heresie, ou l'Apostasie priuēt & despoillēt leur hoste du droit de toute sorte de supērioritē, & preminance sur les Chrestiens selon ce mesme commandement de Dieu, qui se rapporte aux reiglemens & polices humaines, nous ne pouons donc rēcognoistre vn heretique pour Roy.

S'il ne s'entend aussi, que de celuy qui commāde à la iournee, & qui est le maistre de l'estat, ou le pl<sup>r</sup> soit pour le temps qui court, comme estoient pour lors les Empereurs, & quasi tous les Roys & Princes du monde, qui auoient occupē l'estat, & la libertē de la Seigneurie du peuple Romain: & que la patience Chrestienne consiste de ne s'entremettre point, ny en particulier, ny en general, des affaires d'Estat & du monde, que par simple obeissance, que ie ne die nieiserie, voila le moindre cōpetiteur du R. de N. ou autre, qui se pourra rendre maistre de l'Estat, du tout, ou en partie, sans droict & ou avec droict: lequel a vn aussi gtād auantage par là que luy. Et par consequent, qui ne voit que d'une façon ou d'autre, c'est alleguer ce

commandement hors de tout propos & du subiect, dont il est question. Auquel ils n'ont qu'à prouuer, qu'un heretique puisse estre Roy legitime avec son heresie: car en ce cas lon luy accorde toute obeissance & sernice, sans qu'il faille que Dieu parle: autrement lon proteste de ne luy pouuoir iustement rendre non plus d'honneur, qu'on feroit au plus vilain roturier & gueux de France, ou si Dieu, pour nos pechez luy donne moyen de nous forcer, comme lon feroit à vn Tamberlan & Tyran parfait, brief autant que la violence & la force nous y pourra contraindre.

De opposer & estendre au faict du crime d'heresie, comme font tous ces liurets, la souveraineté des Roys, soit de France, de Nauarre, ou d'ailleurs, comme s'ils pouuoient iustement, & en vertu de leur puissance legitime au temporel, estre heretiques, & faire la guerre à Iesus Christ à leur plaisir, sans rien perdre de leur Maiesté & droicts, & sans aucune contradiction legitime, & aussi licentieusement, que pourroit faire l'Empereur Neron, selon les hommes, deuant que l'Empire fut christianisé: qui ne voit qu'il n'y a chose au monde si impertinente, que cela? veu que pour le respect de la foy & de tout ce, qui touche le salut de l'ame & le spirituel, aucun ne peut nier, que tous Rois Chrestiens ne soient subiects selon Dieu & de droit humain à l'Eglise, aussi bien qu'à Iesus Christ, qui est son chef & espoux, aussi indissoluble & inseparable pour le moins que le Roy du Royaume, & le mary de sa femme: & partant aux Conciles, à la discipline, iustice, & iurisdiction de l'Eglise, & aux peines temporelles qui en depen-

*Rois Chrestiens commandent souverains.*

dent, tout de mesme qu'un particulier ? Et si c'est chose trop certaine, que les peines temporelles, voire les chastimés corporels, qui sôt plus que la priuation des biés & honneurs, ne sont point cōtraires, ny incōpatibles avec la iurisdicțiō spirituelle: ains elles sont iuridiques, & des dependances d'icelle, pour les faits & crimes, dōt elle a la cognoissance, comme S. Paul & la primitiue Eglise deliuroient les corps des Chrestiens incestueux & pervers, à faute de bourreaux à Sathan, pour les tourmēter, agiter, & bourreler, quel doubte y a-il, que l'Eglise decretant cōtre tous & vn chacun, & notamment cōtre les Roys & Monarques la priuation des biés & hōneurs en peine d'heresie, ne le puisse: & ne doieue estre obeie, aussi bien par les Roys & Seigneurs souverains au temporel, que par celuy, qui n'est souverain, ou que par tout autre? & qu'en cas de refus elle ne puisse employer ses moyens, c'est à dire ceux de tous les Chrestiens, qui sont à elle & à son seruice, cōmes ses enfans & subiects?

Nous accordons & preschons tres-volōtiers la souveraineté du Roy, mais c'est selō qu'elle est en verité, c'est à dire, sur le temporel & aux crimes temporels: mais non sur le spirituel, ny aux crimes purs spirituels: Tout de mesme que nous ne l'accordons que sur les François ses subiects, & non sur les Alemans ou Anglois. C'est dont autāt qu'elle n'est contraire à la foy & à l'Eglise Catholique, Apostolique & Romaine, & qu'elle ne touche, & ne cōbat le spirituel, ains lors seulement, qu'elle se cōtient dans sa nature, & son espee, dās ses limites, dās sa charge & fonction: & qu'il n'est question directemēt, que de la temporalité: & par

ce moyen autant qu'elle ne se diét, & ne peut s'entendre puissance souueraine que par comparaison de toute inferieure seigneurie & puisſance de meſme eſpece, ſçauoir au temporel, & par conference des autres Roys & Seigneurs, qui doiuent hōmage ou tribut temporel. Mais lors que telle puisſance ſera cōparce à celle de Ieſus, qui eſt le vray & le ſeul Roy ſouuerain des Chreſtiens, & notammēt du Royaume de France, des & depuis qu'il a eſté chriſtianisé, c'eſt à dire rendu ſubjet à l'Egliſe de Ieſus Chriſt (ce qui n'eſtoit pas du temps de Nero ny de Pharamon) & par conſequent à la puisſance qu'il a donnee & eſtablie en ſon Egliſe ſon eſpouſe, ſur tous ceux qui ſont, ou qui veulent eſtre dits enfans de ce mariage, & auoir part en ſon Royaume, ſoit ça bas, ou là haut: en ce cas, & pour le regard des loix de Dieu & de l'Egliſe, nous ſommes tous compagnons du Roy & ſes eſgaux en obeiſſance & ſubiection. Car comme le plus petit, il ſe agenouille & proſterne deuāt le moindre Preſtre qui ſoit, & prend à hōneur & benediction de luy faire chacun iour offrande & hōmage à deux genoux, & de pouuoir baiſer, diét S. Ambroise, les mains des Prelats de l'Egliſe, & les pieds des ſeruiteurs des ſeruiteurs de Dieu, qui ſōt actes certains & apparās de ſoumiſſion, ſubiection, & de minorité. A meſme fin il a entree & aſſiſtance ez aſſembles de l'Egliſe en vn Concile general, non pour ordonner ny opiner, ou auoir voix deliberatiue avec les Prelats (ce qui n'a eſté iamais veu, ny approuué entre les Catholiques) mais principalement pour propoſer les doubtes & maladies de ſon Royaume, & pour ſouſcrire, & promettre

*Le Roy  
d'Eſpagne  
baïſe les  
4 doigts  
premiers  
à tous E-  
ueſques  
qui le vont  
voir: &  
tous Roys  
Chreſtiens  
le deſſus  
du pied en  
ſouliere du  
Pape.*

pour luy & pour ses subiets l'observatiō, sō assistā-  
ce, & l'adionction de sa puissance tēporelle & ter-  
restre à la tuition & deffense de ce, que y sera or-  
donné, cōme son fils, inferieur, & subiect, & reco-  
gnoissant appertemēt, q̄ sa souveraineté ne regar-  
de en façon quelcōque l'Eglise, & ne s'estend au-  
cunemēt sur elle, ny sur ses loix & saints decretz.

Ausqueles propres subiets, ny cōme subiets &  
inferieurs, ny autremēt ne peuvēt estre obligez ny  
en ce, qui est de la foy, ny en ce qui est des mœurs,  
ny en quelque façon que ce soit, qu'en conséquence  
de la subjection que le Roy mesmes y a ou doit: &  
selon la mesme mesure & proportion du droict.  
D'autāt qu'il est certain qu'autre ne peut faire loy  
(nous disons loy) de son auctorité sur ceux d'un  
estat, que celuy qui y cōmande, ou lequel a droict  
de superintendence & souveraineté sur luy-mes-  
me. Car la difference de loy & de conseil est en ce,  
qu'ō peut accepter ou refuser le cōseil sans peché  
ny peine: mais la loy porte obligatiō d'estre neces-  
sairement receuë & obseruee par les subiets de l'au-  
theur d'icelle, si l'on ne veut rôber en peché & en  
encourir les peines. Ou dōc les decretz de l'Eglise,  
faits principalement en vn Concile general, sont  
loix ou cōseils sur tous & chacuns Chrest. qui sont  
de l'Eglise, & notāmēt sur les François & leur Roy,  
qui sont d'un Royaume incorporé à icelle. De ne  
accorder que le secōd ce seroit s'opposer par trop  
à Dieu, qui luy a commis priuatiuement à tous au-  
tres la charge souveraine, & le regime & gouver-  
nement supreme des ames sans exceptiō des Roys;  
& partāt le cōmandement & la puissance de ordō-  
ner & faire loix sur tout ce, soit tēporel, soit spiri-  
tuel, qui peut nuire ou seruir à la foy, qui est la vie

des ames. Si aussi elles sôt loix, elles ny leur aucto-  
rité ou force ne depēdent point du consentement  
ny du Roy, ny d'aucū autre, qui que ce soit. Et par-  
tāt il faut necessairemēt qu'elles portēt commāde-  
mēt tāt sur luy, que sur ses subiets. En consequēce  
donc de ce, que le Roy y est luy-mesme obligé &  
astrainct: de droict ou de faict, ou de to' deux que  
c'est vne loy sur le Roy, comme Chrestié ou chef  
d'un Royaume Chrestié, que son consentement n'y  
est point requis à ces fins, & pour cest effect (car  
vueille ou ne vueille, la loy est tousiours loy, &  
telle qu'il ne peut iustemēt ny par droict & raison  
y refuser obeissance, ny empescher celle d'autrui,  
non plus pour le moins qu'il ne peut empescher  
legitimemēt l'obeissance de l'espagnol enuers son  
Roy) c'est pourquoy ses subiets, comme subiets, &  
non seulemēt comme Chrestiens, y sont obligez &  
tenus selon Dieu, & selon la propre nature de la  
loy: tout de mesme, que les subiets à la iustice d'un  
Baron, d'un Comte, ou autre Seigneur, qui est sub-  
iet au Roy & à ses loix, en consequence de sa sub-  
iection ils sont pareillement subiets au Roy me-  
me. Et si nous maintenions son autorité ou con-  
sentement y estre requis, il faudroit accorder par  
consequent qu'elle n'est point loy, ou que la volō-  
té du Roy seroit par dessus l'Eglise, & la loy des  
loix de l'Eglise, mesmes pour le regard de ses sub-  
iets. Ce qui seroit vne tres-grande impieté.

Nous ne voulōs pas nier que plusieurs Roys &  
Princes, n'ayēt empéché par fois l'executiō des loix  
de l'Eglise en leurs terres. Mais la question est s'ilz  
le deuoiēt, ou s'ils l'ont peu iustement en Dieu &  
cōscience, sans peché de rebellion, & sans faire la



fencé d'ailleurs plus grieuement q̄ par nostre soumission, selô que l'Eglise sçait tresbiē iuger & prescrire en telles occasiōs. Qui conteste au cōtraire, celuy la, quel qu'il soit, se monstre plus Turc que Chrestié, plus Athee, que fidele, plus Tyrā q̄ Roy, plus beste qu'hōme, & en general priué & ennemy du sens commun du monde Chrestien.

Nous ne pouuons à ce propos passer sous silence, le iugement qui a esté donné par le Pape contre le Roy de N. par la Bulle de sa saincteté du 21. Sept. 1585. par laquelle en cōfirmāt & executāt le decret *Bulle du Pape cōtre le R. de N.* du Cōcile general de Latrā, elle declare & prononce le roy de Nau. heretique notoire, & relaps: & comme tel, criminel de leze Majesté diuine, inhabile, incapable, & priué du droict du royaume de Nauarre, de l'estat de Bearn, de toutes Duchez & Seigneuries, & de tout droict de succession aux Principautez, Duchez, & notāment au royaume de France, avec inhibition à tous & chacun des Catholiques de ne le receuoir, ny luy obeyr aucunement, sous peine d'excommunication.

Car cōme nous ne trouuons point estrange, que les Huguenots s'estudient à debatre l'auctorité & la puissance du Pape sur ce: aussi ne pouuons nous point penser, qu'il y aye aucun bō Catholique, qui en vueille ou puisse iustement disputer ou douter, puis que nous voyōs qu'elle luy a esté attribuee & confirmee par le S. Esprit. Lequel en interpretant l'Ecriture sainte, a dicté le susdict Concile de Latran, & a ordonné en iceluy (car ainsi parlent les Apostres d'un Concile. Il nous a semblé & au S. Esprit.) Que toutes les puissances seculieres, de quelque degré & prerogative qu'ils soyent, facēt

*Cōcile de  
Latrā cō-  
tre le R. de  
Nauarre.*

à leur aduenement serment public, d'exterminer de tout leur pouuoir les heretiques : & à faute d'y satisfaire, que le Pape absolue & exempte du serment de fidelité non seulement leurs subiects, mais, aussi leurs vassaux, & expose leurs têtes en proye aux Princes Cathol. Si ce cōcile n'est point legitime, receuable & obligatoire, pourquoy en seront les autres plustost? Si ce n'est l'Eglise catholique, la vraye espouse du Sauueur, & nostre mere, qui a esté assemblée en iceluy, où estoit-elle donc pour lors? Si elle n'estoit en tous ces Euesques & Princes Chrestiens, & autres qui faisoient l'Eglise? Si telle forme d'assemblée ne représente au naif tout le corps de la Chrestienté, quelle autre doncques? Si tous ensemble ne peuuent faire vne loy qui soit authentique, & inuiolable pour la Chrestienté, qui dōc avec plus d'auctorité & de raison? Si lon souffre que ce qui a esté resolu, receu, & approuué avec vn si general & commun consentement, soit mis en dispute, & reuocqué en doubte, y a il chose si claire, & si veritable, qu'on n'obscurcisse, & qu'on n'esbranle par dispute? Reste-il aucune consultation, arrest, iugement, ou autre moyen au monde, pour arrester & retenir l'incertitude ou temerité des opinions, & des iugemens des hommes? Et pour le regard du R. de N. qui veut paroistre ne decliner point l'autorité & le iugement d'un Concile, soit national, soit general, mesmement pour la doctrine de foy, & pour son instruction & certitude de ce, qu'il doit croire, y a il donc rien qu'il puisse iustement repliquer ou opposer au decret de ce Concile? & que partant estant heretique, ou pour le moins n'estant

*Le R. de N.  
se voulant  
suy mettre  
à vn nou-  
veau Con-  
cile, ne peut  
reietter le  
decret du  
Concile de  
Larua.*

point Catholique, & exterminateur des heretiques (notamment à la façon que ce Concile l'entend, afin que nous n'équivoquions sur les mots) il ne soit legitimelement priué par le Pape de toute seigneurie, domination, & de tout droit de succession ?

Toutesfois quand ce ne seroit qu'une ordonnance purement politique, ou loy pragmatique faicte entre les Princes chrestiens, & leurs subiects en une diete, parlement, ou assemblee generale d'estat de tous les royaumes, seigneuries, estats & nations chrestiennes, encor n'y auroit-il point apparence quelconque entre les gens d'honneur & de iugement de la debattre. Mais à plus forte raison, quand nous voyons que c'est une loy Conciliere, c'est à dire du S. Esprit, que Dieu a promis deuoir assister, & interieurement presider à son Eglise & aux Conciles Generaux, comme le Pape y preside exterieurement, ou pour parler plus claiement avec l'Ecriture, que c'est une loy cōtractuelle, & un pacte general fait entre Dieu, les peuples, leurs Rois & Princes Chrestiens, receu & esmologué en assemblee generale, de ne receuoir ny permettre sur eux iamais aucun Empereur, Roy, ou Seigneur heretique. Quand lon ne voudroit auoir esgard au seul Pape, & à ce grād nōbre d'Euēques & Prelats qui y ont esté assemblez, estās plus de 1400. & lesquels ont fait ceste loy: encores le grād nombre & la qualite des Ambassadeurs des Empereurs du couchāt & du leuāt, des rois de France, de Ierusalem, d'Espagne, de Cypre, d'Angleterre: & generalement de tous les Rois, Ducs, grands Princes, Estats, & seigneuries de la Chrestienté, qui y ont

*Autherisé d'un Concile.*

assisté, qui y ont requis ladite loy, qui l'ot approu-  
uee & cōsentie, & lesquels se sont touzmis & obli-  
gez par leurs propres seings manuels de la part, &  
suiuant la charge & procuracion expresse de tous  
les Princes & Peuples Chrestiens, est plus que suf-  
fisant moyen, à faire que chacun y acquiesce.

De maniere que quand bien le Concile, l'Eglise,  
ny le Pape n'autoit de sa propre nature & consti-  
tution de la part de Dieu ceste auctorité ( comme  
il a la souveraine puissāce externe & Monarchi-  
que, & la iurisdiction pour tout ce qui cōcerne le  
spirituel, & qui tend à la fin de la loy de Dieu, ou  
qui viēt en cōsequēce d'icelle sur routes perlon-  
nes qui sont subiectes à icelle) de priuer ou decla-  
rer les Roys & tous Princes souverains priuez  
pour l'heresie, de tout cōmandemēt & dominatiō  
sur les Catholiques: quād mesmes aussi en la pro-  
messe que les Roys, Princes & peuples ont fait au  
Baptisme, ou par la profession de foy de bouche  
d'estre Chrestiens ne seroit cōprinse (cōme elle est)  
la promesse de seruir en leur charge à Iesus Christ  
& à l'Eglise, avec soubmissiō de perdre plustost &  
la vie & le Royaume, que la foy & l'obeissāce que  
ils leur doiuent: toutesfoiis leur seule volōraire sub-  
missiō, subscriptiō, & cōformité par pratique à la-  
dicte ordonnance du Concile telmoigne assez, ou  
que telle puissāce est de Dieu, ou quoy que ce soit  
ils ont recognu telle auctorité estre en l'Eglise, &  
au Pape: ou biē qu'ils leur ont nō seulement remis,  
cedé & transporté, & deferé deslors par leurs Euef-  
ques, Ambassadeurs & deputez, telle puissāce: ains  
ont promis & se sont liez les mains par vne gene-  
ralle approbation & cōmune obseruāce & prati-

que continuelle des peuples de n'y pouuoir pour-  
ueoir, receuoir, ou toiller vn heretique: & les rois  
de ne pouuoir paruenir, & moins vouloir iouyr &  
vser de l'administratiō & gouuernemēt du Royau-  
me, qu'entant qu'ils sont & font sermēt de Catho-  
lique, & de la mesme foy, que ledict Cōcile. Et ce-  
la n'est-il pas plus que suffisant pour y obliger &  
eux & leur posterité & leurs estats, & empescher  
qu'aucū n'y puisse venir ny estre souffert iamaïs au  
contraire? Car autrement ce seroit aneātir la puis-  
sance des Monarques, qui ne se la peuuent attri-  
buer iustement eux-mesmes par vsurpation, ains  
seulemēt autāt qu'elle leur a esté vne fois remise,  
compromise, & deferee par le peuple, n'y ayant  
puissance, auctorité ou preeminence quelcōque,  
qui soit mieux fōdee, que celle qui est establie par  
consentement & submission volontaire.

*Origine de  
la puissance  
des Rois &  
monarques  
sur le peu-  
ple.*

D'imputer à la faincandise & stupidité des rois,  
des Empeereurs, des Princes, & des peuples de ce  
temps là qui estoient l'an 1214. & depuis, ceste  
grande obeissance, respect, ou concession, nous se-  
rions nous mesmes plus abestis cent fois, de tenir  
pour faincants & stupides ces grands & tres-illu-  
stres personages, de l'honorable memoire des-  
quels, toutes les histoires sont pleines. Est-il ima-  
ginable que tant de Rois & Seigneurs souuerains  
se soient souzmis à l'auctorité des Euesques en vn  
Concile, & particulièrement du Pape, si la raison,  
leur grande vtilité, & l'extreme necessité, leur de-  
uoit, & Dieu mesmes ne les eust faict plier à ceste  
condition? Car quelle autre vertu ou puissance  
pourroit faire, que cent milliōs & milliades d'hō-  
mes obeissent d'eux mesmes à vn? les forts aux

*La submis-  
sion du mō  
de au Cō-  
cile & au  
Pape est de  
Dieu.*

foibles? les gaillards & en aage robuste aux vieillards moribodes? les nobles aux gens de vile naissance? les gens de guerre aux delarmezi? Bref, est il possible, qu'il y aye en quelque temps, auquel les plus puissans se soient volontairement assubiectis aux plus foibles?

*Singulari-  
ter du Co-  
ncile de La-  
trane.*

Aussi nous obseruons que comme ce Concile est le plus grand, que iamais a esté en nombre de Prelats, venus de tous les quatre coings du monde, & d'Ambassadeurs de tous les Roys, Princes, & Estats Chrestiens, tant du leuant que du couchât: aussi il n'en y a point, qui nous puisse représenter mieux toute la Chrestienté ensemble, & ce, qui peut estre de l'intention de Dieu, du sens de l'Escripture sainte, de la foy, de l'Eglise, du commun & vniuersel sentimēt des gens, sur la loy & raison naturelle, & sur les moyens de conseruer la Religion Catholique, & vn estat Chrestien en paix & repos. C'est aussi le seul & vniue Cōcile (non sans grand merueille, & vne singuliere providence de Dieu) qui se soit auoir esté accordé, cōuoqué, tenu, célébré, receu, obserué, & executé tout soudain, & de temps en temps, avec l'vniuersel accord pacifique, & commun consentement libre de tous les Princes & peuples Chrestiens, sans aucune dilation, interruption, opposition, ne contradiction quelcōque: si bien, qu'il a esté de telle auctorité & reuerence en toute la Chrestienté, tant de l'Eglise Grecque, que Latine, que l'on en a tiré les cinq commandemēs généraux, qu'on appelle de l'Eglise: & qu'il se peut dire avec verité, que, soit pour la foy, soit pour les mœurs, la discipline & police Ecclesiastique, il a esté tousiours gardé inconcussé-



ment pour loy, norme & reigle de l'Eglise : & duquel la pluspart du droit canon & ecclesiastique a esté tiré & compilé. Le Pape Innocent 3. qui y a presidé, ayant esté d'ailleurs de telle estime, pour la saincteté & suffisance, enuers tous les chrestiens, tant de son temps, que depuis, qu'il en a acquis & retiré le tiltre d'Apostre Romain : & que toutes ses ordonnâces & actes ont esté receus, approuuez & suiuis en tout & par tout, comme vn oracle, chose que Platine a bien voulu obseruer pour fort singuliere & rare.

*Deposition  
d'un Prin-  
ce heretiq'  
pratiquee.*

Et pour le regard de cest article, concernant le fermēt des Rois & Princes pour la foy catholique, leur expoliatiō & priuariō à cause de l'heresie, l'un & l'autre a esté tousiours depuis inuiolablement gardé, & la deposition fut deslors pratiquee par ce mesme concile, à l'adueu, souzmission, approbatiō & consentement de l'vniuersel monde Chrestien & Catholique, & singulierement des François, & de nos Roys, contre raimōd Comte de Thoulouze, les Comtes de Foix, Gaston de Bearn, & autres leurs cōplices, lesquels pour estre heretiques, furent excommuniez par decret dudit Concile, pronōcé par la bouche du Pape, & si furent aussi priuez dudit Comté de Thoulouze, & de toutes leurs terres, & icelles donnees à Simon Comte de Mōtfort, chef de la ligue & de la Croisade, à la mesme façon & maniere que le R. de N. a esté priué de ce Pape, suyuant ledict Concile.

*L'heresie  
du Roy de  
N. condamnée.*

Nous dirons d'auantage, & qu'il est fort cōsiderable en ce fait, que ce fut pour mesmes heresies que le R. de N. tiēt & croit, & notamment pour le regard de la Messe, ainsi qu'il est porté plus ample-

ment par les actes & decrets dudit Concile. En-  
quoy il appert en passant, qu'on ne peut douter, si  
le R. de N. est heretique, parce que ce Concile de-  
clare heretiques ceux qui tiennent pour foy chre-  
stienne, les opiniōs que croit le R. de N. & les Hu-  
guenots au contraire de la profession de foy dres-  
see audict Concile.

*Le Pape  
peut donner  
les biens  
d'un here-  
tique en  
proye.*

Que vn Chrestien puisse trouuer estrange, que  
le Pape donne les biens & estats d'un heretique  
en proye, il n'y a point d'apparence: sāt parce que  
(comme dict S. Augustin cōtre les heretiques de  
son temps) c'est appeller fausement ces biens ou  
estats leurs, lesquels ils ne peuuent posseder, ny par  
droict diuin, par lequel tous les biens appartiē-  
nent aux catholiques & iustes, ny par les loix hu-  
maines, qui les en priuent & despouillēt: qu'aussi  
parce, que si le Pape peut le declarer heretique,  
l'excommunier, & absoudre les subiects de toute  
seruitude, & obeyssance: si les subiects, ou ceux,  
qui peuuent auoir interest à sa succession, ou de-  
pouille, sont nonchalans, ou n'ont le moyen de le  
chasser, soit sans guerre ou avec guerre, quel dou-  
te y a il, qu'on ne puisse appeller, ou prouoquer  
les autres Princes chrestiens à l'ayde de la foy  
ohrestienne contre tels heretiques: & qu'iceux par  
le droict de guerre, & en recompence des frais  
n'en puissent demeurer iustes acquireurs & legiti-  
mes possesseurs: Et nō seulement le Pape, mais aussi  
le moindre Euesque peut iustement, voire droit en  
Dieu & cōscience rechercher à ces fins l'ayde d'un  
Prince catholique, soit du pays ou estranger: & y  
exhorter tous les catholiques ses subiects, & au-  
tres, par la meline raison que S. Augustin recom-  
mande

mande tant l'Euesque Maximia en Aphrique, d'auoir employé le secours de l'Empereur Chrestien contre les Donatistes, nō tant (dict il) pour se venger d'eux, que pour defendre son Eglise. Ce que sil eust delaisié, sa patience n'eust pas esté tant à loier que sa negligence à blasmer iustement : & S Paul (adiouste il) ayant recouru à l'ayde de l'Empereur Romain, bien que infidelle, & ayant requis l'ayde des loix Romaines, il ne l'a pas fait tant pour espargner sa vie, que pour pourueoir au bien de l'Eglise, ayant laissé par là vn beau enseignemēt & exemple de ce que deuoient faire les Prelars & les dispensateurs de Iesuschrist toutesfois & quantes que l'Eglise & la foy estant en danger & peril, ils pourroient trouuer des Empereurs & Princes Chrestiens pour les appeller & exhorter à leur ayde & secours. Suitant cela nous lisons, qu'environ l'an 940. Otho l'Empereur fit trancher la teste à Bozoy d'Arles, pour auoir donné vn soufflet à l'Euesque, lors qu'il disoit la Messe. Et Theodose le ieune fit la guerre à Varanes Roy des Perses, à l'instance & poursuite des Euesques & Chrestiens ses subiects: afin de les deliurer de la persecution de leur Roy, comme il aduint par le traité de la paix. De pretēdre pour nullité cōtre ceste sentēce du Pape, comme ils font, que ç'a esté par default, & luy non ouy, celā est trop ridicule. D'autant que le crime est si flagrant, & la notorieté du fait si apparente, qu'il n'y est point besoing de preuues, non plus qu'il fut lors contre le Comte Raymon & les autres, lesquels furent en effect & realement deposés par ledit Mōtfort, apres la victoire gaignee sur l'armee des heretiques, cōposée de plus de cēt

*Recevoir  
au secours  
d'un Roy  
Cath.*

*Non eide  
fuisse lam-  
danda pa-  
tencia, sed  
negligētia  
merito cul-  
panda.*

*Bien procé-  
de cōtre le  
R. de N.*

mil combatans par huit mille Catholiques, & apres vne guerre de 15. ans faicte à l'instance du Pape par le commandemēt des Rois Philippes Auguste, dict Dieu-donné, & le conquerant, & des deux Louys pere & filz. Combien que le dernier Comte Raymon fist en sin abiuration solemnelle de son heresie, sur quoy interuint la Pacification & le mariage de sa fille Ieanne, dicté par aucuns Anne avec le frere de Saint Louys nommé Alphonce Duc de Poictiers: toutesfois si ne peut il empêcher qu'une bonne partie de ses biens ne demeurassent aux heritiers dudit Montfort, & la ville de Serres au Pape, & qu'il ne fust adstrainct, nonobstant la pretēion de l'Anglois au cōtraire, de tenir à foy & à hōmage dudit S. Loys son Côté, & luy laisser les meilleures de ses villes pour gage & seurēté, outre le demantellemēt de Tholozes: & de plusieurs autres villes avec cōditiō, que tout le côté demeureroit audit Alphonce, & qu'il seroit vny à la couronne, s'il mouroit sans hoirs massles. Ce qu'aduint: & par ce seul moyen le comté a esté annexé à la Couronne sous Philippes le hardy. Ledit Gaston de Bearn fust aussi tenu à ceste occasion, & par mesme moyen faire le premier hōmage du Visconté de Bearn à nos Rois. Tellement que tous ces quartiers là, & Bearn notāment ont esté acquis en souveraineté à ceste Couronne par le seul tiltre de la deposition des heretiques, & que leurs biens sont à qui s'en peut redre maistr.

*Tholozes  
vny à la  
Couronne  
& cōmēt.*

Partāt si la decisiō d'un Concile general, cōme celuy de Latran, ne sert pour tenir à heresie toute opiniō cōtraire, & pour cōuaincre toute l'opiniāstrete du mōde sur ce qu'on voudroit, qu'o receuſt

en la Chrestienté vn roy heretiq. de quoy pourra-il  
determiner en matiere de la foy, si on luy oste l'au-  
torité & pouuoir de iuger au faict de la police &  
reiglemét de la Chrestienté? Si la Bulle du Pape sur  
ce contre le R. de N. n'est bien venuë par celuy  
qui en a eu la puissance, il faut dire resoluément, qu'il  
n'y a eu iamais aucun bon & legitime iugemét fait  
au monde: puis qu'il ne s'en trouuera point qui  
aye esté faict avec plus de puissance legitime, non  
seulement pour ce, qu'elle viét de Dieu, mais aussi  
pource que le Concile & toute la Chrestienté, Prin-  
ces & peuples l'ont consentie, deferee, donnée &  
compromise à sa sainteté si authentiquemét. Le-  
quel en a iouy tousiours sans contradiction, si que  
on ne trouuera point puissance d'Empereur, de  
Roy, de Monarque en chose que ce soit fondée &  
auctorisée par vn acte si solemnel. Dôt nous lais-  
sons à pēser, que si nos Rois & les majeurs du R.  
de N. l'ont receuë & practiquee contre autrui, ou  
eux mesmes, si luy & les autres successeurs de leurs  
estats iouyssent de plusieurs droicts à ceste occa-  
sion, au preiudice des successeurs & des heritiers  
expoliez: pourquoy ne sera elle gardee contre eux  
mesmes, si vn pareil cas y eschet? & pourquoy ne  
seront-ils mesurez de mesme mesure & loy, dont  
ils ont vsé enuers les autres? Nous laissons aussi à  
penſer si rompre ou venir au contraire de ceste  
loy n'est pas non seulement rompre la loy de l'E-  
glise & de Dieu, & resister au S. Esprit, mais vio-  
ler vne des principales loix & vsances de ce roy-  
aume & de toute la chrestienté, & s'opposer  
directement en beste sauuage à ce, que tout  
le monde a tenu pour loy, iustice, droict, raison,

*La Bulle  
du P. P. cō-  
tre le R. de  
N. sainte.*

& deuoir.

Ce que nous atons dit de la Bulle du Pape contre le R. de N. peut seruir pour les séblables Bulles iectées par les derniers Papes contre vostre Elizabeth: mais il y a, encores en celles icy d'autant moins de doubte, que les Papes l'ont peu faire par droict & puissance de sief, estant certain que l'Angleterre & l'Hibernie sont du Patrimoine de S. Pierre, & ont esté tenus par lōgues centaines d'ans à foy & hommage du S. siege, le cēs & tribut annuel, ayant esté tousiours payé iusques à Henry 8. qui se reuolta contre le Pape, l'an 1554. Et nous disons, que le Pape peut nō seulement declarer vos Rois inhables de vostre Royaume: mais il se le peut attribuer en cas d'heresie ou selōnie aussi iustement pour le moins, qu'en uiron l'an 1203. Philippes Auguste cōfiscā les Duchez d'Anjou, Guyēne, Normādie, Touraine, le Maine, & tous les païs où vostre Roy Iean pouuoit prétēdre aucū droict pardeça la mer, & que les Rois d'Angleterre renoient en foy & hommage ligue du Roy de Frāce à cause du patricide que ledit Iean auoit commis en la personne du ieune Artus son nepueu, Duc de Breraigne, & successeur legitime du Royaume d'Angleterre. Et pour ceste mesme cause ledit Iean rendant l'hommage dix ans apres au Legat d'Innocent 3. pour ledicts Royaumes d'Angleterre & d'Hybernīe, non seulement comme vassal, mais aussi cōme tributaire, il cria mercy de son peché, & pour couvrir & expier ce patricide, il augmēta le tribut annuel qui estoit d'un sterlin pour seu de mille marcs de sterlins.

Et de dire avec du Mornay, que vostre-diēt Roy

*L'Angle-  
terre est au  
P. P.*



Henry voulant sortir de ceste tutelle, à laquelle il se voyoit assubieçty par la superstition de vostre bon Roy Inas, fist declarer par les Estats, que le Pape ne seroit plus recogneu souverain d'Angleterre: & que c'est l'occasion, que les Catholiques superstitieux & les Iesuites y contredisans sont iustitiez en vostre pays, cōme criminels de leze Majesté, ne vous semble il pas faire vne belle ouuerture, pour bouleuerfer tout le monde contre tous Rois & Seigneurs? Y a il, comme nous auons dict, plus iuste loy, droit, ou moyē d'acquisitiō, que celui qui se faict par donatiō, obligatiō, & souzmission frāche & volōtaire, sans force ne violēce des Rois & des peuples ensemble? Et quād il n'y auroit en ce aucū tiltre plus ancien, y a il prescription ou possēsiō immemoriable meilleure que celle qui est de huit cens & rāt d'ans; puis que ce Inas viuoit l'an 720: Où est l'Empereur, Roy, ou seigneur temporel, qui puisse produire, & alleguer vn si bon, ou meilleur droit sur province, ou terre qu'il aye? Ceux qui ont recherché toutes les pācartes du tresor de Frāce, n'ont-il pas obseruē que le plus ancien tiltre, que nos rois ayēt, n'est que depuis Philippes le Conquerāt, qui viuoit l'an 1220. Qui ne scait la resolutiō que nostre Frāçois premier dōna sur la dispute que faisoiet deuāt luy ces grāds personages Catalan, Budee, & autres, de la donatiō de Rome faicte par Cōstantin, Que qui voudroit (dit-il) exiger & recercher les tiltres & raisons de tous les Rois & Seigneurs du monde sur ce qu'ils iouyssent, auroit bien affaire de les y trouuer si biē fondez que le Pape est pour le regard de ce qu'il iouyft. Où est-il dict, qu'on ne puisse donner à

*L'Anglo-  
terre  
le au P.P.*

*L'antiqui-  
té des til-  
tres du Tre-  
sor.*

*dire du roy  
François.*

*L'Eglise* Dieu & à l'Eglise des royaumes & Seigneuries  
*peut auoir* aussi bien que la veue de l'Euangile des deniers, &  
*toute sorte* comme les anciens Chrétiens iettoient tous leurs  
*de biens* biens aux pieds & aux vassaux des Apostres & leurs  
*seigneuries* successeurs. Ou est-il dit que l'Eglise de Iesuschrist  
 ne puisse rien posséder, ou qu'on ne luy puisse rien  
 donner. Ou est-il dit (quelque passage de l'écriture  
 que les Ministres puissent au contraire tirer) par  
 les cheux) que pour estre Prestre, ou Pape, l'on  
 perde son patrimoine: ou qu'on soit incapable de  
 succession, ou d'élection: ou de domination tempo-  
 relle, ou de pouuoir posséder toute sorte des biens  
 de ce monde, & qui est plus, d'en pouuoir auoir  
 l'administration, & distribution, voire estre rois &  
 souverains en la temporalité. Au contraire toutes les  
 fois, que Dieu mesme a mis des Magistrats & chefs  
 sur son peuple, de son auantcur, de sa main immé-  
 diatement, sans obstacle? Pour dire de succession, ou  
 d'élection, ne voyons nous pas qu'il les a prins de  
 l'ordre des Leuites (que nous appellons Diacres)  
 ou Prestres, tesmoins Moÿse, Helie, Samuel, les  
 Machabees, & leurs successeurs: comme il est entré  
 en fureur lors que le peuple a demandé des chefs  
 d'autre estat & vacatio: Et la pratique de la chre-  
 stienté à recevoir & Prestres, & Moines à royau-  
 mes, n'y est elle pas conforme? Constantin l'Empe-  
 reur n'a il pas esté esleué de Moÿne à l'Eupire par  
 Costantin le tyran son père l'an 314. Nostre Theo-  
 dorie n'a il pas esté appelé de Moÿne & du Mo-  
 nastere au royaume l'an 681: & Chilperic 2. de  
 Moine & Prestre l'an 721. & en Pologne l'an 1020  
 Cazimir de Moÿne & Diacre de Clugny: & l'an  
 1382. Vladislaus de Moine de S. Benigne de Dijon?

*Les Pre-  
 stres chefs  
 & Prins  
 du peuple.*

En Arragon raimirus 2. de Moine l'an 1126. En Hongrie Calomannus d'Euesque l'an 1095? En Nortuaegie Magnus 3. de Moine est restitué au royaume. En Portugal Iean de bastard & Moine, est faict roy l'an 1384. Et nous y auons veu de nos iours Emanuel faict roy de Prestre & Cardinal (chose iamais plus veüe) & ainsi és autres royaumes. Et anciennemét n'a il pas esté obserué en plusieurs nations & estats, & par diuers tēps, que les rois estoient Prestres? Mais bō Dieu où est-il dict ou escrit, ou biē où a il esté iamais ouy, qu'un vassal ou subiect se puisse de soymesme & de son auctorité exempter & soustraire legitiment de l'obeyssance & seruice de son souuerain seigneur, & estre iuge & partie tout ensemble? Quand vos rois & vostre nation a voulu desinier cy deuant l'hōmage à nos rois pour semblable dire & pre-texte de leurs Parlemens ou estats generaux, nos rois & majeurs ont ils prins cela pour argēt comptant? Peut on donc trouuer mauuais qu'à leur exemple les Papes taschent d'auoir raison de la felonnie des Anglois leurs vassaux? N'est-ce pas establiir des droicts, reigles, & opiniōs pires, que Turquesques? Le monde, les Princes, & Seigneurs singulierement n'ont-ils pas le iugemēt bien corrompu, que de laisser viure ces semēces de poison d'estat, & auteurs de telle seruitude volontaire & fantastique? En quelle cōfusion allōs nous tōber si cest article de foy des heretiques est receu du monde? Cela soit dit par digression.

*Felennie  
de l'An-  
gleterre.*

De supposer, cōme ils font, que ce Cōcile & les autres decretz canoniques, qui priuent les heretiques de tous domaines, fiefs, & successions, parlēt

*Le Concile* seulement des particuliers & non des Seigneurs ou  
*de Latran* des Rois, c'est estre bié hardy & impudér, veu que  
*parle des* c'est sàs auctorité quelecoque, mais principalemēt  
*Rois.* parce que ces mors qui s'y trouuēt, *quibuscunque no-*  
*minibus censentur, quibuscunque fungantur officiu,* de  
 quelque tiltre, nom, grade, & office qu'ils soiēt, ne  
 le peuent permettre, & y contredissent entiere-  
 mēt, aussi bié que la pratique & vñce ordinaire.

*Quia est*  
*imperatoris*  
*cū Ecclesia*

Et certainement y a rien si absurde, que de di-  
 uiser & retrâcher les Rois du corps de l'Eglise, à  
 la façon de l'heresiarque Donatus, que nous lisons  
 souloir dire, Qu'a de cōmun l'Empereur avec l'E-  
 glise? Ne seroit-ce pas la chose la plus ridicule du  
 monde que la Chrestienté, ou pour mieux dire, que  
 l'Eglise, qui cōmande de la part de Dieu aux Roys,  
 comme à leurs subiects, eust tissū des toilles d'a-  
 raigne pour defence & rampart contre les mouf-  
 ches, & le danger ou dōmage, que les particuliers  
 heretiques peuent causer à la diminution de la  
 foy Chrestienne: & qu'elle n'eust point pensé &  
 pourueu d'aucun remede cōtre les scelons ou cor-  
 beaux, & les rois ou Princes heretiques, ou Apo-  
 stats, de qui la puissance & malice n'est moins cau-  
 se de la perte de l'estat, que le mal de la teste de l'in-  
 disposition de tout le corps; brief qui peueēt plus  
 nuire à la religion Catholique en vñe heure, que  
 toute la ruzé, malice, & pouuoir de ces autres en  
 mille ans? C'est chose qui n'est aucunement ima-  
 ginable de la sagesse de Dieu, & de l'assistance qu'il  
 a promise certainement, & pour tousiours à son  
 Eglise contre le Prince du monde & les portes  
 d'enfer. Quand il n'y auroit que la seule auctorité  
 du Pape, & que Dieu nous commande d'obeyr à

toutes puissances & à nos superieurs, autant spirituels que temporels, en tout ce qui n'est contre luy, cōment peuuēt les Catholiques dōner consentement au contraire pour le R. de N. leur conscience sauue? car d'entrer en negatiue de la puissance du Pape, c'est le fait d'un ignorāt & malicieux: se cōtēter aussi des respōces ordinaires des heretiques, que le monde a esté abuzé, & q̄ le Pape n'est qu'un Antechrist, & l'Eglise romaine qu'une Synagogue de Sathā, cela est bō enuers des fols tout à fait, qui prennent la licence de croire ce qu'il leur viēt à la fantasie. Par ainsi, tant que ceste opinion ne pourra auoir de lieu enuers les Catholiques, ny aussi par consequent la receptiō ou tollerāce d'un roy heretiq. puis qu'elle n'est appuyee, & ne peut auoir meilleure raison ou motif, que telle opiniō, laquelle n'est pas moins pleine de follie & d'impieté, que la consequence, qu'ils en inferent.

Quant à ceux qui sont separez de l'Eglise, ils ne peuuent se scandalizer qu'à tort de l'obeyssance & creance, que les Catholiques ont en ce au Pape & à l'inspiration du S. Esprit faicte à l'Eglise allēmblee en un general & legitime Concile, qui est autant qu'à tout le corps & communauté des Chrestiens inspirez de Dieu; puis qu'ils desferēt tant au moindre de leurs Ministres, que de tenir le Pape pour Antechrist à leur seul dire, & sur l'assurance de leur seule & particuliere opinion & inspiratiō pretendue du S. Esprit. Combien qu'ils la veulēt coulorer de l'escriture, mais aussi mal à propos, quē rien plus.

Parce principalement qu'ils ne defferent pas moins de puissance à chacun de leurs Ministres,

*Les Huguenots desferent plus aux Ministres que les Catholiques au Pape.*

*Les hereti-  
ques depof-  
fedens les  
Seigneurs  
pour eſtre  
Catho.*

que celle qu'ils diſent, que les Papes ont vſurpee ſur les rois, & pour entreprendre d'abloudre en conſcience leurs ſubieſts de leur ſubiection & obeïſſance, en cas de cōtraire religion. Qui fait que les Caluinistes penſent tenir iuſtemēt Geneue cōtre les Seigneurs anciens & legitimes, l'eueſque & le Duc de Sauoye, que la Bulle ou declaration que Farel & Caluin leur en ont fait de la part de Dieu leur diſant qu'ils n'eſtoient tenus ſelō la liberté de la foy chreſtienne d'obeir aux Idolatres, tels qu'ils les tiennent. Quelle plus belle iuſtification peut alleguer voſtre royne de la longue priſon & detēſion de la roine d'Eſcoſſe, & de la cruelle & barbare execution cōmiſe en ſa perſonne (qui crie à Dieu vengeance, laquelle nous nous aſſeurōs qu'elle ſentira biē roſt) ſinō qu'elle eſtoit de la religion Papistique? quelle de ſa propre rebellion cōtre le PP. ſinon qu'elle le ſeint Idolatre. Quelle autre meilleure cauſe ſçauroient-ils alleguer de tant de rebellions, ſeditiōs & guerres, qu'ils ont excitē au monde contre les Seigneurs, depuis qu'ils y ſont, que leur liberté de cōſcience, en laquelle ils comprennent enſemble la liberté & exēption de l'obeïſſance enuers leur R. ou Seigneur infidele? N'eſtoit-ce pas le dire ordinaire des Lutheriens, cōme a raportē Eraſme en vne epiſtre, Qu'ils aimoient mieux obeir au Turc nō baptizē, qu'au Turc baptizē, entēdās parler de l'Empereur Charles le quint? Quelle autre iuſtification ou couleur prennent ces Vvalōs & Gueux de Flādes de ſeſtre d'eux meſmes deliurez de l'obeïſſance de l'Eſpagnol leur naturel & legirime Seigneur pour ſe ranger ſouz la ſubiection de voſtre roine d'Angleterre, que la for-



ce, qu'on faisoit à leur consciēce, priuileges, & bours  
 ses : & q̄ la foy Chrestienne dōne liberté de se sou-  
 straire du seigneur infidele, biē que legitime, & de  
 se souzmettre à vn autre tel quō veut, cōbiē que  
 au cōmencemēt ils n'entonassēt que toute subie-  
 ctiō enuers leur Roy. Quelle autre raison produi-  
 sent les Lutheriēs en Allemagne d'auoir secoué  
 entieremēt le ioug des Euesques, Abbez, ou autres  
 Ecclesiastiques leurs seigneurs tēporels, que de ce  
 qu'ils sont de cōtraire religiō à la leur, & qu'ils tiē-  
 nēt en effect que l'erreur d'un Seigneur en la foy,  
 le desponille & priue de toute auctorité, droit, &  
 biēs ? Et neantmoins il n'y a pas plus d'argumens  
 prins de l'escripture ou d'ailleurs qu'un sujet doieue  
 obeir à son Empereur ou à son Roy lays, qu'à tout  
 autre Seigneur tēporel, voire Ecclesiastique. Car le  
 cōmandement de Dieu est general d'obeyr à tous  
 ceux qui sont cōstituez sur nous, en quelque degré  
 ou qualité de puissāce ou prerogatiue, que ce soit :  
 & sentēd aussi biē d'un Prestre, que d'un gendar-  
 mie, mēsmemēt quād il n'y va que du tēporel. & de  
 ce qui n'est point cōtre Dieu. Et bō Dieu si la pre-  
 tendue qualité d'infidele, idolatre, abusé, voire de  
 Prestre, Clerc, ou Moine est à leur opinion suffi-  
 sante selon Dieu, pour non seulement absoudre  
 un subiect de tout respect & deuoir enuers le Pa-  
 pe & tous autres Seigneurs Ecclesiastiques, mais  
 encor de les chasser & tuer, & de changer l'vsur-  
 pation & occupation de leurs biēs propres & pe-  
 culiers (qui n'est en bon François qu'un pur lar-  
 recin, vrollerie, ou sacrilege) en bon acquest, iuste  
 tiltre, & legitime possession : la qualité d'here-  
 tique peult elle estre de moindre efficace en-

uers nous, qui la tenõs aulli certaine q̃ nostre pre-  
pre foy? & ne sommes nous pas les plus insensẽz &  
aueugles du mode, si nous ne practiquõs cõtre eux  
la meisme reigle de droit & de iustice, qu'ils ont e-  
stably, & qu'ils obseruẽt cõtre les Catholiques, &  
qu'ils maintiẽnent en effect estre cõforme à la pa-  
role de Dieu? puis qu'il n'y a point clause de roga-  
toire en l'escriture plus de l'un que de l'autre?

*Les heret.  
blasme les  
Cathol. de ce  
qu'ils font.*

Donc si le Pape & les Catholiques ne font riẽ  
& ne pretendent rien contre le R. de N. heretiq.  
qui ne soit cõforme, & beaucoup moins que ne  
sont leurs propres maximes, & decisiõs, actions  
& deportemens: que iceux n'ayent obseruẽ & pra-  
ctiquẽ les premiers de nostre siecle, bien que mal  
à propos & à rebours: d'autãt que( quand mesmes  
les Cathol. seroient infideles ) autre raison est d'un  
seigneur infidelle de tousiours estably, que d'un  
nouveau, quelle impudence est-ce dõc qu'ils criẽt  
contre les Cath. comme au loup à ceste occasiõ: si  
ce n'est autant qu'ils nous euident mener par le  
nez, cõme buffles, & baudets? Car si nous pra-  
tiquons l'escriture selon leur propre sens, & à leur  
mode cõtre ceux qui sont, & que nous tenõs pour  
heretiques, & pires qu'infideles, que faisons nous,  
qu'ils ne facent, & qu'ils n'enseignent estre en tel  
cas du commandement de Dieu? Et s'ils rendent  
par leur religiõ les Princes, Rois & Seigneurs Ca-  
thol. destitables & desnuẽz en effect non seule-  
ment des tributs, de tout grade, ou commande-  
ment: mais encor de leur propre domaine, voire  
bien souuẽt de la vie, & ce beaucoup plus volon-  
tiers, dẽs qu'ils le peuuent, qu'ils ne font des per-  
sonnes priuees, pour ce seulement, qu'ils les tien-

nient pour heretiques ou infideles, commet som-  
mes nous si fors de pouuoir craindre ou doubter  
leur en faire de mesme? Certainement cela passe  
toute stupidité humaine. Si l'on dit que tous eux  
n'accordent pas par leurs escrits ceste propositiō,  
il ne nous chaut de ce qu'ils disent: car ils se font  
le bec, cōme ils veulent, & selon qu'ils sont les plus  
forts, ou les plus foibles, & qu'ils veulent trōper.  
C'est assez que en effect ils la sçauent tresbiē pra-  
ctiquer au grand dommage de la Chrestienté, &  
non moins grande hôte & vergoigne des Princes  
& estats, qui ne s'en sçauent prendre garde qu'a-  
pres le coup, & lors qu'il n'y a plus de remede.

S'ils nous disent, que c'est l'autorité seule de la *Le Concile*  
Parole de Dieu, & nō celle de leurs Ministres, qui *de le P.P.*  
les absolt de toute obeysance de subiect enuers *iuges du*  
vn Papiste, & que c'est son infidelité qui le desti- *sens de l'e-*  
tue de toute puissance sur vn fidele: mais que le *scriptura.*  
Ministre n'est qu'interprete & trucheman de la  
volonté de Dieu, nous en disons le mesme du Pa-  
pe, & de nos Prelats. Car il n'y a personne de nous  
qui ne sçache bien, qu'aucū ne nous peut propre-  
ment absoudre du deuoir que nous auons à Dieu  
d'obeyr à nos Rois & Seigneurs, que Dieu mes-  
me qui en a fait la loy: mais aussi que ce que le  
Concile & le Pape en fait, c'est cōme le iuge prin-  
cipal, & interprete legitime de l'escriture, & des  
peines contre les violateurs de la foy, nous ensei-  
gnent en quels cas Dieu veut & entend que nous  
obeyssions aux Rois, & en quels cas non. Et afin  
d'euitier dix mil scandales, seditions, & troubles,  
qui arriueroyent en la Chrestienté, si chacun par-  
ticulier, ou, si toutes les inferieures puissāces s'en

vouloient rendre iuges, & practiquer l'Eſcriture à leur mode & paſſion, Dieu a donné ceſte aucto-rité aux Prelats & à l'Egliſe: mais l'Egliſe, pour preuenir infinis inconueniens, qui arriueroyent, ſi chacun Eueſque entreprenoit de iuger en tel cas cōtre vn ſouuerain, pour abſoudre leurs ſubiects, elle a policé & ordōné, que telle cognoiſſance ſeroit reſeruee en deſaut d'un Concile, au ſeul Pape priuatiuement aux autres: par ce, qu'il eſt croyable, qu'il y apportera plus de liberté, & autant de prudence & circonſpection, & moins de paſſion, que tout autre, comme pere commun de tous les Princes Chreſtiens, outre qu'il a la plenitude de poiſſance ſur les choſes ſpirituelles.

*Le Concile  
de Latran  
n'a rē en-  
trepris ne  
reſurſé.*

Ce qui eſt fort neceſſaire d'entendre, afin qu'on ne penſe point que ce Concile de Latran aye entrepris plus de poiſſance que l'eſcriture n'en donne en tel cas à l'Egliſe & aux Prelats, & que ce qu'il a transferee ou reduicte au ſeul ſouuerain Eueſque, chef externe de la Chreſtienté, luy eſt auſſi biē permis, qu'il a eſté au peuple de pouuoir cōpromettre toute ſon autorité entre les mains d'un Roy, & que ce n'eſt pas vn droit nouueau, ny pour l'eſſence de la choſe, ny pour la forme: mais ſeulement vne declaration du droit diuin & commun, qui eſtoit en vſage en l'Egliſe diuerſement: Par conſequent qu'on ne peut imputer au Pape aucune vſurpation de ce droit, qui luy eſt pluſtoſt charge, que prerogative, & cōme charge & obligatiō d'y proceder: que ce n'eſt pas choſe qui depende ſimplement de ſa volōté, mais à quoy il eſt tenu enuers Dieu, & route la Chreſtienté, comme tout autre iuge & ſeigneur, à faire iu-

stice, quand le cas se presente.

Et tant s'en faut, que ce soit vsurpation au Pape, *Deposition des Rois par le Pape. ancienne.*  
 de declarer les Rois priuez de leur grade, en cas de preuarication & desertion de la foy, ou autre faict qui touche la religion, que nous ne trouuôs rien qui soit de si ancienne coustume, ny de si ordinaire stile és Bulles, rescripts, & briefs des Papes, que ceste clause, Si aucun, soit Roy, Prestre, iuge, ou autre personne seculiere, tasche de ve nir au contraire du contenu en ceste presente constitution, qu'il soit priué de la dignité, de sa puissance, & honneur: & qu'il sçache que pour tel forfait & iniquité, il est coupable & subiect au iugemēt de Dieu. Et sil ne faict restitution ou digne penitence, qu'il soit forclos de la communiō du precieux corps & sang de nostre Seigneur. Ceste forme de sanction & de peine contre les cont reuenans aux constitutions de l'Eglise ne se lit pas seulement és vieux riltres des archiues, thresors & bibliothèques des principales Eglises & Monasteres de ce royaume, mais ce qui est fort notable, & hors de toute calomnie & exception, il se trouue dans le registre des briefs & bulles de Sainct Gregoire le grand (lequel Calvin mesme est contrainct confesser auoir esté tressainct Pape, & legitime pasteur de l'eglise) & notamment en l'epistre ou brief, par lequel il dōne certains priuileges à vne Abbaye edifice & dottee en la ville d'Authun, par Branechilde, autrement Brunehaut, roine de France, regente & tutrice pour lors des Rois Theodebert & Thierry ses nepueux, en quoy nous obseruons deux choses, l'vne comme l'excommunication & priuation de la communion du saint

Sacrement a esté deslors estimée plus grande peine contre les Rois, que leur destitutiō: l'autre, que si nos Rois n'estoient subiects dés leur propre cōstitution & cōuersion à la foy, à pouuoir estre desmis de leur royaute pour offence quelcōque enuers Dieu, la foy, & l'Eglise Carho. est-il croyable que ce grand amy de Dieu S Gregoire l'eust voulu entreprendre contre Dieu, droit & raison, & en charger sa conscience? Est-il croyable que les Rois deslors qu'ils auoient le cœur tant à la grandeur, eussent permis que les Papes les y eussent voulu souzmettre? Est-il croyable qu'ils eussent receu, ou pour le moins, qu'ils eussent recherché, ny qu'ils se fussent seruis de leurs briefts & bulles contenant telles clausēs contr'eux? Si nos rois y estoient deslors subiects, & pour le moins y ont presté, comme il appert par là, tout leur consentement, qui les en a exemptez ou peu exempter depuis? De quoy peuent leurs successeurs se plaindre, puis que leurs deuāciērs & authērs n'en ont point faict de plainte: ains en ont suby condēnation: & ne leur ont laissé la Couronne, que avec telle obligatiō: Cōbien, comme nous remarquons cōtre ces forgerōs d'election, dudiēt S. Gregoire sur les Euangiles, que nos rois fussent faictz pour lors par succession. Nous lisons, mesmes en l'histoire des rois d'Espagne, comme Roderic le dernier des rois Goths fust declaré roy de toute l'Espagne gērallemēt enuirs l'an 706. par le Pape Iean 7. & son cōseil ou Senat du Clergé, apres auoir declaré priuē & demis de la royaute le roy Vitiza, & ce principalemēt, pour sa vie lasciuē & scelerē, & les vexations qu'il faisoit aux Ecclesiastiques,

*Le R. Vir-  
nuxa de pos-  
se dé par le  
P.P.*



ftiques, qui en appellarent à Rome : combien que les Roys y fullent fouuerains, faicts, & establis par succession, cōme les nostres, & qu'iceluy eust succedé à son pere Ægice. Et dit l'hystoire, que ledit Viriza estant aduertí de la poursuite, qui se faisoit à Rome contre luy, & craignant que les Ecclesiastiques ne diuertissent & souz-leuaissent le peuple de son obeissance, il les engagea au contraire avec soy par communauté de vices, faisant vne ordonnance, par laquelle il permit, voire commanda à tous les Ecclesiastiques, qu'à son exemple ils eussent à auoir des fēmes & des cōcubines en tel nombre qu'ils voudroient. Et notaniment il defend à grosses peines, de ne receuoir, ny auoir aucun esgard aux bulles & constitutions des Papes. Et afin que personne ne se peust opposer à luy (prenant son pretexte toutefois de vouloir establi vne paix & repos eternal) il desarme ses subiects, & faict ruiner les forteresses, & desmâtelier toutes les villes, sauf trois, où il mit granison, & rappella les Iuifs avec plus grands priuileges, qu'il n'en laissa aux Ecclesiastiques, afin de s'en fortifier contre le decret du Pape. Toutefois il ne peut si bien faire, que Dieu n'autorisast par effect le iugement de sa saincteté, pour donner moyen & force audit Roderic, qui n'estoit au parauant qu'un des princes du Pays, d'estre recogneu & obey en Roy, apres auoir depossédé realement Viriza, luy auoir creué les yeux, & l'auoir enuoyé en exil, de mesme qu'iceluy auoit faict à son pere Theudofrede. Nous laissons la deposition de nostre Roy Childeric interuenue l'an 751. par l'autorité ou conseil (car en ce faict tout reuiet en vn) du Pape Zacharie, &

*Roy depose  
par la  
PP.*

l'absolution qu'il donna aux subiects du serment  
faict audit Roy à cause de la feneantise, par ce que  
elle est cognue à tout le monde. Nous laissons aussi  
celle de Boleslaus roy 2. de Poloigne, lequel ayant  
esté excommunié & desmis du royaume par Gre-  
goire l'an 1080. à cause du meurtre commis en la  
persône de S. Stanislaus Euesque de Cracouie fut  
chassé par les subiects, & Vladislaus esleu en son  
lieu. Le mesme Gregoire en fit autant cōtre l'Em-  
pereur Henry 4. à cause des indues distributions  
des Eueschez & son heresie. Lequel voyant tous  
les Princes & villes luy desnier obeïssance, à ceste  
occasion fut cōtraint de recourir à penitence & à  
l'absolutiō du Pape Alex. 3. n'en fit pas moins con-  
tre l'Empereur rederic, lequel ne peut estre remis,  
qu'après vne grande penitēce, & soubmission en-  
uiron l'an 1170. Mais nous desirons bien que tant  
ces exemples, qu'infimz autres soient prins pour  
tesmoignage, que la Chrestieté a attribué aux Pa-  
pes ceste prerogatiue sur les Roys ou pour mieux  
dire, qu'elle a estimé leur appartenir de droict di-  
uin & positif ne se trouuant point en toute l'anti-  
quité, que personne n'aye mis en doute, ou cōtro-  
uersee. Ce q̄ quelqu'un eust fait sans faute, mesmes  
les interressez & leurs peuples, si ce n'eust esté qu'un  
surpatio ou cōcession puremēt volōtaire. Et si cela  
n'est suffisant pour cōtēter le plus malaisé à ferrer,  
ces gēs là ne voient ils point, que desniant en ce la  
iuste puissance de l'Eglise & du Pape, il faut qu'ils  
tōbent en ceste absurdité, q̄ d'accorder, que la plus  
part des estats de la Chrestieté, qui ne se possedent  
que par ce moyē, ne sōt qu'un surpatio & tyrānies.

Nous ne nous pouuons esmeruëiller assez de

*La mesme  
ge de Ef-  
loy desiou-  
uerie en ce  
fait.*

*Le Pape a  
peu souf-  
fours depo-  
ser les  
Roys.*

l'ignorance ou malice de ces gens, qui cuidoient pou-  
 uoir annuller ceste puissance du Cōcile & du pape  
 en ce, que la France a ce priuilege, que le Roy ou  
 ses officiers ne peuuent estre excommuniez ny de-  
 posez. Car ne voient ils pas bien, qu'en cela mes-  
 me, qu'ils appellent ceste exemption priuilege an-  
 cien, ils fondent & establisent infinimēt le droit  
 & l'antiquité de l'autorité de sa saincteté. Si c'est  
 vn priuilege, c'est donc vne exception & dispence  
 des loix establies pour les autres Roys: car si iceux  
 pouuoient prendre pareil droit d'eux mesmes, en  
 vain diroit on que le Roy a ce priuile. De plus per-  
 sonne ne peut dire, qu'il aie priuilege, s'il ne l'a ob-  
 tenu de celuy, qui l'a peu donner: il faut donc qu'il  
 soit accordé par vn superieur. Car nul ne peut dō-  
 ner priuilege à soy-mesme. C'est chose trop exor-  
 bitante de croire avec Besloy que c'est vn droit,  
 auctorité, & dignité nec & incorporee avec la  
 Majesté de nostre Roy. Car il faudroit en ce cas,  
 que Dieu eust parlé, & que luy mesmes l'eust ex-  
 empté & à ses officiers de ses loix, pour lesquelles  
 s'encourt l'excommunication. Il ne peut donc au-  
 uoir ce priuilege, que du Pape seul. Car de toute  
 l'Eglise, ou d'un Concile, ils y sont contraires. Si  
 donc ce priuilege ne prouiet que des seuls Papes,  
 s'il est iuste & bien venu, si d'ailleurs tout priuile-  
 ge est derogatiō du droit general, il s'ensuit bien  
 qu'ils font, que le Pape puisse commander au Roy,  
 & qu'il soit son superieur en la spiritualité, & (ce  
 que nous serions bien marris de penser) en la tem-  
 poralité, & qu'aussi sans ceste concession des Pa-  
 pes le Roy & ses officiers sont subiects par la  
 commune disposition du droit Canon, & des

*Le priuile-  
 ge de la  
 France  
 quel?*

Conciles de l'Eglise à l'excommunication & de-  
position, s'ils commettent chose indigne, & qui la  
merite : mais qu'au contraire c'est la seule grace,  
dispence, & autorité des Papes, qui les en preterue.

Toutesfois puis que le cas d'excommunication  
& destitution pour cause d'heresie est formelle-  
ment & par expres comprins dās l'Escripture sain-  
cte contre tous, sans aucune distinction de person-  
ne priuee ou publique, comme nous auons dit : &  
que sans doute quelconque le Pape ne peut derro-  
ger en aucune façon au droit diuin, iceux esten-  
dants neantmoins ce priuilege iusques à l'hereti-  
que, & que le Roy & ses officiers soient exempts  
de la loy de Dieu par le moyen du Pape, ne font ils  
pas plus, que iamais aucū Canoniste n'a ozé faire ?  
Ne luy imputent ils pas plus de pouuoir en cui-  
dant l'en degrader, que le plus grand Papauē du  
mōde, Papiste, ou Papicole (ce sont leurs mots par  
lesquels ils louēt plus le Papat, qu'ils ne pensent :  
car pour estre tiltres de deshonneur le Papat doit  
estre donc chose honorable, & loiable par la mes-  
me raison, que ces mots Sophiste, Theologastre,  
Grammatiste ne sonnēt mal aux Grecs, qu'autant  
que sophe, ou sage, Theologien & Grammerien  
sont prins en bōne part) seroit bien marti de faire ?  
Nous accordōs volontiers le susdit priuilege : mais  
nous disons, qu'il se doit prendre selon qu'il est  
couché, & qu'il se doit restraindre au pied de la  
lettre & pour les seuls cas, pour lesquels il a esté  
octroyé, & par consequēt ne specifiat & ne cōpre-  
nant point l'article ny les cas de l'heresie, qu'elle  
ne sy peut raisonnablement estandre ny entendre  
sans grande impieté : veu que ce seroit directemēt

*Papiste  
nom hono-  
rable.*

contre la loy diuine, & la pure & claire parole de Dieu: à laquelle il n'est croyable, q̄ le Pape veuille ou puisse aucunement desroger, mesmement n'en parlant point, & par ainsi tousiours le Roy heretique demeure excommunicable, de mesme que tout Chrestié. Et quand bien ce ne seroit que contre le susdit Concile de Latran, encor faudroit-il, que ce priuilege, fil comprenoit le cas d'heresie, cōtint aussi vne clause derogatoire à iceluy. Mais puis qu'il n'y a rien de tout cela, il s'ensuit par eux mesmes, que le Roy, les officiers, & to<sup>r</sup> autres peuvent estre excommuniez en France pour heresie, pour laquelle ils ne sont dispensez aussi bien qu'en toutes les autres natiōs leurs Rois & officiers, veu mesmement que tous autres Roys pretendent ne despēdre que de Dieu, non moins que sa Majesté. Et la seule pratique, dont nous auōs veu vser encores de nostre tēps contre les officiers du royaume, les demātiroit autrement. Car ny les Roys, ny les Cours de Parlemēt n'ont iamais prétēdu estre exempts en tel cas de la iurisdiction de l'Eglise, ny des peines des loix cōtre les heretiques tant spirituelles, q̄ corporelles: ains au contraire toute sorte d'officiers heretiq. ont esté pour ceste seule occasiō & excōmuniez, & degradez, & executez à mort. Et puis q̄ les officiers, selō leur propositiō, sont compris en mesme priuilege ou exemptiō de l'excōmunicatiō, qui ne voit, que se trouuāt appertemēt faulce pour les officiers, le mesme ne soit aussi pour le regard du roy & que les anciēns ne l'eussēt aussi biē pratiquee cōtre eux, si le cas fut escheu?

*Les officiers & Princes excommuniez & bruslez pour heresie.*

De traicter ou disputer en ce lieu, cōme ils font, si toute excōmunication du Roy ou d'autre prince

porte en soy inseparablemēt sa destitution ou de-  
position, c'est s'esloigner aucunement de nostre  
fait, auquel le Pape cōioint & exprime l'un & l'au-  
tre. Si est ce que pour contenter les curieux & re-  
spōdre en vn mot à tout ce, que les aduersaires sca-  
uent alleguer au cōtraire, combien qu'il face plus  
pour, que cōtre, nous dirōs en passans, Que toute  
excommunication, pour quelque forsaict que ce  
soit, si elle n'est reparee & purgee dans l'an par re-  
pentāce, emporte iuridiquemēt & le temps passē,  
la degradation & priuation de toutes dignitez &  
honneurs: mais l'excōmunication, qui interuiene  
pour cause d'heresie, a cela de plus, qu'elle com-  
prend en soy par vne suite ou concomitance ne-  
cessaire la deposition de toute charge, & grade sur  
les chrestiens & Cath. contre qui que ce soit, sans  
qu'il soit besoing d'autre plus particuliere expres-  
sion, extention, ou declaration. Et la raison en est  
bien apparente, Que là où l'excōmunication peut  
seruir de peine & remede suffisant (cōme elle peut  
sur celuy, qui demeure en la foy de l'Eglise, & le-  
quel n'estime pas la priuatiō de tous ses biens non  
pas mesmes la mort propre estre si griesue perte,  
ou peine, que d'estre hors l'Eglise & demeurer  
priué de la communion & participation d'icelle,  
& par consequent d'estre entierement separé de  
Dieu mesmes, & des moyēs de son salut, & subiect  
à damnation eterne) il n'est point besoing y ap-  
porter tout à coup celuy de la demission, qui est  
moindre perte en son endroit que perdre Dieu.  
Mais au cas d'Apostasie ou d'heresie, qui mettent  
de foy & de leur nature les gens du tout hors de  
l'Eglise, & par le moyen desquels ceux qui en sont

*L'excom-  
municatiō  
pour here-  
sie cōprend  
la depositiō  
d'autorité  
sur les  
Chrest.*



entachez, sont bien aise, & prennēt à grand grace d'en estre distraits, ne voit on pas, que l'il n'y auoit contre eux autre punition, que l'excommunicatiō & la seule separation de l'Eglise & priuation, par exemple, d'ouyr la Messē, que ce seroit chose ridicule de les pēier punir & corriger par ce, en quoy ils estiment receuoir grāde faueur, & estre confirmez dauantage en l'opinion, qu'ils adorent & ayment sur toutes choses ? Car, cōme disent tresbien S. Hierosime & S. Ambroise, to<sup>9</sup> les autres crimes, ou pour mieux dire, tous les autres pecheurs sont chassēz de l'Eglise par l'ordonnance de l'Euesque, mais le seul heretique en est chassē par la sentence de sa propre volōté, cōme Iudas le traistre se condamna soy-mesme. Et c'est ce que S. Paul entend, quand il dit, Que l'heretique est cōdamné par son propre iugemēt sans (cōme l'explique S Cyprien) " qu'il puisse se defendre ou s'excuser pour dire, que " personne ne luy en a rien dit, ne l'a point admone. " stē, ny enseigné, instruit, ny corrigé ou bien vser de quelque autre semblable excuse de son erreur. Mais puis que l'heretique est du tout hors l'Eglise, & qu'icelle n'a aucun soin de dehors (dit S. Paul) si toute sa puissance ne s'estēdoit qu'inclusiue-ment iusques à l'excomunication, ou bien, pour mieux dire, que telle excommunicatiō ne cōprint la depōsitiō de toute authorité sur les Chrestiens, il faudroit dire que l'Escripture n'auroit laissē aucun remede au Chrestien cōtre vn crime si perfide & detestable, que l'heresie. Et toutesfois nous auons monstré, cōme elle defend de faire ou rēdre aucun honneur à tout heretique, & qu'ayāt donné pou- uoir aux Prelats de regir l'Eglise & les Chrestiens,

*L'hereti-  
que n'a  
nulle ex-  
cuse.*

ils l'ont donc de toutes les choses sans lesquelles telle puissance ne se peut accomplir & executer, & partant pouuoir de faire & ordonner ce, qui est nécessaire pour la conseruation de la foy & pour cōprimer tous les meschâs, qui peuuent la trauailler & ce tant par peines temporelles, que spirituelles.

Si donc il n'est aucunement croyable que Dieu aye laissé la Chrestienté & son Eglise sans quelque remede suffisant & punition propre cōtre les Heretiques & Apostats, qui luy ont esté ja subiects par la profession & sermēt de la foy Chrestienne, & plus encores cōtre les Roys, que contre les autres, d'autant que leur grand pouuoir est plus redoutable, dangereux, & nuitable, que n'est celuy des particuliers: & puis qu'il n'y en peut auoir de autre, que leur oster le moyē & l'auctorité, par lequel ils peuuent plus nuire aux fideles & à la foy, qui peut douter que leur destitution ne soit iuridique, de l'intention & commandement de Dieu & de l'Eglise d'un reiglemēt & police tres-Chrestienne, & d'une nécessaire consequence de croire en dieu & de pouuoir oster tous empeschemens au cōtraire. Autremēt sans cela qui ne voit, que l'excommunication seule & simple contre vn roy ou Monarque rebelle & obstiné n'est qu'ou inutile, ou bien vn'allumete, & autant de souffrir, pour eschauffer son indignation & cholere cōtre l'Eglise & les bōs Catholiques: & qu'elle nuirait plus sans comparaison à l'honneur de Dieu, & au repos & conseruation de l'Eglise, & à la manutention de la foy, qu'elle ne pourroit apporter de bien pour la raison, qui est en l'écriture, Que tout Apostat ou deserteur de la foy ne faict que machiner & con-

*L'excom-  
munication  
nulle sans  
la deposi-*

spiriter du mal, d'un cœur meschant, cruel, & selon.  
 Et aussi qu'aucun ne peut, ny doit estre Iuge (dict  
 l'Ecclesiastique) sil n'a la puisſance & la force d'ar-  
 racher les pechez, ſuiuant ce, que diſoient les an-  
 ciens, Qu'un crime condamné & non chaſtié ex-  
 cite toujours plus de mal & de rebellion, que diſ-  
 ſimulé. Et de cela l'hiſtoire Eccleſiaſtique eſt plei-  
 ne d'exemples des Empereurs, Roys, & Princes,  
 & notament de ceux, qui ont eſté heretiques. Les-  
 quels ſe voyant excommuniez ou du Pape, ou des  
 Patriarches, ou des Eueſques en ſont deuenus plus  
 inſolens, & cruelz, & cōtre eux, & contre l'Egliſe.  
 Et ce ſeroit accuſer Dieu & ſon Eglife trop impu-  
 demment d'imprudence ou mauuais cōſeil de ce,  
 qu'ils n'auroient ſceu pouruoir mieux contre tel-  
 les gens à la ſeureté & conſeruation de la foy, que  
 par ſimple excommunication. Ce que nos peres  
 ayant cogneu tres-biē ils ont par cōſequent quaſi  
 toujours (mais ſans doute toujours depuis Char-  
 lemaigne, que l'Egliſe ſeſt veuē fortifiée de Prin-  
 ces, & roys Chreſtiens, & luy eſtans enfans obeis-  
 ſans & ſoupples, & ſingulierement de nos Roys, *Depuis*  
 qui ont toujours eſté, meſmes depuis lors les pro- *Charlemai-*  
 tecteurs & executeurs des Decrets de l'Egliſe & *gne la de-*  
 des Bulles Papales, pour les choſes concernātes la *poſition*  
 foy contre tous les Princes preuenus ou condam- *en vſage*  
 nez par eux) vny, & conioint la depoſition avec *ſouſiours*  
 l'excommunication des Roys, Princes & Seigneurs, *pour here-*  
 ſie.  
 tant tēporels, que ſpirituels, pour hereſie (car pour  
 l'Apoſtaſie manifeſte on ne lit gueres, ou du tout  
 point que la ſeule depoſition: car qui ne voit que  
 l'excommunication y ſeroit ridicule?) cōme tres-  
 bien teſmoignēt les conſtitutions des Papes Gre-

goire septiesme, & Verbain enuiron l'an 1076. & 1090. canonisees & suiuiues par leurs successeurs & tous les Iuristes.

Et par consequent si ceste opinion est veritable (comme elle ne peut estre autrement apres l'autorité & approbation de tant de gens) ne s'ensuit il pas bien euidentement qu'ils ont tousiours esté par mesme moyen despossédez iuridiquemēt par l'Eglise ou les Prelats. Qui est cause q̄ ces deux mots excommunier ou deposer se lisent confuslemēt es auteurs : car ce qu'un Historien a dict seulemēt excommunié, l'autre recitant vn mesme fait dict deposé ou priué de dignité, comme estat vne mesme chose ou pour le moins deux choses vnies, & inseparables en cas d'heresie. C'est aussi (chose qui est plus que suffisante pour couper broche à toutes disputes & calomnies) vne resolution generale de tous Catholiques, nō de la Ligue seule, que disent les ignorās, ny de l'opinion, comme dit Mor nay, vn article de foy des Iesuites (combien qu'ils en puissent cōstruire aussi licitemēt pour le moins que luy, que leurs Ministres, & tous leurs Moynes desfroquez, de qui seuls ils tiennent leur foy & l'interpretation de l'Ecriture) moins vne proposition trop dangereuse (comme disent tous leurs liurets) ains c'est vne doctrine tres salutaire & preseruatiue de la Chrestienté, & vne commune opinion de tous les Theologiens & interpretes de l'Ecriture sainte, comme aussi des Canonistes (lesquels nous prions de vouloir communiquer chacun au vulgaire leurs raisons par quelque traité expres) Que les Chrestiens ne doiuent endurer iamais, que l'Apostat & l'heretique, apres mesmemēt qu'il est de-

*La deposi-  
tion est de  
sous les  
Theologien  
& canonis-  
tes.*

claré par l'Eglise tel, & qu'il est excommunié pour  
 telle occasiō, puisse non seulement paruenir & estre  
 receu à commander de nouveau en Roy, ou à re-  
 nir charge quelconque sur les Catholiques (car ce  
 seroit chose trop nouuelle & mōstrueuse au mon-  
 de) mais non pas mesmes à continuer leur domi-  
 nation, empire, & regne, quelques coustumes, ou  
 loix nationales, qu'il y aye. Parce qu'elles pren-  
 nent leur limitation, exposition, & sens de ceste  
 opinion & foy Chrestienne. Et cela se faict non  
 seulement en peine de leur desertion, & reniement,  
 & pour eniter le malheur, qui accōpagne leur re-  
 gne, mais aussi & principalemēt pour le trop grād  
 danger, qu'il y a, que les sūiects perdent la foy, ou  
 à l'exemple d'un tel superieur & seigneur, dequoy  
 il n'y a rien si ordinaire, facile, & naturel, ou par la  
 force & contraincte, qu'ordinairement tels vsent  
 pour en deuoyer leurs subiects & seruiteurs, &  
 que facilement ceux, qui sont subiects à la iustice  
 d'autrui peuuent estre seduits ou forcez par iceux.

*Les loix  
des pays  
interpre-  
tees par  
cette opiniō  
de depōsi-  
tion.*

Et de faict comment peut on sauuer de malice,  
 auuglemēt, ou bestise tous ces auteurs de libel-  
 les qui confessent de croire, que les Roys peuuent  
 estre excōmuniés par l'Eglise ou les Prelats (si ce  
 n'est selon aucuns d'entr'eux qu'ils soient dispen-  
 sez au contraire) & lesquels desniēt qu'ils puissent  
 estre depōssez de droict, ny par aucun iugement?  
 Car s'ils accordēt que les Roys sont sūiets & infe-  
 rieurs à l'Eglise & aux prelats, iusques à ce point,  
 qu'ils peuuent estre excōmuniés par eux: comēt  
 leur peuuent ils desnier le pouuoir de les depōs-  
 seder? Si excommunier n'est autre chose (car ceux  
 qui pensent auoir obseruē l'antiquité de l'Eglise

& de la differēce qu'il y a entre anatheme & excommunication, disent que le premier emporte la separation spirituelle & interne du corps mystique de l'Eglise, avec la dānation eternelle, & l'excommunication la separation externe du corps visible de l'Eglise, & de la societē, conuersation, & assemblée des Chrestiens ) que chasser des Temples en leur vie, & apres leur mort y denier la sepulture, & les exclurre des Synodes, cōsistoires, & generallement de la compagnie des fidelles & de tous les lieux, où les assemblees de l'Eglise se tiennent dans le royaume. Si excommunier le Roy n'est donc autre chose qu'exclurre & chasser le Roy d'une partie de tels lieux de son Royaume, s'il est iuste & licite de le chasser d'une partie, pourquoy non du tout, veu que les mesmes raisons, qui sont pour l'un, sont aussi pour l'autre, sçauoir que cela luy seru de chastiment, afin de se recognoistre, & à l'Eglise de preseruatif, afin que ce troupeau ne soit infectē par la brebis galeuse. Si les Tēples & tous ces lieux des assemblees de l'Eglise ( mesmement pour le regard de telles gens qui ne recognoissent autre sainctē ny spiritualitē du lieu des Temples, que de celuy du marchē, ou du Palais ) sont partie du temporel du Royaume, & que l'Eglise puisse chasser les Roys de ceste partie du temporel, n'est ce pas bien accorder aux Prelats puissance, iustice, & iurisdiction, voire au tēporel sur les Roys, pour pouuoir les deposseder en ceste partie? S'ils disoiēt encorē, que toute la puissance de l'Eglise fut à deliurer & absoudre les Chrestiens de tout commandement, que le Roy leur puisse faire, de ne bouger pour la presence des Tēples, & qu'il est permis ou

*Excom-  
muni-  
er est  
deposer le  
R. en par-  
tie.*



cōmandé de droict à tout Chrestien de ne s'y tenir point, moins y faire aucun acte de religiō, tant que les Roys excōmuniez s'y trouuerōt, cela seroit aucunemēt compatible & tolerable avec leur autre opinion de ne pouuoir rien sur eux. Mais ce n'est pas leur quitter la place, que de leur cōmmāder & enioindre d'en sortir eux mesmes, ny que de les en chasser en effet & leur fermer les portes sur le nés, selon ce que signifie & emporte la nature de l'excommunication, & suivant ce que nous lisons les saincts Euesques S. Ambroise, S. Chrysostome & plusieurs autres auoir fait & cōtre Empereurs & cōtre Roys. La parole de Dieu est elle plus expresse de les priuier de tout cōmandement en cest endroit, & de les chasser de tous lieux de l'eglise, que de tout le royaume? Le cōmandement de Dieu de n'honorer ny obeir voire aux choses indifferātes à nul heretique, n'est il pas cōceu en plus forts termes & plus expres, que celui de l'excōmunier. Si excōmuniet le Roy n'est en rien contraire à l'obeissance, que tout Chrestien son subiet Prelat ou autre luy doit, pourquoy en fera donc la deposition ou l'exclusion? Finablement par mesme raison qu'ils prouueront l'excommunication, & que elle est non seulement licite, ains du cōmandement de Dieu contre les Roys, il sera aussi aisé de prouuer pareillement leur deposition en cas d'heresie.

Ceux qui pēsent au cōtraire, qu'ils debatēt tout leur sou cōtre les facultez, escolles, & vniuersitez de Theologie, & du droict, qui ne sont pas moindres parties, que les Iesuites, qu'ils haïsēt & craignent tant cōme leurs antigenistes. Le R. de N. pensoit tirer bien prudemment desdictes facultez

*L'Eglise  
cōmande  
aux Roys.*

*Le R. de  
N. a toutes  
les Vni-  
uersitez  
cōtre luy.*

& singulièrement de la Sorbone quelque response sur ses lettres, dequoy il se peult seruir à l'aduenir, ou directement ou indirectement. Mais il a trouué, qu'il auoit affaire à gens trop aduisez & clers-voyans : par ce qu'ils ont déclaré par leur sage silence mépriser, condamner, & reprouuer entièrement toutes les palliations, excuses, droicts, noms, raisons, & pretensions. La pratique ordinaire de l'Eglise est conforme à telle opinion d'excommunication & de position ensemble d'un Heretique. Car suivant cela il ne se voit point, que tant, que l'Eglise a eu moyen de refrener les Empereurs, Princes, Roys, & Seigneurs heretiques, qu'elle ne les aye tousiours non seulement excommuniés & chassés, hors la compagnie & conuersation des Chrestiens, mais aussi commandé aux suieûs de ne les recevoir, ny leur obeïr : & qu'elle n'aye pareillement exhorté & incité les Princes Catholiques à leur courre sus, & à les chasser & desposséder en effect de toute auctorité sur les Catholiques.

*Distinction  
notable.*

Quant à toute autre sorte d'infidellité ou de religion, il faut (disent les Docteurs vnanimement) distinguer. Car ou il est questiō d'un infidelle, soit Iuis, Turc, ou autre, qui veut de nouveau commander sur les Chrestiens, & estre receu par succession ou autrement à un Royaume ou Empire Chrestien, ou bien obtenir charge ou office sur les fidelles : & c'est chose, qui ne se doit tollerer ny permettre en façon quelconque pour plusieurs raisons : mais principalement par ce qu'elle tourneroit à trop grand scandale & contumelie de la Chrestienté, & seroit se precipiter à vne grāde corruption & dāger de la foy, tant pource que les in-

fidelles mesprisent d'autât plus la religion Chre-  
 stienne, qu'ils cognoissent les defaults & vices des  
 Chrestiens. Qui est la cause pourquoy S. Paul de-  
 fend de plaider deuant eux, que par ce que les Sei-  
 gneurs font chäger aisement la foy à leurs suiets  
 s'ils ne sont bien constants & vertueux, ce qui n'est  
 pas d'ordinaire aux homes: Ou bien on parle d'un  
 infidelle, qui est ja receu & estably Seigneur, Roy,  
 ou officier en un estat infidelle, en ce cas la foy  
 Chrestienne prinse & considerée seule en soy n'ab-  
 soult point le subiect, qui se fait Chrest. de sa sub-  
 iection: ny l'infidellité en soy & simplement prinse  
 ne priue pas l'infidelle de sa domination, superio-  
 rité, seigneurie & commandement sur les Chre-  
 stiens, par ce que (côme dit tresbien S. Thomas) la  
 distinction de fidelle & d'infidelle est du droit di-  
 uin lequel ne tollit point le droit humain, ny la  
 loy naturelle, ains seulement le peché, toute fois tel  
 infidelle en peut estre priué iustement par sentence  
 ou ordonnance de l'Eglise qui se doit executer par  
 les Princes Chrestiens. Et icelle le fait par fois  
 & par fois non, selon qu'iceluy abuse de sa puis-  
 sance contre les Chrestiens, & qu'elle y voit plus  
 ou moins d'aduancement pour la foy, ou de peril,  
 scandale, ou retardement au contraire. Et l'Eglise peut  
 faire cela ordinairement & iustement, où il n'y a à  
 craindre plus grand mal, & ce selon le droit de na-  
 ture, tant pour recouurer les terres & provinces,  
 que les infidelles occupent & usurpent sur la Chre-  
 stienté, que pour deliurer les Chrest. de leurs per-  
 secutiōs & vexatiōs, & empescher qu'ils ne soient  
 seduits en la foy, ou par leurs blasphemies & fauces  
 persuasiōs, ou mesme par persecutiōs manifestes.

*L'Eglise  
 peut depo-  
 ser les in-  
 fidelles.*

*Cause de  
la guerre  
contre les  
sarrazins.*

A cela se rapportent les guerres des Machabees & toutes les guerres appellees saintes, croisades, & expeditions des chrestiens tant deça, qu'ouïr mer, contre les Turcs & Sarrazins detenâs & occupans les Royaumes & terres qui ont esté subiectes & acquises à la foy chrestienne, à Iesuschrist, & à l'Eglise. Lesquelles ils ne peuuent prescrire contre eux par aucun temps immemorial, ne fust-ce qu'ils sont tousiours possesseurs de mauuaise foy. c'est ce que (côme nos Historiës Froissard & Mostrelet resmoigné) les anciens appelloiēt venger la mort de nostre Seigneur, nō qu'ils n'en voullüssent qu'aux Iuifs, moins que ce fust pour les faire chrestiens à coups de poings, & force d'armes, car mesmes estans prisonniers, ils estoient en liberté & choix de croire ou nō: mais d'autāt qu'ils vëgeoiēt & vouloient recouurer à Iesuschrist les pays, que l'escriture declare lui estre acquis par la conuersiō des peuples à la foy, en recōpense & merite de l'opprobre de la croix? & que c'est vne grāde cōtume-lic & iniure faicte à Iesuschrist d'estre desponillē de sa possession, & que les liēs ne luy scachēt conseruer & en son obeysance & creance les pays, aussi bien qu'on faict aux Princes terriēs les leurs. Dont l'opiniō de Luther a esté à bon droit tenuē pour heresie, disant, Que c'estoit mal faict de faire la guerre au Turc, parce qu'il est en cela cōtrairre à plusieurs conciles.

De là viēt pareillement la loy, que le grād Constantin fist biē tost apres auoir receu la foy enuiron l'an 320. Que tous les chrestiens, qui estoient seruiteurs ou serfs, fussent exempts & libres de la puisāce de leurs maistres & seigneurs qui tenoient la religiō

Judaique

Judaïque, & qu'il ne fut permis au Iuif sous groſſes peines d'eſtre ſeruy ny d'acquiescer ou ſeulement domination & maiſtriſe, ou auoir charge & preeminence quelconque ſur les Chreſtiens.

De là auſſi procede, que tant ſ'en ſauit, que les Chreſtiens de Perſe, qui ſ'eſleuerent en armes contre la perſecution, que leur Roy Varanes infidelle leur faiſoit, & lesquelz recoururent à l'ayde & ſecours des romains & de l'Empereur Theodoſe 2. en l'an 445. ayent eſté blaſmeez d'aucune note de rebellion pour ce regard, ny de peché, cōtre Dieu & leur conſcience, que nous liſons, que ce grand Patriarche de Conſtantinople nommé Aui, & que les Eueſques Catholiques de Grece ſ'en rendirēt les approbateurs, ſauteurs, & ſolliciteurs enuers l'Empereur: afin qu'il vengeaſt leur querelle, qui eſtoit cōioincte avec celle de la Religion Chreſtienne, de ſorte qu'il y enuoya vne groſſe armee: par le moyen de laquelle les Chreſtiens furent remis en toute entiere & pleniere liberte, la perſecution prenant fin (dit Nicephore) avec la guerre. Et Dieu voulut bien teſmoigner & par l'apparition des Anges, & par pluſieurs victoires miraculeuſes, qui y aduinrent, & lesquelles ont eſté les plus grâdes, que les Romains ayent iamais obtenu ſur les Perſiens, & par la reſiouiffance publique de la Chreſtienté, & par infiniz liures ſaits & compoſez dès lors à la louange & recommandation de telle guerre, & meſmes par l'imperatrice, combien la cauſe & les fins d'icelle luy eſtoient agreables. Or c'eſt choſe ſans doute, que nulle raiſon n'a lieu cōtre l'infidelle de touſiours ſoit à ne le receuoir, ſoit à ne le continuer, qui n'en aye, & qui ne ſe

*Les Chreſtiens de Perſe ſ'eſleuent contre leur R.*

*à quid*

*ou*

*est*

*fiot*

*A*

doit observer beaucoup plustost cõtre tout Apostat, & encore plus contre tout heretique: & en ceux-cy tant par forme de peine & punition, que de precaution, preseruatif, & defensif, cõme estans ordinairement (or les loix se font de ce qu'arrive le plus souuent) plus grands ennemis & persecuteurs de la foy, que les infidelles, contre lesquels le dernier seulement a lieu: mais principalement & cela tousiours & en tous cas pour ne les recevoir de nouveau à auoir iamais autorité, & preeminence en ou sur vn estat Christianizé. Et la raison en est tres-grande. Car cõme vn qui est suiet & obligé par serment, doit obeir à son Roy ou seigneur: aussi celuy qui est ou a esté fidelle, & qui sy est obligé par serment, doit obeir à Iesuschr. son Roy, & à l'Eglise sa maistresse & royne. Et cestuy-cy ne doit, ny ne peut iustement non plus varier, que l'autre. Et cõme l'autre, s'il refuse, peut estre puny & contrainct corporellement de tenir le serment de fidelité, aussi de mesme l'Apostat ou l'heretique, quel qu'il soit, peut estre contrainct corporellement & par priuation des biens à tenir la foy, fidelité, & obeissance qu'il a promis à Iesus Christ & à l'Eglise, & au Baptisme, & par la professiõ de foy. Car si la contrauention aux loix humaines est chastiee & vengée iustement par prisons, bannissement, perte de biens, voire par la mort, n'est-ce pas chose hõieuse & indigne, qu'il soit permis parmi les Chrestiens rompre impunement les loix diuines, & celles de la creance, lesquelles toutes fois iamais personne ne viole, sans qu'il le paye. Et d'ailleurs s'il est permis à vn Royaume & Republique de conferuer ses droicts mesmement contre les

*Obeir à  
Dieu &  
l'Eglise  
au si iust  
q<sup>e</sup> au R.*



suieçts, pourquoy nō à l'Eglise & à la Chrestienté  
 les siens: puis que Dieu l'ayant armee de grās peu-  
 ples & forces ne l'a peu faire pour meilleure fin,  
 que pour sa gloire: & afin de les employer à la cō-  
 seruation de son cult & religiō principalement cō-  
 tre ses suieçts, & officiers & particuliers? Mais cela  
 n'a point de lieu à l'infidelle de tousiours, nō plus  
 que qui voudroit forcer ou punir quelqu'un, pour  
 ne tenir vn vœu, que ne luy ny ses peres n'ot point  
 fait, & de se marier, ou biē de tenir la foy à vne fē-  
 me, à laquelle il ne l'a point dōnée, ny promise. Bien  
 y peut on contraindre celuy, qui a fait le vœu, ou  
 qui est ja marié & lequel sy est obligé par promesse.

Cela soit dit pour responce à l'ignorāce, & pour  
 confusion de la malice de ces escriuains du R. de  
 N. qui estiment le plus grand argument qui soit  
 pour luy, de ce que S. Pierre n'a point depossédé  
 Neron, ny deliuré ses subieçts de son obeissance:  
 comme si vn infidelle estoit aussi suieçt à l'Eglise,  
 qu'un Chrestien: comme si l'Eglise seroit à blas-  
 mer d'empescher qu'un infidelle ne commandast  
 à la Chrestienté, quelque droict ou tiltre humain  
 qu'il peut auoir, ou si elle reprenoit, ou excommu-  
 nioit le Prince Chrestien, qui se trouueroit ince-  
 stueux avec sa mere, d'autāt que S. Pierre n'a point  
 excommunié ny reprins Neron d'un tel acte: &  
 cōme aussi si Constantin & les autres Empereurs  
 Chrestiens auoient fait mal de défendre la foy par  
 armes tant en leurs suieçts, que les estrangers, par  
 ce que le Sauueur a commandé à saint Pierre de  
 rengainer & ferrer son espee. Mais au contraire le  
 dire de S. Augustin est tres-veritable, Que distin-  
 guāt les tēps l'on entēd & l'on accorde l'escriure,

*Argument  
 des Hug.  
 inepte.*

saincte. Autre deuoir est du temps, que l'on est su-  
 ject, autre quād l'on est deuenu maistre. Ainsi au-  
 tre deuoir est de la Chrestienté tributaire & esclau-  
 ue en effect & de droict aux Princes & Estats de  
 l'idolatrie, ou infidellité: autre quand elle deuenue  
 la maistresse & dame & par effect & de droict,  
 cōme des pays, où elle peut faire obseruer ses loix,  
 ou mesme de droict seul, comme de toute la Tur-  
 quie. Brief autre chose est de la puissance & liber-  
 té d'un maistre, autre de l'obligation ou suiection  
 d'un vaser. Et de separer les Roys & Princes des  
 Estats de la Chrestienté, du corps & des loix d'i-  
 celle, qui ne voit que c'est chose non moins absur-  
 de, que de diuiser vn Royaume, ou vne nation en  
 deux corps: & comme si les Roys & officiers de la  
 Chrestienté n'estoient, ou deuoient estre Chre-  
 stiens, aussi bien que les officiers François, sont  
 François, & subiects aux loix de France, & que les  
 François Chrestiens sont Chrestiens & subiects  
 aux loix de la Chrestienté: Finablement y a il per-  
 sonne, qui ne s'offense grandement de l'impuden-  
 ce de ces gens là, & notamment de l'Aduocat Bel-  
 loy le fameux à employer le nom de la parole de  
 Dieu en sens si contraire à son intentiō? Dieu, di-  
 sent ils, choisit de sa main, & donne les Roys he-  
 retiques, pour nostre chastiemēt, & pour estre les  
 bourreaux de sa iustice, que partant c'est murmu-  
 rer & contester contre la sapience diuine, que de  
 leur resister. Mais qui ne voit ce cy estre vne no-  
 toire ineptie par vn dire semblable: Dieu enuoye  
 la famine, partant c'est mal fait de s'y opposer ou  
 prenoir par police ny aucune prudēce ou puiden-  
 ce humaine. La peste & la guerre sont autant de

*Les Roys  
 Chrest.  
 ne doiuent  
 estre sepa-  
 rez de la  
 Chrestienté.*

Heaux de la main de Dieu, c'est dōc mal faict de se-  
 parer & de chasser du cōmerce des hōmes les in-  
 fects, ou ceux, qui en sont frapez. Le mesme disoit  
 Luther du Turc, q̄ c'est vn des marteaux de Dieu  
 pour le chastiment des Chrest. que c'estoit donc  
 mal faict de luy faire la guerre, & que de luy resi-  
 ster ce n'estoit rien moins que resister à Dieu. Qui  
 sont propositions toutes si apparemment fauces,  
 qu'elles se confutent d'elles mesmes, enuers ceux  
 notamment, qui n'ont point donné leur entende-  
 ment en proye aux palliōs de telles gēs. Et ce qu'ils  
 alleguēt en confirmatiō de leur dire, que les Papes  
 heretiques n'ont point esté depossédez par ce que  
 ils ont esté choisis de Dieu pour punir son trou-  
 peau, n'est il pas suffisant pour les conuaincre? Car  
 quād bien il seroit vray, qu'il y en eust eu d'hereti-  
 ques (ce que n'est pas) qui ne voit que tel faict, &  
 q̄ la tolerāce d'iceux, par malice ou impuissance de  
 ceux qui y pouuoient apporter lors le remede, ne  
 peut preiudicier aucunemēt à la verité du droict,  
 ny de ce, que se doit par raison? & que partāt, com-  
 me les Papes heretiques doiuent estre depossédez,  
 au consentement de tous, de droict, & selon Dieu,  
 cōbien que de faict ils n'en ont pas esté tousiours?  
 Aussi il s'en ensuit le mesme pour le regard des  
 Roys Chrest. ou de la Chrestieté, cōbien que nous  
 n'en eussions aucun exēple en toute l'antiquité. Et  
 toute fois si l'argumēt pris du fait est receuable, les  
 Roys y sont d'autāt plus suiects, que les Papes, que  
 nous trouuons (cōme il se dira) plusieurs exemples  
 de la depositiō des Roys ou Empereurs, & des Pa-  
 pes nul du rout: mais bien souuēt des Patriarches,  
 Archeuesques & autres Prelats, cōme il a esté pra-

*L'exemple  
 des P.P.  
 hors de  
 propos.*

Enqué ces dernières années, cōtre ce Truches iadis  
Archeuesque de Cologne heretiq à l'approbatiō  
de l'empire & de toute l'Allemagne & chrestieté.

*Le R. de  
N. beres.*

De mettre en doute parmy les Catholiques  
mement si le R. de N. qui a renié la foy Catholique  
est heretique, & si les Huguenots en sont pareille-  
ment apres tant de Conciles, apres le iugemēt du  
Pape, qui en est le vray iuge, apres le commun ac-  
cord & consentement de tout le monde Catholi-  
que, qui est codamné pour tel, apres tant d'actiōs,  
de portemens, & declarations heretiques & obsti-  
nees, disant qu'il sçait en son cœur, & cōfesse fran-  
chement de bouche qu'il est trespersuadé (i. opi-  
niastre) que la verité est de sa part, & non des Ca-  
tholiques en vne centaine d'opiniōs, que l'Eglise,  
les Cōciles, les facultez de Theologie, & les Eues-  
ques ont déclaré pour heresies apres q̄ nos Roys,  
les Cours de Parlement ont brulé les sectateurs  
d'icelles pour heretiques : & que les Estats gene-  
raux les ont chassé du Royaume pour tels : c'est se  
mocquer trop du mode, comme si en l'Eglise Ca-  
tholique on n'auoit sceu encor appredre à parler &  
entendre les mots, ou bien si on nous vouloit per-  
suader que le Soleil print sa clarté de la Lune, ou  
de quelque comete errante. Combien que pour la  
matiere, que nous traitons, il importe fort peu de  
quelque religiō est le Roy futur, Athee, Iuis, Turc,  
Lutherien, Anabaptiste, Caluiniste, heretique for-  
mé, ou non : car c'est assez pour deuoit estre excluz  
de la succellion du royaume, qu'il apparoiſſe qu'il  
n'est Catholique, c'est dire, de la mesme creance  
& Religiō du Royaume, de Clouis, de Charlemai-  
gne, de S. Loys, & des feuz Rois Catholiques suc-

cesseurs qui ont esté tous receuz selon la loy Salique, & notamment Henry I I I. Ce que nous ne pensons point qu'aucun puisse nier du Roy de N. qui condamne ce qu'ils ont approuué, & lequel cassé leurs fondations & demolit les Eglises, qu'ils ont basti au nom des Saints, & lequel est d'autât plus damnable (comme dit tresbien le Pape Urbain de ceux qui defendent l'erreur d'autrui.) par dessus ceux qui errent, que non seulement il erre, mais qu'il deffend leur erreur, qu'il les y confirme, & donne occasion aux autres de pecher.

Nous ne trouuons pas nouueau, que ceste pailarde d'heresie, qui se dit la vraye espouse, s'escric sans honte & vergongne, que le R. de N. est Catholique, qu'il est son fils naturel & legitime: & que la succession luy appartient. Nous ne trouuons pas extraordinaire, que ses ruffians, ou que les autres enfans, qui sont ja auueglez ou de passion, ou d'interest, combattent impudemment, & se facent mourir pour ceste querelle. Mais que l'enfant de la vraye espouse, & celuy qui se dit Catholique, soit de ceste opinion, qu'il la fauorise au contraire, qu'il ne s'y oppose vertueusemēt de tout son pouuoir, & auoir, pour le faire tenir pour heretique, & fils naturel, certainemēt c'est chose, qui est trop contre nature, & contre tout bon iugement. Car il s'ensuit bien infalliblement, ou que nous sommes de l'Eglise de Iesus Christ, & le R. de N. de la Synagogue de Sathan: ou au contraire il faut que ce soit l'vn des deux: veu qu'il n'y a aucun moyen, & que deux contradictoires ne peuuent estre vrayes ensemble. Si le Catholique ne peut croire autre chose, sinon qu'il est de l'Eglise de Iesus

*Estrange  
qu'un Ca-  
thol. doute  
que le R.  
de N. soit  
heretique.*

Heretique  
qui.

Christ, il s'en suit bien que par la necessité de ceste  
creñce, il ne peut estre aussi, sinon que le R. de N.  
est heretique, de la maison & Synagogue de Sa-  
than. Celuy-là est heretique (dit Origene) qui fai-  
sant professiō de croire en Iesus Christ, croit de la  
verité de la foy Chrestienne autrement, que ne  
porte la tradition de l'Eglise de succession en suc-  
cession, & de main en main. Celuy est heretique  
(dit S. Augustin) qui suit, ou produit vne nouvelle  
opinion pour son profit particulier, & principa-  
lement pousé d'ambition, de gloire, & de princi-  
pauté. Celuy-là (dit S. Cyprien) cuide-il estre avec  
Iesuschr. qui fait contre les Prestres de Iesuschr.  
Qui se separe de la société & communiō du cler-  
gé, & du peuple, cestuy-là porte les armes contre  
l'Eglise, & combat contre la disposition de Dieu,  
& est ennemy de l'autel, & rebelle contre le sacri-  
fice de Iesus Christ. Eussent ils peu parler plus ex-  
pressément, ny depeindre plus visuellement le R. de  
N. monstrans en vn mot qu'il est heretique en ce,  
que sçachant certainement que les opinions, qu'il  
tient en la foy, sont cōtre le iugement & sentimēte  
de l'Eglise catholique Apost. & Rom. qui est (selō  
les vrayz catholiques, & les SS. Peres) la vraye E-  
glise, bien qu'il ne l'accorde pas, de laquelle les  
Eueques & Prestres sont les Ministres, & les Ca-  
tholiques enfans, neantmoins il les croit opiniastre-  
ment. S'il estoit credible, qu'il le peüst ignorer, il  
seroit raisonnable, qu'il en fust instruit, & ne meri-  
teroit point de pendre ce tiltre infame, mais tant  
sen faut qu'il vueille estre enseigné, selon que la  
dicte Eglise, & les Prelats d'icelle tiennent, que tout  
au contraire il confesse sçauoir tresbien leur cre-



ance, & nie qu'elle soit la vraye Eglise, ny qu'ils  
 soient les vrais Pasteurs, moins qu'ils sçachent la  
 vraye doctrine, pour luy en faire part, ayant fait  
 imprimer dans son opposition contre la bulle du  
 Pape qu'il a malicieusement & faulxement menty  
 (tant il est accoustumé au ramage & honnestetez  
 des burrieres du Petit pout) l'accusant d'heresie, &  
 que c'est luy mesme qui est heretiq. & vn galant.  
 Et partant qui ne voit ceste piperie & cauillation  
 toute manifeste? & comme il est impossible qu'en-  
 uers les cathol. qui ne tiennēt aucun pour catho-  
 lique, qui ne soit vni en foy avec l'Eglise catholique.  
 Apostol. & Rom. & toutes opinions y contraires  
 pour heresies, le R. de N. ne soit pur heretique &  
 reiettable par toute la chrestieté? ny que par con-  
 sequent nous ne puissions conclurre avec Tertul-  
 lien que celuy, qui est heretique, ne peut estre dit  
 chrestien? Vn Turc, vn Iuif, vn Athee, qui ne sçait  
 qu'est la foy chrestienne & catholique, peut douter  
 quelle opinion en la foy est heretique: mais qu'un  
 catholique, qui ne doute point de la verité de sa foy,  
 puisse estre en suspens, que le contraire à icelle ne  
 soit heresie & mensonge abominable, cela passe  
 toute imagination. Car il ne peut estre nō plus en  
 doute, si le Roy de Navarre est heretique, qu'il  
 peut douter si luy mesme est catholique: cōmme  
 qui accorde vne chose estre blanche, est contrainct  
 confesser, que celle qui est contraire, est noire: &  
 qui accorde la religiō de l'infidelle estre meschan-  
 te, il faut qu'il cōfesse, que celle du fidelle est bon-  
 ne: & l'infidelle n'est pas plus contraire au chre-  
 stien ou fidelle, que l'heretique au catholique.

*Piperie  
 du R. de  
 Navarre.*

Si le R. de N. n'est heretique, il s'en suit dōc, que

On les Ca  
tholiques  
ou le R. de  
N. heretiq.

le Roy qui tient le contraire en la foy, que luy est heretique: si le Roy de N. n'est heretique selo les loix des Catholiques & de l'Eglise Chrestienne, il n'y eut oncques heretique: voire fil n'est relaps (& par tant indigne de droict, & sans dispée de tous honneurs, quand mesmes il reuiendrait à resipiscence) il n'en y a eu iamais aucun: les Huguenots ne sont point heretiques, les Anabaptistes & Lutheriens ne sont point heretiques, & noz peres ont esté bien ignorans, ou malicieux, de les auoir faict brusler comme tels. Le mesme se peut dire des Trinitaires, Deistes, Arriens, Macedoniens, Nestoriens, Euthiciens & autres.

L'on est en  
differents  
de la sub.  
stance de la  
religion.

Car de dire avec leur Apologetique, que l'on n'est contraire ny en differet, que des ceremonies externes (comme s'il y en auoit des internes) c'est à dire, des choses, qui n'importent le salut de l'ame, l'on appelle cela brides à veaux, ou bien propos d'Atheiste, qui ne faict differée des ceremonies, ny de la substance, qui ne croit ne ame, ne autre vie, ne moyés aucuns à salut: ains tient tout ce qui est de Dieu & de sa religion, pour problematique & indifferent. C'est aussi chose bien certaine, que les vrais Huguenots & leurs Ministres chantent bien au contraire, tenant l'Eglise Catholique pour reprouuee en la foy & doctrine, bref, pour la Synagogue de Sathan, & qu'ils disent meriter d'estre chassée de leurs villes, & pays, à l'occasion (dit Marmet) qu'il y a autant à dire entre leur religion & celle des catholiques que de l'enfer au Paradis. Aussi il n'est non plus aisé de les maintenir paisiblement ensemble en mesme egalité, que de bastir deux maisons sur vn mesme fondement, de join-

dre Paradis avec l'enfer, & d'accorder Dieu avec le diable, comme parle saint Paul. Et quand tout cela cesseroit, & qu'il seroit vray, que le R. de N. ne seroit contraire à l'Eglise Catholique que sur des ceremonies, ce luy sera vn pauvre merite deuant Dieu, & peu d'honneur enuers la posterité, qu'il aye esté cause d'un si grand schisme, & de si grands maux, pour si peu de chose.

De pëser offusquer, ou creuer les yeux du monde, pour pouuoir exempter ou laver de ceste rache d'heresie le R. de N. par ce qu'il dit croire en Dieu, le vieil & nouveau Testament, les Symboles de la foy, vne Eglise Catholique, pour laquelle il desire espandre son sang contre les infidelles (garde souz ce nom les Catholiques, car autres infidelles ne cognoit & n'ataque il point.) Bref, qu'il consent subir son iugement, quand elle sera bien assemblee en vn saint Concile libre & legitime, general, ou national: Qui est celuy si ignorant de l'antiquité, qui ne sçache, que tous les heretiques, qui iamais ont esté, ont faict de bouche & par escrit semblable declaration & soubmission: mais que ce n'estoient qu'eschappatoires, quād il estoit questio d'approcher de plus pres, & quand on venoit à leur représenter l'Escripture sainte, Ce ne sont (dit Tertullien) que disputes & contentions sans fin, à qui l'entend mieux, & qui rapporte plus fidèlement vn passage à l'autre. Si l'on auoit tenu & célébré vn Concile, ils n'auoient pas faute de repliques, que ce n'estoit pas l'Eglise Apostolique, mais Apostatque & l'asyle de Romulus (dit saint Augustin des Donatistes) ou le bourdeau & la Synagogue de l'Antechrist (dit saint

*Le dire du  
R. de N. cō  
mun à tous  
heretiques.*

*Obuets des  
heres. cōtre  
les Conciles*

Hierosme des Luciferiens) que c'estoient des hommes, qui auoient erré grandemēt qu'ils n'auoient pas bien suiuy l'escriure sainte, & que c'est celle la seule, à laquelle nous deuons croire, & nous soubsmettre: & qui seule a force & auctorité, pour nous commander au faict de la foy: que c'estoit vne assemblee des seuls Eueſques, prestres, Moynes, & Ecclesiastiques, faicte sous l'Antechrist de Rome, tous leurs ennemis, idolatres, casars, idiots, ignorans, auégles, & abandonnez de Dieu & du saint esprit: qu'ils ont fait office de iuges & parties, puis qu'il estoit question de reformer les abus: qu'il ne faut croire à tout esprit, mais l'esprouuer sil est de Dieu: que ceux, qui poursuiuoient la reformation de l'Eglise, n'y auoient point esté ouys: que leurs Ministres enuoyez de Dieu, n'y auoient point eu voix deliberatiue: qu'ils n'y auoient point eu de fauſcōduit asſeuré: ains qu'ils y auoient esté brullez, & mille autres semblables fornettes, & balliuernes pour equiuoquer sur le nom de l'Eglise, & le sens de l'Eſcriture: & afin d'annuller & affoiblir l'auctorité des conciles tenus contr'eux, & se iustifier en leur opiniaſtrete.

N'est-ce pas ce que l'histoire Ecclesiastique, & les anciens Peres nous tesmoignent, que disoient les Arriens, singulierement contre le premier general cōcile de Nice, voire durant 300. ans apres, les Macedoniens de celuy de Constantinople, les Nestoriens de celuy d'Ephese, les Euthiciens de celuy de Calcedoine: qui font les quatre grands & premiers cōciles generaux tenus consecutiue-ment dāz les 500. ans premiers apres nostre Sauueur: & lesquels tous tāt'en faut qu'ils aient serui

pour la conuersion des heretiques, qu'iceux les condamnoient, escriuoient cōtre, & en brusloient les exemplaires. Tellement qu'il s'est passè long temps deuant que plusieurs Roys & Empereurs les ayent voulu authoriser faire obseruer & receuoir en leurs Estats: Ains au contraire ils bannissoient & mettoient à mort ceux, qui y adioustoient foy. Le diable n'usant d'aucun artifice, opposition, calomnie, & mesdisance contre le saint concile de Trente, qu'il n'aye practiqué cōtre la plus part des autres conciles generaux, & singulièrement contre ces quatre premiers, lesquels neantmoins les catholiques ont eu tousiours en mesme respect, que les quatre Euangelistes, comme dit S. Gregoire.

N'est-ce pas aussi chose obseruee en l'Eglise, tesmoignée par les anciens Peres & Docteurs, que tant s'en faut, que les heretiques se conuertissent par la voye des Conciles, qu'ils en deuiennent plus obstinez: que les conciles ne seruent, que pour ceux qui sont dans l'Eglise, & pour confirmer & y retenir les seuls catholiques, non seulement par instruction, mais par leur autorité? Se lit-il iamais vn seul heretique auoir esté vrayement reduit par vn concile, ains au contraire, qu'il ne s'en soit plus endurcy & opiniastré, que deuant? Et l'on peut esperer mieux du R. de N. & de nos Huguenots? C'est auoir le iugement trop foible, & se promettre des miracles inouys à sa poste. C'est se moquer trop manifestement de saint Paul, qui ne veut point, qu'on s'empesche à la conuersion & instruction d'un heretique, apres la seconde admonition & enseignement. Nostre foy (dit Tertullien) doit obeir à saint Paul deffendant de conferer de

la foy avec vn heretique, apres qu'il aura vne fois  
 esté reprins & instruit. Et la raiſon en eſt tresbelle  
 en S. Ambroise. Car l'on voit (dit-il) le plus ſouuent,  
 „ que les grandes & frequētes admonitions ſont les  
 „ gens plus endurcis & obſtinez au mal; & ſemblēt  
 „ cōme les contraindre de ſe rendre plus diligēs à la  
 „ perdition de pluſieurs. Et ſelon cela les heretiq. di-  
 „ ſoit S. Gregoire nazianzene, peuuent eſtre vaincus,  
 „ mais non conuaincus. Car dit l'autre S. Gregoire  
 Romain, les heretiq. ne cherchēt point de parue-  
 nir à la verité par leurs diſputes & demādes, mais  
 ſeulement d'eſtre veuz les vainqueurs. Eſcoute (dit  
 „ S. Chryſoſtome) toy hōme fidelle, qui debats vo-  
 „ lontiers avec l'heretique, que les Phariziens ont  
 „ eſté vaincus du Sauueur, mais nō ſatisfaits: & toy  
 „ diſputāt avec l'heretiq. le peux tu cōtēter, encores  
 „ que tu le rendes vaincu? Es tu plus fort que Ieſus  
 „ Chriſt, de ſatisfaire & faire acquieſcer ceux qu'il  
 „ n'a peu faire acquieſcer. Et S. Bernard, Ils ne peu-  
 „ uent eſtre cōuaincus par raiſons, d'autant qu'ils ne  
 „ les entēdent pas, n'y corrigez & conuertis par au-  
 „ thoritez, d'autant qu'ils ne les reçoient point, ny  
 „ ſeſchis par cōſeils & inſtrūtiōs, d'autāt qu'ils ont  
 „ le ſens & entendement ſubuerſy & renuerſé (cōme  
 „ dit S. Paul.) C'eſt choſe eſprouuee (adiouſte-il) ils  
 „ ayment mieux mourir, que ſe reduire. N'eſt-ce pas  
 „ auſſi le dire de l'Eſcriture, Qu'il eſt difficile corri-  
 „ ger celuy, que Dieu a meſprité. Et Sulpice Seuer  
 avec tous les Histoires ne teſmoignent ils pas no-  
 tammēt que tous les Cōciles & conſerēces entre  
 les Arriēs & les Cath. n'ont riē profité pour la re-  
 duction des Arriens, eux demeurās toujours opi-  
 niſtres en leur perfidie, Qui eſmeut (dit-il) les Ca

*Vinci pos-  
 sunt, con-  
 uincunt non  
 possunt.*



tholiques d'enuoyer à la fin vers l'Empereur Cō-  
 stanrius, pourluy rapporter & declarer qu'ils co-  
 gnoissoient par experience, qu'il estoit impossible  
 d'auoir paix, & de s'accorder avec les heretiq. Ce  
 q̄ nous serions biē marris d'estre dit pour diminuer  
 la sacree autorité de l'usage des Cōciles, moins  
 encores, que nous ne les desirions beaucoup plus  
 qu'eux, pour autres cōmoditez & plus importātes  
 la santé de ceux, qui sont en vie, c'est à dire, qui ont  
 la foy, ou qui n'en sont du tout point priués : mais  
 seulemēt pour mōstrer, qu'ils ne sont ny necessai-  
 res, ny vtils pour le regard d'eux qui sont morts  
 en la vie spirituelle. Lesquels ayāt moyse & les pro-  
 phetes & en abusant, cōme l'on voit, qu'ils font, il  
 n'est gueres à croire qu'ils deuiennent meilleurs,  
 quand bien l'on leur feroit voir Paradis ou l'enfer  
 ouuers, ny qu'ils facēt mieux leur profit d'un Cō-  
 cile, q̄ de l'escriture saincte, veu qu'ils ne peuent le  
 demāder, que pour la mesme ruze, qu'ont faict cy  
 deuāt tous les heretiq. & notamment par ce qu'ils  
 ont ceste opiniō que le rape ne l'accordera iamais.  
 Car c'est ce qu'ils escriuent, Que d'en parler aux  
 Papes c'est autant, que les attacher au Caucaſe, ou  
 leur faire tourner la rouē d'Ixion, & le caillou de  
 Sisyphus. Et par ce moyen ils pēsēt gagner temps,  
 coniurer la tempeste, & ietter de la pouliciere aux  
 yeux des ignorans & des gens non entendus ny  
 experimentez en ces choses.

*Pourquoy  
 les Cathol.  
 desirēt vn  
 Concile.*

Ce sera aussi pour seruir de respōce à leur belle  
 Apologie & declarations, disans, pour endormir  
 les mulots, Qu'il ne faut vser q̄ de patience, obeis-  
 sance, & d'oraisons enuers Dieu, contre vn Roy  
 heretique, & que c'est Dieu seul, qui le peut, ou  
 doit oster par mort: que l'heresie aussi est vne ma-

*Commēt le  
 glaive a-  
 lieu contre  
 l'heretiq.*

*Verbo esse  
agendum,  
dissutatio-  
ne pugnan-  
dum, ratio-  
ne vincen-  
dum.*

*Qui doit  
resister au  
R. hereti-  
que.*

ladie de l'ame & de l'esprit, ou le fer & le feu ne peuuent mordre: qu'elle ne se guarit, que par les medecines & armes spirituelles, qui sont admonitions, prieres, ieusnes, bonne vie, & conciles; qu'il faut agir contre eux de paroles, combattre par disputes, vaincre par raisons, comme parloit S. Aug. au commencement. Car peut estre que cela auroit quelque apparence pour le regard du deuoir de cha-  
cun particulier enuers vn Roy heretique, d'autant que se remuer seul, & sans ordre de ceux qui ont autorité, ce seroit plustost actiō de fol, que de sage: mais pour celuy des officiers de la couronne, des iustats generaux de la France, des cours de Parlement, qui sont les tuteurs du royau. estat veuf, les colonnes de l'estat, les yeux de la France, les executeurs du serment solennel des Roys, & lesquels n'ont qu'un mesme serment pour la iustice enuers dieu & Cesar, aux loix de dieu & du royaume en tout temps, & souz quelque Roy que ce soit, sans que le changement apporte aucune mutation en leur deuoir & office, il n'y a point de ppos: moins pour le regard de toute la chrestientie, qui est la mere de ce Royaume & du Roy, comme de son premier fils ainsie, ainsi que nous lisons que le concile d'Orléans tenu souz nostre premier Roy chrestien, l'appelle le fils de l'Eglise cath. car ce seroit autāt, cōme si le christianisme ne depēdoit en France, q̄ de la volōté du roy, & cōme si Dieu n'auoit point pourueu entre les chrestiens de moyē propre pour maintenir la religion, aussi bien que le seruice des Roys. Cela a trop d'impieté, & de bestialité avec soy. Quant à la consideration del'heresie seules particuliers, si elle estoit sur ses premiers accès

*Le Roy est  
le fils ainsie  
de l'E-  
glise.*

accès & en des gés simples, qui ne seroient qu'en  
 erreur, & non encores resolu & endurcis en leur  
 opiniastreté, il y pourroit auoir quelque raisõ: car  
 nous voyõs que S. Augustin & autres grands per-  
 sonnages ont esté vn tẽps de ceste opiniõ, toutes-  
 fois l'experience, cõme il dict, leur a mieux mon-  
 stré tout le cõtraire, que toutes les raisons du mõ-  
 de. Ils criẽt (dict-il) que Iesuschrist n'a forcé per-  
 sonne pour croire: mais ils le doiuent recognoistre  
 en S. Paul, le forçant deuant que l'enseigner. Et il  
 faict souuent ceste distinction du temps, que l'E-  
 glise estoit sur la legitime domination des Payés,  
 de celuy auquel l'autorité d'iceux luy est deuou-  
 lüë. Les vrais prescheurs de ces gens là, ce sont les  
 Ediçts des Rois, leurs officiers, & armés. Tous les  
 sermons (disoit ce grãd Theologię & Euesque Na-  
 zianze à l'Empereur) que ie pourrois faire pour  
 la saincte Trinité aux Arriés, ne sçaueroiẽt iamais  
 auoir tãt de force, pour cõbatre ou esteindre l'he-  
 resie, & aduancer la vraye doctrine, cõme vn seul  
 de vos Ediçts. Cela aura lieu à plus forte raison,  
 lors & depuis que par le temps ceste maladie cõ-  
 tagieuse d'heresie s'est couuee & esté due iusques  
 aux bras, aux mains, & aux ongles, & qu'elle s'est  
 doublee & tournée en faction & rebellion. Car  
 c'est faute de iugemẽt, & vne pure folie d'apposer  
 l'emplastre à la teste, puis que le mal principal est  
 tõbé aux mains & aux ongles. C'estoit aussi contre  
 semblables gens que Simon disciple de Socrates  
 auoit coustume de dire, Que la vertu ne se peult  
 enseigner. Ioinct à ce l'opinion de ce grand per-  
 sonnage d'Estat Ciceron, & de tous les Anciens,  
 Que la factiõ & rebellion ne se guerit, que par ar-

*Hec opinio  
 nõ cõtradi-  
 centiũ ver-  
 bis, sed de-  
 monstratiũ  
 superaba-  
 tur exẽplis*

*Folie de  
 penser, ve-  
 dre les  
 Hug. par  
 dispues.*

*Caluin en  
son iustis.  
ditt que les  
armes doi-  
uent seruir  
au faict de  
religion.*

mes, & ne se finit que par la mort: se rapportent tresbié à ce les mots de leur Pape & premier mai-  
stre, Que c'est chose trop absurde & faulce d'esti-  
mer les defences propres aux affaires de ce môde,  
comme sont la iustice & les armes, estre nō seule-  
ment différentes d'avec les defences spirituelles,  
mais aussi contraires, & tellement repugnantes,  
qu'en matiere de religion, elles ne puissent auoir  
lieu. Nous sommes frappez tour ensemble & cō-  
ioinctement de ces deux maladies, de l'herésie  
& de la rebellion: lesquelles l'on ne guerit iamais  
par breuets, ny par parolles ou remōstrāces. C'est  
ce qui les entretient d'auantage (disent les anciē)  
en leur cōtradiction, opiniastrété, & outre cuidā-  
ce. Il y faut le cāutere, ou le feu, par la commune  
practique de tous les siècles, nō pour les cōtrain-  
dre de croire, ou donner leur foy de nouueau à  
Dieu, car c'est vn acte pur, libre, & qui requiert  
vne ayde de la lumiere sūpernaturelle, cōme la re-  
ligion est sūpernaturelle: mais afin de les contenir  
& leur faire garder la foy qu'ils ont dōnée: & aussi  
afin qu'ils n'empeschent le cōurs de la foy, pro-  
noyāt en ce (cōme dict vn anciē) plus à la paix pu-  
blique, que lon ne fait force à la volonté des gēs.  
Aussi lon sçait bien que Dieu ne les permet arri-  
uer iamais en vn Estat, ny que les particuliers y  
tombent qu'en son indignation, autant qu'il veut  
chastier, purger & couronner les esleuz, & autant  
qu'il punit & rend les heretiques instrumens &  
vassaux de son ire, & qu'il deſſeigne les perdre  
par là, & en leur corps, & en leur ame tout ense-  
mble, cōme gens reprouuez. Et de fait, ne seroit-ce  
pas chose pleine de rusee, qui voudroit attendre à

*1. li. de  
qu. pour-  
qu. y par-  
ont de  
Dieu.*

pacifier l'Estat, iusques à ce que les Ministres qui  
 viuēt du mestier, ou que vn Viuās, Beau-pré, & les  
 autres principaux capitaines & mēbres de l'Hu-  
 guenoterie, que nous auōs nommé cy deuāt pour  
 mōstres de nature, fulsēt reduits & amenez à meil-  
 leur vie par sermōs & exhortatiōs? Ces gēs vou-  
 droiēt-ils plus beau jeu, sinō que souz pretexte de  
 se laisser instruire, ils nous puisēt picourer, coup-  
 per la gorge, & se saisir des villes du Roy, comme  
 ils ont fait, tāt que ceste opinion de prescher &  
 d'instruire seulemēt le mōde a eu son cours? Ceste  
 gradation est cōfirmee par tous les anciens, Qu'il *Difficile*  
 est difficile de conuertir vn Payen, plus encor' vn *conuertir*  
 Iuif, mais plus que tous, vn heretique, comme ce *hereti-*  
 peché irrite plus Dieu, & nous rēd plus indignes *que.*  
 de sa grace, & priuez de sa lumiere, que nul autre.

La matiere dont il est question, & les poincts  
 controuersés & differens sur la religion entre les  
 Cathol. & les Huguenots ne sont point indecis  
 souz la correction de la Declaratiō du R. de N. ny *Les diffe-*  
 qu'à ceste occasiō il soit necessaire d'un Cōcile ge- *rens de la*  
 neral. Tous ces poincts ont esté cy deuāt & par plu *relig. re-*  
 sieurs fois & en diuers tēps proposez, disputez, de- *solus.*  
 batus, iugez, & resolus, voire aucuns à la submissiō  
 & confellion volōtaire de leurs propres heresi-  
 ques, comme notāment celui du S. Sacrement de  
 l'Autel de Berengarius par quatre & cinq fois, &  
 en diuers Conciles. Et par ce moyen telles opi-  
 nions en sont demeurees du tout esteinctes & as-  
 sopies, sans Ministres, & sans auditeurs, ius-  
 ques à Calvin ou Luther. Il y a eu infiniz Ar-  
 rests & iugemens donnez & executez en di-  
 uers siècles, & par diuers Eueſques, Conciles, &

Monarques au profit de l'Eglise Catholique. Apostolique & Rom. cōtre leurs erreurs & opinions, demeurant le dite de Gamaliel pour vn argumēt infallible de la verité de la foy des Catholiques, Que si telles opinions contraires eussent esté de Dieu, elles eussent subsisté & preualu dés lors: aussi que n'ayant point duré, il l'ensuit bien qu'elles ne sont point du coing de Dieu. C'est chose, que il n'y a personne qui ne sçache que ceux qui ferment les yeux en plein midy. Les histoires & les livres des Peres, & les quatre Tomes des Conciles en sont tous pleins. Les peut lire qui veut, & la seule face exterieure de l'Eglise Cathol. qui en est demeurée victorieuse & maistresse du champ, en sert de preuue autētique à qui la sçait ou veut cōtépler, outre les recueils & extraits q̄ plusieurs gens doctes en ont fait de nostre tēps. Et si en ce qui rōuche l'exclusiō du Royaume cōme heretiq. il n'en veut pas croire le susdict Cōcile de Latran, pouuōs no<sup>s</sup> esperer q̄ il croie aux autres volōtiers?

*La ruz  
des Hu-  
guenots.*

Mais, ie vous prie, voulez vous descouurir leur ruz, ils criēt pour leur maxime & fondement de religion, Qu'il ne faut rien croire, que ce, qui est expres en l'escriture sainte: que tout ce qui est du salut & de la foy y est cōprins en termes clercs: & qu'on l'entend aussi intelligiblement & facilement, qu'il se peut lire: ou bien qu'il faut que le S. Esprit en donne particuliere instruction & reuelation aux predēstinez. Car de ces deux opinions ils n'en sont pas encor bien d'accord entr'eux, quelle seule ils doiuent embrasser. Cela posé, ou l'vne, ou l'autre, estant sūyue, que leur peuuent donc seruir les Conciles? Est-ce d'apprendre à lire la



Bible? Est-ce pour dōner visiblement ou avec toute certitude les particulieres inspiratiōs du saint Esprit à vn chacū qui en doubtera, ou qui en voudra? Il faut necessairement qu'ils renoncent & se departent de l'une ou de l'autre de ces opinions, pour dire, Ou que tout ce qui est de la foy, n'est pas clair & expres en l'escriture, Ou que le Cōcile ne sert de riē pour l'expliquer, & pour l'instruction de la foy. Ils tiennent que l'Eglise de Dieu, à laquelle on doit croire, est inuisible, donc ils ne croient pas à celle qui est visible en l'assemblée generale d'un Concile: ains la tiendront, cōme ils font, pour l'Eglise & cōseil des malings. Ils croyēt que les Cōciles tant generaux que nationaux, provinciaux, & particuliers peuuent errer en la foy, & qu'ils sont subiects à l'examen de l'escriture deuant q̄ de les receuoir, & y adiouster foy. Qu'est-il besoyn dōc de les assembler, pour leur regard, estāt trop certain qu'on ne doit estre tenu de croire à celui, qui peut mentir & errer, & que ce ne seroit tousiours que circuit, fuites & recheutes en la premiere question, doubte, ou examen, si la foy controuuēe soit resoluē ou non, est cōforme avec la parole de Dieu, & si le sens que luy dōne le Cōcile est veritable? Et par cōsequent, encor qu'il semble en apparence que ceste cōdition soit fort receuable & pertinēte, si est-ce que par ce moyen tāt s'en faut qu'un Cōcile nous puisse esclarcir & faire certains du vray sens de la parole de Dieu, que au cōtraire il nous en rēd plus douteux & incertains, nous mettant en doubte de la foy & fidelité de tous ceux, qui y peuuent de droict auoir voix, soit consultatiue, soit deliberatiue, ou definitiue.

*Concile nō  
necessaire  
ny utile  
aux Hu-  
guenots.*

Lesquels toutesfois Dieu a laissé pour tesmoins & truchemens de sa parole. Car en fin, de ceste sorte, qui sera le iuge & du Concile & de la parole de Dieu? Outre ce, si en ce Concile les seuls Prestres, ou Prelats, y opinent, comme emporte la nature malings: si les laiz ensemble, les Prestres ne le permettrôt iamais, ou ne s'y trouuerôt pas, cōme cho-  
 » se inouye (dit S. Athanase) que iamais dés que le  
 » mōde est mōde, le iugemēt de l'Eglise aye pris son  
 » auctorité, ou d'un Empereur, ou, que ce soit, d'au-  
 » cun autre seculier: ny qu'onques cela aye esté tenu  
 » pour iugement. Aussi c'est chose mōstrueuse que  
 les iuges & les parties opinent ensemble. Si telle  
 assemblee n'est que par maniere de colloques, cō-  
 ference, consultation, ou dispute, qui en a iamais  
 veu sortir des arrestz, ou rezultats? & quand bien  
 lon tōberoit d'accord, qui n'arriua onques, s'y tiē-  
 dra qui voudra. Car quelle loy nous y peut astrain-  
 dre? A quel propos dōc demandent-ils vn Cōcile  
 pour remede de nos miseres? N'est-ce pas se moc-  
 quer du monde & de Dieu, & amuser vn chacun,  
 afin qu'on ne pense ny pouruoye d'ailleurs à leurs  
 menees? Ce sont les drogues trop esuantees & re-  
 muees par tāt d'heretiques, qu'il n'y est tropé, qui  
 ne veut ioinct qu'il n'est pas permis aux Catholi-  
 ques d'entrer en dispute des choses concernant la  
 foy, cōme fils en doubtoiet (car la foy est tres cer-  
 taine) ains seulement pour l'esclarcissement de la  
 verité, & aurāt qu'ils ont à faire à gens qui doutēt,  
 & lesquels se veulent instruire. Et n'y ayāt que le  
 Roy de Nauarre qui demande pour son instructiō  
 particuliere (dit-il) vn Cōcile. Qui a iamais leu vne

*Iamais lay  
 n'a eu voix  
 en vn Con-  
 cile Cath.*

*Demande  
 d'un Cōci-  
 le fraudu-  
 leuse.*

semblable demande: & moins encor, qui a iamais *Nul Concile*  
 veu assemblee d'un Concile, soit general ou autre, <sup>general</sup>  
 pour si legere occasion & expectatiue: car ces Mi- <sup>pour l'in-</sup>  
 nistres se gardent bien de se monstret si irresolus <sup>struction</sup>  
 que de demander vn Concile pour s'instruire. Tout <sup>d'un parti</sup>  
 au contraire, ils assurent & sont prests de se faire  
 brusler sur ceste querelle, qu'ils sont enuoyez ex-  
 pressément de la part du S. Esprit, pour instruire  
 tous les Papes, Euesques, & tous ceux, de qui les  
 Conciles ont esté composez par tous les siecles  
 passez. De dire aussi, comme font plusieurs, qu'un  
 Concile n'est point chose impertinente, quand il  
 ne deuroit seruir que de pretexte & couleur de la  
 conuersion du R. de N. & afin qu'il se puisse reti-  
 rer plus honnestement & avec plus d'honneur du  
 party des heretiques, & monstret qu'autre chose  
 ne l'a fait Catholique, que la force de la raison,  
 qui luy a esté enseignee par le Concile: outre qu'en *Le Concile*  
 ce cas il faudroit qu'il s'y trouuast en persõne, ce- *ne doit ser-*  
 la est si impudent & impie, que la meilleure respõ- *uir de pre-*  
 ce, qu'on y puisse faire, c'est de n'y faire point re- *sente.*  
 sponce, & laisser les fols avec leur folie. Ils nous  
 accusent ou blasment de peu de charité, de ne vou-  
 loir regagner vn Prince, de plaindre vn Concile  
 pour vn Prince, sur qui regarde ce Royaume, vn  
 Prince, disent ils, suiuy de tant de milliers d'ames:  
 mais nous leur respõdons, q la prudẽce est la gui-  
 de de la charité, & qu'elle ne s'estend point plus  
 outre que l'esperance reiglee. Que le Royaume ne  
 regarde que sur celuy à qui le droict de succession  
 peut toucher, cõme estant du sang baptizé, sans  
 s'arrester ou mettre en cõpte celuy qui y a renon-  
 cé soit heret. ou apostat, qui en ce fait est moins

beaucoup que le bastard, bié qu'il soit proche d'aill  
leurs, avec nō moindre raison que nos anciens n'ot  
mis au nōbre des Rois ceux qui n'ont esté sacrez.  
D'auantage, qu'il n'y a nō plus d'apparéece que ceux  
de son party se rendēt Catholiques avec luy pour  
lors, qu'ils n'ont fait cy deuant, quand il en a fait  
profession durāt quatre années. Finalement qu'il  
nous a trompez par sa feinte dissimulatiō & beau  
semblā en tāt de choses que nous sommes aprins

*Nul Concile national  
bié provincial i. d'une  
province  
Ecclesiast.* ne uous y amuser plus, mesmement sur telle scrip  
perie & vieux haillō, ou bien si vous voulez sur tel  
jargon propre à tous heretiques, sans qu'il practi  
que plus auant sur nous & à nos despens la deuile  
commune de la nation, Biarnés faux & courtés.

*Et mesme  
politaine  
non profane,  
ou de  
gouverne  
mens.* N'obseruez vous pas comme ils sont autant de  
cas d'un Concile national, que d'un general, comme  
si en toute l'antiquité Chrest. lon auoit onques  
ouy parler de Concile national, nō plus qu'on ne lit  
point qu'une nation comme natiō puisse estre iuge  
legitime de la foy Cath. c'est à dire vniuerselle,

comme si on ne croyoit aux Conciles, que cōme à  
des consultations d'Aduocats, & autāt que lon est  
capable de leurs raisons, & non cōme à des iuge  
mens asseurez, & par leur auctorité: cōme aussi si  
le pouuoir & les bornes d'un Concile national estoient  
telles, & d'aussi grāde estēdue es questions  
de la foy, que d'un Concile general, qui avec cer  
titude suiuit la promesse de Dieu, decide de nou  
veau, non seulement des meurs (cōme pourroit  
vn provincial ou national, s'il en y auoit) mais de  
la foy aussi: d'auantage, comme si le S. Esprit auoit  
esté aussi bien promis & asseuré à chaque mēbre  
de l'Eglise & particulier, comme à tout le corps v-

*Nul Concile  
peut deci  
der de la  
foy avec  
certitude  
que le ge  
neral.*

niuerfel & à l'Eglise Catholique. en outre, comme si toute l'eglise assemblée en vn Concile general pouuoit errer, aussi biẽ qu'une eglise nationale & particuliere en vn particulier Concile. De plus, cõme si on estoit tenu d'auoir pour article du Symbole la croiãce à vne eglise particuliere, & la foy à vne eglise Gallicane, Françoise ou nationale, de mesmes qu'à l'Eglise Catho. & foy vniuerselle: ains comme si la vraye marque d'une heresie n'estoit pas (dit Liricẽce) d'estre vne foy ou opinion particuliere de certaines saisons, lieux, personnes, gens ou nations (car ce que nous disons croire à l'eglise Romaine, à s'especulieres & propres raisons, que lon peut apprendre des Theologiẽs, & de la leçon des anciens peres: parce qu'elles sont diuerses, & que ce seroit se diuertir icy par trop.) Brief, cõme si vn siege de Seneschal auoir auãt d'auctorité qu'une Cour de Parlement: il ne leur chaut, pourueu qu'ils parlẽt qu'ils deçoiuẽt, & embrouillent le monde S'ils demãdent de bon cõeur, & sans fraude, que l'eglise s'assemble. Il faut donc estre d'accord de quelle eglise ils parlẽt. S'ils disent, de la vraye & de celle de Iesuschrist, ce n'est pas assez: il faut esclarcir & resoudre premierement si c'est de la leur ou de la nostre, ou de celle des Luthériens, Anabaptistes, ou d'autres. S'ils disent de la leur, lon ne ioin dra pas de long temps. S'ils disent de toutes celles qui se disẽt fondees en Iesuschrist *Pro bono pacis*, & pour en faire vne bonne vnion, & auoir voix esgalement, tant laics que clerics. L'escriture crie au contraire. Qu'il n'y a nulle communion de Christ à Belial, ny aucune societé du fidele au mescredoyant. Et aussi est-ce chose ridicule

*Lon n'est  
tenu de  
croire à vn  
Concile par  
ticulier.*

*Prealables  
à accorder  
pour tenir  
vn Concile.*

*Vn ſuile  
cōpoſé d'Ec  
cleſiaſtiq.  
comme le  
Parlement  
de Preſi  
dens &  
Conſeil  
lers.*

de dire, que tous eſtans ſi contraires, ſoiēt ou puiſſent eſtre ceſte Eglife, & ce concile general, qui a l'authorité de Dieu de decider de la foy, non plus que l'aſſemblée des beurreries du petit pont, ou des crocheteurs de la Greue, ne ſaiēt iamais la cour de Parlement. S'ils conſentent auſſi d'entendre par l'Eglife celle des cathol. de laquelle le Pape, les Eueſques, & les Preſtres ſont les vrayx Paſteurs, & deſquels le corps d'un concile eſt compoſé, comme les ſeuls Preſidens & cōſeillers ſont le corps de Parlement, en cela ſeul qu'ils ſe ſoumettent à ſon iugement, ils ſont catholiqu. (diēt S. Hieroſme) & faut par conſequent qu'ils ſe departent, & qu'ils chaeſſent leurs Predicans & faux ſuppoſts: afin de ſe laiſſer inſtruire par ceux là: mais auſſi iuſques à ce qu'on ſoit d'accord de ce poinct, il n'y a ſi groſſe beſte qui ne voye bien que tout le reſte n'eſt qu'un baſtelage, & qui ne peut tourner qu'à riſee & moquerie de Dieu & de ſa religion: & outre ce, il eſt neceſſaire eſtre d'accord de quelle authorité, & par qui ce concile doit eſtre cōuqué, qui doit y auoir preſidence, entree ſeance, & voix, de quelle vertu & efficace ſeront ſes decrets, ſoit qu'il ſoit national, ſoit qu'il ſoit general, ſi ce ſera de ſentence, de conſeil, ou d'arrest, & ſ'il y pourra auoir appel, ou execution, nonobſtant oppoſition de celuy qui pourra dire, entēdre mieux l'eſcriture, que tout ce concile: car ce ſont choſes qui ſont toutes preallables, & dont toutes ſois lon n'eſt pas moins en differēt, que du fonds de la doctrine de la foy, & de ce qu'ils appellent abus. S'il y auoit doubte de la foy de l'Eglife catholique, & qu'entre les Eueſques & Preſtres qui la doiuent



enseigner, il y eust du debat, il seroit tolerable de les assembler: mais puis que Dieu mercy lon n'est pas en ces termes, il est bien aisé d'en sçauoir leurs opinions, sans reiterer concile sur concile pour si peu, à la façon, dont nous lisons ce grand Empereur Leon premier de ce nom, auoir faict, pour s'instruire & resoudre sur ce qu'on deuoit sentir du concile general de Chalcedoine, ou s'il y auoit lieu d'en assembler vn de nouveau: car ayât escript à tous les Euesques, afin que chascun luy en mandast son opiniõ, & les trouuant toutes conformes à l'approbation dudit concile, il n'y fist plus aucũ doute, ains chassa du siege de l'Archeuesché d'Alexandrie vn Ælurus, qui l'auoit voulu persuader au contraire, & lequel pretendoit avec ses sectateurs, qu'il falloit reuenir à vn nouveau concile, pour la reuision du procès, & examen de la doctrine, qui estoit pour lors en dispute.

*Moyen  
contre la  
demande  
d'un Con-  
cile.*

Mais soit general ou particulier concile, ils monstrent par effect ne croire non plus à l'un que à l'autre. S'il est national, ils appellent au general: si est general, ils appellent à Dieu & à l'Escripture, laquelle ils font seul iuge, & comme aussi du sens d'icelle ils se constituent seuls iuges & censeurs, c'est autant que s'ils appelloient à eux-mesmes. Cela ne se voit-il pas dans Sleidan de Luther, qui premierement appelle du Legat du Pape au Pape, puis du Pape mal aduerty, au Pape bien aduerty, depuis sentant qu'il s'en alloit condamné du Pape au concile general, & d'iceluy à l'Escripture, à l'imitation de ce ruzé Arrien Martirius, lequel, comme il se liët parmy les œures de S. Athanase, appelloit tousiours à vn

*Les Hug-  
ne croyens  
à aucun  
Concile.*

*Les Conciles  
seruēt de  
loy. & non  
d'instru-  
ctiō seule.*

concile general, cōbien qu'iceluy de Nice en eust  
desia decidé. Aussi ne recognoīsez vous pas aux  
seuls mots de ceste Declaration publiee au nom  
du R. de N. les eschappatoires, qu'ils se gardent,  
aduenant qu'on leur accorde vn concile? Il dict  
qu'il est resolu de receuoir instruction par iceluy.  
Si les arrets des cours de Parlement ne seruoient  
que d'instruction aux parties, & non d'ordonnā-  
ce, y auroit-il iamais fin de procès? Le condamné  
ne se defendroit-il pas tousiours, que les iuges  
n'ont pas bien entēdu la loy? Ne lera-ce pas le  
mēme des conciles, si on ne leur baille auctorité  
d'ordonner, & non seulemēt d'instruire, cōme vn  
Regent en classe, vn Aduocat au barreau, ou vn  
Prescheur en chaire? Et d'ailleurs en matiere de  
Religion, qui ne sçait que l'instruction suit & pre-  
suppose la foy? car nous n'estudiōs & n'apprenōs  
pas, comme dict souuēt S. Augustin, pour croire,  
mais pour entendre ce que nous croyons, suiuant  
le dire du Prophete esayc. Vous n'etēdrez point si  
vous ne croyez? Aussi la foy viēt du don de Dieu  
& la sciēce de nostre peine entēde mēt & labeur.

*Plaincte  
du R. de  
N. puerile.*

Partant y a il rien plus puerile & moins hono-  
rable, que ce que le R. de N. se plainct, que nul n'a  
iamais pensé à prendre la peine de le conuertir,  
ains qu'il a veu par longues annees tous ces zela-  
teurs assemblez pour le destruire, mais nul pour  
l'instruire? Il se glorifie de ne douter aucunement  
en la foy, ains en estre tres certain. en quoy donc  
le peut on instruire?

Nous liſons bien certains Rois, comme enuirō  
l'an 675. eduin Roy de Northūbrie & tchelbert  
Roy des Canciens en vostre Angleterre, n'ont ja-

mais voulu receuoir le christianisme qu'après plusieurs disputes & cōferēces de la foy avec les plus sçauāns chrestiens qu'ils ont peu trouuer : mais que *Jamais Roy ne s'excusa à faute d'instruction.* jamais aucū Roy aye prins pour excuse de son infidelité ou heresie, faute de gens & moyens pour l'instruire, cela a trop d'affaires & de fard en foy, mesmemēt pour le R. de N. qui a esté, cōme nous auons dict, instruit & catechisé si long temps par des plus doctes de la France, & par consequēt du mōde. et lequel par l'espace de quatre ans a assisté & ouy cōtinuellemēt avec le Roy tous les sermōs qui se sont faits en Cour, aussi ordinairement qu'en Parroisse qui soit. et lequel aussi l'estāt rendu heretiq. s'est nō seulemēt mocqué & du Pape, & des Euesques, & de tous Docteurs Catholiques, mais leur a faict la guerre mortelle de tout son possible, & incité les autres d'en faire le mesme.

N'y a il pas pour rire, si c'estoit vn autre qui ne portast tiltre de R. en ce qu'il se plaint, que le Roy *Ridicule se plaindre à faute d'instruction.* qui luy fait la guerre, ne l'aye fait instruire deuant que de le destruire, qui est autant cōme s'il disoit, deuāt que la volōté luy soit venuē d'estre instruit. Il s'escrie de cruauté contre sa Majesté, qu'on l'aye prins de si pres, cōme s'il n'a peu pēser à son salut en quatorze ans qu'il y a qu'il se rendit Cathol. & qu'il a ouy parler de Dieu en l'Eglise. S'il auoit volōté de l'instruire, n'auoit-il point le moyē d'appeller les mesmes Docteurs, ou Prelats, que le roy luy eust sçeu enuoyer, faute de ne pouuoir sçauoir lesquels estoient suffisans ou propres à ce : & où ils demedroient sans la Majesté & son conseil l'en a elle peu empesché? Et d'auātage est-ce vne belle defence, ou defaictē à vn iuge de demāder à estre

*Le Roy de  
Navarre  
deuoit se  
faire in-  
struire de-  
uant que  
abjurer  
la foy Ca-  
tholique.*

instruiſt du procez apres qu'il a prononcé la ſen-  
tence ou l'arreſte: eſtoit lors qu'il deuoit deman-  
der d'eſtre inſtruiſt, deuant qu'il euſt renoncé &  
adiuré la foy Catholique. Il deuoit prendre la pei-  
ne d'entendre les raiſons & les cauſes de iuſtifi-  
cation de l'Egliſe Cathol. Apoſtolique & Romaine  
deuant de la condāner & reietter. Car nous  
penſons bien qu'il ne ſe voudroit pas vāter de les  
auoir ouyes, ou de les ſçauoir & comprēdre rou-  
tes: ſ'il a eſté ſi prompt & volontaire à ſe departir  
du giron de l'Egliſe, comment peut-il faire à pre-  
ſent tāt du reſit, ou du rechineux à la recognoiſtre  
pour mere? Mais bō Dieu qu'ont fait autre choſe  
le Roy & la Roynie mere durāt tāt de tēps, que de  
taſcher à le ramener à ce poinct, qu'il ſe vouluſt  
laiſſer inſtruire? Ne luy ont ils pas bien teſmoigné  
en ce, ne hair que ſon herēſie, & non la perſonne?  
Luy a on iamais denié aucū office en ceſt endroit?  
& quād on ſ'y eſt offert, meſmes depuis qu'il ſ'eſt  
paré de la Cour & fait heretique, a il voulu eſ-  
couter? Qu'il confeſſe donc la verité, c'eſt que le  
Roy n'a point taſché de le deſtruire, que confor-  
mement à ce que dit Dieu par le Prophete, Je te  
reietteray, par ce que tu as reietté la ſcience: C'eſt  
à dire qu'apres qu'il a refusé & meſpriſé par tant  
d'annees de s'inſtruire, & qu'il a mōſtré toute ob-  
ſtination offēſiue, factieule, petnicieule, & deſeſ-  
perce contre l'eſtat & le repos des Cathol. Ha, il  
deuroit reſeruer d'ēployer les moqueries en choi-  
ſe de moindre importance. Car nous ne penſons  
point (ſoit dit ſans cōparaiſon de luy au Roy) qu'il  
le print en autre ſens. Si les Cathol. de Cahors,  
Māde, Perigueux, & autres villes du Roy, qui ont

*Moque-  
rie du R.  
de N.*

esté pillées & destruites par luy, ou par son commandement, se plaignoient de ce qu'il les a plustost faictes destruire qu'instruire, ils le pourroient dire avec autant ou beaucoup plus de raison, que luy, parce qu'ils sont de la religion de leurs peres, & inexcusables pour ne leur auoir esté presché autre doctrine. Le mesme se peut dire de nous tous vrais Catholiques, qui le requérons iustement de ne forcer point nos consciences pour nous faire recevoir vn heretique pour Roy, deuant qu'au préalable il ne nous aye instruits, ou faict instruire deuëment & à la façon qu'il le demande pour soy, que nous le pouuôs & le deuons faire en saine conscience & selon Dieu, & nonobstant tout ce que les Docteurs Catholiques & l'Eglise sainte en a peu dire, ordonner & pratiquer iusques icy.

*Les Cat.  
demandés  
estre instruits  
deuant recevoir à  
la Royan-  
se le Roy  
de Navarre.*

Le Roy de Nauarre pretend, qu'il ne se faut arrester au Concile de Trête, & qu'iceluy n'est suffisant pour son instruction, & allegue pour ses raisons tant de faicts supposez & si esloignez de la verité (sauf sa correction) que nous ne nous pouuons esbahir assez, comme il peut ainsi croire ces choses, & comme il pense trouuer gens qui soient tant à sa mercy, que de se promettre de leur faire croire tout ce qu'il luy plaist, soit faux, vray, ou impossible. Celle là n'est-elle pas trop grossiere entre ses nullitez pretendues (pour nous contenter de ces trois ou quatre pour le present.) Que la continuation de ce concile ayant esté longuement poursuyue par le feu Roy Charles, fut en fin obtenüe du Pape Paul tiers. Car qui peult doubter (c'est chose de trop fraische memoire) que Paul tiers ne fut souz terre plus de 10. ans deuant que le

*Responce  
aux obie-  
ctions du  
R. de N.  
contre le  
Concile de  
Trense.*

Roy Charles parvint à la couronne: Y a il aucun si peu nourry és formes & expeditions de Cour, qui ne rie son saoul, lisant que les instructions des Ambassadeurs du R. (car c'est chose bien ordinaire) ont esté premierement cōmuniqees & approuvees par la Sorbonne, & les Docteurs d'icelle: Oū est le clerc du moindre Procureur du Parlement de Paris, qui ne rougit de compter pour nouvelles du Palais (que ie ne die faictes à plaisir:) Qu'il aye esté fait instance & poursuivre souvent pour recevoir & publier ledict Cōcile en la Cour de Parlement de Paris, & que ladicte Cour, les chābres asēblees, l'a tousiours empēché, mesmes l'ā 1572. apres la S. Barthelemy? Car qui est le Chancelier qui a seellé les lettres patentes d'adresse à ladicte Cour? Qui est le Secretaire d'Etat, ou autre qui les a signees? De quelle dattē sōt elles? Qui est le Procureur du Roy qui y a prins ses conclusions? Qui en a esté le Rapporteur? Certainement toutes ces choses (afin que nous taisions ce, qu'il allegue de plus caché & de plus loing) dōnent biē à cognoistre à vn chacun, que ledict sieur Roy aime bien peu la verité & son honneur, & qu'il ne merite pas sans cause la recōpense, qu'Aristote dict estre deuē, & artiuier à celuy qui avance contre la verité, à sçauoir que personne ne luy adiouste foy, non pas mesmes en ce qu'il peut dire de vray. Quelle asseurance peut on auoir de tout le reste de sa declaration: puis qu'il oze nous tromper en chose si euidēte? ou biē qui eroira, qu'il sçache (cōme il se iacte) plus certainemēt que les Catholiques, les nouvelles de ce qui se fait en Paradis, & de ce qui est de la volonte de Dieu, puis qu'il ignore ce qui se fait

*l'insigne  
du Roy de  
Navarre.*



faict à ses pieds, & deuant ses yeux, selon que re-  
prochoit la vieille à Solon, si tant est qu'il n'aye  
trebuché en ce, que par ignorance, & non de mau-  
uaise intention, comme toute sa declaration n'est  
farcie que de faicts inuentez & de beaux mots &  
pretextes à plaisir?

Son Apologetiquere n'est pas moins plaisant  
en ce, qu'il debat la vertu de ce Concile: parce, dit-  
il, par sa premiere raison (pour ne toucher à pre-  
sent que celle là) que les Ambassadeurs du roy n'y  
ont tenu leur rang comme si c'estoit vne condi-  
tion necessaire & inseparable de la promesse de  
Dieu, touchant l'assistance du saint Esprit à son  
Eglise assemblee mesmement en vn general Con-  
cile, & qu'au defaut de l'Ambassadeur de France,  
ou de sa legitime seâce, le saint Esprit fut rebuté,  
à ne s'y trouuer point pareillement. Mais quand  
bien cela seroit, de quoy se plaint on à teste saine?  
A on deslogé les Ambassadeurs de France de leur  
rang ancié, legitime, & ordinaire? leur a on desnié  
leur seance? C'est à sçauoir second lieu consecuti-  
uement & le premier immediatemēt apres l'Am-  
bassadeur de l'Empereur? Les a on voulu empes-  
cher à la tenue ou closture du Concile de tenir la  
mesme place, qu'ils auoient faict dès le commen-  
cement & tousiours? Si pour le bien de la paix &  
l'vnion generale de la Chrestienté, & des Princes  
Catholiques, l'Eglise, cōme la mere commune &  
prudēte y a receu & doné place separee & hors le  
rang des Ambassadeurs, à celuy de l'Espagne, pour  
proposer de la part de son maistre ce qu'il auoit  
en charge, accepter, s'obliger & souscrire de sa  
part aux decrets qui s'y feroient, laissant les Am-

*Nul lors  
faict au  
Roy par  
le Concile  
de Trêves.*

bassadeurs du roy de France en leur mesme rang, place, & prerogatiue ordinaire de fils aîné, quel tort y a receu la France? Celuy d'Espagne demâde les preceder, & estre assis apres celuy de l'Empereur, & deuant ceux de France, il est debouté de sa requeste & pretention, & ceux de France au contraire maintenus en leur ancienne & premiere possession. Si l'on se pouuoit plaindre de l'ordonnance de l'Eglise & d'un concile, n'est-ce pas celuy d'Espagne qui a perdu sa cause, & auquel y toucheroit de faire du mal content. D'opiniastres aussi qu'il n'y deuoit auoir aucunement seance à part, puis que celuy de France a la sienne, & qu'il y va de l'union de la chrestienté: C'est se môstrer en petite ceremonie (au pris de l'uniõ de la Chrestienté) trop amateur de chisme & de diuision, ou bien trop enuieux. Et à ceux là l'Eglise leur pourroit iustement respondre avec nostre Seigneur,

„ L'amy ie ne te fais point d'iniure: qu'il te luffize

„ de prendre ce, qui est à roy.

Outre l'auctorité de l'Eglise, & la sentence du Pape pour l'exclusion du R. de N. heretique, nous disons, que c'est chose ja pareillemēt iugee par infinies assemblees des Estats generaux de ce Royaume, & par plusieurs Arrests des Parlemens, en ce qu'ils ont auctorisé & ordonné l'obseruance des Conciles contre les heretiq. & avec les peines ciuiles. Mais notâment & singulieremēt il y en a esté donné vn iugne preiugé par les derniers Estats generaux de Bloys tenus souz vn Roy maieur à la suscitatiõ du R. de N. & des Huguenots. Car ils ont du tour passé par declaration expresse prononçans tous d'un cõmun accord, & vnanime cõsentemēt

*Les Estats  
de Bloys  
ont declaré  
le R. de N.  
exclus de  
la couron-  
ne.*

& les signés par le Greffier de chacun ordre, Que l'exercice de la nouvelle opinion (car ils ne l'ont voulu iamais nommer plus honorablement) ne deuoit estre tolleré ains tous les Ministres d'icelle chassés du Royaume: & que la Religion Catholique, Apostolique, & Romaine estoit la loy principale & fondamentale de ce Royaume, tant en la personne des Roys, que des suieets: & singulièrement en ses propres termes. Que l'on ne peut ny ne doit admettre ou tollerer à Roy vn heretique, ou autre qui ne soit de ceste Religion, ainsi qu'il se peut voir par la declaratiō & instruction, qui ont esté imprimees & publiees en diuers lieux.

Ceste declaration de tous les trois ordres fut trouuee pour le téps, qu'on preuoioit si necessaire d'estre signifiee & exploictée aux trois chefs du party, qui faisoient la guerte au Roy & à l'Eglise Cathol. Les trois diuerses Prouinces du Royaume, que les Estats deputerent vers eux avec memories & instructions bien amples à ces fins. Et ceux qui allerēt vers le R. de N. sont Mōsieur l'Archeuesque de Vienne, le Sieur de Rubempré, Cheualier de l'ordre du Roy, & Cōseillers en son Cōseil priuē, & le Sieur Mesnager, General des fināces en Languedoc. Vers Messieurs les Prince de Cōdé & Duc de Montmorēcy d'autres: & vers vn chacun d'eux, vn de chacun ordre, de l'Eglise, de la Noblesse, & du tiers estat qui tous leur laisserent copie de leurs instructions: afin qu'ils n'en puissent pretendre à l'aduenir cause d'ignorance, ou de tergiversation.

Et tant s'en faut, que la Majesté n'accordast ou n'approuuast volontiers ladite declaration, que ce fut la Majesté, qui feit proposer ausdicts Estats d'y

*La declar.  
des Estats  
signifiee au  
R. de N.*

*Le Roy ra-  
pise la de-  
claration  
des Estats.*

enuoyet expres vers iceux aucuns de leur corps, comme de sa part il y vouloit enuoyer aussi, pour leur faire mesme declaration. Et à ces fins bailla la charge à mōsieur le mareschal de Birō, ce Achilles François, Cheualier sans reproche, & grand amateur des loix du royaume de l'aller faire entendre au R. de N. avec instruksiōs bien amples sur ce. Et n'y a lieu d'eluder, comme on fait ce iugement des Estats & du Roy, comme si c'estoit (ainsi que dit le R. de N.) vne assemblee suscitée par la presente Ligue. Car c'est redre trop sois & le R. & tant de grands personages, & c'est le contrariet trop appertement à la respōce qu'il leur fit & de bouche & par escrit, lors que la memoire luy en estoit plus fresche, les recognoissans pour vrais & legitimes estats: & moins encores comme si ce n'estoit qu'un arrest comminatoire. Car cela est trop grossier, & indigne de tout hōme de sens commun. Il est certain que c'est vne tres-deliberee resolutiō, & vn tres-firme preiugé de tout l'Estat contre le R. de N. sil y en eust oncques aucun. Et en tout euenement ne peut qu'elle ne serue beaucoup pour tesmoignage du sens & de l'explication de la loy Salique: & comme elle ne peut auoir lieu en vn heretiq. ny en autre quelconque, qui ne soit Cath. quelque chose qu'ils seachēt escrire au cōtraire, au liure qu'ils imprimēt à present à la Rochelle chez P. Hautin de la loy Salique: de sorte que si le R. de N. parle comme il entréd, & sans fraude, puis qu'il dit vouloir acquiescer tres-volontiers à ce qui en sera ordōné en vne assemblée des Estats de ce Royaume, que peut on dōc desirer de plus pour le rendre sans iuste exception ou defence, si ce n'est que

tous les iours l'on face autant de nouuelles assembles d'Estats, qu'il faut ietter & piper le dé pour rencontrer vne bonne chance à son souhait.

Mais si iamais affaire a esté vuidé autentiquement & canoniquement, & en point d'estat, & en cas de consciëce, c'est à dire selô les loix d'estat, & le bien du Royaume, & selon la loy de Dieu, la creance des Catholiques saints decretz & Conciles, & selon le deuoir que nous auons à Dieu & à nostre patrie, & pour le repos de la consciëce de chacun Catholique, & la commodité & aduantage de ses biens & fortunes, c'est celuy là, *Que le R. de N. estant heretique ne peut & ne doit estre receu à la couronne de France. Tellement que de penser prouuer le contraire par voye de raisons, à vn François & Catholique mesmemet, ils en denroiet auoir hôte; car à la verité ce n'est pas moindre entreprinse, ains plus exorbitante & dangereuse, que celle d'Anaxagoras soustenant que la neige estoit noire, & de Fauorin, que la fieure quarteste estoit souhaitable, & fort bonne, combien que l'un & l'autre aye tiré par sa subtilité en son opinion, grand nombre d'hommes.*

Qu'un Iuif dispute & soustienne enuers vn heretique, ou vn Payen, que la Circoncision n'est point necessaire, cela est humainement tolerable: mais qu'il le vueille prouuer & opiniastrer enuers vn vray & naturel Iuif, & vn estat qui obserue la loy Iudaïque, cela est hors de tout bon sens. Car celuy-là meriteroit sans difficulté d'estre chassé comme vn fol & impie, suyuant ce que la loy de Dieu commande à vn chacun de luy courre sus par voye de faict. Aussi n'en doit il pas estre moins

*L'exclusiō  
du R. de  
N. iugée  
authentiquement.*

*L'absurdité d'essayer  
à prouuer  
la receptiō  
du R. de  
N.*

de celuy qui pretend prouuer aux Catholiques, à  
 vu estat, & à vn monde Catholique, Qu'vn here-  
 tique qui condamne directement leur toy & reli-  
 gion, leur puisse commander en façon ou charge  
 quelconque, soit de Roy, ou autre. Parquoy nous  
 osons bien dire, qd d'en douter & disputer seule-  
 ment après telle nuée de raisons & témoignages,  
 ce seroit le fait d'un pur & naïf heretique ( puis  
 qu'on, & plusieurs Conciles generaux, dit S. Aug.  
 en ont donné leur Arrest) & d'un enragé (puis qu'il  
 y a le consentement xniuersel du monde) & d'un  
 rebelle & seditieux (puis que c'est contre la volon-  
 té du Roy, & des Estats generaux de la France, &  
 des loix du Royau.) Bref, d'un vray insensé, & aca-  
 riatre, qui ne respecteroit ny droit, ny raisõ, ny su-  
 periorité quelcõque, & qui pèleroit estre seul sage.

*Responce  
 aux Edits  
 de Pacifi-  
 cation.*

De se vouloir ayder, pour legitimer la succe-  
 sion d'un heretique à la Couronne, de ce que plu-  
 sieurs adicts & Arrests de nostre temps, depuis 22.  
 an, desglarés habilles à toutes successions les hereti-  
 ques, ou ceux de la nouuelle opinion: quand bien  
 il seroit ainsi, de quoy toutes fois il n'y lit pas vn  
 seul mot, encore qu'ils aient tasché l'y faire insé-  
 rer, si est-ce chose ridicule & hors de toute appa-  
 rence de raison pour autoriser la succession d'un  
 heretique au Royaume. D'autant que ce sont  
 Edicts, & iugemens faicts par la force d'armes, di-  
 ctés contre droit avec la poincte de l'espee, & qui  
 n'ont esté iamais receuz ny emologuez és Cours  
 de Parlement, qu'en consequence du premier de  
 tels Edicts, à la verification duquel furent mis ces  
 mots, Que c'estoit pour l'urgente necessité du  
 temps & obtemperant à la volonté du Roy, sans



approbation toute fois de la nouuelle Religion: & “  
 par maniere de prouision : & lesquels on prétend “  
 à iuste occasion estre nuls de soy, & si, estre anul- “  
 lez par l'Edict de Reünion. Mais quand bien ils  
 auroient esté faicts de la pure volôté de nos Roys  
 (qui seroit les iniurier par trop) si leur ratiocina-  
 tion est bonne, ne peut on pas inferer pareille-  
 ment, que les Huguenots & Calvinistes doiuent  
 estre bruslez: par ce que durât les regnes des Roys  
 François & Henry ils l'estoient suyuant les Edicts  
 & Arrests de ce temps là? Mais comme ils se plai-  
 gnent & debattent cõtre ces Edicts & Arrests-là,  
 aussi font, & plus iustement beaucoup les Carho-  
 liques contre ceux-cy, qui ont esté faicts en con-  
 sequence des troubles, & de la pretenduë liberté  
 de conscience. Tellement que d'en vouloir tirer  
 preuue, c'est reprendre le commencement que di-  
 sent les Philosophes, & reuenir à la chanson de  
 Recochet, que disent les enfans. Combien que  
 ces mesmes Edicts & Arrests, dont ils se targuent,  
 ne permettent ceste liberté, ou pour mieux dire,  
 licence de conscience, que comme cy deuant l'on  
 a faict les bourdeaux, pour cuitier plus grand mal  
 & desordre. Et, ie vous prie, seroit-ce vne gran-  
 de iustification de son impudicité à la fille de ioye,  
 d'alleguer la permission des Edicts & Arrests sur  
 la tollerance des chants gaillards & des hulots?  
 Car il y a grande difference d'auoir remission,  
 ou abolition des peines ciuiles de la loy, ou fai-  
 re bien, & estre iustificié homme de bien, soit  
 enuers Dieu, soit enuers les hommes. Mais en-  
 cor que peuuent seruir ces Arrests & Edicts au  
 cas duquel il est question? Ils permettent bien

qu'on tollere pour vn temps l'heretiq. viure souz l'obeissance d'un Roy tres-catholique: mais cela est bien loing d'establir l'heretiq. en Roy & maistre, & faire que tout au rebours le Catholiq. soit remis, ou tolleré souz l'obeissance d'un Roy heretique. C'est autre chose de permettre au chrestien vn seruiteur infidelle, autre chose de faire que l'infidelle soit só maistre. Car cestuy-cy n'a esté iamais permis en vn estat Chrestien, par ce qu'il y a trop de danger de la foy, ou en l'autre il est plus vray semblable, que le seruiteur qui est conduit par le commandement du maistre se conuertira avec le temps à la foy du maistre fidelle, que non pas, que le maistre infidelle se conuertisse à la foy du seruiteur Chrestien: L'on ne peut aussi tollerer vn Roy heretique quand l'on s'y peut opposer, & ce pour euitier pis ou plus grand inconuenient. Car plus grãd malheur nẽ pourroit arriuer iamais aux Catholiq. ny à ce Royaume, que de recevoir & tomber souz la domination d'un heretique. Si la raison d'estat nous le deffend: si la verité de la foy & de la religion Cathol. nous en empesche: si le respect, que nous auons à Dieu, nous en deterre: si la memoire de l'antiquité, & l'honneur enuers le Roi, nous en diuertit: si le bien du Royaume, & le salut de nos ames nous en oste tout moyen: si finablement nous ne pouuons craindre pis: quelle follie est ce de nous precipiter volontairement & à nostre esclien en cest abyssine de malheurs? En tous cas si ces Edicts de Pacification ont esté accordez contre la volonté de nos Roys, & qu'ils ont tousiours cõfessé soit de bouche, soit par autres Edicts & declaratiõs cõtraires, melmes quãd la guerre a

*Tels edicts  
contre la  
volonté de  
nos Roys.*

esté renouvellee, cōme en l'an 1568. & 1573. & autres, que c'estoit par la seule contraincte, & pour s'accōmoder au temps, qu'ils sy estoient laissez aller : mais que leur intention avoit tousiours esté d'abolir la pretendue religion. Si le Roy singulierement lors mesmes qu'il a consenti à l'Edict dernier de Pacification en l'an 1577. a protesté n'avoir intētion de le garder, qu'autāt que la necessitē du-reroit, comme nous avons dit, & que chacun sçait (si disons nous) tous nos Roys, & toute la France ensemble ont cōdamné pour chose iniuste & indeuē en soy le contenu en tels Edicts & Arrests, faicts en consequence d'iceux, & estans contre le serment Royal, lequel toutes les Courts de Parlement sont chargees d'acquitter, contre la disposition du droict, contre les ordonnances & loix du Royau. & que les Hug. & le R. de N. n'ayent autre fondemēt que leur autoritē, ne s'ensuir il pas bien par cela mesmes, qu'au sentimēt de tous nos Rois, des Courts de Parlement, & de toute la France lui & tout heretiq. est inhabile par droit & raison de toute succession, quelle qu'elle soit? Toutefois si la consideration des choses passées ou tollerees depuis xx. ans où plus en ce Royaume à l'occasiō des troubles doit servir de raison, ou de loy, pour establir ou regler la forme ordinaire de l'Estat, qui ne voit, que par cela mesme le R. de N. estant heretique ne peut estre non plus receu au Royaume par droict & iustice, que ne luy ny autre heretique n'a esté tolleré q̄ par la seule force & la rage des guerres civiles : & que notamment ny le Roy ny les Cathol. n'ont voulu recevoir ny recognoistre par effet ny au cōseil & maniemēt des affaires de tout

*Pa. 126.*

*Tout heretique inhabile à succession.*

*I. a. pratique des Edicts exclud le R. de N. du Royaume.*

l'Estat, ny au gouuernement des prouinces & villes particulieres aucun heret. quelque Prince du sang qu'il fust, & quelque prerogatiue & dignité naturelle qui soit acquite des le berceau à tous les Princes du sang, en ce, qui est d'auoir part en la cōduite de l'Estat. Et sil a esté non seulement permis, mais trouué iuste, & cōmandé par expres, voire en tēps de paix, de ne les recognoistre en effect, ny leur obeir, ny receuoir es villes Cathol. ny cōme Princes, ny comme Gouverneurs en tiltre & office de Picardie, de Gnienne, ou d'ailleurs, non plus que l'Espagnol ou le plus grand ennemi du Royaume, & ce à l'occaliō de leur heresie, ains qu'ils ont esté forçlos des pays & villes Catholiques, & notamment challez & bannis à dix lieus de Paris avec leur exercice de religion: & partāt si l'heresie a esté suffisante pour les destituer & despoillier de l'autorité & puissance, que Dieu, la nature, & liberalité des rois leur auoit donē, acquis, & accordé sur les François & bons Cathol. & les affaires d'estat à l'approbatiō de leurs Majestez. de tout l'estat, & du commun consens & accord des Catholiques, quelle apparence y a il que les Catholiques, pour estre fidelles à Dieu, au roy, & à tout le Royaume ne les ayent voulu, ny deu recognoistre en si peu de choē, que le gouuernement d'une prouince, ou ville, au pris de la Royauté, pour Prince du sang Royal, ny pour bons suiēts & officiers du Royaume, apres qu'ils sont deuenus heretiq. ny avec l'exercice de leur religion, à cause du danger qu'il y a de la part de l'heresie, & pour les maux que l'experience a tousiours monstré, que l'heresie procure ordinairement contre les Cath. & qu'ils

*Si le R. de N. a esté chassé des villes & gouuer. & conseil sur les Cath. à plus forte raison de tous le Royaume.*

puissent iustemēt deuoir ou pouuoir les receuoir & admettre, cōme Princes du sang à la Couronne, à cōmander avec leur religion dans Paris, les bonnes villes, & au gouuernemēt general de tout l'estat en qualiré de Roy & de Seigneur souuerain?

S'ils disent, que tel refus par le Roy & les Cath. à les admettre au maniement des affaires, & à les receuoir és villes de leurs gouuernemens & du Royaume selon leur qualiré est cōtre droit, & raison, & singulierement contre le propre Ediēt de pacificatiō, il nous suffit qu'on soit d'accord du faict touchant le refus. Car il sera tousiours beaucoup plus croyable, & plus assuré, principalement enuers eux mesmes, qui le font, que le Roy & les Cath. les bons subiects ont le droit de leur costé.

Et pour le regard de leur exclusion à la Royauté, quand nous aurions faute de tant de raisons sūddites, peuuent ils se plaindre si leur dire, exemple, & raisons, nous seruent d'instruction & de la loy, à ce que nous auons à faire en tel cas? Nous peuuēt ils blasmer si nous appellōs raison & droit ce, qu'eux mesmes baptisent pour tel? Ils ont desnié en tout temps & par raison, disent ils de droit, & de conscience, l'entree de la Rochelle, de Bergerac, de Mōtauban & autres villes qu'ils tiennēt au Roy, comme estant Cath. & à tous les Catholiques, qu'ils ont pēlé les pouuoir dominer & leur donner la loy de la part: & y ont admis & receu à leur cōmander secrètement ou manifestement selon le temps, tel de leur religiō, qu'il leur a pleu, nous disons donc qu'il est pareillemēt loisible aux Cath. de fermer les portes de Paris, de Tholoze, de Rouēn, de Lyon, & generalement de toutes les

*Le dire &  
l'exēple du  
R. de N.  
l'exclur de  
la courōne.*

villes & lieux qu'ils pourront, à l'heretique, qui seroit Roy, ou qui pourroit pretendre: & à tous ceux qui leur pourroient donner la loy de sa part? & que par mesme moyen il leur est permis de constituer sur eux tel autre Prince du sang Catholique, qui sera le plus proche, & qu'ils venront estre à faire de droit pour leur seureté & conservation. Si les Roys s'en ont voulu faire à croire pour entrer & se rendre maistres & Roys en effect, des villes occupées par eux, ils les ont refusées & chassées tresbien & beau. Et tant s'en faut qu'ils ayent esparagné leurs personnes, ou eu aucun respect à leur autorité Royale, ny de leurs lieutenans generaux, freres de Roys, ou Princes du sang, qu'ils n'ont point fait de difficulté de braquer leurs canons & harquebousses contre leur poitrine deuant S. Jean d'Angely, la Rochelle, Luzignan, Iffoire, & en tant d'autres lieux, leur liurer bataille iusques à choquer par terre le roy, qui est à present, à coup de lance & de coutelas, brief leur faire la plus cruelle guerre avec forces estrangeres, & par tous les moyens qu'ils ont peu, & qu'ils eussent sceu ou osé faire contre le R. d'Espagne ou contre le Turc. Si nous ne disons autre chose, sinon que les Catholiques se doivent refoudre d'en faire le mesme au R. de N. ou à tout autre Prince qui sera heretique que peuuent ils repliquer iustement à cela? Quelle occasion peuuent ils auoir de nous blâmer, si nous ne faisons que ce qu'eux mesmes soustiennent, à l'espreuve de leur sang, estre iuste, raisonnable, legitime, voire ordonné par la parole de Dieu?

S'ils contestent, que pour cela ils n'ont pas despossédé les Roys, ny laissé de les appeller, ou tenir

*Si les heretiques, desme l'entree de seruilles au Roy, nous en deuen faire le mesme contre le R. de N.*



pour Roys, par ce qu'ils ne leur ont iamais debat-  
tu ce nom & tiltre de Roy, & qu'ils leur ont payé  
le tribut ordinaire en temps de paix, mais que la  
seule craincte, qu'ils ont occasion d'auoir, qu'ils  
les priuent de l'vſage & exercice de leur religion  
(qui leur est en meſme reſpect que Dieu, & par  
deſſus toutes conſideratiōs humaines ou diuines  
enuers les Roys, aymās mieux eſtre fidelles à Dieu,  
qu'aux hommes) ou que ceux des Catholiq. qui y  
auroiēt la charge, n'abuſent de ſon auctōrité, pour  
les moleſter au faiēt de leurs conſciences, comme  
ils voyent qu'on faiēt ordinairement contre ceux  
de leur ſecte dans Paris, & tout par tout, où le Roi  
& les Catholiques peuuent eſtre les maiſtres ab-  
ſoluz, leur donne ceſte legitime puisſance & li-  
berté, de leur pouuoir reſuſer l'entree des villes,  
qu'ils tiennent, & de leur faire la guerre offenſiue  
ou deſenſiue à ces fins, ſans reſpect de ſang, de  
maiſon, d'auctōrité, ny de Roy: les Catholiques ne  
diſent que cela meſme, Qu'ils ne peuuent receuoir  
ny obeir à vn Prince ou Roy heretique: ains luy  
doiuent ou peuuent faire auſſi iuſtement la guer-  
re, pour ſemblable craincte. Laquelle n'eſt pas  
moins legitime, ny moins fondee ſur l'experience  
de tous les ſiecles, & ſur ce qu'ils voyent pareille-  
ment que le R. de N. & les heret. oſtent ordinaire-  
ment l'exercice de la religion Cath. & tourmen-  
tent ceux, qui en font profeſſion, en tous lieux, où  
ils peuuent eſtre les maiſtres, teſmoing Bearn, la  
Rochelle, Mōrauba, & tous les autres lieux qu'ils  
tiennent, ſi ce n'eſt, peut eſtre, en certains, qui  
ſont en biē petit nombre, où les gouuerners ſont  
Catholiq. ou qu'il y a quelque autre conſideration

*Les hu-  
guenots  
ont depoſé  
le R. entant  
qu'eſt en  
eux.*

*Les Cath.  
sans dissimulation  
et les Huguenots.*

du temps & des enuirs, qui les retiennent pour encores. Toute la difference & dissimilitude, qui est en ce fait entre les Catholiques & les Huguenots, c'est que comme les Catholiques detestent singulierement l'hypocrisie & la dissimulation, aussi ils ne veulent & ne peuuent appeller, ou faindre de tenir de nom & de mine pour Roy l'heretique auquel en effect ils ne veullény, ne doiuét obeir. C'est pourquoy ce, que les Huguenots appellent chasser & refuser l'entree au Roy, qui est Cathol. ou auoir priuilege & exemption de toute garnison, & liberte de conscience, pour n'estre comandé par vn Roy, Prince, ou autre Catholique, qui leur tient lieu d'heret. si ce n'est, peut estre, comme tributaires, mais non comme subiects, les Catholiques l'appellent en propres termes, & veritables, exclurre & deposer : & comme les Huguenots ont eu volonteé & qu'ils ont tasché de deposefer le Roy, pour estre Catholique, de tout le Royaume, & de la royauté, en tout ce qu'ils ont peu, mais s'ils ne l'ont peu faire, qu'en partie, & pour le regard des pays, villes, & forts, qu'ils ont occupé sur sa Majesté, il ne le faut imputer, qu'à Dieu, qui ne l'a pas voulu. Aussi les Cathol. doiuent vouloir & tascher d'empescher de venir à la Royauté le Roy de N. pour estre heretique, & ils sont tenus de l'exclurre & chasser entierement de tout le Royaume, & de toutes les villes qu'ils pourrôt & le despoüiller de tous les moyens de pouuoir nuire à la religion Catholique, & à l'Estat, & ce d'autant plus hardiment, & avec plus d'esperance qu'ils scauent que Dieu est pour eux, & qu'ils font en cela ses affaires & son service.

Nous laissons aux seruiteurs de Monsieur le Cardinal de Bourbon, qu'on dit verifier fort clairement par les histoires, & par toutes loix ciuiles & humaines, la preference à la couronne de l'oncle *Le Car. de Bourbon exclus la R. de N.* cōtre le nepueu: mais singulierement selon la loy Salique, & l'obseruance ancienne qui appelle notamment le plus proche du sang male, contre ceste representation imaginaire du R. de N. & est bien ignorant, qui doute que l'oncle ne soit plus proche d'un degré que le nepueu. Car de dire avec le R. de N. que ceste loy de proximité faict pour luy seul, & en son seul cas, ce sont de trop grādes breches & escornes faictes à la loy Salique, & qu'il faut biē qu'il presume trouuer des gēs à sa mercy, pour faire approuuer ces passedroits. Nous nous contētons, que sans la proximité qui deffaut au R. de N. *L'heresie cause à exclusion.* l'heresie soit vn moyē plus q̄ suffisant, d'exclusion de la royauté de Frāce, contre luy, & tout autre son semblable, ne pouuant point penser, que si tant de loix & de raisons desduites cy dessus, ne seruent entierement contre tout opiniastre, qu'il reste plus aucune clarté de raison parmy les hommes, pour sortir d'un doute, moins encor que les loix purement ciuiles, qui sont pour le Sieur Cardinal de Bourbon, puissent auoir plus de force & auctorité cōtre le R. de N. Cōtre lequel nous protestons librement deuant Dieu & les Anges, ne nous esmouuoir ny formaliser point, pour la passion d'autruy, moins pour estre pratiquez d'aucū, ou marchandez directement ny indirectemēt. Et osons bien iurer en Dieu & conscience, q̄ nous qui *Protest. des au-sieurs.* escriuōs, ne pēsons point estre cognus, ny auoir ia-

mais besoing de ceux, qu'on pourroit plus soup-

çonner, & que nous n'y sommes poussez, que seulement pour l'intérêt de l'honneur de Dieu, pour la satisfaction de nos consciences, la conservation des loix du royaume, & par conséquent, pour éviter l'abolition de la Religion Chrestienne, la persécution des Catholiques, la rupture, subuersion, & changement de l'estat, & finalement l'entière confusion de toutes choses en ce Royaume, comme il sensuit infailliblement de l'establissement & conionction de l'heresie avec la Couronne de France. Mais aussi tous nous Catholiques luy faisons vn bon serment que nous sommes deliberez, de n'espargner ny labeur, ny peine, ny soucy, ny biens, ny la vie propre, pour vne si iuste querelle, que pour luy résister (sous le bon plaisir, & prudente sagesse du Roy toutesfois) de tout nostre pouuoir, & par tous les moyens qui sont permis contre vn rebelle, tyran, usurpateur, heretique & relaps tout conioinctement.

*T'en offre  
se nimer.*

Si toutefois l'on vouldoit blasonner la verité de ce Discours, de ce que nous qui y auons travaillé, auôs laissé d'y mettre nos noms, nous voulôs bien que tels sçachent, que nous ne sommes pas moins prests de la maintenir & tesmoigner par nostre propre sang, s'il est besoin q̃ ces auteurs de libelles en font ostentation de leur part en cause plus d'ancee: & neâtmoins consentôs, & leur prometôs en foy de Chrestien & Catholique que s'il n'y a rien qui les arreste q̃ cela, de non seulement nous nommer, souscrire, & inscrire tous l'un apres l'autre tres-volontiers, mais bien encores plus de n'en rougir ny pe'llir jamais, avec l'aide de ce bon Dieu qui nous a inspirez, assiste & fortifiez à tel œuvre, & du-

& duquel seul nous en attendons le loyer & recompence.

Mais pour ne sortir point encores de ce propos si plantureux & inexpuisable, deuant d'auoir respondu entierement à tous les exemples que Belloy & les autres alleguēt au contraire, nous priōs premieremēt le Lecteur se souuenir, qu'il y a grāde diuersité & dissimilitude entre les questōs de droict, & celles du faict: & que le faict ne peut onques preiudicier au droit. De sorte qu'ayant suffisamment prouué l'exclusion du R. de N. comme heretique, du Royaume, estre selō le droict diuin, naturel, des gēs, des Frāçois, ciuīl & canō, tous les faitz cōtraires, quand il y en auroit aucun (ce que non, cōme nous verrons) se peuuēt reponillier par ce seul mot, qu'il ne faut point regarder seulement à ce qui se faict quand on sçait ce, qui se doit: autrement le vice preuaueroit tousiours contre la vertu, d'autant qu'iceluy est plus en vſage. Autrement aussi parce qu'on a veu en diuers temps plusieurs Euesques & Patriarches heretiques, sans qu'ils ayent esté priuez, ny depolez, il faudroit cōclure pareillemēt qu'on doit permettre tous Prelats heretiques, & qu'ils ne sōt point destituables, chose trop exorbitante, & qui ne peult estre receuē que des seuls Athees, qui ne sçauēt & ne veulent sçauoir qu'est-ce que religiō, ou biē qu'est-ce que Catholique. & qu'est-ce que heretique. Tout de mesme que si on disoit qu'on doit receuoir & tollerer vn Payen pour Roy ou Emp. parce que les Chrestiens & S. Pierre (comme ils disent) ont permis, & n'ont point destituē Neron, Maximinien, Iulian, & les autres Seigneurs infideles ou apostats: ce qui n'a

pas moins en foy d'impieré que le premier. Nous  
rememorons aussi la grande différe que'il y a de  
receuoir quelq'un à la Royauté, ou à l'Empire,  
ou bié de l'y continuer & de ne le déposer point,  
outre la distinction d'un Royaume conioinct &  
vny avec le christianisme, à celui qui est Payen.

*Proposi-  
tions ge-  
nerales  
contre le  
R. de N.*

Cela presuppôse, nous disons qu'il ne se lira  
point qu'en nul estat ou Royaume Chrestien, ou  
Payen, lon n'aye iamais iuridiquement ny volon-  
tairement & paisiblement tolleré, ny moins admis  
de nouuean pour Roy, Empereur, ou Seigneur,  
celuy qui faisoit profession de contraire religion  
à celle de l'Estat. Toutesfois pour nous restrain-  
dre sur le cas de la receptiō ou installatiō, de quoy  
il est seulemēt questiō cōtre le R. de N. nous met-  
tons en faict qu'il n'a esté iamais veu au mōde, &  
qu'ō n'a iamais leu. ny ouy dire, qu'en vn Estat ou  
Royaume, quel qu'il soit, l'on aye oncques receu  
volontairemēt & paisiblement, soit par successiō,  
associatiō, donation, institucion, electiō ou autre-  
ment, en chef, Empereur, ou Roy, celuy qui tenoit  
autre religion que celle que les ordres du pays en  
corps d'estat n'approuuoient ou n'obseruoient: la-  
quelle le gros & le general de l'estat condamnoit  
& reprouuoit, & qui aussi cōbatoit & chocquoit  
celle qui y estoit ja establie plus vniuersellement,  
cōme faiçà l'heresie Caluinienne la foy Catholique.  
Conformemēt à cela nous disons que depuis que  
l'Empire a esté vne fois christianisé en la persōne  
de Cōstantin le grand, les fideles se sont tellemēt  
opposez & formalisez qu'ils n'ont point voulu  
permettre qu'aucun Payen ou infidele y aye esté  
iamais plus receu ny estably de nouueau Empe-



reur. De mesme & à plus forte raison il n'a iamais esté veu ny leu, que les Chrestiens ou cathol. en aucune natiõ ayent esleu, receu, ny approuué ou renu pour Roy, Emp. ou Seigneur, soit par succession, ou autre voye quelcõque, de leur frâche volonté, libre cõsentement, & le pouuât empescher (comme les Athees & les fols de ce temps veulent que nous faciõs) vn qui aye renié & se soit departy par demonsturation & profession exterieure de la religion chrestienne ou de la foy cathol. pour n'en tenir aucune du tout, ou pour en prẽdre telle autre à sa guise par apostasie, ou qui est pis, par heresie, ainsi qu'il luy a semblé bon. Ceste seule consideration, que c'est chose qui n'a iamais esté faicte, ny pratiquée, n'est elle pas suffisante pour nous garder de tomber en vne si grande faute & nouueauté prodigieuse, que d'introduire sur les Catholiques & sur vn si Chrestié & Catholique estat à la Royauté le R. de N. heretique, ou autre semblable môstre, pour parler avec S. Hierosme? L'exemple de ces anciens Euesques Catholiques d'Aphrique n'est-il pas notoire sur ce propos, en ce qu'ils aimèrent mieux subir l'exil, & estre condannez aux métaux plustost que de souiller leurs consciences à prester aucun cõsentement à la succession d'un Roy heretique?

Et les susdites assertiõs presuppõsẽes sont si veritables & si certaines, q̃ nous obseruõs pour le regard generalemẽt de toutes les receptiõs & installatiõs de tous les Empereurs & Rois du monde, depuis que la chrestieté a cõmencé d'auoir voix & auctorité en la police & es affaires d'estat de chacun pãys, que le poinct de la religion y a esté tous

iours si considerable, & les Chrestiens ou Cathol.  
ont esté en tout tēps si fermes & fixes en ceste opi-  
nion, de ne se deuoir souzmettre au ioug d'un in-  
fidele, ou deserteur de la foy, qu'il est tousiours ar-  
riué de deux choses l'une, ou q̄ ceux de ceste qua-  
lité qui ont voulu prétēdre à l'Empire, ou aux cō-  
mādemens publics sur les Chrestiens, ou les Cath.  
cognoissāns l'opposition qu'autrement ils y rece-  
uroyēt de leur part, ou qu'ils n'en pourroient espē-  
rer aucune faueur ou cōsentement, ont esté con-  
traints pour y paruenir, de feindre & faire demō-  
stration, voire profession publique par sermēt, de  
tenir la foy Chrestienne ou Catholique. Tels ont  
esté Maxētius, & Iulian, tous deux Apostats, pour  
la foy Chrestienne, Anastase 1. Leon 4. fils de Cō-  
stātin 5. Michaël le Begue, & quelques autres, tous  
heretiques masquez du beau visage & semblance  
de Catholiq. l'autre, ou que tous ceux qui ont esté  
notoirement heretiques (car d'Apostats notoirs  
nous n'en lisons point aucū) lors de leur introni-  
sation à l'Empire, n'ont peu iamais estre receus  
par le Senat & le peuple, à la forme accoustumee,  
moins encores estre couronnez par le Patriarche  
ou autre Euesque, ny hereti ny Catho. ains sy se  
intrus cōtre les formes ordinaires, & le cōsentē-  
mēt des Cath. lesquels à ceste occasion, & princi-  
palemēt en haine de leur heresie, n'ōt point dou-  
té de les appeller & tenir pour vsurpateurs & tyrāts,  
plustost que pour vrais Emp. bien qu'ils fulsēt en-  
fāns de l'Empereur. Et le Senat de Cōstantinople  
& tous les bons Catho. ont tousiours tasché par  
tous moyens de s'y opposer, & les depōsseder, tant  
par emouions populaires, ligues, remuemens en

*Les Em-  
pereurs  
heretiques,  
pour estre  
receus ou  
out saine le  
Catholi. ou  
esté senus  
pour tyrāts.*

armes, que par election d'autre qui fut Catho. cō- *Emp. he.*  
me Zonare, & plusieurs autres en font tres-bōne *trois seule-*  
foy. Et de ceste sorte encores n'en lisōs nous gue- *mens.*  
res que trois en toutes les histoires du mōde. Va-  
lérinian 2. Basileusque & Constantin 5. car tous les  
autres sōt rōbez, ou se sont declarez heretiq. apres  
estre receus & approuuez. Et quāt à Zenon, dit le *Zenon*  
Pacifique, & lequel l'ignorant Belloy a faiēt faul- *neutre.*  
semēt Empereur par successiō, biē q̄ ce fut par in-  
stitution ou association de son fils (disent Zonare,  
Marcelin, Theodore, & autres) il sēble auoir esté  
plustost tiede, vn réporiseur, ou neutre, qu'hereti.

Et pour verifier l'opposition & resistance des *Exemples*  
Catholiq. selon & autant que les affaires du tēps *que les cat.*  
leur ont permis: & donné de moyen contre tous *ons resisté*  
ceux-cy, nous trouuons cōme contre Valentinian *à la rece-*  
second pour son heresie, bien qu'il fut fort ieune, *ption*  
s'esleua d'Angleterre és Gaules à la faueur des Catho- *d'un here-*  
liques vn Clemens Maximus, lequel à l'occa- *sique.*  
sion que l'Empereur estoit heretiq. & que l'Em-  
pire occidental estoit gouuerné par Iustina sa me-  
re, tres-grāde Arriēne, & ennemie des Cathol. fut *1. Contre*  
esleu chef en tiltre d'Empereur par les gens de *Valen. 2.*  
guerre de l'armee, comme estant fort Catholi. &  
de grand valeur, pour s'opposer aux persecutions  
de Iustina & de l'Empereur heretique, & mainte-  
nir la religion Catholique contre l'heresie. Et de  
fait il remist en tous leurs biēs tous les Eueſques,  
& autres Catholiques qui auoient esté exilez par  
les heretiques, & eust vn si fauorable & heureux  
sucez en ceste poursuite, que toutes les Gaules,  
& vne bonne partie des Espagnes s'y souzmirent  
tres-volontiers sans coup ferir, & quasi sans au-

cune contradiction, tout incontinent apres qu'il se fut rédu maistre de Treues, qui estoit pour lors la principale ville de la dominiō des Romains, & de l'heresie Ariēne és Gaules qui estoiet pour lors diuisees en trois religions, & parties, du Catholique, de l'heretique, & du Payen. Mais le party catholique qui auoit la memoire fresche de la tyrannie & persēcutiō de l'heresie Ariēne, laquelle auoit regenté pres de 40. ans ( dit S. Basile ) par le moyen des Empereurs Constantius & Valens, tāt contre S. Hylaire, Paulin Euesque dudiēt Treues, qui mourut en exil, que contre les autres Euesques & bons Catholiques, preualut de sorte, qu'à la faueur, principalemēt des Euesques, lediēt Maximus fust receu & recognu Empereur pour l'inclination que les Chrestiens ont tousiours eu contre l'heresie & les fauteurs ou complices, de quelque degré qu'ils soient. Et tant à ces fins, que contre les heretiques Priscilianistes, qui cōmençoiet à troubler l'Eglise, principalemēt en Guyenne & l'Espagne, furent allēblez souz son auctorité & permission plusieurs Synodes ou Conciles, tant à Treues, qu'à Bordeaux, & ailleurs, où se trouuent quasi tous les Euesques, mēmes en celuy de Treues (si nous croyons à Functius Lutherien) S. Martin, S. Hierosme, & S. Ambr. Et tāt estoit lors grande la pieté & zele de nos anciens chrestiens pour la manutention & augmentatiō de la foy contre l'heresie, que la peine de mort & de glaive, cōte l'heretique cōmēça dessors par l'ordonnance dudiēt Maximus à la poursuite des Euesques cath. en la personne de Prisciliē Espagnol & autres ses sectateurs qui auoier appellé de ces Cō-

*Maxim.  
saurisſe  
des Cas.  
contre l'  
heret.*

*La peine  
de mort  
contre  
l'heret.  
que a com-  
mencé en  
France.*

ciles à luy: cōbien qu'aucuns d'eux se cōuertissēt. Tellement q̄ par ce moyen ceste heresie fut aussi tost quasi esteincte que nec. Et cest exēple de telle loy de Maximus, fut cause que Theodoie & Valē-  
tiniā ont esté les premiers Emp. qui pour ne sem-  
bler moins zelateurs & ennemis de l'heresie q̄ luy  
firēt à son enuy la loy qui se trouue au Code con-  
tenāt semblable peine de mort cōtre l'heretique.

Nous ne lisons point qu'il se soit trouué onques  
en toute l'antiquité aucū qui aye osé blasmer pour  
cette si prōpre subiectiō & obeïssāce volontaire  
enuers Maximus, les Euesques & Catholiques  
d'aucun crime, ou peché, soit enuers Dieu, ou en-  
uers les empereurs Romains: cōbien qu'ils fussēt  
leurs naturels & legitimes souuerains Seigneurs  
ou Rois. Au contraire nous lisons en l'histoire de  
S. Martin, qu'estant Archeuesque de Tours, il al-  
la trouuer volontairement ledict Maximus à Tre-  
ues, tāt pour le recognoistre, que pour obtenir de  
luy des graces pour son eglise. Et s'il y eust eu de la  
charge de cōsciēce de se separer de l'obeïssāce d'un  
seigneur heret. pour adherer à vn autre cat. & que  
ce fut chose contre la loy de Dieu, est-il croyable  
que ce grand amy & seruiteur de Dieu se fut ainsi  
rangé au party & regne de ce Maximus? & que  
plustost il ne s'en fut esloigné, ou bien qu'il ne s'y  
fut opposé vertueusemēt, cōme il faisoit ordina-  
irement en tout ce qu'il voyoit, q̄ l'hōneur de Dieu  
estoit offensé? Nous lisons bien d'auantage, qu'il  
estoit si familier & domestique avec luy, que c'e-  
stoit son principal cōseil: & que reciproquement  
il estoit comme adoré de luy, & singulierement  
de l'Imperatrice sa femme, iusques à luy lauer

*Les saints  
Euesques  
favorisent  
Maxi-  
mus.*

les pieds de ses cheueux, & le seruit à table. Il ne pouuoit pas ignorer l'auctorité des Empereurs Romains. Car luy mesmes le premier an qu'il fut Euesque, auoit esté rechercher iustice & prote<sup>ction</sup> cōtre les Arriés en la Cour de Valentinian le grād, pere dudit Valentinian 2. Et si il estoit beaucoup obligé à sa memoire pour seruir & obeir d'autant plus fidelement à ses enfans, qu'il auoit receu de grāds hōneurs & faueurs, voire tels qu'il luy estoit allé au deuant, l'auoit honoré de sa table, de sa cōmunication familiere, de grāds presens, & de toutes & telles prouisiōs de iustice & de grace qu'il auoit sçeu demāder. Mais ce qui rēdoit S. Martin d'autant plus affectiōné audiēt Maximus, estoit le zele de la religion, avec ce qu'il cognoissoit & apoit esprouuē sur soymesme l'animosité & furie de ladiēt Iustina cōtre les Catholiques, icelle luy ayant esté fort contraire en toutes les expeditions qu'il poursuiuoit enuers son mary pour les Cath. & que desia elle començoit à persecuter ce tant renōmé S. Amb. à Milan, & lediēt Valentinian 2. l'auoit euidé tuer dans l'Eglise. Et tant sen faut, q le grand Theodose Empereur catho. du leuant ou ledit Valentinian condēnaissent ou se vègeassent iamais de S. Martin, ou des autres Euesques & Catholiques Gatois, pour auoir fauty & assisté lediēt Maximus, qu'au cōtraire lediēt Theodose les iustifioit enuers Valentinian, disant, Qu'il n'estoit point de merueilles, si Maxim<sup>us</sup> estoit receu de ro<sup>is</sup>,  
 „ & si l challoit & surmontoit son maistre & seigneur, puis q l'Empereur combarant la bonne do-  
 „ ctine, faisoit la guerre à Dieu: & que Maximus  
 „ au contraire secouroit la bonne foy & religiō Ca-

S. Martin  
 conseille  
 à Maximus.

Les Cat.  
 iustifiez  
 par The  
 odose



tholique, l'auteur d'icelle, qui est Dieu (disoit-il) ayant accoustumé d'assister à ceux qui la fauorisent.

C'est pourquoy Nicephore dit vn tres beau mot à ce propos, Que ce Maximus auoit pris la cause de la religion cathol. afin, dit-il, qu'il ne semblast acquerir l'Empire Romain plus par la force que par les loix, signifiant qu'il n'y a si iuste loy, pour prendre les armes contre son Seigneur, ne si bon tiltre, pour l'acquisition d'un Empire, ou d'un Royaume, que la defence de la religiō cōtre l'heretique. Et de faict il remarque que ce grand Archeuesque d'Alexādrīe nōmé Theophile, enuoyāt faire remōstrances à l'Empereur pour son Eglise, auoit baillé charge à son deputé, d'attendre à Rome l'euenement de la bataille d'entre Theodose & Maximus, afin de s'adresser au victorieux d'entre eux, cōme ne faisant point de scrupule de recognoistre pour legitime Empereur, autant l'un q l'autre. Aussi que (outre les mauuaises nouuelles que les Arriens publioient de la deffaite de Theodose, pour l'aïse qu'ils auoient de veoir chocquer les forces catho. ensemble, & de la ruine d'un Empereur si catholique) le peuple catholique du leuant & de Constantinople estoit si fauorable à la poursuite de ce Maximus, en hayne de l'heresie, q lors que les armées de Theodose & de luy estoient prestes de se rencontrer vers Aquilee en Italie, ils semoient plusieurs faux bruits à l'aduantage dudit Maximus & de ses forces, & à la defaveur de Theodose, combien qu'il fut Prince fort Catholique & debonnaire, & que l'ambition dudit Maximus fut desia assez descouuerte & manifeste

*Acquisition  
iuste contre  
l'heresie.*

à vn chacun, par le meurtre qu'il auoit fait com-  
mettre à Lion sur l'empereur Gratian, lequel estoit  
catholique: aussi qu'il poursuioit viuement à mort  
les personnes de Iustina & Valentinian 2. de sorte  
qu'il les contraignit de s'enfuir hors l'Italie: qui  
fut cause que Theodose vint à leur secours, & en-  
treprint à le combattre, & que depuis quasi toute  
la posterité l'a appellé Maximus le tyran, princi-  
palemēt les Grecs, ie dis quasi: car l'Archeuesque  
de Bourges Sulpice, qui vint biē tost apres, le louē  
fort, & ne doute point de l'appeller Roy & empe-  
reur. Mais si est ce que tous ceux qui l'appellent  
tyran, & qui le blasment, tāt s'en faut qu'ils accu-  
sent ceux qui luy ont obey volontiers & presté ay-  
de en main forte, ou qu'ils reprennent en luy au-  
cune oppression ou violence sur le peuple, moins  
la prinle des armes pour la defence de la religion  
Catholique, qu'ils loüent grandement ce zele &  
cette cause: & seulement regrettent, & le condam-  
nent de ce qu'il en a abusé, & ne s'en est seruy que  
pour pserexte de son ambition à l'empire, & qu'il  
a tourné la religion en faction: mesmes qu'il s'est  
tant oublié, que contre son serment de fidelité  
(ainsi parle l'Archeuesque de Vienne Ado, & O-  
rose) il a accepté de ceux qui n'y pouuoient rien,  
le tiltre & les marques Imperiaux, à la façon des  
Tyrans (diēt Gisdas) mais principalement qu'il a  
monstré par effeēt au progrez de ses armées & a-  
ctions, en vouloir plus à la vie, & aux personnes  
propres des empereurs, sous couleur de religiō,  
qu'a l'heresie, s'estant attaqué à Gratian, qui estoit  
bon Catholique, & ayant poursuuy à mort Va-  
lentinian & Iustina, sans qu'iceux eussent esté

*Pourq.  
Maxi.  
est dict  
Tyran.*

excommuniez, ny qu'il eult esté procedé par aucune assemblée ou forme legitime à leur deposition ou priuation : aussi qu'il y auoit Theodose Empereur Catholique, propre pour defendre la religion, & leur resister. Dont il n'est pas merueille, si Dieu permit qu'il fut vaincu, traicté indigne-  
mēt, & tué par Theodose & ses gens, lequel voulant venger la mort de Gratian, & secourir Valentinian, auoit l'ame exempte & nette de toute usurpation de l'empire d'autrui, & neantmoins non moindre zele & intentiō pour la ruiion de la religion Catho. que luy mesmement, à ce que l'Empereur Valentinian second quitta & se departit de son heresie. Tellement qu'excusant le passé sur la ieunesse, & sur sa mere, qui estoit ja morte, il se contenta, qu'il se fit Catholique : mais aussi ne le voulut-il pas remettre en son empire, que en tel cas, & qu'il n'eust faict au preallable abiuration de son heresie, & profession de la foy Cathol. en laquelle il continua depuis toute sa vie. Par où appert, que nos anciens Gaulois Cathol. n'ont iamais faict difficulté de preferer la cause de leur religion contre l'heresie, à celle de l'empire ou regne, & la fidelité enuers Dieu à celle d'euers leurs seigneurs temporels : & que si depuis l'on a veu en eux vne singuliere affectiō naturelle de respect obeillāce & fidelité enuers leur Roy, que ce ne peut estre qu'en consequence de ce qu'il est deuot & fauorable à la religion : & autant qu'ils l'ayment soubz Dieu, & pour l'amour de luy, & qu'il sert à sa religion, cōme nous voyōs qu'ils ont esté tres-obeissans aux empereurs Romains, depuis Cesar, iusques à ce qu'ils ont esté heretiques,

*Theodo  
se ne remet  
Valentin,  
qu'apres  
l'abiuratiō*

& preuaricateurs de la foy chrestienne, qu'eux & leurs predecesseurs auoient ja receuë.

2. contre  
Basilis.

Contre Basilique, qui auoit obtenu l'Empire contre Zenon, enuiron l'an 450. fesseuerent les catho. tant Moines, Ecclesiastiques: que de tous les estats & sexe, à la persuasion, menec & ligue du Patriarche Acacius, & d'un Daniel Religieux, de grande reputation, pource seulement qu'il estoit heretique (disent les histoires) Lesquels estans assemblez en l'Eglise cathedrale, luy dirent tant de pouilles & maledictiōs, à l'occasiō de l'edict qu'il auoit faict contre le concile de Calcedoine, qu'il fut contrainct d'en sortir, se retirer hors la ville au chasteau imperial, & mander au Senat de ne molester Acacius, parce que le peuple estoit autremēt tout prest de mettre le feu dans la ville, & avec cela il reuouqua par contraire edict son premier edict faict en faueur de l'heresie, cōme estant subreptice, & impetré cauteleusement. Et neantmoins il fut si hay des catho. tant du peuple que du Senat, & de toute l'armee, qu'il tenoit contre Zenon, que tous ensemble ils n'eurent celsé iusques à ce qu'ils l'eussent deliuré entre les mains de Zenon, & se fussent remis en son obeissance, bien que d'ailleurs cestui-cy fut infiniment hay, pour sa vie tres-lasciue & melchante. Mais ny la paillardise, ny tous les vices du monde n'ont esté iamais rien estimez, au pris de l'horreur & meschanceté de l'heresie.

3. contre  
Eust. 5.

Et contre ledict Constantin 5. dit par opprobre Copronime, c'est à dire, le chieur sur les saints fontz, apres qu'il fut declaré excommunié & anathe matisé pour son heresie, dās la grāde eglise de Cō-

11. est de  
posé  
pour son  
heresie.

stantinople, le Senat & le peuple cōstituerēt pour  
 empereur cathol. Artabasdus, avec le cōsentemēt  
 & approbation du Patriarche. Et Cedrenus Grec,  
 marque que le Patriarche nōmé Constantin, & le  
 diēt Artabasdus, avec les catholiques enuoyerent  
 vers Izanius Prince des Arabes, pour luy deman-  
 der seconrs contre lediēt Constantin heretique.  
 Et apres la mort dudiēt Artabasdus, les Princes  
 cathol. ne cessèrent de continuer leur ligue, & de  
 remuer contre luy, iusques là, que les Religieux  
 mesmes luy alloient dire en sa barbe des iniures,  
 & l'appeller impie (tant ils abhorroient la domi-  
 nation d'un empereur heret.) & qu'il entra en si  
 grande defiance de tous les cathol. qu'il fit trācher  
 la teste à des principaux Princes, creuer les yeux à  
 plusieurs autres, les condānant à perpetuelles pri-  
 sons. Il fit aussi ruer fort cruellement & à milliers  
 les catholiques, & singulierement les Moines, &  
 sur tout il fit mourir miserablement le pauvre Pa-  
 triarche Constantin, apres auoir exercé sur luy  
 infinies indignitez & cruautez inouyes, & pour  
 mieux tourmēter les cathol. il fit paix avec le Roy  
 des Sarrazins & des Bulgares, leurs communs &  
 mortels ennemis, & singulierement pource qu'ils  
 estoient abbateurs des sacrez images, comme luy.  
 D'autre part, le Pape Estienne 3. en l'Eglise Oc-  
 cidentale, apres auoir vsé enuers luy inutilement  
 de plusieurs aduertissemens, & saintes admo-  
 nitions il l'excommunia, & l'ayant declaré  
 despouillé de l'Empire, il transféra tous les or-  
 nemens, marques, & tiltre d'empereur aux rois  
 de France. pour leur religion catholique. Mais les  
 cathol. (la vengeance de l'ire de Dieu cōtre leurs

*Constantin.  
 excommunié  
 & déposé.*

pechez, le requerant ainsi) n'ayant peu auoir la raison contre ce tyran heretique, durant sa vie, ils en firent la iustice sur son corps, l'ayant desenterré, & bruslé publiquement, apres qu'il fut mort du feu celeste.

*Exemples  
des em.  
d'un nom  
heret. &  
hain des  
cathol.*

Quant aux autres qui sont deuenus heretiques ou apostats apres leur reception à l'empire ou regne, l'eglise & les Catho. ont fait pareillemēt tousiours tout leur possible, pour s'en descharger: & ont tesmoigné en toutes façons ne leur obeir, que à contre-cœur, par force & contrainte, la consuliō de toutes choses, combatāt d'une part la malice & impietē de ces empereurs heretiques, cōme parle tres-proprement Sigibet, parce que Dieu leur a fait la guerre, accompagnant leur regne & empire de continuelles seditions, & guerres intestines, & il ne se trouue aucun d'entr'eux, lequel sans les guerres estrangeres, n'aye eu vn ou deux cōpetiteurs à l'empire, ou qui n'ont esté poullez cōtre eux que du zele de religiō, ou lesquels se sont voulds preualoir de la diuision de religion, & du mescontentement & haine des Catho. contre iceux: aussi que d'ailleurs iceux sont quasi tous mors fort miserablemēt, apres auoir receu en ce mōde la peine, que nature (disoiēt les anciens) & pour mieux dire, Dieu, a reserué icy de propre & peculier cōtre les tyrans. Qui en recompēce de ce qu'ils sont exempts des iugemens des hommes, sont agitez d'une continuelle inquietude, desliance & vexation d'esprit: laquelle les gehenne & bourrelle iour & nuict. De sorte, diēt Tacitus apres Platō, que si les ames des tyrans se pouuoient veoir à descouuert, on les verroit lacerées & nautrees des

*La peine  
des tyrans.*



coups de cruauté, de desbordemens & de meschans cōseils, comme l'on void les corps mutilez de coups de verges & de cousteaux. D'autre part les Chrestiens zelez & vrays Catholiques se sont tousiours bandez, tant qu'ils ont peu, contre leur Empire & gouuernement.

Par exemple, la Chrestienté n'a pas commencé si tost en la personne des Empereurs, Maxentius & Licinius les premiers Empereurs ou Roys Apostats du monde, & n'ont pas si tost apostaté & recheu en infidellité, que voila les Chrestiens, tant de Rome, que d'Orient leurs subiects, qui ne redoutent point de rechercher contre eux le secours de Constantin le grand, qui commandoit es Gaules (bien qu'encores infidelle) lequel à leur faueur les deffait, & poursuit l'un apres l'autre iusques à la mort. Et Nicephore remarque, q̄ ce qui offendoit & irritoit plus ledit Licinius contre les chrest. c'estoit qu'il scauoit qu'ils ne prioient point Dieu pour luy, ains que seulement, ils faisoient des prieres speciales en l'Eglise, à ce qu'ils peussent deuenir souz la dition, puissance, & Empire de Constantin, tant ils auoient en detestation la domination d'un deserteur de la foy. Nous laissons, que le mesme Constantin fit la guerre cōtre Maximin infidelle, Empereur de l'Orient (par ce que nous ne lisons point, qu'il aye esté autre qu'infidelle, & que nous ne parlions icy que des apostats, & heretiq.) à la priere des Chrestiens ses subiects, pour les véger, & la Religion Chrestienne de son oppressiō & persecution, iusques à le contraindre de faire des loix & ordonnances en leur faueur. Et cōme aussi les Armeniens, qui auparauāt estoient

*Const. donne les Emp. apostats.*

*Secourir les Chrest. persez.*

confederez des Romains renôcerent à ceste alliâ-  
 ce pour denôcer la guerre audit Maximin, à cause  
 seulemēt de la foy & religion Chrest. & qu'il vou-  
 loit introduire ses sujets à idolatrie: tellement, dit  
 l'histoire, que ceux qui luy estoient auparauant a-  
 mis, devindrent ses ennemis pour ceste seule oc-  
 casion. Bien demâdons nous li Constantin fit mal  
 de combattre & faire mourir, ou trancher la teste  
 à ces Empereurs: & si ces chrestiens, lesquels re-  
 coururent à luy contre leur propre Prince souue-  
 rain, encoururent peché mortel ou autre, mesme  
 le crime de felonnie. Si l'opinion de ce Belloy est  
 vraye, que selô Dieu & les hoïmes, il faut obeïr à  
 son Prince & Roy, quel qu'il soit, apostat ou here-  
 tique, & sans cōsideratiō quelle religiō il tient, ils  
 ne peuvent estre qu'inexcusables deuant Dieu, &  
 deuât les gens de bien, mesmes ledit Cōstantin.  
 Car comme l'estrâger n'a point d'auctorité sur les  
 estats voisins, ainsi le collegue n'a point de pou-  
 uoir sur celuy qui est cōstitué en pareille & esgale  
 charge à la sienne. On ne pourroit dire que ces  
 deux empereurs premiers estâs les collegues, n'eus-  
 sent la mesme auctorité que luy sur l'empire, cha-  
 cun en sa cōtree. S'ils auoient la mesme auctorité,  
 Cōstâtin n'estoit point leur supérieur, & par cō-  
 sequent, il ne pouuoit iustement les contraindre  
 en aucune chose que ce fust, mesmes pour pou-  
 uoir entreprendre sur leur vie, & ce encorés par  
 voye de iustice. Neantmoins les anciens Peres,  
 & toute la chrestienté ont iugé le poinct de la re-  
 ligion si favorable, & l'apostasie si detestable,  
 qu'elle - despoille *ipso iure* de toute auctorité  
 tous Rois & Empereurs, & les rend sur tous  
 autres

autres crimes, personnes priuees, & partant iusticia-  
bles: & deliuré de toute obeissance les subiects.  
Et par consequent ils ont tous approuué l'inten-  
tion, & l'effort des Chrestiens & Catholique & la  
saincte & louable entreprinse de Constantin. Et  
pour ceste cause principalement ils l'ont doué &  
honoré du surnom & tiltre de grand: & la memoire  
de ces Chrest. d'une perpetuelle souuenance &  
recommédation de pieté. Et Constantin pour mon-  
strer qu'il auoit esté esleué Seigneur du monde à  
l'occasion & par le moyé de la religion Chrestienne,  
& par la foy en la croix, comme parle Suidas, il  
fit mettre sur la teste de son effigie & statuë le si-  
gne de la croix, & en sa main gauche vn globe ou  
monde ayant au dessus le signe de la croix.

*L'effigie de  
Constantin.*

Contre Constantius fils dudit Constantin le  
grand & le premier Empereur & Roy heretique  
Chrestien nous lisons, que depuis qu'il fut tombé  
en l'arrianisme enuiron l'an 345. (comme disent  
Zonare, Nicephore & les autres dementans Bel-  
loy, lequel pour legitimer sa succession heretique  
impose que c'estoit deuant de succeder à son pere)  
combien qu'il fut leger, & que par fois il fauori-  
sast les catholiques & que ce fut le second Empereur  
chrestien & par succession & au temps que la plus  
part du monde estant idolatres ou heretiques, &  
iceux tous ennemis mortels des catholiques, ils pouuoient  
craindre qu'il n'en deuint plus cruel & fascheux,  
neantmoins ils ne luy obeissoient que par force  
& à regret: tesmoin qu'ayant enuoyé en Constantin.  
Hermogenes vn de ses principaux Colonels  
pour mettre au lieu de Paul Patriarche catholique  
vn Macedonius Arrié, les catholiques s'esleuerent

2. Contre  
Constantin  
heret.

en armes pour l'en empescher, & l'ayans assiegé dans sa maison y meirent le feu & le tuerent. Qui fut cause que Constantius s'y en vint en diligence pour ténir la ville en son obeissance, oster luy mesme le dit Paul, & punir tout le corps de la ville par grosses amendes: toute fois il ne s'en fust pas retourné si tost en Antioche, que les catholiques remettez non obstant toutes defences ledit Paul, & deboutent l'heretique. Dequoy l'Empereur estant fort irrité manda à Philippe le Preuost, qui estoit Artie d'oster de rechef ledit Paul, l'enuoyer en exil: & maintenir Macedonius: mais iceluy craignant l'emotion du peuple y proceda pour l'emprisonnement de Paul (lequel l'Empereur fist estrangler en exil) avec beaucoup de ruse: neantmoins ne peut si bien faire, qu'establissant par arme ledit Macedonius, il n'y arriuaist vne grande tuerie de gens d'environ 3150. Pareillement ledit Constantius voulant mettre vn nommé Gregoire & depuis vn George Arrien pour Euesque & Patriarche de Alexandrie au lieu de S. Athanase, il fut contraint, pour appaiser les ordinaires esleuatiōs populaires & la guerre des catholiques tant ciuile qu'estrangere, d'enuoyer par plusieurs fois tantost cinq mil hommes, tantost plus grand nombre de forces contre l'Eglise d'Alexandrie, S. Athanase & les catholiques. Mais le peuple catholique ne pouuant endurer l'installation desdits Gregoire & George, bien qu'elle fust du commandement exprès de l'Empereur, bailla la chaise au second, n'ayāt tenu qu'à bien peu, qu'il ne fust tué: & pour le regard du premier, bien qu'il eust esté amené, & mis en possession dans l'Eglise de S. Denis par le Colonel

*Le Cath.  
s'esleuent  
contre luy.*

de l'armee accompagné de 5000. soldats eſtrangers, neantmoins les catholiques mirent le feu en ladicte Eglise, & ceux qui peurent euader avec ledict S. Athanaſe la furie du ſoldat, & les executions ſouz le nom de iuſtice, ne douterét point le crime de leze Maieſté pour recourir contre leur Empereur, à l'aide & ſecours d'un Prince eſtranger & catholique, ſçauoir eſt de Conſtans ſon frere, & Empereur des Gaules & de l'Occident. Lequel s'employa tellement par pluſieurs fois pour leur reſta-  
 bliſſement & la manutention de la religion catholique enuers ledict Cōſtantius leur Seigneur ſouuerain, que ceſtui-cy pour euitier la guerre, dont il eſtoit menacé par Conſtans, fut forcé à diuerſes fois reuoker tous les Edicts rigoureux cōtre leſdits catholiques, & de remettre S. Athanaſe & les Eueſques catholiques en leurs Eglises & diocēſe, ainſi que nous reſmoignent les Hiſtoriens Eccleſiaſtiques & S. Athanaſe, mais ſingulierement ce grand Eueſque & confeſſeur Lucifer en ſes liures cōtre Conſtantius. Leſquels il fit expreſſement à la deffence dudit S. Athanaſe, & de tous les catholiques, pour la iuſtification de la deſobeiſſance & rebellion, dont ledit Conſtantius & les Arriés les accuſoient. Laquelle rā s'en faut qu'il deſnie, que au contraire il pretend monſtrer eſtre tres-saincte & ne meriter le nom de rebellion ny ſelon la loy de Dieu ny ſelon la foy catholique, declarant ne le recognoiſtre avec les catholiques, que pour un heretique, vne beſte ſauuage, tyran, Apoſtat, Sacrilège, Idolatre, le Temple des diables, ſeruiteur, ſoldat & precurſeur de l'Antechriſt, voire le meſme Antechriſt, avec ceſte conſclusion, Que peut-

*Conſtans  
ſecours les  
Cath.*

*Meſpris de  
Lucifer &  
des Cath.  
contre Cō-  
ſtantiuſ.*

» on faire, dit-il, de plus grande sagesse, que briser ta  
 » teste maudite, & de complaire à Dieu par tel acte?  
 Il fait aulli tout vn hure des Apostatz sur ce seul  
 » subiect, Que iamais nul seruiteur de Dieu, & qui  
 » aye en sa crainte & son seruice en recommanda-  
 » tion, n'a espargné les Apostatz & heretiques de  
 quelque grade qu'ils fussent, monstrant que les  
 loix contre les Apostatz s'entendent aulli biē des  
 Empereurs, que des autres. Nous y renuoyons les  
 Lecteurs : afin de s'y rassasier d'infinies raisons &  
 tesmoignages de l'Ecriture.

*S. Hilaire  
 contre Co-  
 stantius.*

Nostre S. Hilaire, non moins à bon droit Eues-  
 que de la Irace qu'Euesque de Poitiers, louē fort  
 avec S. Athanase & toute l'antiquité ce Lucifer,  
 pour le principal Euesque cath. de ce temps là, &  
 qui fut aulli enuoyé Nonce & Ambassadeur de la  
 part du Pape Liberius à Constantius. Et aux liures  
 qu'il a escrit pareillement cōtre le mesme Emp. il  
 ne craint point (dit-il) charger sa cōscience, moins  
 d'encourir le nom d'un petulant, ou d'un mali-  
 cieux effronté, pour l'appeller perfide, mēteur, en-  
 nemy de Dieu, de Iesus Christ, de sa religion, de la  
 memoire des saints, & heritier rebelle de la pieté  
 de son pere, Lyon rugissant, tyran cōtre Dieu & la  
 religio, le tres-cruel de toutes les cruautez, le tres-  
 sceleré de tous les mortels, voire de l'impiété des  
 Juifs contre le Sauueur, bref vn Antechrist. Il sou-  
 stient que iustemēt il le tient en mesme rāg qu'un  
 Neron, Decius, & Maximinian qu'il nomme sur  
 les autres Emp. infideles, pour auoir esté entre tous  
 les plus grans persecuteurs des chrestiens. Il prou-  
 ue que ce n'est pas temerité de le nommer de ces  
 beaux tiltres, ains vraye foy: non inconsideration,



mais raison, non fureur, mais confiance. Ce sont ces propres mots. Quāt à S. Athanaſe appellé des anciens (dit S. Gregoire Eueſque de Naziā. & depuis Patriarche de Conſtātinople) le ſupport de l'Egliſe, il n'en faiēt pas moins, qu'eux. Il le nomme apres qu'il eſt tō bē en hereſie, deffenſeur du blaſpheme, vn autre Pharaō, vn autre Saül, vn ſecōd Baltasar: pire qu'Achab, plus cruel & ſcleré tyrā, que tous les tyrans, perfide en ſes paroles & promeſſes, mé- teur, perſecuteur des catho. fin & ruſé pour abolir la foy catholique, inconstant & leger en ſa foy, l'i- mage & le precurſeur de l'Antechriſt, voire luy meſme Antechriſt. Ou au cōtraire, deuāt qu'il fuſt heretique, il l'appelle Prince humain, & debōnai- re, amateur de Dieu, & auguſte tres. religieux.

*S. Atha-  
naſe contre  
Conſtan.*

Qui voudra veoir commēt les ſaincts peres ont deteſté l'Empire de Iulian l'Apoſtat (outre les ma- lediCTIONS qu'ils en donnoient à Cōſtantius, pour l'auoir nōmé pour ſon ſucceſſeur, ainſi que nous auons recité cy deuant, pris mot à mot dudit ſaint Gregoire Naziāzene) liſe les deux oraiſons ou in- uectiues, que ledit S. Gregoire en a laiſſé, pour ſer- uir contre luy enuers la poſtérité de tableau & co- lonnes (comme il dit, au parāgon de celles d'Her- cules) de ſon ignominie perpetuelle, & pour ad- uertiffement à tous Princes, de ne s'eſleuer point contre Dieu de la façon, s'ils veulent euitier, que leur memoire ne ſoit pareillement notee maūdi- te, punie, & vengée par les eſcriuains catholiques. Il appelle ſon Edict contre les chreſtiens, l'Edict de ſa folie, & faute de bon ſens: & à luy il l'appelle Apoſtat, Dragon, Camelcon, Prothee, tyran, ſa- crilege, le commun ennemy & aduerſaire de tous

*S. Contre  
Iulian.*

hommes, tres-impie & tres-fot, tres-ignorant és choses hautes, le plus grand persecuteur apres Herodes, traistre apres Iudas, meurtrier de Iesus Christ apres Pilate, tres-audacieux ennemy de Dieu apres les Iuifs, perfide comme Hieroboam, meurtrier comme Achab, cruel comme Pharaon, sacrilege cōme Nabuchodonosor, singe des chrestiens, le plus vain & leger de tous, exerçant route sorte de tyrannie, ayāt toute l'impietē r'assemblee en luy seul, estant d'vne nature plus proclive & inuenteresse de mal que tout autre: bref, vn monstre nōpareil & inouy en tous siecles, & le plus meschant de tous les hommes cruels & brutaux: finalement que c'est vne partie du deuoir & office de pietē, que de l'attaquer, & poursuiure iustemēt par escrit & inuectiues. Nous lisons aussi en l'histoire Ecclesiastique, comment Maris Eueſque de Calcedoine, personnage fort vieux, & graue, l'appella publiquement meschant, athee & apostat: & comme les Antiochiēs catholiques se mocquoient de luy & de sa barbe, disans qu'il la falloit rondre pour en faire des cordes (s. pour l'estrangler) & que ce taureau (faisans allusion à ce qu'il en auoit prins la figure en ses chiffres) renuerseroit le monde.

*Les SS. Eueſques eus-  
sent esté de  
la ligue du  
Roy contre  
le R. de N.*

Ce pendant nous laissons à penser à vn chacun, qu'eussent fait ces SS. Eueſques, & les bons chrestiens & catholiques de ce temps-là, s'ils eussent eu autant de pouuoir & de force, qu'ils monstrent auoir de raison & de zèle cōtre ces Empereurs, desseigneurs de la foy, & s'ils les eussent non plus espartgnez de fait, que de parole: ou biē s'ils estoient au môde, qu'est-ce qu'ils n'entrepren droient con-

tre le regne & pretension du R. de N. & s'ils ne se  
rédroient pas volôtiers les confaloniers de la cō-  
frairie, & les escriuains ou prescheurs de la croisa-  
de & de la ligue du Roy, & des cathol. contre luy?

Ils n'ignoroient pas combiē c'est vn crime abo-  
minable deuāt Dieu, que d'iniurier & mesdire de  
son Prince, & du Magistrat, & non moindre que  
de le depousseder, veu qu'appeller seulement son  
frere sor, merite le feu eternel, dit le Sauueur. Mais  
aussi il est bien croyable, qu'ils ne se fussent point  
licentiez iusques là, & mesmemēt de l'escrire, sans  
en estre à toutes fins accusez ou reprins par l'Egli-  
se, s'ils n'eussent tous esté asseurez. que selon la pa-  
role de Dieu, & à la tradition de l'Eglise, l'aposta-  
sie & l'heresie despoüille de foy, & de sa propre  
vertu, le Roy ou Empereur, de toute fraternité, su-  
periorité, & auctorité juridique, & despetre le su-  
iect cath. ou chrest. de tout respect en son endroit.  
Il ne se lit aussi rien tant en l'histoire Ecclesiasti-  
que, que guerres, esmotions, & desobeissances des  
catholiq. tant des Euesques, que du peuple contre  
les Edicts & officiers de Constantius, & des ven-  
geances, & tueries d'iceluy contre eux. Non que  
cela prouint d'une promptitude & inclinatio des  
dicts catholiques à rebellion, ains seulement du  
grand zeile, qu'ils portoiēt à la foy, & enuers Dieu,  
& de la detestation, en laquelle ils ont eu tous-  
iours l'heresie, & les Princes heretiques: par ce que  
(disent Sozomene & Cassiodore en ces propres  
mots) obeir à vn Empereur heretique, n'estoit pas  
sage sse, & luy resister, n'estoit sans dāger. Car aussi  
S. Hierosime nous tesmoigne, que ses cruautēz &  
persecutions cōtre les catholiques, & ses faueurs

*Mesdire  
d'un Roy  
here. licitē.*

*Reuoltes  
contre Cō-  
stantius.*

ruuers les heretiques furent cause, que deuât qu'il mourut, toutes les Eglises, quasi de tout le monde furent pollues, cõtaminees, & remplies des assemblees des Arriens, souz le nom de pacification, & pour la crainte de l'Empereur. Et quant à Iulian, il regna si peu. (.1. an & demy) & il procedoit si doucement & avec tant de ruse & finesse contre les chr. avec ce q̃ la chrestiente estoit encores merueilleusemēt foible & debile, qu'il mourut plustost, qu'o n'eust moyen de se recognoistre pour y remedier.

4. Contre  
Valens.

Contre Valens apres qu'il fut heretique par la seduction de la femme, il s'esleua en Orient vn nommé Procope catholique qui fut recet cōme Empereur de plusieurs villes, qui estoient liguees avec luy, & notamment par les habitans de la ville de Calcedoine & par ceux de la ville capitale de Constantinople situes vis à vis l'vne de l'autre. Et encore qu'iceluy eust attesté pour vn temps le cours des cruautéz de Valens contre les catholiques, si est-ce, qu'ayant esté cogneu pretendre plus à l'Estat, qu'au bien de la religion, & seruir plus de scandale à l'Eglise, qu'autrement, il fut tenu pour tyrā, & eust vne fin digne de son ambition. Qui fut cause que les catholiques n'osans plus se remuer tant pour son fenestre euenement, que craignans la fureur, la grandeur, & les forces dudit Empereur, Dieu suscita & fortifia grãdement cōtre luy, pour reuoinage que tel Empire luy desplaisoit, les Gots, bien qu'il les eust gratifiez beaucoup: de sorte que ceux-cy encontre-poix & comme en vengeance de la modestie & patience des catholiques, le firent bruller tout viif. Et est fort memorable le refus & la response que l'Empereur Gra-

tian son nepueu luy fit, comme dit Zonare, ou se-  
lon Nicephore l'Empereur Valentinian sien frere,  
lors qu'il luy demandoit secours & ayde cōtre les *Les Chre-  
denient se-  
cours à  
l'her. voire  
contrei in-  
fidelle.*  
Scithes, c'est à sçauoir qu'un Cath. ne pouuoit iu-  
stement & avec saine conscience fauoriser & em-  
ployer ses forces & moyēs pour porter ayde, & se  
ioindre avec celuy qui estoit ennemy de Dieu, &  
qui luy faisoit la guerre par son heresie & vexatiō  
des Cathol: ains qu'au contraire il luy falloit ra-  
battre son orgueil: ce que causā vne tres-grāde tri-  
stesse audict Valens. Ce neantmoins il ne receust  
guerre plus fauorable respōce, ny moins Chrestien-  
ne de Traian, Terence, Arinthee & Victor, qu'il a-  
uoit creez Lieutenans generaux en ses armees, &  
lesquels estoient bons Cathol. Car comme il leur  
reprochoit les pertes des batailles, & les reiettoit  
sur leur laschetē & couārdise, ils luy sçurent &  
oferent tresbien dire & remōstrer, que ce n'estoiēt  
pas eux, qui en estoient cause, mais luy seul, en ce  
qu'il barailloit cōtre Dieu: duquel procedoit tou-  
te ayde, & ne recourant point à luy par amende-  
ment, & conuersion à la foy Catholique. il repous-  
soit de foy la victoire, & la renuoyoit à ses enne- *Valēs hay  
des Cath.*  
mis, que Dieu luy auoit suscitē expres. Les oppres-  
sions dont il vsoit contre les Cath. l'auoient rendu  
à tout le peuple si execrable & hay que ceux de  
Constantinopole ne se peurent cōtenir de luy di-  
re vn iour des iniures à sa face, & à grands cris pu-  
blics. Dequoy il estoit plus qu'enragē, & n'osoit  
toutesfois s'en vēger de crainte de reuolte, & aussi  
que ses autres ennemis le ferroient de bien prez.

Contre Anastase I. successeur de Basileusque cōme *s. contre  
Anastase*  
il fut declarē l'an 494. Em. apres Zenō par Ariad-

ne la vesue d'iceluy, & depuis la femme, le Patriarche Euphemius s'y oppola fort & ferme l'appellât heretique, & maintenat qu'il estoit indigne à ceste occasion de commander sur les Chrestiens; comme parle en ces propres termes Theodorus Grec, argument tres certain, que telle a este tousiours la creance de la chrestiente. Et quelque force que l'Imperatrice & le Senat luy fir au contraire pour l'y faire condescendre, soustenans qu'il n estoit point her. il n'y voulut iamais consentir ny passer outre aux ceremonies de son couronnement, si celuy come suspect ne s'obligeoit par serment & seing manuel de garder inuiolablement la foy Cath. selon le dernier Cécile de Chalcedoine. Combien qu'il ne fut des plus obstinez & facheux heret. ains qu'il variat souuent en sa religion, toutesfois le Pape Romain

*Empereur  
heretique.  
excommu.*

Anastase de mesme nom que luy, l'excommunia, à cause de son heresie Eutichienne, ( qui auoit esté condamnée par le Concile general de Chalcedoine, plus de 50. ans deuant ) & Manichienne. Son successeur Simmachus en fit le mesme, comme aucuns escriuēt, que fit aussi le Pape Gelase en mesme tēps qu'il excommunia comme heretique, le Roy des Vandales en Affrique. Iceluy voulant retirer des mains du Patriarche Macedonius la promesse & obligatiō de tenir la foy catholique, pour la crainte qu'il auoit de reproche, s'il laissoit à la posterité vn acte, qui fust contraire à sa vie & religion, il suscita à ces fins les heretiques & des moines excommuniez contre ledit Macedonius, qui luy auoit refusé tout à plat de le luy rendre: mais le commun peuple, qui estoit catholique, avec les femmes, & enfans, & les chefs des ordres de Re-



ligieux, s'esleua au cōtraire, pour la deffence, criāt à haute voix, Sus Chrestiens & catholiques il est temps d'endurer le martyre, que personne n'abandonne son pasteur & pere: & de plus ne cesserent d'iniurer l'Empereur l'appellant Manichien, & luy reprochant que comme tel, il estoit indigne de l'Empire (disent Nicephore & Theodoret) qui estonna tellement Anastase, qu'il fut contraint se retirer & faire semblant de cherir, & se reconcilier avec le Patriarche & le Clergé.

Et deslors les guerres & les esmotions populaires furent si ordinaires & frequentes contre l'Empereur, pour estre heretique que pour y obuier, Anastase commenda, que l'Eparque de la ville suiueroit les processions. Dōt la coustume, par laquelle les Magistrats & le Capitaine du guet vont & suivent apres les processions publiques, à prins son commencement, dit vn ancien Grec Theodorus, S'esleuerent aussi au leuant l'un apres l'autre deux chefs souz le nō des cath. & de plusieurs Euesques, appelez de mesme nom Longinus. Et apres ceux là à la faueur des catholiques & norammēt, dit Sigibert, pour la haine qu'ils portoiēt à l'heresie s'esleua, non tant de son propre mouuement, comme à l'instigation des cath. vn nommé Vitaliā, lequel ils esleurent Empereur au lieu d'Anastase avec declaration & protestation publiee, Que ce n'estoit qu'à cause & en faueur de la religion catholique & le reestablissement du Patriarche de Constant, exilé pour la religion cathol. Et bien peu de iours deuant la mort d'Anastase à la suscitation du Patriarche & du Clergé, les catholiques de Constantinople s'esleurent contre luy lors de la publica-

*Le peuple  
s'esleue cō-  
tre luy.*

*La desob-  
beissance  
des Cath.  
contre vn  
Princ her.  
est cause  
que le Ma-  
gistrat suit  
les Proces-  
sions.*

*Vitalian  
cree Em-  
pereur par  
les Catho.*

tion ou execution d'un sien Edit, pour son heresie. De façon qu'ils ruinerent & brullerent plusieurs maisons des heretiques, & en tuerent grand nombre: & maudisans l'Empereur crioient à haute voix ne recognoistre pour Empereur que Vitaliā, & spécialement qu'Anastase en estoit indigne, comme here. Et sans qu'iceluy faisant de nécessité vertu fut en public se demettre de la Courōne, & enuoya crier par ses herauts par toute la ville de sa part, qu'il estoit prest de se deporter de l'Empire, & y renōcer entierement, il estoit en grand dāger de la vie: toutesfois il ne sceut si biē faire, que le peuple ne trainat par ville avec vne corde au col son effigie, & celle de l'Imperatrice, & que les Magistrats ne courussent danger de leur vie.

6. contre.  
Heracius.

Heracius & son petit fils Constans 2. que Belloy doit appeller Constantin 3. (car celuy qu'on nomme communement Constantin 3. estoit son pere, & bon Catholique) se laisserent à la verité aller à l'opiniō des Monothelites long temps apres estre Empereurs, mais c'estoit deuāt que telle opinion eust esté condānee pour heresie par vn Concile general, lequel fut tenu quelque temps apres à Constantinople à ces fins: & fut appellé la 6. Synode generale de Constantinople. Toutesfois Heracius enuiron l'an 620. cognoissant ceste opiniō estre reprouuee par le Pape Honorius (car ainsi faut-il lire en Zonare au lieu de Sergius) & par vne assemblee de Clergé en forme de Concile, tenue en Hierusalem par le Patriarche du lieu, il abīra son erreur: & à la persuation du Pape il deposseda & chassa en exil Pyrrhus Patriarche de Constantinople, comme estant à ceste occasion

excommunié, & depofé par la Sainteté. Et iceluy eftât reuenu en Conftantinople quelque tēps apres la mort d'Heraclius, & apres s'eftre recōcilié & vny en foy avec le Pape par feintife, fut de rechef chaffé par le Senat, comme il fut recognu heretiq. Toutes fois tous les hiftoriés remarquent, que depuis qu'Heraclius eut varié en la foy, qui fut cinq à fix ans auant fa mort, il fut auffi malheureux en tous fes fucces, qu'il auoit efté heureux par le paffé, iufques à venir en tel mefpris & deſdain des ſoldats de l'armee, qu'ils eſleurēt Baanes pour Empereur en ſa place. Auffi s'eſleua pour lors avec forces l'homme de perdition Mahomet l'an 621.

Conſtans 2. ne fut ny excōmunié, ny depofé par ſentence, tant parce que les affaires de la Chreſtiente eſtoient fort deſ-cōſues & en trouble pour la religion & pour l'Empire, dit Platine, auffi que les Papes eſtoient par la cruauté dudit Empereur ſi tourmentez, qu'ils auoient beaucoup d'affaire à ſe maintenir, teſmoing que les Legats, que le Pape Martin enuoya vers luy pour l'inſtituer, & conuerſit, furent fort tourmentez en leurs perſonnes, par banniſſemēt & longues priſons: & le Pape meſme fut amené priſonnier en Conſtantinople, & depuis relegué en exil, où il mourut miſerablement, les mains & la lāgue couppee, pour la ſeule occaſion de ſon zele pour la foy, & qu'il auoit excommunié & priué par ſentence Paul Patriarche de Conſtantinople pour telle herēſie, comme auoit fait Theodorus ſon predeceſſeur. Il tint auffi à peu qu'il ne fit le meſme au Pape Vitalian. Neantmoins ledict Empereur pour ſon herēſie, & telles perſecutions contre les Catholiques & Pa-

7. Contre  
Conſtans.

3

pes, fut si hay de ses subiects, qu'ils luy brassèrent vne telle partie, que pour sauuer sa vie, il fut contraint quitter Constantinople, & s'enfuyr en Saragocce de Sicile, où il fut tué d'une cruche ou pot à eau sur la teste. Surquoy on notera en passant, que l'exemple de ce Constans, ne peut estre non plus à propos contre nostre proposition, que celui de ce Paul Patriarche, pour prouuer que les Euesques & beneficiers heretiques ne peuuent estre denuez.

*Iustinian  
non heret.*

Quant à Iustinian, le doute n'est pas petit (dict Nicéphore) s'il à esté heretiq. toutesfois tous ceux qui le disent, assurent que ce fut si peu de iours deuant sa mort, qu'on n'en peut estre assuré.

*1. Contre  
Philippus  
que depose  
& excom-  
munié.*

Contre Philippique estant tombé en heresie contre les images, le Pape Constantin l'an 713. & la chrestiente se rendant forte de plus en plus, assenbla vn Concile: auquel fut ordonné de ne le recognoistre aucunement pour Empereur. Et fut par expres deffendu, que son nom ne seroit en façon quelcôque mentionné aux actes publics, ny aux escriptures priuées, ny engrauéés monoyes, & moins nommé au Canon de la Messe. Dont les catholiques, tant le Senat que le peuple esleurent biē tost apres Anastase second, dit Arthemius, lequel le depoussa de l'empire, apres lui auoir creué les yeux, enuoiant au Pape sa profession de la foy catholique, pour oster tout doute, qu'il fut heretique, & afin de nostre exclus de la communion de l'Eglise, & priué de l'Empire.

*9. Contre  
Leon 3.  
excommunié & de-  
gradé.*

Contre Leon 3. surnomé l'Iconomaque 1. Chasse image les Euesques de l'Eglise Orientalle, & singulieremēt celui de Damasque procederēt par Anatheme. Et au couchant le Pape Gregoire second

enuiroꝝ l'an 720. apres auoir essayé par lettres & diuers Nonces & Legats de la conuertir, fit deffen-  
ce à tous chrestiens de ne luy obeir aucunement,  
& moins de luy paier desormais les deuoirs & tri-  
buz ordinaires. Ce qui fut soudain obserué tresbié  
en Italie. Et deslors les Italiens & Vinitiens vou-  
loient eslire vn Empereur catholique, si le Pape ne  
l'eust empesché, pour l'esperance qu'il auoit de sa  
conuersion. Toutes fois il ne sceut si bien faire que  
chacune ville ne se fit vn Duc, & que Paul Epar-  
che de Rauēne ne fut tué par le peuple pour vou-  
loir maintenir l'auētorité de l'Empereur contre la  
Bulle & declaratiō du Pape. Son successeur Greg.  
3. assembla vn Concile à Rome, auquel ledit Leon  
fut excōmunié, & déclaré priué de l'Empire pour  
son heresie contre les images. Dōt toute l'Italie &  
le Pape delaiſſāt l'obeissance ordinaire enuers l'Em-  
pereur de Constā. recoururent à la protection &  
au secours des Frāçois & de Charles Martel, pour  
le zele qu'on voyoit qu'ils auoient à la religion  
catholique. Et pour ceste cause les Occidentaux  
n'ont point despuis ce tēps obey ny reconnu l'Em-  
pereur du Leuant pour leur Seigneur. Et l'on ne  
lit point aulſi que despuis aucun Roy ou Prince  
ait esté heretique en quelque nation que ce soit,  
souz la foy & vnion de l'Eglise Romaine lequel  
n'aye esté depossédé & priué de sa Royauté ou  
Principauté, pour son heresie, ou recheute en infi-  
delité, ou par les siens, ou par les Princes estrāgers  
ou voisins catholiques.

*L'Occident  
se depart  
de l'Emp.  
pour l'he-  
resie des  
Empereurs.*

Ratbodus Roy des Frisons n'est pas si tost retō-  
bé en Idolatrie, que les chrestiens ses subiects ont  
recours à Charles Martel, lequel le força & y remit

*10. Contre  
Ratbodus.*

la religion Chrestienne enuiron l'an 730.

11. contre  
Raimiris.

Raimiris 2. Roy d'Espagne enuiron l'an 900. mit son frere Alphonse, qui estoit aussi R. pource seulement qu'il auoit laïssé la foy Chrestie. en perpetuelle prison apres luy auoir creué les yeux.

12. contre  
Rollo.

Rollo premier Duc des Normans ayant delaïssé la foy Chrest. enuiron l'an 920. il est contraint par l'Empereur Henry premier reprendre la religion Chrest. souz peine de demission de la Royauté.

13. contre  
Trebellius.

Trebellius le premier Roy Chrest. des Bulgares ayât laïssé à son fils son Roiaume pour se retirer & viure en religion Monastique, & iceluy retournaît en son Idolatrie, il sort du Monastere pour faire la guerre à son fils. il le prend, luy creue les yeux, & le condamne à perpetuelles prison l'an 895.

14. contre  
les Sarra.  
R. d'Es-  
pagne.

Les Arabes dit Sarrazins ou Mores ont ils gaigné les Espagnes l'an 714. apres la bataille gaignee contre le Roy Rodrigue, ou il fut tué (non tant par force dit l'Archeuesque Roderic, comme par conuention & traité de paix frauduleuse, accordee neantmoins avec les principaux Euesques & Princes Chrestiens du pays) vn grand nombre de chrestiens, & Euesques, recognoissans la faute qu'ils auoient faicte de se souz-mettre si laschement à gens de contraire religion, induits partie de crainte, partie de leurs promesses, par lesquelles il leur auoient promis & juré en payant les tributs toute pleniere iouyssance de leurs biens & entiere liberte de leur religion (laquelle leur à esté gardee pres de 400. ans) s'estans vnïs & liguez ensemble ils esleurent enuiron l'an 717. pour Roy, vn de leurs Princes & Capitaines nommé Pelagius, Pelayo en Espagnol, avec lequel  
ils



ils se cantonnerent vers les montagnes d'Ogne, & la ville de Lyon, & firēt la guerre aux Arabes, non-obstant le serment de fidelité, qu'ils leur auoient fait, & à Muça leur Roy & Duc: & eurent en telle detestation les autres chrétiens, qui demeuroient es villes & lieux de l'obeissance des Arabes, & qui ne vouloient s'affectionner au fait de la religion, se contentans de viure paisiblement souz les armes & la puissance d'iceux, qu'ils les appellerēt Mixtes ou Metis, qui est de mesme, que ce que no<sup>9</sup> appel-  
 lons ceux qui sont catholiques de nom, & Hugue-  
 nots de factiō, les Vniz, ou Metis ofans dire & pro-  
 noncer, non sans grande mocquerie & mespris de  
 dieu, & à leur cōfusiō. Que leur corps & leur espee  
 est huguenotte, mais que l'ame est catholique.

*Chrestien  
Metis.*

*Catholique  
vniz.*

L'inimitié & la haine s'eschauffa tellement entre les chrestiens obeissans audicts Sarrazins & les autres reduicts soubs Pelagius, qu'ils se faisoient moult grosse guerre les vns contre les autres. Et d'autant que le Roy Alfonce, gendre dudit Pelagius & sien successeur apres Fasille son fils, se demonstra fort vaillant & bien zelé deffenseur de la foy, il fut à ceste occasion surnomé apres sa mort par les siens le Roy catholique, non à comparai-  
 son ou a difference, comme aucuns pensent, de  
 Charles Martel, qui commandoit lors aux Fran-  
 çois, & qui se meit pareillement à faire la guerre  
 aux Sarrazins, ny aussi à difference desdicts Sarra-  
 zins, qui occupoient les Espagnes, & estoient les  
 Seigneurs du pays, moins encores des Arriens,  
 comme s'il auoit exterminé l'Arrianisme (qui est  
 l'opinion cōmune) car cela est trop ridicule: d'au-  
 tant que le Roy Recared les en auoit desia chas-

*Le tiltre de  
Cat. pour-  
quoy attri-  
bué au Roy  
d'Espagne.*

sez & extirpez pres de cent ans deuant, mais seulement (ce que peu de gens obseruent) à comparaison de ses faux, froidz, & non zelez Chrestiens, qui estoÿent vnis, meslez, & obeÿsans aux Arabes: & lesquelz pretendoÿent, pour leur excuse, ou sorte iustification, vne fidelité, obeÿssance, & patience disoient ils) Chrestienne enuers leur prince ou Roy, de quelque religio qu'il fut: & que les autres qui s'estoient despartis de l'Edict de pacificatiō, & du traicté & conuention generale de la Paix, qui auoit esté iurepar les ordres du pais, n'estoient que seditieux, rebelles, perturbateurs du repos public, mauuais Chrestiens, esclaués de l'ambition & de passion de leur chef Pelagius, plustost que seruiteur de Dieu, ou zelateurs de la religion. D'autant qu'ils l'accusoyent de n'auoir prins les armes, ny dressé telle ligue des bons Chrestiens & catholiques, que pour son interet particulier, & pour le desir de regner, & en tous cas, pour se venger d'un autre Prince & Seigneur, dit Munusa, contre lequel il auoit inimitié mortelle, à cause qu'iceluy auoit violé sa sœur, & qui, bien qu'il fut chrestien de religio, tenoit le party, & estoit de la factio des infidelles & Gouverneur du pays de Gigio sous eux: toutefois la verité est, que la guerre, qui se faisoit pour lors de Chrestien à chrestien, n'estoit fondee principalement que sur ce dire & proposition, que les Metis soustenoyent, Que la consideration de la religion n'estoit point necessaire pour pouuoir regner sur les Chrestiens, de sorte qu'iceux ne peussent se soubsmettre de nouveau à vn Seigneur infidelle, les autres au contraire, tenoyent se dire non seulement pour erreur, mais

*Reproche  
contre la R.  
des cathol.*

*La cause  
de la hayne  
du cathol.  
contre le  
Metis.*

aussi pour heresie. C'est pourquoy eux & leur Roy ont obtenu ce nom de catholique, comme estans ceux, qui combatoyent pour l'opinion sainte, veritable & catholique.

La corruption de ce siecle estoit si grande, que les principaux Princes, tât du sang, qu'autres voire partie des Euesques, & mesmemet l'Archeuesque de Seuille, qui se pretendoit Primat d'Espagne, cõtre celuy de Tolete, nommé Oppa, fils de Roy, estoient ceux, qui gaignez d'une moleste, faincantise, & estans enyurez de la douceur de leur patrie de leur reuenus & commoditez, de la paix & repos de ceste vie, & pour la crainte & vaine opinion, qu'ils auoient des grandes forces des Sartzins, alloyent çà & là, pour persuader les Chrestiens à se renger, & se contenir en paix sous leur Seigneur & Roy ia receu, iuré & accordé par eux tous, combien qu'il fut de la religion de Mahomet, alleguans qu'il falloit obeir aux superieurs & Roys, voire infideles, & que les Chrestiens se doiuent contenter, pourueu qu'il les maintint en la iouissance de leurs biens, & notamment qu'ils deuoyent s'accommoder à la necessité du temps, attendant que Dieu y apportat le remede ou qu'il leur vint d'ailleurs quelque grand secours Catholique & Chrestien suffisant pour secouer entierement le ioug des infidelles.

Mais tant s'en faut que la posterité aye loué l'action de ces Chrestiens réporiseurs, & non moins faux Politiques que faux Chrestiens, ou qu'elle aye blasimé l'acte de ces Cathol. zelateurs & de ces Pelagius esleu leur Roy, cõbien qu'il ne fut des plus proches du dernier Roy decedé, & que le chef ou

*Diligence  
& raisons  
des Meins.*

Capitaine des Sarrazins fut leur vray Roy & Seigneur par droit de guerre, de conqueste, & de serment de fidelité: qu'au contraire ceux-là en ont rapporté enuers les chrestiens le nom & le tiltre de Metzarabes, c'est à dire Metis, & enuers les propres Sarrazins qu'ils les mesprisoient, & les reputoient d'autant plus meschans, qu'ils s'estoient souz-mis à gens infideles, pour préférer le monde à la deffence de leur relig<sup>o</sup> de Marranes, qui vaut autant en Arabe qu'Apostat en Grec, & deserteurs ou abandonneurs en François. Aussi nous voyons, que du nom de leur chef dict Oppa ou Yppa, ce nom de Yppé est demeuré pour iniure contre celuy, qui se laisse trop sottement. Et nous iceux ensemble ont esté maudicts & de Dieu & des hommes à jamais, pour auoir par leur grande & extreme lascheté perdu en huit mois ce qui a cousté à reconurer quasi huiet cens ans, avec l'effusion du sang de plus de milliards de chrestiens, qu'il n'eust cousté lors d'hommes.

Mais quant aux autres & à leur Roy Pelagius il en a esté canonisé & appellé saint. Et Dieu à tellement benit le zele de ces cath. & particulièrement la lignee & succession de Pelagius, que c'est le premier, qui a donné commencement aux Rois de Leó & de Castille, & que le Roy Philippe, qui regne auourd'huy, en est (comme disent Vassus & Roderic descendu, sans aucune interruption ou chége de famille. Et en outre ce petit commencement du party des bons chrestiens & catholiques, c'est à dire en cest endroiét zelateurs de la foy, & autant que ceux, qui ce sont souz-mis & maintenus si laschement souz vn Roy infidele, ont esté suspect

Les Metis  
nommez  
Metzarab-  
es.

Origine du  
nom Oppa  
ou Yppé.

Les Cath.  
benits de  
Dieu.

d'apostasie, & subiects à l'inquisition) souz ce Roy, a tellemēt acceu, qu'il a seruy de pied, d'entree, & de moyē puis apres, pour chasser entieremēt d'Espagne les Sarrazins, & d'y conseruer ce pendant en quelques endroits la religion chrestienne en sa pureté: ou sans cela les Sarrazins y seroient encore, & la chrestienté y seroit du tout esteincte. Et c'est la raison aussi pour entendre ce, que peu de gens obseruent, qu'à l'imitation & en consequence dudit Alphonse, le Roy Ferdinand, dit le Grād, a depuis obtenu du Pape long temps apres, c'est à sçauoir en l'an 1487. semblable tiltre de catholique, tant pour luy, que pour ses successeurs, pour auoir paracheué heureusement la besongne & entreprinse encommencee si religieusement par ledit Pelagius & Alphonse, ayāt chassé hors des Espagnes les Mores ou Sarrazins, & deliuré entierement les chrestiens & bons cathol. Espagnols de leur puissance & domination.

*Cause de  
l'origine  
des Roys  
mes de N.  
d'Ar-  
ragon.*

Les catholiques des enuirons les mōts Pirenees vers Arragō & Nauarre, à l'exemple des autres de Castille esleurēt pareillement 15. ans apres à mesme occasion pour leur Roy, Garſie Ximene, qui a esté le premier Roy de Nauarre & d'Arragon: & duquel sont descendus tous les autres. Ce qui est d'autāt plus remarquable, que le R. de N. ne peut pretēdre en Nauarre aucun droit, que cōme estāt vn des descendans & successeurs, où ayāt droit de ce Garſie, & autant par consequent, qu'il est permis au subiect chrestien ou cath. de resister & de mettre le Seigneur infidele ou heretiq. qui de nouueau luy veut commander, en vn estat ja chrestie & cath. & qu'aussi vn chacun acquiert droit & iu-

ste tiltre de regne par ce moyen audit estat.

35. Le p<sup>re</sup>  
cath. aîné  
cité le Roy  
et son pere  
heretiq.

C'estoit avec le mesme zele, que long temps deuant, & lors que l'Espagne n'auoit esté encores commandee que par Roy tous Arriens, Hemergildus Catholique, fils aîné de Leouigildus Roy d'Espagne & Arrien, estant fait Catholique par sa femme, fille de nostre Roy Sigibert, ne douta point de faire vne ligue, & s'eleuer contre son pere, avec la faueur des Catholiques enuiron l'an 580 à l'occasiō seule de son heresie Arrienne. Toutesfois ce ne fut pas avec si bon heur, que Pelagius: car ayant esté assiégé par son pere dans Seuille & s'estant rendu sur la foy & seurété des accords & conuētions de paix, il fut grieuement tormenté, & en fin non seulement tenu inhabile de la succession, mais tué en prison par le propre main de son pere, & ce pour ne vouloit adherer à l'heresie ny renier la foy Catholique, bien qu'en tel cas son pere luy offrit le declarer son successeur, & non autrement. Et tant s'en faut aussi que nos peres ayent blasimé de perfide & rebellion son zele & entreprinse qu'il en a esté recommandé & signalé du tiltre de Saint & Martyr.

Concile de  
Tolete con-  
tre le Roy  
beruig.

Ces exemples ont tellement seruy de terreur & de loy en Espagne, que lon ne voir point, que depuis les Chrestiens y ayent iamais peu ny voulu endurer pour leur Roy, aucun, qui s'etit mal de la foy & religion chrestienne ou catholique: Et ce conformément au 6. Concile de Tolete lequel l'an 637. ordonna (argument certain, que la religion & l'Eglise à tousiours reglé es estats & Royaumes Chrestiens la loy de la constitution ou succession des Roys) Que chacun Roy (il ne



peut parler que de ceux, qui y venoient par succession, d'autant que telle estoit leur forme ordinaire, comme chez nous) deuât de pouuoir estre tenu pour Roy, & estre assis au throne & siege royal (comme il parle) iureroit solennellemēt, non seulement d'estre catholique & d'y perseuerer toute sa vie, mais aussi de ne permettre viure en son royaume aucun, qui sentit mal de la foy catholique & que s'il se trouuoit aucun des Roys, qui contreuint à tel serment, qu'il fut priué de la compagnie non seulement de l'Eglise, mais aussi du commerce des chrestiens avec tous ses adherens, tant ecclesiastiques, qu'autres, & qu'il fut anatheme & excommunication à vn chacun, voire l'apast ou nourriture du feu eternel. Ce sont les propres mots.

Nous lisons aussi en Isidore, que Victorius Roy d'Espagne fut tué en disnant l'an 608. par les catholiques, par ce qu'il y vouloit introduire de rechef l'heresie des Arriens, combien qu'il fit belle demonstration de catholique. Qui fut cause, que pour obuier au changement de la religion, & que la couronne ne tōbast en vn heretiq. ou autre qui les peut fauoriser, au Concile 4. de Tholede 20. ans ou enuiron apres, il fut ordonné à l'approbation du Roy Sisenande, des Princes, & de tous les ordres du royaume, qu'aucun ne pourroit estre constitué Roy (bien qu'il vint par succession) que par le cōmun aduis & conseil des principaux Seigneurs chrestiens, & notamment des ecclesiastiques: par ce qu'il n'est pas volōtiers à croire qu'ils y mettent ou reçoient vn heretique, ou nul qui sente mal de la foy. Et ledict Concile ne craignit point, que ce fut entreprinse sur la souueraineté

*Nul ne  
peut estre  
Roy s'il  
n'est Cath.  
& s'il ne  
iure chas-  
ser tout he-  
retique.*

*16. Roys  
suspects he-  
retiq. tué  
par les Ca-  
tholiques.*

*Nul Roy  
receu sans  
l'approba-  
tio des Ec-  
clesiastiq.*

des Roys, ny sur la iurisdic<sup>ti</sup>o temporelle, de desposséder le Roy Snintilla, qui auoit vsurpé la royauté par autre voye, & de le declarer non seulement priué à iamais de l'entree de l'Eglise, mais de la compagnie & conuersation de tous les chrestiens & catholiques, voite exclus de tous honneurs & grades, & par expres d'estre inhabile de la succession du royaume.

L'exemple que nous auons allegué du Roy Vitziza depolé, & ce pour sa mauuaise vie, & pour l'heresie & attentat contre le celibat des ecclesiastiques, peut seruir en cest endroit.

Côme aussi celuy des Comtes Raimō de Tholoze, tant pere que fils, desquels le premier pour auoir esté relaps, fut non seulement excommunié & destitué, mais aussi priué entierement & pour tousiours de sepulture sainte, bien qu'il fut mort avec repentance, & quelque instance que son fils, qui s'estoit conuertý à la foy catholique, en peut faire enuers le Pape & le Roy.

Mais pour retourner aux Empereurs du leuant, & ne laisser aucun exemple, sans y verifier & faire toucher au doigt, cōme les catholiques se sont tousiours oppolez à leur domination, ou l'ont tousiours detestee, selon que le tēps leur a peu permettre. Stauratius l'an 811. Empereur heretique, bien que venu par legitime succession, ayāt esté couronné du viuant de son pere Nicephore, qui estoit catholique, il ne fut pas si tost decouuert Iconomaque, qu'il est depolé & renfermé dās vn Monastere, & vestu d'un habit de Moine par l'auctorité du Senat de Cōstātinople, qui y mer en sa place, avec le consentement de l'armee, Michael Curolo pate

17. Contre  
Vitziza.

Page 318.

18. Contre  
les Comtes  
de Tholo-  
ze.

19. Contre  
Stauratius

bon catholique & son beau-frere.

Leō Armenius, qui a enuahy & occupé l'Empire sur ledit Michael, estant tombé en mesme heresie, par la crainte de la prognostique d'un Moine heretique, qui lui predisoit autrement tout malheur, & au contraire tout heur (de mesmes que Brocard & les Huguenots font au R. de N. par leurs Almanacs & predictions ) le Patriarche S. Nicephore s'opposa directement à luy, & reprouua d'impieté par escrit & par paroles son Edict contre les SS. Images. Qui fut cause, qu'il l'éuoya en exil, & qu'il vfa de beaucoup de cruauté contre les catholiques. Et combien qu'il fut tres-accomply au reste pour le gouuernement de l'estat politique, soit en l'observation seuerie de la Iustice, l'establissement & la trrie de bons Magistrats sans venalité aucune, soit pour le soulagement du peuple, & generalement pour n'auoir rien oublié de tout ce, qui estoit necessaire & vtile pour la chose publique, dit Cedre. toutesfois il vescu en perpetuelles & incroyables deffiances: & en fin il fut tué dās sa Chappelle pres l'Autel, d'oū il auoit osté les sacreez images, son corps trainé par la ville, & ses quatre enfans, voire celuy qui estoit nommé empereur, chastrez, & enuoyez en exil avec leur mere, par la menee des Princes, & singulieremēt de Michael le Begue son compere, qui fut esleu & receu empereur, avec grand applaudissement de tous, bien qu'il eut encores les fers aux pieds, pour auoir esté condamné par ledit Leon à estre brulé, & qu'il fut tenu en vne prison miserable.

Ledit Michael le Begue, combien qu'il fit du catholique, & eut promis au Patriarche Nicepho-

20. Contre  
Leon 5.

21. contre  
Michael.

re, de ne rié innouer au taict de la religion, si est-ce que s'estant rédu la sentine des sectes, comme parle Zonate; & imitateur en tout de Copronime, il ne fut pas long temps, sans que les catholiques favorisassent Thomas dit Constantin, qui se fit nommer Empereur, & lequel faisoit du catholique ayant esté couronné par le Patriarche d'Anthiochie, & receu tellement de tous ceux, qui hayssioient Michael pour son heresie, dit Cedren. Grec, qu'il obtient en brief quasi toute l'Asie & Thrace, iusques à tenir long temps assiégué Michaël dans Constantinople, sur l'esperance qu'il auoit que les catholiques luy ouuriroient les portes. Les Sarrazins d'Espagne voyans ceste diuision, ne faillirent pas d'en faire leur profit, & occuperent en ces entrefaictes l'isle de Crete dite Candie, & par leur moyen Euphemius fut appellé Empereur, & se faist de la Sicille. Et la Dalmatie, autrement la Sclauonie se despartit entierement de l'Empire Romain.

12. contre  
*Theophile.*

Contre Theophile, enuiron l'an 840. fils dudit Michael, plus meschant que tous les predecesseurs & le dernier Empereur du Leuât, qui se trouue heretiq, l'armee qui estoit en Perse salue pour l'Empereur vn Theophobus: & n'est merueille si l'on ne voit plus grand ressentiment des catholiques, ny d'excommunication ny disposition contre luy: d'autant que le nombre des heretiques estoit fort acreu par persecutions & vexatiōs inoues contre les catholiques: & ceux qui estoient pour lors Patriarches, estoient pareillement heretiques, apres que Methodius Patriarche de Constantinople catholique eut esté enuoyé en exil, & grandement tourmenté,

Touresfois la liberté de parler n'estoit pas tellement perdue d'entre les catholiques, que les Moines dits Abrahamites, & d'autres, ravis d'un saint zele, ne s'assemblassent en troupe pour luy résister en face, & luy prouver par bonnes raisons l'impiété de son hérésie. Et les Papes ne se mesloient quasi plus du Levant, tant pour y estre hays à cause de la translation qu'ils auoient faict de l'autorité & des marques Imperiales aux François, que d'autant qu'ils remettoient à Dieu de les déposer comme gens reprouvez, l'Empire n'y estant plus conserué (dict Palmerius) que de nom seulement, tant à l'occasion que les Romains & tout le Couchant s'en estoient departis que par continuelles incursions, que les Barbares y faisoient.

Nous ne nous arresterons point icy à descrire comment l'Empire est deuenu aux François en la personne de Pepin & Charlemagne, tant pour eux, que pour leurs successeurs, ny comme ils ont esté reuestus & agrandis par l'Eglise & les catholiques des despouilles des Empereurs du Levant, à l'occasion qu'ils estoient heretiques, parce que c'est chose connue à vn chacun, & que le precedēt en sert de bonne indice ou preuue.

*L'Emper.  
deuolu aux  
François à  
cause de  
l'heresie des  
Emper.*

Biē dirons-nous comme de tous les Empereurs du Couchant & de l'Eglise Latine, il ne s'en trouue acū, qui aye esté preuenu ny suspect d'herésie, que Henry quatriesme dit le Gros, à raisō duquel a esté dictē l'herésie Hericienne, touchant la symonie, outre qu'il tenoit celle contre le Celibat des Prestres. Toutesfois il tomba en vne faiso & souz vn Pape Gregoire 7. qui ne faillit pas l'ā 1076. sui-

*13. contre  
Henry 4.  
deposé &  
excommunié.*

uât l'aduis & la resolution prinse au Concile de La-  
 tran, tenu à ces fins de 110. luesques, d'absoudre / ça  
 este le premier empereur Latin excommunié & de-  
 posé / ses subiects du serment de fidelité, le declarer  
 indigne & priué de toute autorité Imperiale, & de  
 l'excommunier / car ainsi voyôs nous qu'au formu-  
 laire, qui nous en reste, l'excommunication suit la  
 deposition. ) A l'occasion de quoy l'Imperatrice Ag-  
 nes se retira de sa compagnie à Rome. Les Alle-  
 mans, principlemēt les Saxons esleurent pour Em-  
 pereur Rodolphe Duc de Sueue, auquel le Pape  
 enuoya la couronne Imperiale. Les Hongres se re-  
 uolterent en despit de leur Roy Salomon qui te-  
 noit son party, comme son beau frere, & lequel à  
 ceste occasion ils deposèrent & tindrent en lon-  
 gues prisons. Et presques tous les Princes & subiects  
 catholiques renoncerent quasi aussi tost à son Em-  
 pire, & se departirent entierement de sa domina-  
 tion, les cornes de l'Eglise Romaine ( dit l'Abbé  
 Vspergence, que nous nommons d'autât plus vo-  
 lontiers, qu'il est fort loué des heretiques ) estans  
 esleuees par la sagesse & bonté diuine. De façon  
 qu'il fut contrainct par necessité de recourir au  
 Pape, pour luy demander l'absolution avec gran-  
 de humilité, prosterné à terre, vestu d'accoustre-  
 ments de laine bien simples, & marchât des la por-  
 te de la ville les pieds nuds, bien que ce fut au tēps  
 de grandes froidures, avec vn grand & solemnel  
 serment de n'y retourner plus. Mais s'estant  
 rendu relaps, & estant receu en sa premiere  
 obstination & schisme, il n'en sortit pas à si bon  
 compte, d'autant que par sentence du Pape Pas-  
 chal 2. prononcee en vn autre Concile de La-

*Les subiects  
 se desherant  
 de l'Empereur heret.*

*H. ary r.  
 l'aps d'gre-  
 di.*



tran, assemblée pour ceste seule occasiō, il fut de re-  
 chef priué de tout droit de l'Empire, & excommu-  
 nié. Et cela tant du consentement de toutes les na-  
 tions chrestiennes, de tous les Princes de l'Empire,  
 & autres, que singulieremēt de nostre Roy Philip-  
 pes & des François. Et suiuant cela il fut par effect  
 dans la ville de Mayence degradé & despouyllé  
 publiquement sur vn eschaffaut de tous ornemēs  
 Imperiaux (comme de la Croix, la Lance, la Pom-  
 me, le Sceptre, & de la Couronne, comme il dit luy  
 mesmes en son epistre) par les Euesques de Mayē-  
 ce, Cologne, & Vvorme: lesquels en reuestirēt son  
 fils Henry 5. le subrogeās en sa place, en recognoi-  
 sance du deuoir, qu'il auoit rendu à la religion ca-  
 tholique, pour laquelle il n'auoit point craint d'ē-  
 treprendre la guerre contre son propre pere: afin  
 de purger (disoit-il) luy mesmel l'Empire de ceste  
 note d'infamie. Car autrement, selon la dispositiō  
 du droit commun, les enfans des heretiques ius-  
 ques à la seconde generation sont incapables, non  
 seulement de tous benefices, mais aussi de toutes  
 dignitez seculieres. Et depuis sa degradation il fut  
 detenu en perpetuelle prison, iusques à sa mort. Et  
 quelques lettres qu'il fit au Roy & aux autres  
 Princes chrestiens, pour le secourir contre son  
 fils, nul ne s'en voulut remuer aucunement, com-  
 me iugeans sa cause damnee, voire mesmes ayant  
 esté desenterré & transporté de Liege à Spire, il  
 demeura cinq ans sans sepulture, selon les peines

*Empereurs  
 relaps sans  
 sepulture.*

Et tant s'en faut que ledit Héry 4. quelque mes-  
 chāceté qu'il eut, ou quelque rage qu'il portat cō-  
 tre les Papes legitimes, fut si impudent, ny sceleré,

*Henry ac-  
corde que  
l'heresie est  
suffisante  
à déposer  
l'Emper.*

*Gregoi. 7.  
sens pour  
sainct.*

*Sentence no-  
table.*

que d'oser maintenir à la face de la chrestienté que  
vn Empereur ne peut estre depose pour l'heresie,  
que nous trouuons en l'epistre qu'il fit publier cõ-  
tre ledit Gregoire, souz ceste adresse à Hildebran  
faux Moine (ainsi l'appelloit-il par opprobre) &  
laquelle est rapportee tout au long par les hereti-  
ques cõturiateurs de Magdebourg, vn tesmoigna-  
ge de luy, qui donne grand coup à nostre subiect:  
parce qu'il recognoist & confesse par mots expres  
& diserts, que selon la tradition des saincts Peres,  
tout Roy empereur peut estre depose pour here-  
sie ou Apostasie, combien, dit-il, que la prudence  
des saincts euesques eut remis à Dieu seul, de de-  
poser Iulian l'Apostat. Vne chose ose-il bien con-  
tester, que leur depositiõ n'estoit point licite, que  
en ce seul cas du deuoyement de la foy, il nie aussi  
qu'il fut en ces termes, ny que ledict Pape fut esté  
esleu & ordonné canoniquement, pour pouuoir  
iour de l'auctorité & prerogatiue qu'il accordoit  
(tant cela a esté tousiours certain entre les chre-  
stiens) estre aux vrayes Papes de l'eglise Romaine  
en tels faits. Dont nous lisons es auteurs de ce  
temps là, qu'ils louent fort ledict Gregoire pour  
ladiete deposition, & pour sa grande saincteté de  
vie. iusques à auoir fait miracles: & ils tesmoignent  
aussi comme tous bons chrestiens & catholiques,  
tant seculiers qu'ecclesiastiques furent extreme-  
ment aises de la priuation dudit Héry. Et entre au-  
tres il se voit en vne epistre d'Estienne euesque de  
Namburg, qu'apres qu'il a prouué que ledit Héry  
estoit heretique, il conclud ainsi: Partant estant  
excommunié du sainct Siege pour tant de maux,  
il ne peut exercer aucun regne ny puissance quel-

conque sur nous: d'autât que nous sommes catholiques. Il y eut plusieurs, & entre autres ledit Gregoire, qui firent des liures expres sur ceste questió, lesquels nous regrettons grandement d'estre perdus, par ce qu'ils seroient plus que suffisans pour enleuer maintenant tout doute à vn chacun.

Nous ne vous parlons point d'aucun de noz Roys par ce que, graces à Dieu, nous auons faute d'exemple domestique d'un Roy apostat ou heretique a faict. Mais aussi nous ne pouuons dissimuler, & ne recognoistre pour vn fait fort singulier, & vn iuste iugement de Dieu, Que Dieu n'a point permis, qu'autre de noz Roys aye esté tué par la menée & coniuratió d'aucun de ses subiects (chose ordinaire toutefois és autres estatz & nations) que le seul Chilperic 1. comme il se trouue seul de tous noz Roys, qui aye esté entaché d'erreur en la foy, combien que sans opiniastrété, car par l'opposition & instruction des Euesques, il s'en desista quasi aussi tost, & abiura ce qu'il auoit dit, cōme estant l'heresie (dit l'historien) chose indigne d'un Roy de France, sur le throne de laquelle n'assist iamais vn Roy heretique: & cōbien aussi qu'il se rendit depuis, ou du zele, ou de craincte d'estre depossédé comme suspect, si obseruateur de la religion chrestienne, que d'auoir mis en Monastere, & à ce qu'aucuns escriuent, faict mourir son fils vnique Merouee, à cause qu'il auoit espousé Brunehaut vefue de son oncle, contre les Canons & loix de l'Eglise chre. & cath. enuiron l'an 580. D'autant, que cōme nous lisons que Dieu n'a laissé iamais impuny en ce monde és Roys d'Israël & de Iuda le crime d'idolatrie, ou autre acte cōtre la ro-

24. Cōtra  
Chilperic  
premier.

ligion, bien qu'il soit pardonné en l'offence & coulpe, aussi il nous chastie ordinairement par mesme façon que nous l'offençons, & par la rebellion des autres il venge nostre rebellion contre luy.

*L'heresie  
de l'Empe.  
des Rois  
voisins  
cause de  
noſ Rois  
Et du Roy-  
aume.*

Nous ne pouuons non plus passer soubz silence comme l'occasion de l'origine & commencement de nostre Royaume en la personne de Clouis, autrement Louys premier n'est preuenue que de l'opiniõ que nos anciẽs Gaulois chrest. ont tousiours de ne deuoir obeir, selon Dieu & leur consciẽce, à vn Seigneur heretique, s'ils pouuoient s'en exẽpter, Car nous lisons cõme ledit Clouis conquist l'Empire des Gaules, & fonda le Royaume des François plus par la faueur des catholiques, & singulieremẽt par l'ayde des saincts Euesques de ce temps là, qui luy sceurent gaigner la creance enuers le peuple & les grands Seigneurs du pays, que non par sa vaillance, ou par la force des armes. Les vns disent, que ce fut principalement par la conduite & diligence de l'Archeuesque de Reims, S. Remy, de S. Lou Euesque de Troye, & de S. Agnan Euesque d'Orleans. Les autres y adioustent S. Medard Euesque de Soissons, l'Abbé de Chartres nommé l'Annonciat, S. Maissan Abbe de Poictiers, S. Eufraſius Euesque d'Auuergne, & d'autres grãds personnages Gaulois. Mais par qui que ce soit, de tous ensemble, ou d'aucuns d'eux, si est il bien certain, que les catholiq. & leurs Euesques l'an 500. du Sauueur, au 30. de son aage, & le 15. de la domination & succellion à Merouee son pere, baptizerent, sacrerent, couronnerent, & nommerent Clouis (apres luy auoir changé ce nom en Louys) pour le premier Roy des François, & des Gaulois

lois conioinctemēt, de Duc & Gouverneur qu'il estoit auparauant des François, f'estant deslors les Gaulois soustraits & departis pour tousioursmais de l'obeissance & sujection de l'Empire Romain à l'occasiō qu'il estoit tenu bien souuent par Empereurs heretiques, & singulierement par ce que l'Empereur Anastase premier, que nous auōs dict viure pour lors, estoit tel.

Ils voyoient l'Empire tenu par vn Eutichien & Manichien tenant es Gaules pour son Lieutenant general Siagrius Patrice Romain, qui suiuoit son humeur, l'Italie occupee par le R. des Gots, & Ostrogots Theodoric ou Thierry Arriē, introduit & estably par l'autorité & consentement del'Empereur & la pluspart des Gaules de dela la Loire (ainsi parle S. Gregoire de Tours) commandees par Allaric Vvisigoth & Arrien: comme pareillement la Bourgongne, Dauphiné, & Prouence par Gondebaut oncle paternel de la Roine Clotilde, & Arrien manifeste. Car bien qu'il fut Catholique en son ame, il n'osoit toutesfois nonobstant les sainctes remonstrances de S. Auit Euesque de Vienne le descourir, ny en faire profession de peur de son peuple (dit nostre S. Greg.) qui l'eust chassé ou tué à ceste occasion: tout ça esté tousiours vne generale opinion & cōmun sentiment de toutes les nations & singulierement de celles, qui ont pensé estre vraiment Chrestiennes, de ne permettre autre leur commander, qui ne tint leur religion, ou qui ne fut de leur Eglise. Lesdicts Catholiques se resolurent partant de secouer entieremēt le ioug de l'Empire, & d'auoir vn Roy propre & particulier sur eux, leur natiō, & leur Estat,

*La cause  
& motif du  
roiaume de  
France.*

*Roy qui dis  
simule sa re  
lig. de peur  
des suiecls.*

Ec

*Les Eue. fa-  
uorisēt Cl.  
en haine  
de l'heret.*

*L'heresie de-  
stinée tout  
Seigneur.*

lequel fut non seulement chrestien, mais sur tout catholique: & lequel les peut deffendre, & deuit maintenir le royaume à perpetuité, non tant en leurs biens & ses limites, comme en la foy & religion catholique, en repoussāt & chassant tous heretiques, qui sont les plus grands ennemis mortels & iurez & de Dieu & des chrest. & du repos d'un estat. Tellement que les Euesques Gaulois de ce temps là ne se contenterent pas seulement d'auoir gaigné, que Clouis qui leur commādoit, fut chrestien & catholique avec les principaux de la natiō Francoise, mais aussi ils l'exciterent tout aussi tost à exterminer les Arriēs d'entr'eux, & de toutes les Gaules, & notammēt à ne point faire difficulté à despoiller & deposseder les Roys heretiques, qui y en iouyssoient tant Gots, Visigots, Ostrogots qu'autres. Ce que mesme leurs propres subiets cathol. (dit le mesme S. Gregoire) desiroient infiniment & d'auoir Clouis pour leur Roy, biē faschez d'estre sous la subiectiō des heretiques, de façon qu'ils commencerent à pratiquer & faire ligue secrete avec luy. Qui fut cause que les heretiques s'en estans apperceuz entrerent en grande desfiāce contre eux, & singulierement contre les Euesques, tēsmoin que ceux de Roden allerent pour tuer S. Quintiā leur Euesque, s'il n'eust scampé dès la nuit, & ne se fut retiré en Auvergne (d'ou il fut depuis Euesque, en recognoissance notamment que son exil ne prouenoit que pour la religion) parce qu'il les vouloit reduire sous Clouis à cause & en haine de l'heresie de leur Roy, tāt les plus saincts des catholiques & singulieremēt les François & Gaulois ont tousiours tenu pour tout cer-



tain que l'heresie est vn moyen suffisant de les exempter enuers Dieu & les gés de bien de l'obeissance de leur Seigneur heretique: & que leurs biens, honneurs, & royaumes sont & appartiennent de droict diuin & humain au premier cath. suiet ou voisin, q' l'en peut chasser & s'en redre le maistre.

Ce que Dieu a bien voulu confirmer de sa part, ayant tesmoigné, que ny l'entreprise de Clouis, ny celle des François ses naturels subiects n'a point esté vsurpation, soit contre l'Empereur, soit contre les Roys voisins, & iceux tous heretiq. ny que pateillement l'office des cathol. Gaulois tant du Clergé que des autres estats, qui luy ont tenu la main, & lesquels se sont souz-mis à luy, n'a point esté rebellion, ains deuoir de religiō & vne action sainte & fort agreable à sa diuine Maiesté. Laquelle à ces fins a enuoyé à Clouis avec l'aurislan pour terreur des ennemis de la foy, de tres-grādes & merueilleuses victoires. Et pres la ville de Tolbiac contre les Allemans (qu'il rendit ses tributaires, ce que les Romains ne peurent jamais en vertu & en recōpence de la promesse & du vœu qu'il fit d'estre chrestien & catholique: & à Soissons contre ledit Siagrius, qui s'opposoit à luy pour l'Empereur: & pres de Conflans en la môtagne, ou est la tour de Montjoye: & vne autrefois pres Poictiers contre Alaric (où Clouis l'occit de sa propre main, chose rare qu'un chef d'une armee ait de sa main en combat tué l'autre), en vertu du vœu qu'il fit de doter l'Eglise de Sainct Hilaire de Poictiers (tesmoing sa Pancarte, qui en reste aux Archiues d'icelle) & de bastir à Paris (qu'il auoit erigé en chéf ou ville capitale du Royaume)

Dieu mō-  
stre que  
Cl. n'est  
point vsur-  
pateur.

Victoires  
de Clouis

l'Eglise de S. Geneuiefue ( qui viuoit pour lors )  
fouz le nom de S. Pierre & de S. Paul, ayant par ce  
moyen estendu & dilaté son Empire iusques en  
Bearn & les mons Pirenees.

*Le Chref-  
me distin-  
gue le Cat.  
de l'Arrié.*

Et comme la premiere & principale ceremonie,  
qui distinguoit le Catholique de l'heretique Arrié,  
consistoit à estre crespiné & oinct du saint huile,  
outre le Baptisme, qui distingue le Chrestien du  
Payen ( c'est ainsi que S. Gregoire de Tours & és  
anciens s'entend, il a esté oinct du S. chresme, c'est  
à dire, il l'est fait Catholique ) aussi Dieu à bien

*Clouis le 1.  
Frâç. Chr.*

voulu fauoriser Clouis, cōme nous trouuons que  
il a esté le premier Chrestien & baptizé à la Ca-  
tholique de tous les François & de toute ceste na-  
tion, d'une singuliere grace & speciale prerogati-  
ue, en luy enuoiant du ciel au iour de son Baptes-  
me par vn colomb blanc ( figure du S. Esprit ) la  
sainte Ampoule ( disent Ammonius, Ephordien-  
sis, S. Thomas & plusieurs autres. ) Et par ce que  
lors de ceste onction & en consideration d'icelle,  
& qu'elle le demonstroit estre Chrestien & Ca-  
tholique, comme estant des despendances des ce-  
rimonies de son Baptisme Catholique, il fut tout  
ensemble crié reclamé & recognu du nouveau  
tiltre de Roy, & couronné par S. Rémy & les Ca-  
tholiques ses bōs sujets. D'où la coustume est ve-  
nue, que ses successeurs en la royauté sont sacrez  
de ceste sainte liqueur le iour & à l'heure qu'ils  
sont pareillement proclamez Rois, receus & re-  
cognustels de tous les ordres par acte public &  
solennel, pour monstrier que comme la religion  
Chrestienne & Cath. tesmoignée & protestee par  
le Baptisme & l'Onctiō en la personne de nostre

*L'ocasion  
du sacre des  
Rois.*

premier Roy a esté cause de sa qualité de Roy & de l'erection de l'estat des François en royaume, aussi que nul n'en peut estre roy qui ne soit Chre. & Cath. tout ensemble, & que cōme tel, & outre le baptesme & le chresme ordinaire & annuel fait par benedictiō Episcopale, qu'il a receu, il ne soit marqué de ceste mesme onction diuine en declaration & signification qu'il est Cath. & de mesme foy que Clouis : & qu'il est obligé de viure & de exercer sa charge roiale au seruice d'icelle, selon l'obligation passée par le vœu de Clouis, faisant tant pour luy que pour ses successeurs.

A cela mesme se rapporterent les armes de nos Rois & du Royaume, qui consistent en l'escu des trois fleurs de lys, lequel on tiēt luy auoir esté enuoie de Dieu, pour confirmation de la foy Catholique touchant la Trinité ( selon que nous trouuons que lors Dieu l'a voulu tesmoigner souuent par semblables missions celestes, tantost de trois gouttes cristallines & esgales, comme tesmoigne nostre S. Gregoire, tātost par autres choses triples & vnes) & qu'en reuerence & memoire perpetuelle de ceste mission diuine, aduenue pres de Poissy, l'Abbaye de loye-en-vala esté nōmee & bastie. Tesmoing qu'encores l'on y monstre l'escu premier à trois fleurs de lys : ou deuant les armes de nos Ducs & de leur peuple estoient de trois diademes ou couronnes de gueules en champ d'argent (car ceux se trompēt, qui pensent qu'elles fussent de trois crapaux, ou bien de trois croissans.) Mais soit que tel escu de trois fleurs de lys en champ d'azur aye esté enuoie de Dieu ou nom, si est-il bien certain, qu'il ne peut auoir esté

*La cause de  
l'escu à 3.  
fleurs de  
lys.*

*Les armes  
anciennes  
des François.*

*La foy cat.  
cause du  
roiaume de  
France.*

prins ny tiré que de la foy & religion chrestienne & catholique, & du mystere de la sainte Trinité, pour témoignage & marque, que la foy catholique, touchant la sainte Trinité (qui estoit l'article de foy debatue en ce temps là, & par ledit Anastase Empereur, qui inferoit vne quaternité de personnes par la constitution de deux personnes en Iesus Christ, & par Alarie, Theodorice, Goudebaut & autres Ariens, qui soustenoient vne triplicité de essence, aussi bien que de personnes) estoit la cause de ses victoires, & de la naissance, accroissement & felicité de la roiauté & du roiaume: & que la couronne & toute la dignité, grandeur & force du roiaume & de l'autorité des Rois, n'estoit assise ny appuyee, que sur le bouclier, paouis, ou l'escu des trois fleurs de lys, c'est à dire, sur la profession de la foy Cathol. en vn Dieu Trin & vn. Et partant que celuy, qui est heretique, ou d'autre religion, que celle de Clouïs, Clotilde, & S. Remy (laquelle les Huguenots appellent Papistique) comme il n'a point en effect ce que ces armes signifient, aussi il ne peut, ny ne merite de porter ce signal, le nom, & les armes du Roy de France, c'est à dire, du Roy tres-Chrestien & de la nation tres-catholique.

*Blason de  
l'escu de  
France.*

Car à la verité, à quel autre blason où signification se peuuent rapporter ces trois fleurs de lys, qui est le symbole ancien de l'esperance, tesmoin les vieilles medailles, & Anethises en Virgile: & laquelle presuppose la foy & la charité, & cōme nous ne pouuons esperer qu'en celuy, que nous cognoissons & aymons: & que sans l'esperance de la vie future, la religion chrestienne n'est que vanité & vne

chanſon (dict S. Paul) mais principalement par ce que Clouis avec nos premiers Peres auoit mis la force de ſes armes & de ſon eſtat en l'eſperance de la religion, comme remarque tres-bien Emille, à couleur, non de blanc, bien que ce ſoit le naturel du lys, ny de rouge, ou de noir, comme és autres eſtats & Princes, ny auſſi de diuerſes couleurs, mais d'une ſeule, & celle-là, d'or, auquel reſpond la planete du Soleil, & en champ non de verd (comme eſt le pied du lys) mais d'azur, qui eſt la couleur celeſte: ſi non pour monſtrer que la vraye eſperance, les vrays armes offenſiues & deſſenſiues, la force, l'appuy le plus aſſeuré, l'eſcu & bouclier, le plus ferme fondemēt & la forme naturelle & eſſentielle du roiaume & de la roiauté Françoisē, prouiet, conſiſte, & ſe reſout en la foy catholique? Et pour parler plus proprement. Que la Nobleſſe & grāde prerogatiue du Roiaume & de nos Rois (car auſſi le vray & ancien vſage des armoiries, n'eſt que pour certaine marque de nobleſſe) ſur tous les autres Rois & eſtats du monde, prouient [ſuiuant ce que nous auons cité de S. Gregoire Romain] non du tiltre de Roy, qui eſt commun à pluſieurs, mais de la cauſe & raiſon d'iceluy, c'eſt à ſçauoir, de ce, qu'il a eſté impoſé & dōné à Clouis, & à luy ſeul, ou pour le moins à luy le premier de tous les Rois du monde, confirmé & continué à ſes ſucceſſeurs, apres, & à cauſe principalemēt de leur foy & religion Cathol. qui eſt la choſe ſans difficulté la plus noble de tout ce qui reſte ſouz le ciel, & laquelle ſeule euſeigne de croire, d'aimer ſur tout, & d'eſperer comme il faut en ce vray Soleil, le Dieu Trin en trois perſonnes, & vn en vne eſſence, que les

*Eu quoy  
conſiſte la  
grandeur  
de nos Rois.*

*Le tiltre de  
Roy à cau-  
ſe de la foy  
Cathol.*

seuls Catholiques, & qui sont de l'Eglise Apostol. Romaine, sçauēt seruir & adorer, lequel habite és cieux, & qui aussi a reserué & remis le principal loyer de ses seruiteurs.

*L'Emp. recherche Clouis.*

Le zele de la religion Catholique, & les victoires de Clouis le rendirent si redoutable & craint de tous, mesmes de l'Empereur Anastase, bien que fort esloigné de luy, qu'iceluy fut bien aise de l'appaiser en luy quittant les Gaules, & de l'auoir pour amy, puis qu'il ne le pouuoit auoir pour sujet: & à ces fins le preuint par Ambassadeurs, & par plusieurs honnestes & grands presens, luy enuoiant entr'autres presenter le manteau Imperial de pourpre, & les autres marques, ornemens, & tiltres consulaires, patriciens & roiaux, & notamment vne couronne d'or enrichie de precieux ioyaux. Laquelle par l'aduis & bon conseil de S. Remy enuoiant à Rome vers le Pape pour luy rédre l'obedience, que les Rois & Princes Cathol. ont accoustumé de luy faire, à leur ou sien aduenement, il enuoia le premiers de tous les Rois du monde, à l'Eglise de S. Pierre offrir à Iesus Christ, par forme de dedicace de sa roiauté nouuelle, & de son royaume, & en recognoissance & hommage de ne tenir que de luy, de ces Apostres & Euesques, & de la foy & religion Chrestienne, Cath. Apost. Romaine, la coutonne, l'autorité & le bõ heur & succez de sa roiauté: tellemēt que la reuerence de nos Rois enuers le S. Siege Apostolique & l'Eglise Romaine a commecé avec les premiers fondemens du royaume.

*Clouis enuoie offrir à S. Pierre à Rome sa couronne.*

Et voila commēt la couronne, le nom de Roy, & de royaume, & tout le droit, que tous nos Rois,



comme vrais & legitimes successeurs de Clouis, ont eu depuis es Gaules, à prins sa source. Et n'est fondé principalement que sur la foy Cathol. de Clouis, pour l'amour de laquelle Dieu l'a deliuré du danger de ses ennemis, & luy a baillé le dessus contr'eux, & sur les estats des Rois heretiques, aiant disposé les cœurs des Catholiques de se soumettre volontairement à luy, & le creer & crier pour leur Roy. De sorte qu'il se peut dire avec verité, que tout le droit originel & primitif, que nos Rois ont sur ce royaume, n'est appuyé que sur le seul droit d'exclusion ou deposition d'un Empereur ou Roy, pour cause d'heresie, & d'autant qu'elle descharge de soy-mesmes, & rend libres les subjects de toute seruitude & sujection naturelle ou promise par serment de fidelité, & que les biens & royaumes des heretiques sont iustement acquis à celui des Cathol. qui s'en peut rendre le maistre. Autrement & sans cela, Clouis, & tous nos peres meriteroient iustement le tiltre des rebelles, voleurs & tyrans, & nous d'enfans de reuoltez, mutins & criminels de leze Majesté diuine & humaine.

*Tout le droit de nos Rois ne procède que de la nécessité des heretiq.*

C'est chose, qui n'est pas propre & speciale à nostre seul royaume, mais qui est cômune à tous les principaux estats de la Chrestienté. L'empire Chrestien sur l'Orient & Occident vnies ensemble, & depuis séparé en deux, en a prins son cômencement, & par Constantin & par Charlemagne. Les royaumes de Castille, & singulierement celui de Navarre, comme aussi la Viscomté de Bearn, & l'uniõ dernière de la Comté de Thoulouse à la couronne de France, outre tant d'autres, dont nous auons fait mention:

de ne receuoir ou obeir, moins de chasser & depos-  
 ser les Rois & Empereurs heretiques, pour raison  
 de la religiō, ains qu'ils les ont receuz indifferem-  
 ment, avec mesme obeyssance & fidelité, selon les  
 loix d'estat sans distinction de religion, & autant  
 que fils eussent esté cath. Car outre que c'est vn  
 dire & vne opinion heretiq. fantastique, impie, &  
 sans autorité ou fondemēt quelcōque, il appert  
 par ce que dessus de tout le contraire, & cōme les  
 chrest. & cath. & notamment les SS. Euesques &  
 Ecclesiastiques ont tousiours mieux aimé prefe-  
 rer le roiaume de l'Eglise, à celuy de la terre, les  
 loix & l'honneur de Dieu, les moyēs de leur salut,  
 & la cause de la religion cathol. à tout respect hu-  
 main enuers les Rois prophanes ou heretiques, &  
 enuers la paix de ce mode & la iouissance de leurs  
 biens, pour n'auoir receu iamais de bon gré à Sei-  
 gneur, autres qu'un chrestien & catholique. & pour  
 auoir tasché tousiours n'obeir qu'à des Princes ca-  
 tholiques & chrestiens, tant qu'ils ont peu, & qu'ils  
 n'y ont point veu de plus grand danger contre la  
 foy [comme explique tres-bié S. Thomas, suiuy  
 de tous Theologiens, respondans à l'exemple de  
 Iulian l'Apostat] mais singulierement depuis que  
 la chrestienté a eū pouuoir & force pour se deffē-  
 dre & maintenir: que les Empires & roiaumes ont  
 esté acquis à Iesus Christ: que les courōnes & sce-  
 ptres ont esté iettez au piēd du Crucifix, bref de-  
 puis qu'au régime tēporel l'on a vescu par la loy  
 diuine, & les loix concilieres, & de l'Eglise, & que  
 les armes n'ont point empesché le cours des loix,  
 ny violenté la liberté des vœux & des volontez  
 des catholiques.

*L'opinion  
 de receuoir  
 un R. here,  
 est folie &  
 impie.*

*Resp. à l'e-  
 xemple de  
 Iul.*

*L'heresie  
des Emper.  
Et Rois  
n'est plus  
ancienne que  
leur depo-  
sition.  
Resp. à l'ar-  
gument du  
Belloy.*

La deposition des Apollats & heretiq. ou la des-  
obeissance des sujets contr'eux se trouuât de mes-  
me temps & aussi ancienne & ordinaire parmy les  
Chrestiens, qu'est l'apostasie & l'heresie en la per-  
sonne des Rois Empereurs & Princes, monstre  
clairemēt que ce que ces imposteurs alleguent sur  
ce n'a ny sens ny rime, & notāment ce qu'ils pren-  
nent pour le plus fort argument qu'ils ayent, c'est  
que S. Aug. parlant en vn lieu (dit Belloy) des Em-  
pereurs & de ce qu'il ne leur faut obeir en ce, qui  
est contre Dieu, n'y a point adiousté qu'il les faille  
chasser ou deposer. Car il n'y a si petit grimaut ne  
dialecticien, qui ne se mocque de ceste illation: S.  
Augustin ne l'a point dit en tel lieu, il n'a donques  
pas esté de ceste opinion: ou bien il l'a oublié, ou  
teu pour s'accommoder à la cōsideration de son  
temps: doncques il n'est pas vray. Toutefois s'il  
se trouue par fois quelque autorité, combiē que  
rarement, des anciens peres, qui semble estre au  
contraire, elle ne se peut entendre, comme nous  
auons dit du cōmandement de Dieu, que de l'of-  
fice & deuoir des personnes priuees, & de chacun  
en son particulier, & non des Princes Chrestiens,  
ny moins du corps de la chrestieté ou de l'Eglise,  
ou bien autant qu'il estoit ainsi necessaire pour ce  
temps là, afin d'euitier plus grand mal.

*Imposture  
de Belloy.*

Nous prendrons aussi de ce que dessus vn ad-  
uertissement sur l'interpretation du Concile, que  
ce Belloy produit frauduleusement, pour le re-  
spect qu'on doit à la lignee & successiō des Rois,  
afin que chacun sçache, qu'estant vn canō tiré du  
susdit Concile 6. de Tolete (ce qu'il vouloit celer  
malicieusemēt, veu que tout par tout ailleurs il

cotte le passage, afin que la conference du lieu ne descouurit son imposture, pour la pretendue autorisation des Rois par succellio, bié qu'heretiques) il ne se peut, ny ne se doit entédre des heretiques, ains des seuls cathol. presupposant ce que nous auons dict estre de l'intention dudit Cōcile, c'est à sçauoir, Qu'il faut que ceux de la lignee, qui veulent succeder, soient Catholiques, & qu'ils en fassent profession & serment solennel à leur installation, autrement il veut que tels soient reiectez, & qu'on les aye en abomination & anatheme. Qui est vne autorité tresclaire & trescertaine pour verifier que parmy les chrestiens là voye de succession n'a aucun lieu és royaumes; non plus que tout autre voye, sans la foy & religiō Cathol. au préalable, & qu'elle n'est pas moins necessaire à celuy, qui y pretend par succession qu'à l'autre qui y viét par election ou quelque autre voye.

*Nul R. par  
succession  
que Cath.*

Conformement à cela ce beau Bailleur de cassades est contrainct de confesser, que depuis que les peuples ont receu la foy chrestienne la coustume ancienne estoit de faire iurer entre les mains du Patriarche de Constantinople, deuant qu'il leur meit la couronne sur la teste, tous ceux qui vouloient estre receus Emperours: & quelques fois mesmes leur faire signer de leur main, qu'ils s'arresteroient à la doctrine confirmée par l'Eglise catholique, & les Conciles generaux. Et de fait il remarque, comme nous auons dit, & que Zonare & Theodose tesmoignent, que enuiron l'an 494. on exigea d'Anastase pour estre suspect d'heresie la profession de la foy catholique par escrit & souz son seing, deuant de le vou-

*Les Emper.  
n'estoient  
receus sans  
la professiō  
de la foy  
Cathol.*

point suffisant, & ne pouuoit estre parfait pour estre iceluy dict Empereur vray & legitime, que par la couronnation & reception: & si elle ne se pouuoit accôplir que souz, apres, & precedant la professiô de foy, il s'ensuit donc qu'ils ne pouuoient estre par raison Emperours, ne commâder en ceste qualité, ny estre obeis que par le moyen de la profession de foy, & autât qu'ils estoient catholiques. Aussi de mesme il semble, que la succesiô & proximité de sang ne peut estre suffisante & parfaite en foy pour estre approuué & dit vray Roy, naturel, & legitime, que par le sacre & couronnement. Et s'il ne peut estre accompli que souz ou apres le serment ou profession expresse de la foy Cathol. en tant de façons, il s'ensuit pareillement que nul ne peut estre dit vray Roy, ne cōmander en ceste qualité, ou estre obey, qu'apres la professiô de foy, & autant qu'il se monstre catholique.

*L'emper  
n'est receu  
que comme  
Cathol.*

Cela mesmes se voit tous les iours és euesques, Officiers & Magistrats. Ils ont le premier droit par le moyen de leurs Bulles & lettres d'office, mais il ne suffit pour estre tenus & dit tels en effect, pour commander & estre obeys, s'ils n'ont esté receuz, & presté le sermēt accoustumé en telles charges. Tellement que le droit d'election, de succession, & des prouisions semble plustost estre vne disposition, & vne destination, qu'un entier pouuoir, ou parfaite puissance, & autorité d'Empereur, de Roy, d'Euesque, ou d'Officier: & en sōme n'est point de telle force & valeur, qu'ils s'en puissent aider à l'exercice de leur charge, ny q̄ les sujets soient tenus leur obeir, qu'apres qu'ils auroient esté sacrez, & receus. Et ils ne peuuent estre tenus

*Nul receu  
au serment  
qu'il n'y  
croit.*

de les sacrer, couronner & recevoir, qu'après que iceux se seront premierement ou conioinctement acquittez de la profession de foy, & du serment accoustumé en telles charges. Et si la moindre ville, ou le moindre chapitre, & communauté ne peut estre tenu de recevoir s<sup>on</sup> Seneschal, son Escheuin, son Officier de Iustice, ou son Euesque, que souz & aux conditions portees au serment ordinaire, & lors qu'il fera ou aura fait ledit serment: moins l'admettront-ils, & ne se contenteront qu'il le lise, ou qu'il la face de bouche, s'il faict acte contraire, ou qu'il proteste ou face declaration ou profession apparente ou manifeste de ne le vouloir observer. Le semblable quasi se veoit en la vigueur & vertu des loix, lesquelles n'ont aucune autorité ny efficace deuant leur publication & acceptation.

*Le sacre &  
professio de  
la foy. Cat.  
nécessaire.*

L'election donc ou la naissance & proximité du sang est nécessaire, aussi est le sacre & couronnement qui enclot & comprend ladicte profession de foy. Estre fils d'Empereur ou estre esleu Empereur n'absout n'y n'exēpte pas, qu'il ne soit tenu de faire & de garder ledict serment: aussi estre né capable d'estre Roy n'absout n'y n'exempte point qu'on ne soit tenu faire & tenir ledict serment, c'est à dire, d'estre principalemēt catholique, & observateur des loix de la religion catholique. Le second n'exclud pas le premier, aussi le premier n'exclud pas le second, ains le second a esté tousiours si nécessaire, outre le premier que nous voyons que sans cela le Patriarche & les cathol. ont esté tres-bien fondez, & ont peu iustement les refuser & ne les recognoistre point pour Empereurs. Ou si ce n'eüst esté que simple cerimonie



nie non necessaire, ils n'eussent peu euitier d'auoir le tort. Nous voyons aussi qu'encores lors du sacre & couronnement de nos Roys, les Pairs de France obseruent vne forme d'election du Roy là present, au nom de l'Eglise, de la Noblesse, & du peuple, lors que les Euesques de Lâgres & de Beauuois souz-leuans le Roy de sa chaire demâdent au peuple s'il l'accepte pour Roy ou non, & ayans receu son consentemêt, l'Archeuesque de Reims reçoit son serment, tesmoignage tres-certain, que non moins sert au Roy d'estre Catholique que de masle; & que les estats se sont reserué d'en ellire ou admettre vn autre, si celuy là n'estoit approuué & tenu pour catholique & n'estoit digne & capable d'entrer & d'estre receu dans l'Eglise, & de pouuoir sans empeschement d'excommunication de droit ou de fait, participer en saine conscience de luy & des autres les assistans à ces saintes benedictions, cerimonies & sacrez mysteres, desquels les seuls catholiques sont subiects habiles & idoines: & lesquels aussi ont esté instituez pour seruir de pierre de touche pour les separer & discerner, non tant des personnes priuees, comme des heretiques ou infidelles.

D'auâtage il ne se trouue loy ny humaine ny diuine, qui cõtaigne accepter vne charge ou biẽ qui commande d'obeir au Roy s'il ne veut accepter la Royauté, cõme on à veu souuẽt la refuser, ou bien deuât qu'il soit receu, publié, déclaré & approuué tel, suiuant les formes ordinaires du Roiaume. Autrement si telle acception solempnelle du costé de l'Empereur & du Roy & telle receptiõ reciproque & submission solempnelle du costé du peuple, ne

Forme d'election en nos Rois.

Le Roy doit accepter & estre accepté.

precedoit & n'estoit necessaire, il s'ensuiuroit les plus grands troubles & la plus grâde confusiō du monde, pour les diuers pretextes & doutes, que les vns & les autres y pourroïent faire tāt sur l'intentiō de l'Emp. & du Roy, qui y seroit peut estre cōtraire, ou bien pour l'incertitude de leur vie ou mort, ou du lieu de leur demeurance en pays loingtain, comme il aduint en Guillaume Duc d'Aquitaine & autres. Aussi que tel pourroit dire estre esleu ou estre le plus proche du sãg, qui ne le seroit pas, & infinis autre inconueniens, qui arriueroïent, si le seul droit de successiō ou d'electiō faisoit les Rois, sans autre reception solemnelle, qui ne peut estre legitime, si elle n'est suiuant l'acte & les formes du sacre & du couronnement.

*Le nom de  
Roy apres  
le sacre.*

C'est pourquoy nous remarquons aux histoires, que cest acte ou cerimonie de sacre & de couronnement n'a pas esté estimee si petite, n'y en ce Royaume n'y en tous les estats de la chrestienté, qu'il n'aye eu plusieurs Roys d'Espagne & d'ailleurs, & mesmes de France, lesquels ont esté priuez de ce haut, doux, & sacré nom de Roy deuant leur sacre, comme encores nous voyons que les Empereurs ne sont communement appelez tels, qu'apres leur sacre & courōnement. Suiuant cela nous trouuons en la vie de Charles septiesme, que la pucelle d'Orleans, qu'on à tenu auoir esté conduite du saint Esprit, ne voulut oncques appeller, & ce à l'approbation de tous, ledit Roy que Daulphin, iusques apres son sacre: lequel elle fit haster, pour l'assurance qu'elle donnoit de n'auoir charge tāt recommandee par les apparitions des Saincts qui l'auoient induite à faire ce qu'elle faisoit, que le

sacre. Au retardemēt duquel l'on imputoit tout le principal malheur des affaires du Royaume. Et toutefois il n'auoit esté différé par l'espace de sept ans que pour la seule occasiō quela ville de Reims estoit occupee par les Anglois, & qu'il attendoit tousiours iusques à ce qu'il les en peut chasser, cōme il l'entreprint expres, contre l'apparence des moyens humains, ne pouuant estre sacre ailleurs. Il y en à d'autres, qui apres leur mort n'ont point esté comptez entre les Roys, encōres qu'ils ayent recueilly paisiblement la succession dela courōne, pour ceste seule raison, qu'ils n'ont point esté sacrez, comme notāment (pour laisser les estrangers) Jean fils du Roy Hutin.

Nous trouuons aussi que plusieurs de noz Rois pour asseurer leur succession à leurs enfans, les ont fait sacrer & couronner de leur viuant, comme Henry 1. Philippes le Bel, & beaucoup d'autres, & tels estoient deslors appelez Roys deuant qu'ils eussent recueilly la succession, à l'exemple de Salomon & d'Abias du viuant de leur peres. Aucuns ont stipulé des principaux officiers de la Couronne & de leurs subiers apres leur decez le couronnement de leurs fils, comme fit le Roy Louis 8. Autres, comme Louis le Begue & certains autres, ont esté rançonnez & appauuris pour faire accorder d'estre sacrez & couronnez. Le susdict Empereur Anastase & autres ont violenté & forcé leur conscience par dissimulation ou reniement de leur foy, faignans estre Catholique afin de pouuoir estre sacrez, & couronnez Empe-reurs tout à faict. Ce qu'il n'est croyable qu'ils eussent faict, si c'eust esté chose non neces-

*Le sacre  
apporte cer  
titude.*

*Les ans des  
Rois se cō-  
ptent du  
iour du sa-  
cre.*

*Le nom du  
Royten de-  
uant le sa-  
cre.*

faire & indifférente. Et anciennement l'on cōptoit le regne des Roys (comme l'on fait encore auourd'huy celuy des Papes) de leur sacre & couronnement, & non du iour, que la succession leur estoit escheue. Et cela à duré iusques en l'á 1498, qu'il fut déclaré par arrest, q̄ le Roy nouuellement succedât à la couronne & pres de sa consecration, estoit tenu pour consacré, & que cependât les despêches se sceleroiēt & seroiēt souz son nom & autorité & non au nom du Roy deffunct, comme l'on faisoit deuant, & comme l'on faiēt encores des Senechaux deuant que le nouveau soit receu. Et de faiēt nous trouuons que l'an 1460. la Cour de Parlement de Tholose ayant entēdu le decez de Charles septiesme, ordonna, que l'on intitulerait les Arrests de la Cour par les gens tenans le Parlement Royal à Tholose, & qu'on sceleroit seulement du seau d'icelle sans faire mention du Roy deffunct, ny du nouveau Louys onziésime. Qu'eussent ils faiēt si lediēt Louys eust esté incapable d'estre sacré par heresie ou apostasie? Aussi noz Rois ne touchoiēt (ce qui s'obserue encores) les malades des escouelles, plustost qu'ils ne fûsēt sacrez. Ce n'est pas aussi petite obseruation, Que le Duc de Berry Monsieur Iean de France fils du Roy Iean, estât ostage en Angleterre fist promesse le premier Feburier 1365. de retourner, en foy de fils de Roy sacré, monstrant deux choses, qu'un Roy sacré est vray Roy, tres-assuré & tres certain, & qu'à cause du grand & solennel serment, qu'il faiēt en son sacre, sa foy & fidelité est beaucoup plus grande, que des Rois non sacrez, & telle qu'elle redonde aux enfans, pour en estre yceux estimez de

plus grande foy, fidelité, & creance.

Si toutesfois le sacre & le couronnement fût precisemēt noz Rois ou nō, nous ne nous en traual-  
lons pas beaucoup. Il suffit que leur receptiō n'est  
point cōsommee & parfaite sans cela: & que c'est  
le seul moyē pour en oster tout doute, & pour le-  
gitimer noz Rois: Qu'il ne se trouuera point aucū  
des anciens qui aye osé tenir le contraire, qu'il ne  
fallut qu'ils fussent par necessité sacrez & couron-  
nez, & ce par les Prestres (Papistes si vous voulez)  
comme estant acte de religion, & de l'Eglise Ca-  
tholique Apostolique Rom. deuant que pouuoir  
s'attribuer, & iouyr iustement du tiltre Royal, &  
de la Courōne, ny estre recognuz ny obeis. Et c'est  
assez pour nostre subiect, que par la confessiō pro-  
pre de leur Apologie, ce sont ceremonies, qui ont  
esté introduites de longue antiquité, & obseruees  
non au seul plaisir des Rois, mais selō leur deuoir,  
& par la loy du Royaume, qui concernel'establis-  
sement des Roys, non pour singeries, ou biē pour  
implorer simplemēt la grace de Dieu sur eux, mais  
principalemēt pour mōstrer qu'il faut qu'ils soiēt  
approuuez de luy, & de ses Ministres, deuant de  
pouuoir estre receuz du peuple, & pour significa-  
tion de leur vray office, & de ce qui est plus requis  
en eux, comme pour tesmoignage non seulement  
que le Roy sacré est le successeur legitime, esleu  
de Dieu, & aduoué du corps du Royaume:  
mais principalement qu'il est & doit estre veri-  
tablement Chrestien & Catholique, non hereti-  
que, Iuif, Athee, ou infidelle: ains au contraire, ex-  
terminateur profez & iuré de tous ceux que l'E-  
glise declarera estre heretiques: ainsi qu'il est, ou-

*Le Roy  
n'est vray  
R. deuant  
le sacré.*

*Cause du  
sacré &  
couronne-  
ment.*

*Le Roy  
doit estre  
ennemy iu-  
ré des here-  
tiques.*

tre son serment plus particulieremēt exprimé par les oraisōs & benediçtiōs que l'Archeuesque prononce sur le Roy, & notammēt lors qu'il luy baille l'anneau en signal, comme il luy dit, de la sainte foy, afin qu'il sçache exterminer les heresies, reunir les subiects, & les annexer à la persuerāce de la foy catholique. Si noz peres faisoient difficulté

*Nul heret.*

*Roy.*

de tenir pour Roy celuy qui n'estoit sacré, qu'eussent-ils fait de l'heresie, qui ne peut du tout point estre sacré demeurant heretique? Et s'il ne peut pas seulement estre sacré, quel doute y a-il qu'il ne peut à plus forte raison estre Roy?

*Le sacré et*

*couronne*

*sont des grosses*

*lettres*

*contre un R.*

*heretique.*

Toutes ses actes sont partant autāt de marques, preuues, & tesmoignage de l'explication de la loy Salique contre tout heretique. Ce sont autant de cadeaux & grosses lettres, par lesquelles nous lisons clairement en l'ame, intention, & actions de ceux, qui ont fait, receu, & obserué ladicte loy de l'exclusion de l'heretique: & par lesquelles ceux, qui ont fondé ce Roiaume, nous ont escrit, engraué & exprimé la loy du Royaume sur la religion d'iceluy: & notamment des Roys, avec l'exclusion à la Couronne de tout autre qui ne la tint, ou qui y fut contraire, & comme selon icelle loy de la succession des Roys deuoit estre entendue, gardée & pratiquée, & non autrement: afin que nul ne puisse estre Roy, que celuy, qui est sacré, ou pour le moins, qui n'a les qualitez, & n'est subiect propre & capable pour en estre, quand le moyen s'en presentera, ou qu'il en sera requis par les subiects.

Tous ces actes monstrent aussi assez euidēment, qu'autre qui ne soit catholique d'effect & de pro-



fession publique, nō de mine seulemēt, moins par  
 pariurement, ou perfidie (cōme Belloy veut qu'on  
 se contente d'une simple profession de foy verba-  
 lement faite) ne peut estre reconnu, receu, ny obēy *Nul receu  
à serment  
qui face de  
monstratio  
de ne le  
vouloir  
garder.*  
 pour Roy, cōme aussi on ne luy fait la submision  
 qu'en ceste condition & qualité. Et comme tout  
 c'est acte, & principalement ceste grāde & solem-  
 nelle promesse faite à ses subiects au nom de Iesus  
 Christ (elle commence ainsi) par sermēt solemnel,  
 n'emporte rien moins qu'un contract, & stipula-  
 tion entre Iesus Christ, les Roys, & les subjects,  
 comme parle l'Escripture, lors de l'onction de Ioas,  
 par laquelle ils acceptent le Sceptre, à ceste condi-  
 tion d'estre chrestiens, deffenseurs de son Eglise  
 catholique & ennemis des heresies, prenant aussi  
 pour lors à ces fins pour gage le S. Sacrement, &  
 pour pleiges les Pairs de France, qui y assistent, &  
 lesquels sont les principaux de l'acte, & pour tes- *Originedu  
sermēt Ro.*  
 moins toute l'assemblee du peuple enuers Dieu  
 & tout l'Estat, iurans l'observation de la religion  
 catholique, comme les Roys de Iuda & d'Israël  
 iuroiēt en leur sacre, tenāt la Bible en leurs mains,  
 l'observation de la loy de Dieu. Aussi le sacre &  
 l'onction faite par l'huyte, enuoyee du Ciel, estvne  
 marque à noz Roys de priuilege & preeminence  
 sur tous autres Roys de la terre, & d'une obliga-  
 tion singuliere à eux de leur zele, serueur, merite,  
 & foy enuers Iesus Christ, & la religion chrestien-  
 ne & catholique.

Dequoy plusieurs ont creu que le nom de Tres- *Le tiltre de  
Tres-chre-  
stien.*  
 chrestie leur à esté imposé cōme ils se trouuent en  
 auoir iouy depuis Clouis, ainsi qu'il appert par le  
 testamēt de S. Remy, par plusieurs Cōciles anciēs,

& par les Decretales de plusieurs Papes pour mesme raison que S. Hierosme tesmoigne les chrestiens auoir prins ce nom de chrestien (qui ne signifie que oinct de l'onction sacramentale de confirmation, outre ce nom de fidelle, receu par la foy & le Baptisme. Tellement qu'en ce sens, Tres-chretien emporteroit autât que trois fois oinct, plus & par-dessus tout autre layc & seculier: c'est à sçauoir, au Baptisme, à la confirmation, & au sacré iour de sa recèption au Royaume, & ce tât au dedans de l'ame comme au dehors du corps, & partant comme tres-fidelle, tres-sanctifié & doué de la grace de la foy, & du don de confirmation & ratification d'icelle. Et suiuant cela autres veulent que ce nom tres-chretien ne soit pas seulement non & tiltre d'honneur ou personnel, mais aussi d'office & de charge, par lequel le Roy est obligé à rendre & maintenir ses subiects tres-chrestiens, tres-fidelles, & tres-assurez en la foy, leur ostant tout empeschement à ce contraire.

*La foy catholique. propre aux Roys de France.*

Mais toutefois d'où que vienne l'occasion de ce nom, il est certain que c'est le propre deuoir, nom, & epithete de nostre Roy, voire si propre, qu'il se peut dire propre de la quatriesme façon, que disent les Philosophes, c'est à dire, que la foy & la religion catholique en degré superlatif est vne propriété, qui conuiet & compete à tout Roy de France, sur & entre tous ceux de sa qualité, & sans laquelle il ne peut estre Roy, ains doit estre tenu & réputé pour tyrā ennemy de Dieu, des Chrestiens, & du genre humain, bref, pour beste sauuage, ou lion couronné, que ie ne die bœuf (ainsi que le Roy Alphōce souloit appeller les Rois ignorās) tout de mesme que,

comme disoit Platon & autres Philosophes, la religion est tellemēt la forme essentielle de tout hōme, que sans icelle il ne peut estre vray homme.

*La reli. est  
la forme de  
l'homme.*

Et cōme le Roy ne peut rien aliener des terres, villes & droits de son domaine, veu que ce nom de Tres-chrestien luy est escheu pour domaine, & patrimoine Royal, il est sans difficulté, que ce tiltre n'est pas moins alienable ou separable de la Couronne, que tout autre droict ou domaine. Ce qui monstre euidemment, qu'il n'y a rien si necessaire à nostre Roy, que la religion chrestienne & catholique, par ce que sans elle il pert son propre nom de tres-chrestien, & partāt son estre de Roy. C'est pourquoy nous disons hardiment, qu'un Turc, ou luif, & à plus forte raison vn heretique, comme estās tous hors, voire ennemis de l'Eglise Dieu, ne peuuent estre Roys de France.

*Le tiltre de  
Tres-chre-  
stien aise-  
nable.*

Allez voir aussi pour conclusion, si les Mahometains receuroient ou supporteroient le fils du grand Seigneur ou du Sophy pour son successeur, combien qu'il y vienne par la nature & par succession du sang, s'il estoit luif, chrestien, ou d'autre religiō que la leur. Celuy qui en voudroit disputer ou douter parmy eux, ne seroit-il pas empa-  
lé, comme vn monstre d'impieté?

*Les Turcs  
ne rece-  
uroient au-  
tre pour R.  
que de leur  
religion.*

Se peut-il pareillement imaginer rien de plus nouveau & mōstrueux en ce royaume, qu'un heretique reuestu du manteau Royal, & portant le Sceptre & la Couronne des Gaules, lesquelles seules de toutes les nations ont ce priuilege, dit saint Hierosime, que de ne nourrir ny porter, parlant des heretiques, aucuns monstres. Et comme remarque Politian, c'est le seul royaume qui a esté

*Vn Roy  
heretiq. est  
vn mōstre  
en France.*

exempt de monstres des Roys impies & scelerez. Qu'on monstre que depuis que la France Gauloise & la couronne notamment, a esté acquise à Iesus Christ, & que la foy chrestienne en a prins possession paisible, qu'on y aye iamais receu Roy heretique & mal-sentant de la foy Romaine?

*Iesus Chr.  
n'y l'Eglise  
ne peut estre  
depos-  
sedé de la  
Couronne  
de France.*

*L'enfant du  
Sarrafin e-  
stât bap-  
te-  
se est tenu  
de garder  
la foy.*

*Vne natio  
contrainte  
à garder  
la foy.*

A quel iuste tiltre peut-on despouiller l'Eglise catholique & Iesus Christ de ceste plus qu'immemoriale possession depuis 1100. ans, & en la personne de 58. Roys tous catholiques & exempts de toute suspicion d'heresie? Si l'on trouue raisonnable les maintenir en possession contre les particuliers, qui se veulent departir par heresie ou apostasie de la foy, voire mesme que les saincts Decrets veulét que l'enfant du Sarrafin baptisé dès sa naissance puisse estre contrainct de garder la religion chrestienne promise au baptesme, combien que dès son enfance, il aye esté nourry & enseigné en la Mahometane, & ce aussi bien que tout autre enfant d'un chrestien, qui n'auroit ouy parler que de la doctrine chrestienne, pourquoy n'aura ceste raison ou loy lieu contre le R. de N. baptisé à la catholique, qui a deslors promis par ses parrains de viure selon la foy de l'Eglise Apost. Romaine: & aussi contre toute vne nation ou bien contre plusieurs particuliers ensemble ou separément? Car encores que la force & la multitude puissent empescher pour vn temps l'exécution des loix, si ne peuuent-elles pas esteindre la raison, qui est l'ame de la loy, & faire que ce qui est en vn temps, raison, equité, & iustice en foy, deuienne en autre temps folie & impieté.

Iesus Christ estant approuué & receu par noz

peres Roy-de Frâce, nous ne disons pas en faction de droict, ny par opinion, ou par maniere de parler, ains aussi vray & legitime pour le moins (si la verité consiste en la foy chrestienne, comme elle fait) que chacun de noz Roys, que nous ne reconnissons en effect, que pour ses lieutenans & seruiteurs, & bien petits Roitelets (nous ne pouuons entendre qu'en l'estat temporel du royaume, puis qu'ils n'ont pouuoir qu'en iceluy) à sa cōparaison: y a-il aucune apparence de raison & bon iugemēt que noz ancestres ayent voulu plustost maintenir le lieutenant & subiect en ses droicts & prerogatiues, que le vray & souuerain Seigneur aux-siennes? ou bien qu'ils ayent peu penser ou entendre iamais auctoriser aucune loy ou coustume pour sa succession, establissemēt, & Maiesté de noz Roys, que saul le droict & prerogatiue de Iesus Christ, qu'ils luy seroient ou demeureroient seruiteurs & vassaux fideles? & que le peuple & estat François appartenāt à Iesus Christ ne seroit point soustrait de sa dition & supreme souueraineté, pour reconnaître en effect, en qualité & corps du royaume Sathan en Seigneur souuerain, ainsi que les Payēs faisoient? Comme il aduiendroit si nous receuons vn Roy heretique, qui est autant à dire que receuoit vn lieutenant general de Sathā (ce n'est pas inieure ains la verité & la maniere de parler de Dieu & de l'Escripture) Pour à quoy obuier il n'est pas de merueille, si l'on s'est resolu anciennement, pour n'encourir le crime de rebelliō & de leze Majesté diuine d'empeschet ou deposseder en vn estat acquis à Iesus Christ tout Roy heretique, plustost que permettre qu'il fut depossédé par luy. Ce n'est

*Les Roys  
ne sont en  
Frâce que  
lieutenans  
de Dieu.*

*Deposseder  
vn Roy he-  
ret. deuant  
qu'il depos-  
sede Iesus  
Christ.*

*Regarder  
plus à la  
rel. qu'au  
Roy.*

pas merueille si l'on a mieux aimé cent mille & millions de fois la ruine des Roys impies, que de la religion cath. & qui en doute qu'un Athee qui croit & respecte plus les hommes que Dieu? Ce n'est pas merueille si les Cheualiers chrestiens & les puissances catho. ont combattu plustost, & ont eu tousiours plus d'esgard de conseruer l'autorité du grand Roy, que la volonté des Roytellets: de Dieu & du Createur plustost que de l'homme & de la creature rendue son ennemy.

*Nul R. qui  
ne reco-  
gnosse le-  
sus Christ.*

Car tout ainsi que nulle nation n'a iamais receu ou enduré Roy quelconque, soit par succession de sang, election, ou autrement, qu'autant qu'ice-luy n'a point esté Athee, ains qu'il a recogneu vn plus grand que soy en l'Estat, sçauoir vn Dieu sur luy, pour souuerain Seigneur & de luy & de tout son peuple, aussi nostre nation Françoisse s'estant rendue chrestienne, & ayant recogneu Iesus Christ pour seul Dieu & son souuerain Seigneur, n'a onques receu ou permis, ny pésé à recevoir, ou souffrir aucun Roy heretique, n'autre, qui n'aye recogneu & ne recognoisse veritablement & particulierement Iesus Christ, non seulement pour Dieu, ains pour le Roy des Roys, le souuerain Seigneur des Seigneurs, & le vray Roy & particulier maître du royaume, de la maison de France, & de luy, & de ses subiects, en viuât & les faisant viure en son obeissance & deuotion, selon l'institution & conduite de son espouse l'Eglise & des Prestres. Ce qui ne se peut faire, qu'entant qu'il est, & se maintient, & eux aussi en la foy & religion cath. Apostoliq. & Rom. toutes les autres religions, opiniōs & sectes, cōme nous auons dit, & ainsi que la pa-



role de Dieu nous assure, faisant plustost la guerre à Iesus Christ, que l'honorans, encore que tous heretiques disent de bouche le contraire, & qu'il semble autrement aux ignorans: lesquels ne scauent faire difference du masque & du vray visage: de l'apparence & de la verité: de ce qui semble & de ce qui est. Et est-il croyable que du commandement d'obeir aux Roys, & Seigneurs, Dieu s'en soit voulu exclure, luy qui est le vray Roy, mesme apres qu'il a esté recogneu tel de tout cest estat? Et comme le sang Royal & la famille de Hugues Capet est en possession de la Couronne, aussi est le sang de Iesus Christ & sa religion, voire en plus grande souueraineté & prerogatiue. Si c'est meschanceté d'en deposseder le premier, c'est impieté d'en deposseder le second. Et comme disoit Achemenides, autremēt Hormisdas, à son Roy de Perse Varanes, celuy qui abiure solement Iesus Christ, il

*Iesus Chr.  
cōprins au  
commande-  
ment d'o-  
beir aux  
Roys.*

peut plus aisément beaucoup mespriser son Roy, & s'entendre avec vn autre, considéré que le Roy est mortel de nature. Et si cestui-cy (disoit aussi le bō diacre Benjamin au mesme R.) est grandement punissable, de quel supplice en doit estre l'autre?

Et bō Dieu, où est l'ordonnance & la loy, qui commande, voire mesme qui permette vne si grande nouveauté, que de receuoir ou tollerer en ce royaume vn Roy heret.? Ou est le catholique de tous les anciens Docteurs, tant Theologiens que Canonistes, si ignorant ou hardy, qui aye osé, ie ne diray pas opiner, ou en resoudre en faueur de l'heretiq. mais non pas mesmes en douter nō moins que s'il y auoit vn Dieu, tant ils ont trouué ce doute destitué de toute verisimilitude? Et certainement qui

*Opiniō mō  
struense —  
qu'vn her.  
puisse estre  
Roy.*

me, comme parloit Cosdroe de son siecle: ou pour parler plus claiemēt autant que la rebelliō, la violence, la tyrannie, & l'extortiō des armes heretiq. force noz loix & les saintes intentions du Roy & des Frāçois. Aussi est-ce la belle & tyrannique deuise d'un de leurs principaux vnīs & associez, Que leur droict gist aux armes. Si toutefois tout le fondement des raisons & pretensions du Roy de N. heretique n'est appuyé que sur la faueur de la sedition, rebelliō, & multitude de Reistres & semblables gēs, qui peuuent aussi mal-faire, que le diable, & sur la crainte que nous auons avec leurs Majestez qu'ils ne troublent & confondent l'Estat du royaume: est-il possible que ceux qui sont sans passiō, & qui sōt estat de iuger des choses par la voye de la raison, & par la regle des loix anciēnes, legitimes & naturelles, puissent faire iuridiquemēt & en soy aucune difficulté à l'exclusiō du Roy de N? Et que la rebellion ou la crainte de ses armes soiēt si fauorables enuers les gēs de biē, qu'elles puissent esleuer & tirer l'heretiq. du gibet à la Couronne?

Si voz Anglois rebelles à Dieu & à leur souuerain Prince temporel & spirituel le Pape molestent & confessent par tous leurs escrits & procédures n'auoir esté poussez à la degradation, condemnation & execution de mort contre la Royne d'Escoce (que nous pouuons iustement appeller martyre, puis qu'elle n'est morte qu'à l'occasion de la foy catholique.) pour rien tant que pour obuier principalement au danger & peril, qu'ils feignent y auoir, que sa vie apportast la suppression de leur religion, par ce (disent-ils dans la procedure de son iugement) que c'est chose peril-

*Ius est in armis.*

*Si la seule rebellion rend le R. de N. impuny comment peut il estre tiré du gibet à la Couronne?*

*Reiecter le Roy de N. pour semblable raison que la Royne d'Escoce a esté executée à mort.*

te, cōme ils l'ont fait, nous l'allons reuestir des ornemens roiaux, & le faisons assioir au throsne & siege de iustice, afin qu'il face le procez à nos Roines, à tous nos Princes, Seigneurs, Gouverneurs & autres bons Cath. & qu'il les enuoie tous l'un apres l'autre souz beaux & diuers pretextes au gibet, suiuant vos Anglois, & selon la douceur de la iustice Caluinienne, & le respect, qu'elle porte au sãg des nobles, des Princes, & des Rois, nous precipitans par ce moyen malheureusement & tout l'estat non seulement à tous les perils & dãgers de perdre Dieu & sa religion, mais à l'entiere assurance & infallible certitude d'en estre priuez avec la perdicion du roiaume, & la mort des Princes & Gentils-hōmes Cath. comme il n'y a rié plus certain, que le dire de la parole de Dieu. Que quicōque aime & s'expose de son bon & pur gré au peril, il y tombera & s'y perdra sans doute.

Et quãd toutes loix nous deffaudroiet, la consideration de la seule sagesse, prouidēce, & cōduite de Dieu sur l'heur & accroissement de ce roiaume par le moien de la foy Cath. n'est-elle pas suffisante pour nous faire resoudre contre vn Roy heret? Serons nous si ingrats & mesconnoissans de tant de benefices & graces signalees, que Dieu, à faict à cest estat & à la religion Cathol. que de ne recognoistre pas bien par icelles que c'est cōtre sa volunté & sainte prouidence, qu'un heretique soit Roy de Frãce? N'est-ce pas par sa grãde & speciale faueur, priuilege, & bōté paternelle, cōme tout le monde cōfesse, que d'un si grãd nombre de Rois & de si longue duree & cōtinuatiō de temps il n'y en aye eu aucun heret. non pas mesme suspect ou

*Le R. de N. fera mourir par iustice simulee & Roines & Prin.*

*La cōsideratiō de la prouidence de Dieu cōtre la reception d'un Roy heret.*

*Miracle  
que nul  
Roy de Frā  
ce aye esté  
heretiq.*

soupçoné de la moindre heresie qui soit, & lequel pour parler claiement n'aye esté de la mesme foy, religiō, & l'Eglise Cath. que Clouis & nostre tres-Chrestien Henry 3. & tous ses peres, ayeuls, & bisayeuls avec leurs sujets, que ce seul que nous auōs dit en auoir esté entaché aucunement, & pour vn tēps, chose d'autāt pl<sup>r</sup> miraculeuse, qu'elle n'est arriuee à aucun autre estat du mōde, quel qu'il soit, ie ne dis pas seulement d'Espagne, d'Angleterre, d'Alemagne, ou autre natiō, mais nō pas mesmes selon l'opiniō de Belloy en l'estat & ordre des Papes? Et nous voulons laisser perdre si legerement ceste singuliere prerogatiue, qui seule nous dōne la presceance deuant tous les Rois & roiaumes Chrestiens? Ce qui n'a esté iamais fait chez nous, disoit le Pape Gelase, nous doit donner frayeur à y penser seulement, sçachans que nous n'en pouuons estre excusables deuant le iugemēt de Dieu.

*Le roiaume  
a esté ac-  
creu par la  
relig. Cat.*

N'est-ce pas vn grand effect de la prouidēce de Dieu, & que l'obseruatiō du passé nous enseigne que ceste monarchie a estendu & jecté ses racines & branches en hauteur & largeur par mesure & proportion qu'elle a esté arrousee & cultiuee par la foy & relig. Cath? Et comme l'Eglise se trouue auoir esté plantee par les trois Gaules long tēps deuant la roiauté, & que Iesus Christ & les Euesques y ont esté establis & mis en possession deuant les Rois: aussi il n'y a point de doute que leurs benedictions ne l'ayent aggrādie & fait prosperer. Et sera-il dit que la fille suffoque sa mere (comme parle saint Bernard) que le fils renie & chasse son pere? Et sans regarder si loing, c'est que d'un coup de la main & disposition de ce grand Dieu des

armees, qui parle plus cler que tous les escrits, les langues, & l'eloquence du mōde, que de tant & si frequentes iournees & batailles, que la relig. Cath. a dōné ou soustenu contre l'heresie & singuliere-  
 mēt en ce roiaume, elle en a tousiours obtenu la vi-  
 ctoire? presage tres-certain q̄ Dieu ne veut point  
 que ceste putain y parle, ou soit assise plus haut,  
 que l'espouse legitime: n'y qu'elle gourmande les  
 enfans de la maison souz quelque personne ou  
 personat masque que ce soit.

Finablemēt y a-il Almanach ou prediſtion plus  
 certaine de la dissipation de ceste couronne, de la  
 dissolution de la famille & maison de France, &  
 de la ruine de tous les vrais Frāçois, de leurs loix,  
 libertez, prerogatiues & priuileges par la receptiō  
 d'un Roy heret. que la prophetie de ce grād amy  
 de Dieu S. Remy, lequel nous lisons dans son te-  
 stament auoir aduertiy Clouis lors de son Baptes-  
 me, qu'il prit bien garde que luy & ses successeurs  
 ne se departissent iamais de la foy & relig. Cath. en  
 laquelle il auoit esté baptisé, par ce que [disoit-il]  
 la couronne & la monarchie Françoisise ne deuoit  
 estre conseruee qu'autant de tēps, que les Rois re-  
 tiendroiēt la religiō Cath. Si donc nous cōsentōs  
 à nostre esciēt à la receptiō d'un heretiq. n'est-ce  
 pas nous souscrire volontairement à l'arrest & iu-  
 gement de Dieu reuelé à ce saint homme pourtāt  
 nostre condamnation & extermination?

Le R. de N. se trompe grandement s'il espere  
 estre Roy par sa separation de l'Eglise Cath. con-  
 tre tāt de tesmoignages de la cōtraire volonté de  
 Dieu. Ceste courōne ne se peut asseoir & reposer  
 que par la benediction sacerdotale sur la teste sa-

*Les Cath.  
ont gaigné  
toutes les  
batailles  
contre les  
heretiq..*

*Prophetie  
de S. Remy  
cōtre la re-  
ceptiō d'un  
R. heretiq.*

*Les Min. ne  
siret iamais  
si grād mi-  
racle quede  
faire un he-  
re: R. d. Fr.*

cree, & en vn sang nō purement originel, humaia naturel, & corrompu, mais legitime & roial: c'est à dire, conforme à la foy chrestienne, & qui soit retaint & renouuellé de celuy du Roy des Rois Iesus Christ, repurgé par le Baptesme, & vif par la foy, comme a esté celuy de Clouis, & de rous nos Rois & Princes du sang de France. Les mains des Ministres ne luy peuuent donner le sceptre, non plus qu'elles n'ōr fait à aucun. Leurs benedictiōs ne peuuent faire ny autoriser nos Rois, elles ne firent onques si grand miracle, selon qu'Erasme leur reproche, qu'avec rous leurs rollemens des yeux au Ciel, & reuelatiōs de leur imaginaire S. El prit, ils ayēt iamais peu guerir vn cheual boiteux, combien que les miracles soient necessaires pour la preuue d'icelles, & de roure nouvelle doctrine.

*Les heret.  
n'ont peu  
guerir vn  
cheual boi-  
teux.*

*La regle  
d'estat cō-  
traire au  
R. de N.*

Si la iustice & le bō droict est en cest affaire du costé des Cathol. contre le R. de N. comme nous auons monstré par rant de raisons & infinis exemples, & que d'ailleurs c'est vne de ses regles d'estat, Qu'on ne doit sās necessité ou euidēte vtilité introduire aucun changement en vn estat, voions maintenant si l'vne ou l'autre cause, ou toutes deux ensemble nous y peuuent pousser ou dispēcer. Car nous verrons que tāt s'en faut qu'il y aye vtilité, que c'est au contraire la ruine & subuersiō de l'estat: & que quand à la necessité, qu'il n'y a ny forces ny moyens quelconques du R. de N. ny rien autre, qui nous y puisse presser ou contraindre, ains que la seule regle de policer & conseruer vn estat, est nostre vraie defence, par ce que ny l'vtilité, ny la necessité des affaires de ce roiaume nous peuuent permettre de nous licentier à rece-



uoir vn Roy heretique, ains nous le deffendent à peine de la vie & de la perte de l'estat, outre celle de la religion & de la conscience.

La Prestriſe & le ſacerdoce eſtât changé ne ſ'enſuit-il pas le changement de la loy, dit S. Paul, qui eſt autant que dire, Que la ruine de l'eſtat Eccleſiaſtique & de la religion, car tous deux marchent enſemble, tirent apres ſoy celle de l'eſtat & du royaume, ſuiuant ce que meſmes Platon, Ariſtote & Ciceron diſoiēt, Que la religion alteree il ſ'en enſuiuoit neceſſairement la perte de la fidelité entre les hommes & vne confulion de la vie ciuile, de meſmes que le corps ſans eſprit ſ'en va en putrefaction, n'y ayant point de doute que cōme l'ame viuifie & conduit le corps, que la religiō ne ſoit la vie, la direction, & l'entterenemēt de tout l'eſtat. Et l'ordre del'Egliſe avec le ſacerdoce & ſeruice diuin, eſtant non ſeulement changé & alteré, mais du tout eſteint par la promotion du R. de N. à la couronne & exaltation de l'heresie à l'exemple de Bearn, de voſtre païs d'Angleterre, & autres lieux, que deuiendront par conſequent les loix & anciennes formes du royaume, que deuiendra tout l'eſtat qui eſt appuié ſur ce fondemēt, ſi la religiō, qui eſt la clef du baſtiment, & le ciment qui lie & retient ferme la monatchie, eſt ſubuertie?

Des trois eſtats & ordres, deſquels le corps de ceſte monarchie & harmonie gauloiſe a eſté de tout temps compoſé deuant & apres la religion chreſtienne y receuē & eſtablie, ſi l'heresie vient à regner, voila l'eſtat Eccleſiaſt. qui a eſté touſiours le premier, la teſte, les yeux, & la bouche des autres du tout retrâché. Que ſera-ce du reſte, qu'un trōc

*L'utilité  
d'un roiau  
mecōtraire  
à la rece-  
pſion d'un  
R. heretiq.*

*Le change-  
mēt de pre-  
ſtriſe change  
l'eſtat.*

*Par la re-  
ceptiō d'un  
R. her. l'or-  
dre Eccle-  
ſiaſtique eſt  
ſupprimée.*

*Le royaume  
est un mē-  
bre sans le  
Clergé.*

& vn monstre sans la forme & figure naturelle & politique? Car ce que l'estat Ecclesiastique & le Clergé est dit estre le premier mēbre & ordre du royaume, ne se peut entendre, comme pensent les ignorans & Belloy, pour raison de leur propre office, qui cōcerne le seruice diuin, la doctrine de la foy, & l'administration des Sacremēts qui sont toutes fonctiōs, lesquelles s'accōplissent dans l'Eglise & nō aux Palais & Courts de iustice temporelle, & lesquels ils exercent non en qualité du premier ordre du royaume, mais comme seul ordre en l'Eglise, & seuls officiers d'icelle, autant qu'elle est composee de deux seuls estats & sortes de gēs, des Clercs qui y cōmandent, & des lays, qui y obeyssent. Il se doit donc entendre en ceste significatiō, c'est que ceux de cest estat en conséquence que l'Eglise est la mere spirituelle du Roy & du royaume (cōme disoit le Pape Agatho, escriuāt aux Emper. Heracle & Tybere) & q' la relig. Chrest. est receuë pour loy principale en l'estat general du royaume, & qu' aussi iceluy est cōsacré, dedié, & acquis à Iesus Christ, il font selō qu'il a esté tousiours obserué dès la constitutiō de ceste Monarchie, le premier mēbre tēporel du royaume apres le Roy: c'est à dire, ils font, que le royaume ne peut estre entier & parfait selon les formes, loix, & vsances anciennes du royaume & de la natiō, & ne peut estre cōduit, regy, & gouuerné selō icelles, & comme il faut, ny faire ses propres actiōs Chr. Politiques & tēporelles sans le Clergé, & sans que ceux de l'ordre Ecclesiastique soiēt appelez, ou emploiez aux charges publiques & de l'estat, nō pl<sup>us</sup> qu'un corps parfait ne peut faire ses operations naturelles sans la

*Prerogati-  
ues du Cler  
gé en l'e-  
stat.*

reste, sans le cœur, sans le foye, ou autres membres principaux. Tellement que les Ecclesiastiques par la propre & naturelle cōstitution, structure, composition & forme du royaume, & comme faisans & tenans lieu de premier membre d'iceluy, sont capables & ont droit d'auoir voix deliberatiue & rang au fait des Paiteries, des cōseils, deliberatiōs & resolutions des grands affaires tant de paix que de guerre, de l'establissement & publication des loix du royaume, de la tenue de l'assemblée des Estats generaux, de la cōpositiō des corps & Courts de Parlement, finablement en tout ce, qui cōcerne le tēporel, le gouuernement ciuil & politique, & pour le dire en vn mot, en tout ce, qui touche les affaires d'estat, le repos & la tranquillité publique, non seulement autant ou en mesme esgalité, que les autres deux ordres, moins par vsurpation, ou par concession, faueur, ou priuilege, accordé par la pieté des Rois, ou par les autres ordres, Ducs, ou Seigneurs, mais avec toute prerogatiue, puissance, liberté & propre droit, & autorité plus ancienne, que celle des Rois & la foy Chrestienne & aussi ancienne, naturelle, & essentielle, que celles des deux autres.

*Le Clergé  
siēt le pre-  
mier ordre  
apres le R-  
aux affai-  
res d'estat*

Voire plus grande, ne fut ce que les autres Rois en leur sermēt roial, lors du sacre iurēt & promettēt de prēdre l'avis des Euesques? ce qu'ils ne font pas des autres ordres. Aussi nous lisons que cōme entre les Iuifs les iugemēs des choses nō seulement Ecclesiastiques, mais des ciuiles appartenoiēt aux Prestres & Leuites, aussi des la premiere institutiō & naissāce des Courts de Parlemēt (qui sont vn abregé des estats generaux racourcis au petit pied)

*Le R. iure  
prendre le  
conseil des  
Euesques.*

*Les Euesques ont  
voix aux  
Parlemēs.*

*Les Euesq.  
precedent  
tous apres  
les Rois &  
les Roines.*

tous les Prelats & Euesques estoient cēsez du corps d'icelles, y ayās entree, iceance, & voix deliberatiue: & ont iouy de ce droit iusques à l'an 1461. que par arrest du Parlement de Paris (le doute n'est pas petit s'ils le pouuoient contre leur ancien droit & possession) les particuliers furent priuez de l'entree en la Chambre du Conseil, & d'opinion aux audiences, sauf les Pairs & autres, qui en auoient priuilege special. Et l'on trouue que plusieurs Euesques, & notamment les Prelats Pairs estoient obligez suiure & seruir accompagnez de leurs cheualiers & soldats les Rois, quand ils alloient à la guerre en personne. Aussi c'est vne obseruation, qui est sans aucune dispute, qu'anciennement & iusques n'a gueres les Prelats Pairs & non Pairs estoient nommez, & precedoient tous Comtes, Ducs, & autres Seigneurs temporels, voire mesmes les Princes du sang, les Pairs Laiz, & les Maistres du Palais, & generallement tous, fors les Rois & les Roines. Encores voyōs nous aujourd'huy, qu'il reste en leurs premieres entrees & receptiōs des villes Episcopales souz des poisses, beaucoup des marques d'honneur & de grandeur au temporel, estant fort semblables à celles que l'on fait enuers le Roy: la sage antiquité ayāt creu que la paix publique en seroit d'autant plus assuree & de duree, que la reuerēce enuers la religion seroit grande, & qu'icelle s'accroist d'autant plus, que les Euesques sont en honneur entre les Princes. C'est pourquoy nous lisons en nostre droit, qu'Euesché n'est pas dignité, mais le sommet, & le feste de dignité.

Et de ceste façon les Ecclesiastiques en France ont deux charges & principales obligatiōs, dōt ils

font tenus s'acquitter, la principale est celle, qu'ils ont enuers Dieu seul, & laquelle regarde la cōduite des ames selon la loy de Dieu, & les reglemens de l'Eglise, comme ses officiers & ministres. En quoy ils n'ont point de compagnon ny de supérieur que le Pape & Dieu, portans à ceste occasion aussi bien que le Roy vn Par la grace de Dieu, & du S. Siege. La seconde est celle, qu'ils ont enuers l'Estat, laquelle concerne la conduite de la police & du tēporel de l'estat du royaume selon les loix d'iceluy. En quoy comme sujets, seruiteurs, & officiers du Roy & de l'Estat, ils ont pour adioints & cooperateurs ceux de la Noblesse & du tiers Estat, souz le respect, sujection, & obeissance d'un seul Roy, non heretique, mais tres- Chrestien. C'est la difference que ce royaume a de l'estat du Turc & des Payens, où la chose publique se manie d'autre façon, & auquel le Clergé n'a autorité & puissance, que de l'empescher des fonctions & charges purement spirituelles & Ecclesiastiques. Et pour ceste cause il ne tiēt aucun rang en l'estat tēporel, ny aux assemblée de l'empire, ou de la republique Turquesque, ny ne faict aucun ordre ou estat en iceluy. Le mesme se voit en quelques estats de la Chrestienté: combien que comme le royaume de France a esté le premier Chrestien, & lequel retenant l'ancienne forme & police de la nation, à maintenu le Clergé au mesme rang & prerogative de l'estat, qu'auoient les Prestres de leur idolatrie: il a aussi esté cause, qu'à son imitation, plusieurs estats de la Chrestienté luy ont donné mesme aduantage aux affaires de la Republ. comme ceux dont nous auōs tant parlé d'Angleterre, & Bearn,

*Le Clergé  
à 2. charges  
l'une spirituelle  
l'autre tēpor.*

*Difference  
en l'Estat  
du Turc à  
celuy de  
France.*

*L'extinctiō  
du Clergé  
est preiudiciable à  
tout l'estat.*

Si les Ecclesiastiques ont ceste prerogatiue par les loix anciennes, & le droit de la gent Frāçoise, avec possessiō immemoriabilissime d'estre la principale partie, & d'auoir la premiere autorité apres le chef en ce corps mystique du roiaume, les peut on retrancher cōme le R. de N. & l'heresie a faict en Bearn, & tasché de faire en France, sans violer & forcer les loix éfondamentales, naturelles, & anciennes du roiaume? Sans rendre tout l'estat manchot, stropiat, & imparfait, & sans faire tort & oppressiō à tout l'ordre Ecclesiastique, & à l'Eglise Gallicane, & principalemēt sans frustrer & frauder les autres deux ordres de leur decēce & gloire, & du fruit & vtilité, qu'ils ont tousiours retiré de l'assistēce & conduite des gens d'Eglise, & singulieremēt le tiers estat, pour la descharge de tāt d'imposts & leuees de deniers qu'il a obtenu souuent par sa voix & vigoureuse intercession? Est-il imaginable, que la cheute de ce gros dongeon puisse arriuer sans vn grand fracas & foule des autres ordres, & sans que la pesanteur de ses ruynes ne les accablent du tout?

*La noblesse  
reçoit grād  
detrimēt en  
la reception  
d'un R. he-  
retique.*

Quel affoiblissēmēt & dechet receurōt tant de bonnes maisons en Frāce, lesquelles se sont tousiours maintenues pour la descharge des legitimes & partages, par le moiē des enfans & filles, qui entrēt en l'estat de l'Eglise? outre le prouerbe anciē, Qu'il n'y a bōne maison, q̄ celle qui est faicte par la teste raze, Quel hazard court la Noblesse pour tāt de fiefs, droicts, & priuileges, dōt ils iouyssent sur le tiers estat, si vne fois les ministres ont acquis & empieté vn peu plus d'autorité, veu que ne faisant que cōmencer, ils s'attribuēt la cognoissance

des affaires d'estat, de la guerre, & de la paix, de la iustice, de la police, voire du fair du meſnage d'autruy, & principalemēt que leur maxime eſt, Qu'il ne faut rien approuuer, q̄ ce qui eſt expreſſement en l'Eſcriture, & que routes autoritez qui prouiēnent de l'inuention des hōmes ſont cōdainnees & rejettables? Suiuant cela n'eſt-ce pas la belle defence, que le Seigneur de Mornay prend pour iuſtifier la reuolte de voſtre Angleterre cōtre le Pape, qui eſt par leur propre cōfeſſion leur ſouuerain ſeigneur tēporel, outre la ſpiritualité, diſant, Qu'il ne ſe vir iamais ſymbole, où il ſoit dict que le Pape ſoit Roy d'Angleterre. Et n'en pourront-ils point dire autant, Qu'il ne ſe vit iamais ſymbole, où il ſoit dit, que la Nobleſſe deuit auoir ces priuileges? Nous laiſſons à penſer combien volontiers vn Tyran ſera aiſe de ſe preualoir de ceſte opinion, & que le peuple enuieux de ſa nature ſera prompt à y tenir la main.

*Raiſon ridicule du S du Pleſſin.*

Eſt-il poſſible imaginer qu'un ſi ſoudain changement d'une extremité & d'un contraire à un autre puiſſe arriuer à un estat le plus ſain, & robuste, ſans danger d'eſtre du tout renuerſé, ou qu'une ſi grāde confuſiō de tous eſtats, & de tout ordre diuin, humain, & politiquen'attire apres ſoy par une ſiniſtre cōſequence l'euerſiō de la Monarchie? Et n'eſt-ce pas ce que vouloit dire ce grād Apoſt. des Frāçois S. Remy, preſidāt à Clouis, Que le royaume & l'Egliſe Gallicane marcheroient à l'aduenir de meſme pas, par meſme accroiſſement ou diminution, & qu'ils courroient meſme fortune & cōdition enſemble? Ce qui eſt treſcōforme à ce que nos hiftoriens ont fort curieusement obſerué,

*Vn Roy heret. eſt l'euerſiō de la Monar.*

*La rel. cat. & le royaume courent meſme fortune.*



*L'Eglise hō  
more les  
Rois aussi  
au cōtrai-  
re.*

que tant plus que nos Rois se sont efforcez de rē-  
dre d'hōneur & de reuerēce à Dieu, à son eglise, &  
aux Euesques de gens d'eglise, plus ils receuoient  
d'obeissance de leurs sujets : que plus ils se souf-  
mettoient à la religiō Cat. & à l'autorité de l'eglise,  
plus d'hōneur & de submission ils auoient de leur  
peuple: que plus l'eglise à esté bien traittee, aussi  
l'estat de ceste couronne à prosperé & triomphé.  
Au cōtraire d'autāt qu'elle a esté opprimee, l'estat  
du Roy & du royaume a empiré: quand les Rois se  
sont relaschez ou diuertis de ce deuoir, ils ont esté  
trauaillez ou de guerres ciuiles ou des estrangers,  
tantost par les Normans, tantost par les Anglois,  
tantost par d'autres, & selon la decadence de leur  
religion & pieté, l'on a veu decheoir à veuë d'œil  
leur autorité & puissance.

*La receptiō  
d'un R. her.  
contraire à  
la paix &  
repos.*

Si les mondains ou Athees s'esmeuent si peu,  
quel vent de religion tite, ou s'ils sont priuez de la  
foy & des moyēs externes de leur salut, & qu'il ne  
chaut à ceux qui sont Chrestiens & Catholiques  
de profession, non de foy (comme parle Orose)  
pourueu qu'ils leuent leur gerbe, ou qu'ils man-  
gent leurs croustes en paix, & iouyssent de leurs  
delices & commoditez souz quelque loix que ce  
soient, nouuelles ou anciennes, & souz quelque  
Roy que ce soit, Catholique ou Huguenot, luif  
ou Ture, ne mesurans la dignité & merite de la re-  
ligion, qu'au seul pied du repos de l'estat, & de l'v-  
tilité politique & temporelle, suiuant la façon des  
plus meschans Payens, & ne faisans aucune diffe-  
rence des religions, non plus que ces anciens he-  
retiques (dont sainct Augustin s'esmerueille qu'il  
soit possible qu'aucun soit si fol) qui tenoient, que

*Heret. qui  
admettent  
toutes reli-  
gions.*

toutes les religions se pouuoient approuuer & cōpatir, & qu'elles n'estoient point cōtraires l'une à l'autre, & lesquels, pour le dire en vn mot, iugēt de la religion Chrest. cōme ils feroient de celle de Bacchus, de Venus, ou de q̄ques autres idoles qui sont compatibles, d'autant qu'elles prouiennent d'un mesme auteur, & sont touz mesme maistre & seigneur, qu'elle esperance, disons nous, peuuēt auoir tels mondains de repos & de paix, s'ils n'espeschent & s'opposent à la promotion d'un R. heretique, qui peut estre cause d'un si grand changement, mutation, & trouble?

*Les religions des Payens compatibles.*

Car quand la religion ne seruiroit que d'un instrument de police, qui est le moindre hōneur que les plus grands athees luy donnent, n'est-ce pas vne regle d'estat & de police tenue pour tres-certaine, par tous ceux, qui en ont mieux escrit & parlé. Que la religion ordinaire du lieu renuersee, s'ensuit le renuersement & subuersion de l'estat, & des principales loix & vsances, sauf au cas de la religion Cath. qui seule les peut ameliorer & benistre. Le danger & malheur du tēps des Arriens (dict cest ancien Lyrinensis, qui viuoit l'an 446.) à monstré assez suffisamment combien de calamitez a porté au monde l'introduction d'une nouvelle doctrine en l'Eglise. Car par là nō seulement les petites choses, mais les plus grandes sont renuersees. Non seulement les affinitez, les cōsanguinitez, les amitez, les familles & maisons: mais aussi les villes, les peuples, les prouinces, les natiōs, bref tout l'Empire des Romains a esté entierement esbranlé & abbatu. Car des que ceste profane nouveauté Arrienne, comme vne Bellone ou fu-

*La religion du lieu renuersee, s'ensuit la subuersion de l'estat.*

*Notable sē tence de Vincens Lir.*

„

„

„

„

„

„

„

„

„

» ric, ſeſt vne foy faiſie de l'Empereur, & aſſujettie  
 » par nouuelles loix tous les Princes & principaux  
 » officiers & de l'Empire & de la Court, elle n'a ja  
 » failly depuis de tourmenter & brouiller tout le  
 » mōde. Elle a cōfōndu & meſlé les choſes priuees  
 » & publiques, toutes choſes ſacrees & profanes: el-  
 » le ne fait diſtinctiō ou differēce aucune du bō ny  
 » du vray, & ſi elle a deſmis & deſpoſſedé de leurs  
 » grades & hōneurs tous ceux qu'il luy a pleu. Lors  
 » les femmes ont eſté violees, les veſues deſhonno-  
 » rees, les filles & vierges forcees, les Monasteres  
 » deſmolis, & brulez, les Clercs & Eccleſiaſtiques  
 » troublez & eſpādus çà & là, les Diacres battus, les  
 » Preſtres enuoiez en exil, les priſons, les minieres,  
 » les cahors ont eſté remplis de ſainctes gens & des  
 » bons Catholiques. Deſquels la pluſpart eſtās bā-  
 » nis des villes & rendus fugitifs, ſont morts tous  
 » languifſans de faim, de ſoiſ, & de grande diſette de  
 » veſtemens & de toutes choſes neceſſaires, parmy  
 » les deſerts, les rochers, les ſpelonques, les beſtes  
 » ſauuages. Et toutes ces miſeres ne ſont aduenues  
 » pour autre cauſe, ſinō pour introduire & eſtablir  
 » les opinions & inuentions des hommes, au lieu de  
 » la bonne doctrine de Dieu, pour deſtruire par vne  
 » ſceleree nouueauté l'âtiquité ſi bien fondee, pour  
 » violer les cōſtitutions des anceſtres, pour abbatre  
 » l'autorité des Peres, pour rompre les ſainctes &  
 » anciens decrets, finalement pour autant que la  
 » profane & nouuelle curioſité ne ſe peut contenir  
 » dās les bornes & limites de ceſte ſaincte, ſacree, &  
 » chaſte vieilleſſe & antiquité. O paroles dignes de  
 » eſtre eſcrites en groſſes lettres au deſſus des por-  
 » tes des Eglifes, des Villes, des Palais & maiſons, de

*Miſeres que  
 apporte un  
 Roy heret.*

estre engrauees en la memoire & dans le cœur de tous humains! ô oracle & Almanach certain de nos malheurs souz vn Roy heretique! ô aduertissement salutaire pour les Cath. François, qui ont l'ame pacifique, & qui se voyent neantmoins à la veille de semblable danger, & descombrier, par le moyen de l'heresie Caluinique beaucoup plus factieuse & pernicieuse que l'Arrienne.

*Almanach pour les cathol.*

Helas! quelle occasiō y a-il d'attēdre d'elle meilleur temps & traictement, quelle apparence y a-il de trouuer en la personne du R. de N. estant heretique plus de douceur & humanité, qu'en Valens & ses Empereurs Arriens, & tous les Princes, qui iamais ont esté heretiques? Et en fin, quelle esperance y a-il de pouuoir estre maintenus en la liberte de nostre religion, & de receuoir par sa reception le repos & pacification tant desirée & necessaire en ce royaume?

*N'entēdre mieux du R. de N. que des autres heret.*

Car de fait la raison n'y est-elle pas trop apparente & necessaire? Par ce que ou il sera athee en son cœur (n'estimant la religion que selon l'interest d'estat à la Machiauelique) en ce cas la resolution de nostre Seigneur contraire diametralement aux tēporiseurs & sots politiques ne peut faillir, qui n'est point avec moy, (dit-il) il est contre moy. Par consequēt il est aussi impossible que le R. de N. n'estant Catholique ne face tost ou tard persecution ou guerre mortelle à Iesus Christ, à sa religion, & aux siens, comme il est impossible que la parole de Dieu ne soit veritable: Ou bien il croira en Dieu heretiquement: s'il adioust foy à la Bible, puis qu'elle commande & à Rois & à sujets & à tous generallement aussi clairement

*Raisō pour quoy.*

*Qui n'est Cathol. est ennemy de Dieu et des siens.*

*S'il croiten  
sa religion  
par conse-  
quēt il sera  
ennemy des  
Cath.*

*Le propre  
naturel de  
l'her. est de  
persecuter  
les Cathol.*

& certainement que de croire en vn seul Dieu, de ne receuoir ou tollerer autre religion, que la sien-ne seule, ains qu'on employe tous les cinq cens de nature, & qu'on remue toutes pierres pour le exterminer, les particuliers de leurs maisons, & les Rois & Seigneurs de leurs estats: S'il tient son heresie pour la vraye religion Chrestienne, & s'il veut estre estimé auoir religiō & obeir à Dieu, qui peut douter, qu'il ne tasche de tout son pouuoir a n'entretenir ou tollerer que la seule relig. heretiq. & à chasser & aneantir la foy Cathol. comment il fait ou il peut? Et en vn mot qu'il ne soit autant & par mesme mesure & proportion ennemy de la relig. Cat. cōme il pensera aimer vn Dieu, & qu'il voudra mōstrer auoir creāce à sa relig. & à ses Predicans? Estant impossible que s'affectionnāt & aimant l'erreur, il ne hayssē la verité, ainsi que l'intē-tion de tous heret. (disent S. Augustin, & nostre S. Grégoire) (est de corrompre la foy, & que le naturel propre de l'heresie, plus que de nulle autre religiō, est d'estre ennemy des Catholiques, & de leur tē-dre desembusches en tout ce qu'elle peut, tescmoin l'exemple de Valens & des autres, qui ayant permis toute sorte de religion, ont chassé la seule Catholique. Estant aussi impossible que de la haine ne s'engendre vn desir de l'esteindre & suffoquer, ce que ne se pouuant faire, qu'apres auoir chassé ou esteint les principaux Seigneurs & familles, qui maintiennent la foy & la verité: il est pareillement impossible, qu'il ne tourne tous ses efforts & artifices pour les oster & les perdre tout à fait, comme c'estoit la voix commune des Donatistes (dit sainct Augustin) des qu'ils se voyent ancrez

en

en pouuoir & autorité. Retirez vous de nostre peuple, si vous ne voulez que nous vous tuyons. Et les iuges & officiers Arriens n'auoient qu'une mesme sentence contre les catholiques, dit Saint Athanasé, ou sortez de noz Eglises & pais, ou soyez des nostres.

N'a-ce pas esté tousiours vne generale cognoissance & opinion vniuerselle de tout le mode, voire iusques à Cicéron & aux anciens Payens; que la nature du Dieu des Iuifs & des chrestiens est si impatiente & ialouse de compagnō, qu'il ne peut & ne veut estre adoré & seruy que seul, & que sa religion n'en peut cōporter & tolerer autre quelconque non plus que le bon mary deux femmes. Et c'est pourquoy les anciens politiques Romains, qui receuoient toutes religions, n'ont point voulu authoriser celle des Iuifs ny des chrestiens, parce, disoient ils, que par vne inéuitable conséquence il faut chasser tous autres Dieux & religions, ou auoir l'estat de la Republique en perpetuel trouble & dissention, si vne fois on l'auoit receuë. Si vn Athee & ignorant s'opiniaistre à soustenir qu'il n'est pas necessaire que le Roy de N. soit ennemy des catholiques ains qu'il pourra, bien qu'il fauorise l'Huguenot, qui est de sa religion, maintenir & le catholique, & le Lutherien, & toute autre religion qui pourra suruenir de son temps chacun en son libre exercice, & en la iouissance de ses biens & libertez, faisant iustice à l'un & à l'autre esgalement sans aucune persecution, comme il pourroit & feroit vn Picard & vn Normand, sans que la distinction de religion apporte trouble aucun, non plus que la diuersité de la langue & du pais,

Ha

*Le Dieu et la religion des Chre. incompatibles avec ceux des Payens.*

*Démonstration que le R. de N. ne peut que persecuter les Cath.*

*La liberté  
de consci-  
ce est la pl<sup>e</sup>  
grande per-  
secutiō qui  
puisse estre  
contre l'E-  
glise.*

Ce ne seroit pas à la verité le premier qui auroit essayé ceste voye. Car nous lisons le mesme de ce infidele Iulian l'Apostat & des Othomans, & de fort peu d'autres. Toutefois l'on a cogneu par experiēce que ceste mesme tollerāce, & semblāce de iustice hu. & imaginatiō de paix temporelle est la plus griefue & cruelle guerre, qu'on puisse faire à dieu & à sa religiō. Par ce qu'en effect cōme laisser croistre & entretenir liuroye, les orties, & mauuais-herbes, est cause que le bled & la bōne semēce est suffoquee : ainsi la vraye religion est esteincte par les contraires opinions de religiō. Et permettre ceux qui les embrassent n'est que nourrir & accroistre le nombre de ses ennemis, pour à la premiere occasion & aduantage pouuoir vornir leur rage cōtre icelle & les catholiques, comme il n'y a rien, qui mine & sappe plus auant la foy chrestienne, ny qui attire tant d'ames à valderoute en perdition eternelle, que ceste generale licence de sectes & de liberté de conscience. C'est pourquoy Iulian l'Apostat. ( Nous l'alleguons icy volōtiers pour la grande ressemblance & conformité qui se trouue entre luy & le R. de N. & en la figure & proportion du corps, & en la haine contre la religion chrestienne & catholique, Dieu veuille que la fin n'en soit pas de mesme, & que la posterité ne les puisse coupler ensemble ) ayāt coniuéré la ruine de l'Eglise pour remettre sus l'idolatrie, il y a plus procedé par art & finesse, que par puissāce (dit Orose ) & à ses fins il ne peut trouuer ny excogiter moyē plus propre que de maintenir pour vn tēps sous mesme apparence de iustice toutes heresies & religiōs indifferēment en leur pleniēre liberté

*Iulian &  
le R. de N.  
se ressem-  
blent.*



voire plus grande prerogative que la cath. Mais cependant il reuqua tous les Euesques & catholiques exilez par les heretiques, afin que la diuision & contention d'entr'eux fut leur ruine & que les catholiques le fauorissassent contre la memoire de son predecesseur heretique. Il deffendit de ne leur meffaire ny mesdire: afin que telle douceur pipat le monde, & que l'Eglise fut priuee du triomphe & gloire des Martyrs. Il fist rebastir les Eglises par ceux qui les auoient desmolies ( afin que ceste dence fut leur affoiblissement ) se rendit facile à tous, & si il reputoit à grand honte d'vser manifestement de violēce contre vn chrestien ( afin qu'il ne fut maudit de la posterité, cōme il voyoit, qu'estoient ceux qui les auoient persecutez ) rendāt & distribuant en apparence la iustice si esgalement à tous ( afin que les cōmoditez de ceste vie leur fissent perdre le zele enuers la religion ) que nous trouuons en S. Augustin, que les heretiques, qui estoient les plus fauorisez ne faisoient parade contre les catholiques, sinon de ce que la seule iustice auoit lieu en son endroit, bien que sous main il agassat & fauorit tant par impunitē qu'autrement tous les ennemis des vrais catholiques, tenant ceste opinion (disent tous les auteurs) Que par telle douceur fardee en leur endroict & maintenant en leurs biens les particuliers il esteindroit plustost leur religion, & les seduiroit, plus facilement, que s'il les tourmentoit par persecutions manifestes; par ce qu'il cognoissoit, disoit-il, qu'elles n'auoient seruy que d'autant de semences de la gloire & grandeur de la chrestientē. Ne t'esbahis donc si le Roy de Nau. ne tue si tost tous les catholiques,

*Douceur  
de Iulian  
enners les  
Cathol.*

pourueu que peu à peu il les priue de l'vsage de leur religion, ne mericans pas moins le nom de persecuteur que Iulian.

Pareillement Constâtius l'Empereur pour paruenir mieux à establir l'Arrianisme & affoiblir le Catholisme, prit-il meilleur chemin, q̄ de permettre sèblable liberté à toute sorte d'her. & religion?

*La paix  
avec l'he-  
retique est  
une grãde  
persecutiõ.*

En ceste sorte & maniere de paix ou plustost persecution sans exil, sans glaiue, sans feu, & sans mesmes toucher aux biens des chrestiens ou cath. a esté trouuee & repute'e par nostre S. Hylaire & tous les anciens peres, la plus grande & dõmageable persecution que la chrestienté aye iamais receu, tenans pour certain que la plus grande violẽce que les catholiques puissent receuoir, c'est d'estre cõtraincts d'ouyr des blasphemẽs cõtre Dieu, de voir souffrir, & maintenir les heresies & fauces religions avec impunité de tous blasphemẽs, en plus grand ou mesme degre d'hõneur & liberté que leur religion. La persũasion (dit S. Cyprian) nuisable & venimeuse tue plus griefuemẽt, que la persecution. Et à ce propos dit le mesme S. Hylaire contre les ruses & artifices de ce Constantius (combien que si nous croyons à S. Gregoire de Nazianse, il n'eut autre intẽtion, que de remedier aux diuisions & maintenir les catho. & les heretiques en paix & vnion) Nous deuons plus Neron & Decius, à vostre cruauté, qu'à la douceur de Constantius. Car par vous nous auons vaincu les diables, le sang des Martyrs a esté receu & releuẽ tout par tout par les grands miracles qui s'y sont cõmis. Mais toy Constantius le tres-cruel de toutes les cruantez, tu nous tourmentes avec plus

grand dommage, & moins d'excuse de nostre part  
 enuers Dieu. Tu nous surprends & soustrais à ca-  
 chetes avec beau sèblant de douceur: tu nous tues  
 avec l'esperance de religion. En preschant fauce-  
 ment Iesus Christ tu esteins & amortis la religion:  
 mais en tout cela tu ne laisses point aux pauvres  
 miserables, qui se laissent seduire de la foy, aucune  
 excuse, pour pouuoir alleguer deuant leur iuge e-  
 ternel quelque peine, ou luy représenter quelques  
 cicatrices sur leur corps: afin que la necellité & la  
 contrainte puisse deffendre l'infirmité: tu tempe-  
 res ta persecution de telle façon, que tu ostes du  
 peché le pardon & le martire de la confession. Et  
 peu deuant, Nous combattons contre vn persecu-  
 teur, qui trompe: cōtre vn ennemy qui amadou-  
 contre Constantius, qui est Antechrist: **Qui ne fra-**  
**pe point sur le dos, mais nous chatouille le vêtre:** *Le faueur*  
**Qui ne confisque point noz biens & nostre vie,** *Et douceur*  
**mais nous enrichit à nostre mort: Il ne nous en-** *d'un Roy*  
**uoye point en prison à nostre liberté, mais nous** *heretiq. est*  
**fait part des hōneurs de la Cour à nostre seruitude:** *crnauté.*  
 Il ne nous foüette pas sur les reins, mais il faist &  
 occupe le cœur: Il ne nous coupe point la gorge,  
 mais il tue & meurtit nostre ame par or, & argēt:  
 Il ne nous menace point du feu public, mais il al-  
 lume en secret en vn chacun de nous le feu d'ēfer:  
 Il n'entre point au cōbat, de peur d'estre vaincu:  
 mais il flatte pour cōmander: Il cōfesse Iesus Chr.  
 pour le nier: Il procure & recherche l'vnion, afin  
 qu'il n'y aye point de paix: Il reprime les heresies,  
 afin qu'il n'y aye point de chrestiens: Il honnore  
 les Prestres, afin qu'ils ne soient Euesques: Il r'ac-  
 coustre les loix de l'ēglise, afin de destruire la foy.

*Pourquoy  
le seul Iuis  
tolleré de  
toutes les  
religions.*

C'est aussi la raison (non entendue par Belloy, ny par tous ces escriuains Biarnoïs ou heretiq.) pourquoy de toutes les opinions & sectes de religion, on ne voit point, & il ne se lit point, que iamais la chrestienté, où qu'aucun Prince chrestien ou catholique aye permis en ses tertes & pays d'obeissance, ou souffert sans blâme, aucune heresie ou autre religiō outre la catholique, que la Iudaique, par ce que toutes deux ne recognoissent & n'ont qu'un mesme & seul Dieu pour leur autheur, qui est le Dieu d'Abel & d'Abrahā. Tous heretiques disent bien ne recognoistre qu'un mesme Iesus Christ avec l'Eglise, pour le vray Dieu mediateur & auteur de leur foy : toutefois la verité estant au contraire, & qu'il ne peut estre autheur que de l'une ou de l'autre opinion, qui est de la seule catholique, il est necessaire que Sathā en soit de l'autre, & partant que là verité combatte & chasse la mensonge, au contraire, comme le chaud combat le froid, & le froid combat le chaud. La religion Iudaique prise en soy, & selon que les Patriarches & Prophetes l'ont entendue & escrete, comme elle est de l'institution de Dieu, & qu'elle prouiet de mesme source, que la chrestienne, & est appuyee sur l'auctorité de mesmes liures du vieux Testament, tant s'en faut qu'elle soit contraire à la chrestienne, qu'elle confirme, fortifie, & est sa seruante. Toutefois n'ayant esté establie que par prouision iusques à la venue du Sauueur, & le commencement de l'Eglise, laquelle deuoit estre sa perfection, elle n'est plus de saison ny tolerable.

Neantmoins si de tous les Princes & estatz chre-

stiens, il n'y a quasi que le seul Pape & la seule Italie qui la permette en certains lieux de leurs terres, voire avec la corruption rabinique, & autant que l'inuention des hommes la rend cōtraire à nostre foy, il est bié à croire, à qui a du sens cōmune, que cela ne s'est pas faict par si long temps, & durant tant de saincts & prudens Papes, que pour quelque bonne raison & consideration, n'y en ayant pas vne seule, mais plusieurs qui sont tres-grandes & tres-sainctes, & lesquelles nous laisserōs rechercher de saint Augustin, & autres saincts Peres & Docteurs, nous suffisant de ceste seule, Qu'ils sont tollerez pour le bien qui en reüssit à la chrestienté & à la gloire de Dieu. Car ils seruent à nostre foy pour la confirmatiō & tesmoignage d'icelle contre tous les infideles & heretiques, non tant parce que leur deposition tiree de noz propres ennemis auctorise noz liures du vieux Testamēt, qu'ils obseruent les ceremonies, esquelles la verité des mysteres de nostre foy estoit figuree, & que ce que nous croyōs, nous est representé cōme en tableau & image: cōme aussi pource qu'ils seruent de verification du bannissement vniuersel, & des autres peines contenues en l'Escripture contre leur natiō, pour auoir reietté Iesus Christ. Qui est cause qu'au contraire la religiō ou ceremonies de l'heretique, ou de l'infidele, ne pouuant porter aucune vtilité ou verité, & ne tendant entierement qu'à la destruction de la vraye religion, elles ne doiuent estre tollerees aucunement, que pour vn temps, & autant que cela sert pour euitier quelque plus grand mal, sçauoir, pour fuir scādale, ou vne dissentiō irreparable, qui en pourroit naistre. Et c'est pour-

*Le Iuis  
peut estre  
plustot Roy  
que l'heret.*

quoy & noz Roys ont permis pour vn tēps l'her. & noz maieurs les infideles, lors qu'ils estoient en grand nombre. Et quant au danger qu'il y a que le Iuif ne seduise ou attire en apostasie ou defection le chrestien, l'on y sçait tres-bien pourueoir, pour ne permettre disputer avec eux, ny hanter leurs Sinagogues, pour ne les admettre à aucune charge & affaire public, ny souffrir qu'ils acquerēt aucun bien immeuble, & en les resserant & enfermant en vn quartier de la ville, cōme prisonniers publics, & gēs bannis des hōneurs & de la vie cōmune du monde, cōme aussi par autres plusieurs reiglemēs. Cela soit dit en passant, pour satisfaire à de Mor-

*L'heretiq.  
puny & no  
le Iuif.*

nay, & à ceux qui inferēt mal à propos de l'exemple des Iuifs vne liberté licentieuse pour les heret. Car outre ce que dessus, la difference est grande de contraindre celuy qui est obligé par promesse, cōme l'heret. ou de vouloir violēter à quelque payement celuy qui ne doit rien, qu'autant qu'il veut, comme est le Iuif temporellemēt. Ioint que ceux mesme qui ont permis diuerses religions, n'ont gueres iamais trouué bon qu'en vne mesme religiō l'on y introduit diuersité, comme ils ont permis qu'on se dit Gentil, Iuif ou Chrest. mais non pas qu'on se dit Saduceen, Esscen, ou bien Donatiste, Nouatien, Arrien, &c.

*Permettre  
seulement  
que le Roy  
de N. puisse  
se estre receu  
à prendre à la  
Cour. est  
cōsacrer le  
Royaume  
au feu &  
aux cēdres.*

D'auantage ou le R. de N. n'estant cath. sera receu & maintenu paisiblement Roy ou non. Du premier celuy là a le iugement bien foible & peruer-ty, qui le pense, & ne cuide pas que iamais homme aye eu ceste apprehēsiō, que ie ne die ferme persuasion. Si dōc il ne peut estre receu, moins iouyr du royaume, que par le fer, la flamme, & le feu, ces

mondains, temporisateurs, & mauuais politiques ne voient-ils pas bien, que le seul effort en est de plus longue duree, que la vie d'un homme? Et que permettant qu'il puisse seulement entrer en ce ieu, ils consacrent pour iamais tous leurs biens & cōmoditez, leurs femmes & filles, leur patrie, & leur vie à la cupidité du soldat, au feu & aux cendres? Ne preuoient-ils point, qu'ils reçoient le brandó qui les embrasera, & mettra le feu aux quatre coings du Royaume, si l'on le laisse faire, & que l'on n'y accoure de bonne heure, pour l'esteindre du tout en son commencement, comme parle S. Hierosme d'Arrius, lequel n'estant, dit-il, qu'une estincelle en Alexandrie à ambrasé tout le monde, pour n'auoir esté esteinte de bonne heure, Qu'ils reçoient la cause & le seminaire d'une guerre continuelle & immortelle, iusques à l'extinction & d'eux & du Roy de Nauarre sur qu'ils auront appuyé leurs fortunes & substances, & leur vaine esperance de repos & tranquillité.

Ne voit on pas biē, que si vne fois l'on à receu le R. de N. le moins qu'il puisse faire cōtre les Catholiques pour les huguenots, c'est de leur accorder & temples & offices, & chambres my-parties, & vengeance de la saint Barthelemy, & villes de seureté, & gouuernemens, & infinis tels autres points & articles, que luy mesmes à voulu & à pensé deuoir demander, procurer & poursuiure pour eux & en leur faueur, par tant de cayers proposez lors de la negociation de la Paix, & par tant d'autres & diuerses fois, & lesquels toutesfois ont esté trouuez & iugez ne tendre qu'à trouble, & en fin à la ruine des Catholique & de l'Estat.

*Le Roy de Na. s'il est receu, ordonnera ce qu'il à requis pour les Hugue.*



Ne voit-on pas biẽ, que si on le recoit vne fois  
 és villes Cath. que les tenant en opiniõ, crainte &  
*Bastira ci- soubpon de rebelliõ (car ainsi nommera il la iuste*  
*tadelles en deffence & resistance des cathol.) qu'il luy faudra*  
*toutes les necessairement pour s'asseurer contre la ialousie*  
*villes. d'estat, & empescher l'intelligence, qu'il craindra*  
 de celuy qui sera receu Roy par les cath. ou autres:  
 qu'il les foule & surcharge de grosses garnisons,  
 qu'il les reimplisse de forces estrangeres, & y bastif-  
 se des retraictes & fortes citadelles, qui ne serui-  
 ront apres, comme les nommoit tresbien l'ancien  
 Timoleon, que de nids de tyrannie? Il imposera à  
 ces fins des emprunts, tributs, & contributions ex-  
 cessiues, & ceux qui voudront s'en deffendre serõt  
 contraints ou de mourir, ou d'endurer routes cho-  
 ses, & luy & les siens se laisseront de massacrer les  
 bons Catholiqu. ainsi que vieilles bestes, plustost  
 qu'ils ne se faoulent d'espandre leur sang. Et n'y  
 aura cruauté tât barbare, qu'ils n'appellẽt en leur  
 endroit douceur & courtoisie. Ils espargneront  
 de noz femmes, de noz filles, & de noz sœurs, cel-  
*La schera les seules qu'ils retiendront pour leurs ordures, &*  
*la rage de noz plus chers enfans seront esclauẽs miserables*  
*l'heresie des cruels bourreaux de leurs peres. La rage fu-*  
*contre les rieuse, & la fureur enragee de l'heresie Caluiniq.*  
*Catholiqu. se desbordera, comme vn torrent dessus la France:*  
 & en tous lieux, où elle se pourra establiir, & auec  
 tant de maux, que la condition des pauures catho-  
 liques seta d'autant moins supportable, & leur  
 oppression d'autant plus dure & violente, que  
 les ennemis ne leur pourront emporter le coura-  
 ge naturel & accoustumẽ au vray Chrestien  
 ou François, lequel les accablẽra soubz le far-

de au pelât d'un regret & ennuy immortel, duquel ils ne se pourrôt releuer aiseimēt. Ces pauvres cath. aurôt ils enduré beaucoup de sa part en recompēce de la sotte opinion qu'ils auoient, de luy deuoir obeir, & de pouuoir estre maintenus par luy en repos & iouissance de leurs biens, encores faudra-il qu'ils reuiennent tost ou tard à l'anciēne & naturelle forme d'obeir à celuy qui sera Roy catholique, autrement qu'ils soient assiegez, mangez, & ruynez de fons en comble.

*Les Cath. en fin s'en-dra qui s'obeissēt au Roy qui sera Cath.*

De plus, par la promotion d'un Roy heretique la dignité & Maiefté Royale receura vne grande diminution en ses prerogatiues & priuileges par le droit de Regale qui est spirituel pour la plus part: le Roy confere purement les benefices, & par le droit des concordats, il nomme aux Eueschez, Abbayes, & autres benefices, ce qui ne ce peut attribuer à un heretique sans abuz tres-manifeste. Car, comme dict sainct Athanase, comment pourra estre Euesque celuy-là, qui est nommé ou estably par l'Empereur heretique? Et si nous auons veu, qu'en l'an 1515. & 1523. lors que les regences de Madame Louyse ayeule du Roy François premier furent emologuees au Parlemēt, il y fut mis restriction, qu'elle ne pourroit conferer ny admettre resignation de benefice vacant en regalle, comme la femme estant incapable de ce droit. Combien à plus forte raison un heretique, mesmement que suiuant la disposition du droit commun, celuy qui obtient un benefice à la seule faueur & priere d'un heretique, en est non seulement priué, mais aussi déclaré incapable d'en tenir iamais aucun? Iugez si noz peres & si le droit eussent

*Les priuileges du Royaume se perdent par la receptio d'un R. heretiq.*

*Le droit de regale non communicable à un heretique.*

volontiers admis vn heretique Roy. Il à droit de preceder tous Roys & Princes és assemblees cath. & vn heretique n'y peut estre receu sans impieté & scandale. Il guerit par la grace & special priuilege (obtenu par S. Marcoul enuiron l'an 530.) de la pieté de noz Rois, ou bien de l'onction celeste (selon saint Thomas) les escruelles : la grace de Dieu ne se communique point à ses ennemis iurez, tels que sont les heretiques. Et comme remonstroit le Roy Philippes le Bel à son fils Hurin l'an 1315. l'exhortant à sainteté de vie, pour faire dignemēt cest attouchement, Dieu n'oyt n'y exauce les vicieux, & par eux ne fait tel miracle.

*La grace  
de guerir  
des escruel-  
les.*

C'est aussi chose obseruee, que telle grace n'est point communicable aux Roys, qui ne sont legitimes & iustes possesseurs, telmoin que vos Roys d'Angleterre, tant qu'ils ont occupé & vsurpé le Royaume & tiltre de Roy de France, n'en ont peu iouyr. Tellement que comme toute l'antiquité en à tiré vn tres-grand indice, argument, & preuue contre eux & contre la successiō des fēmes (n'ayāt esté iamais ouy qu'elles puissent estre capables de telle grace) pour la confirmation de la legitime succelliō de noz Roys, comme estant approuué du ciel par telle vertu de santé miraculeuse : aussi par ce seul argument tous heretiques, qui sont ennemis & incapables de ceste grace, sont chasséz & desboutez du sceptre Royal des François, & declarez inuaseurs ou vsurpateurs. Et en fin toutes ces graces estant esteinctes par l'heresie, la principale gloire du Royanme demeure enseuelie & enleuee, estant choses (comme ont obserué diuers autheurs) qui ne permettent point

*Ne peut  
tomber en  
vn hereti.*

que la Maieſté Royale ſoit totalement layque & ſeculiere, ains rendent noſtre Royaume ſainct & plus ſacré, que l'Empire, le quel n'a obtenu ce tiltre, que pour auoir prins (comme ont faiect deuant eux noz Roys) la protection de l'Egliſe Romaine, laquelle defaillât, il merite d'eſtre dit pluſtoſt profane que ſacré, comme auſſi noſtre Royaume, luy defaillant ces anciens priuileges ſacrez, & manquant en zele enueis l'Egliſe Catholique, Apoſtolique & Rom. merite d'eſtre dit pareillement profane.

*Le Royame ſacré & ſainct.*

Finablement les Huguenots & ce Belloy prétendent que le Roy & ſes Officiers ſont les vrais luges de l'heréſie: ſ'ils ſont heretiques, ne condamneront ils pas bien toſt iuridiquement les Catholiques d'heréſie & aux peines de droit cōtre icelle? D'auantage ſ'il n'eſt que trop certain par la parole de Dieu, & trop verifié par l'exēple des Roys d'Iſrael heretiques, & par toutes les hiſtoires, que Dieu ne faut iamais de faire la guerre à vn Prince ou Roy, qui delaiſſe ſa religion, permettant qu'il tombe en ſens reprouué & rendant ſon regne toſt ou tard plein de malheurs, & ſon peuple miſerable, foulé de tributs, tailles & emprunts, trauaillé de guerres inteſtines & eſtrangères, & maudit de Dieu & des hommes, par famines, peſtes, & ſterilitez, quel bon temps & ſiecle heureux nous pouuons nous imaginer ſouſ le R. de N? Ne nous precipitons nous pas à corps perdu en vn torrent de miſeres, & auſſi imprudemment que ſaint Iean conſeilloit ſagement ſes compagnons de fuyr des bains, où eſtoit l'heretique Cerinthus, de peur de n'eſtre participants à ſa ruine, ſuyuant la menace de l'eſcriture contre ceux, qui donnēt faueur ou conſentement à

*Le R. de N eſtant Roy ſera le proceſ à tous les Catho.*

*Tout regne d'un heret. plain de miſer:.*

*Pu ne peut  
arriuer que  
auoir un  
Roy heret.*

*Dieu ne  
commende  
point de re  
cevoir un  
Roy heret.*

l'heretique, & lesquels ne sont pas selon S. Paul moins punissables, que celuy mesme qui fait le mal. Puis que pis ne peut arriuer en vn Royaume, & que rien ne peut plus endommager ou destruire la foy chrestienne, qu'un Roy heretique, & qu'il ne se peut imaginer autre ennemy si naturel des catholiques qui peut douter que d'establiir ou de prester aucunement main forte, consentement ou faueur au R. de N. heretique marçe, ne soit faire le pis qui se peut contre le Royaume, cõtre Dieu, contre sa religion, & cõtre les catholiques: & que par consequent ce ne soit commettre la plus grande felonnie, qu'on puisse contre l'estat, & le plus grand peché & crime qui se puisse imaginer cõtre l'Eglise catholique, Apostolique & Romaine? Tât s'en faut qu'il soit croyable que selon Dieu nous puissions estre obligez à vne si extreme & insigne meschanceté & perfidie, & laquelle soit cause ou instrument de tant de maux & malheurs, qui en despendent par vne consequence ordinaire, necessaire & inuitable. O temps miserable! ô auenglement malheureux! ô condition plus que deplorable des Catholiques! ô confusion execrable de ceste pauvre Monarchie Françoisise & tres-Chrestienne.

*La puissance  
& force  
ne peut faire  
le Roy  
de N. Roy  
de France  
non plus  
que la raison.*

Toutefois si nous y voulons penser, & nous resoudre viuement à luy resister, que pouuõs nous tât craindre de sa part? Car surquoy se peut-il fonder pour p̄ser obtenir ou occuper par force ce royaume, puisque la voye des loix, de la raison, du droit, & de la bienueillance du peuple luy defaut? puis qu'il voit biẽ qu'il est impossible qu'il puisse estre iamais aggreable ny veu de bõ œil, s'il n'est catho-

lique: & tant qu'il se tiendra avec ce abominable, cruel & execrable party des Huguenots? comme la religion est la chose du monde qui esmeut plus les cœurs des hommes à aimer ceux, qui sont de mesme religiō, ou à hayr ceux, qui n'en sōt point. Ceste grande Cité de l'Eglise Gallicane posée sur vne si belle riuiera, bordée de si grosses tours, & grands boulleuarts, munie de si forts esperons & bons fosses, & peuplée de tant de gens, & de si braues Capitaines, vous semble elle si facile à forcer ou surprendre? Ce n'est pas de la France, comme d'un petit estat de Bearn, qui n'a qu'un Nauarrais pour bride ou rettaite, ou de vostre Angleterre qui n'a que deux ou trois ports & places fortes, ou de quelque autre Duché ou Comté d'Allemagne, combien qu'en iceux il faut encores attendre la fin. Il est aysé qu'un petit nombre se saisisse, surprenne, & maistrise vne petite place, ville, ou chasteau: mais il faut de grandes armées, & de grands moyens pour forcer & occuper les grandes Citez & Royaumes, & singulierement la France, ou la Gaule, qui à ceste propriété (dit Cesar) de pouuoir estant bien vnice resister à tout le monde.

*L'eglise  
Gallicane  
ny la religion cath.  
ne peuuent  
estre vaincues.*

Quel moyen aura le R. de N. de la forcer? quelles esperances peut il auoir de venir à bout de tant de grandes villes & fortes places, & d'un peuple si belliqueux & affectionné à sa religion & aux anciennes loix & formes? Quelle grande experience a-il? Quelle preuue a-il rendu de sa vaillâce & grand conseil? Quels thresors? Quel fons pour en faire? Quels enfans pour se faire respecter? Quels parens qui le veulent suiure ou fauorir avec son heresie!

*Foiblesse  
& impuissance du  
R. de N.*

Quels Princes du sâg qui pour degenerer de leurs Tres-chresties progeniteurs & de ce grâd S. Louys vueillét renôcer à ce qui leur est acquis par son exclusion? Quels aliez ou amis estrangers qui le vculent seruir qu'en bien payant, comme ils feroient le moindre vilain qui en auroit le moyen? Quelles villes frôtieres ou capitales des Prouinces à il à sa deuotion pour leur entree? Quels grâds capitaines pour conduicte de ses forces?

*Les Cours  
de Parle-  
ment sont  
côté le R.  
de N. estât  
heretique.*

Quelle faueur peut il attédre des Courts de Parlement, lesquelles ont de si beaux exemples en l'âtiquité de l'office du Senat Romain & Grec, contre les Empereurs heretiques, & qui sont attaincts par leur fondation & establissement, & par serment particulier d'un chacû d'entre eux, à estre les Gardiennes des loix & des anciennes formes & vsances du Royaume, comme estant celles aussi, qui les maintiennent en auctorité & dignité. Serrail dit, quand mesmes le Roy de Nauarre seroit receu Roy, que son pariure ou que sa transgressiô manifeste du serment Royal & des conditions, lesquelles il auroit iurees, & souz lesquelles il auroit accepté la Royauté, & que ses subiects aussi l'auroient receu en Roy, peut absoudre les Magistrats & les gens tenans les Courts de Parlement du serment, qu'ils ont à Dieu & au Royaume & par lequel ils sont singulierement contraincts & obligez à l'obseruation & manutention de la seule religion catholique? ne leur sera-il rien permis d'autoriré en ce pour le deuoir & acquit de leur serment, plus qu'à ceux, qui sont du tout personnes priuees & sans charge ny obligation particuliere enuers le public?

Pense



Pense-il que ceux du Parlement de Bourdeaux puissent oublier iamais la tache, qu'il leur a mis sus, y ayât faiët aller vne chambre de Iustice tiree du Parlement de Paris, pour tenir leur seance dans leur Ville, pour reuence & vindicte de l'ambassade, qu'ils luy enuoyèrent à Castertialoux, du premier Presidēt Largebastō & autres de leurs corps: afin de luy refuser l'entree de leur ville: & aussi en resentiment de plusieurs remonstrances, qu'ils auoient enuoyé au Roy à dineres fois contre ses actions & deportemens: & ce conformement & en accomplissant ce qu'il leur auoit escript par ses lettres de menaces du mois de Nouembre 1576? Et encores qu'il cogneut par les communes plaintes de tous, & notamment de ceux de son party le peu de fruiët qui reuenoit de ladiëte chambre à la Guyenne, au pris de la grande charge, que ce pays la portoit, de quarante & tant de mil escus par an, pour les gages & l'appoinctement d'icelle, si est-ce qu'on asseure, qu'il ne voulut iamais cōdescendre à leur retour ou licentierement tant desiré par eux mesmes, iusques à ce qu'il se veit hors de toute esperance, de pouuoir flechir la plus-part de ses grands personages, à iuger selon ses passions, & qu'il s'en fust faiët prier plusieurs fois par ceux dudit Parlement de Bourdeaux, apres leur auoir fait sentir, comme il disoit luy-mesmes, qu'il ne faisoit pas bon l'irriter ny ceux de son party. Que feroit-il, iuges ie vous prie, s'il estoit Roy, & s'il auoit puissance de les demettre ou leur faire pis?

Quant au Parlement de Tholose, comme il scait dire bien ouuertemēt qu'il n'en attēd aucun bon office, aussi peut-il bien s'asseurer qu'ils n'ont

*Le Parle-  
mēt de Bor-  
deaux mal  
traicté par  
le R. de N.*

*Item celuy  
de Tholose.*

pas failly d'enregistrer le rapport des honnestes & douces responces, desquelles il a traicté si souuent leurs deputez, avec tant de menaces inouyes enuers vne telle compagnie, qu'il peut bien croire que l'occasion se presentant ils luy feront cognoistre qu'ils ne sont pas moins bons catholiques & seruiteurs de Dieu, que bons officiers & seruiteurs de leur Roy, legitime & naturel, & de l'estat. Et ne doutons point que ce grand President Duranti, lequeils ont tant à contre-cœur en leurs libels ne leur face sentir par effect si grâde pieté & son incredible prudence & valeur.

*Celle de  
Paris n'y  
toutes en-  
semble ne  
consentirōt  
iamais à  
sa receptiō*

Nous ne disons rien particulierement des autres Cours de Parlemēt, n'y mesmes de la premiere Cour de ce royaume, & laquelle estāt la Cour des Pairs & du royaume, est celle à qui appartient proprement le iugement & determination de ceste matiere, & à laquelle plusieurs Princes estrangers ont deferé la decision de leurs semblables differēts. Par ce qu'elles n'ont eu gueres riē à demesler avec luy, mais principalement par ce qu'elles & singulierement celle de Paris, n'ont iamais reconnu, moins receu Roy au liēt de Iustice, qu'estant sacré, & apres le serment d'estre catholique, non plus que les Euesques deuant leur consecration: & qu'elles ont toutes tesmoigné tant leur fidelité à ceste Couronne, & leur bon zele à la religion Catholique, qu'elles ont enseigné à vn chacun par tant & diuerses remonstrāces faictes aux Roys contre la tollerence de l'exercice de la nouuelle opinjon, ceste belle reigle d'estat, *Que la foy Catholique, Apostolique, & Romaine est le vray fondement & loy primitiue & principale du roy-*

*La princi-  
pale regle  
d'estat.*

aume: & que la souffrance de la nouuelle opinion pretendue reformee est la ruine d'iceluy. Dot l'on ne peut douter qu'elles ne la sçachent bien pratiquer, le cas se presentant, comme elles ont faict tant qu'elles ont peu par le passé outre que tous leurs registres sont tous pleins des Edicts & Arrests, par lesquels le R. de N. specifiquement & en propre termes a esté si souuent condamné rebelle & criminel de leze Majesté, & partant ingrat & indigne de la Couronne: & aussi du *Retentum in mente Curia*. Que tous les Edicts au contraire ne sont qu'Edicts du temps, Edicts extorquez par force & violence, & lesquels ils garderont iusques à ce que la commodité de les reuoker se presente, comme Roquelaure à sceu tresbien iuger, n'ayans pas oublié la force & la violence que les Huguenots & le R. de N. leur ont procuré à l'occasion des premiers refus, qu'ils ont fait de verifier les Edicts contraires à la foy Catholique, soit en effect pour les faire suspendre entierement, comme celuy d'Aix en Prouence, soit pour menacer les autres de mesmes, & trauailler les principaux de leurs corps par adiournements personnels, suspensions, & autres vexations.

A quoy autre aussi peuuent-ils imputer l'aneantissement de ces deux principales colonnes de leur auctorité *Nec debemus nec possumus*, que l'ancienneté a reueré, cōme responce d'oracle, qu'à ce qu'ayant vne fois eslargy leur cōscience, pouuoir & auctorité contre la religion, qui est la loy fondamentale de l'estat, & la source de leur puissance, ils ne peuvent plus iustement les pretendre, ny s'en couvrir en moindre subiect & occasiō: & vertueusement que

*Edicts verifiez par l'annee du temps.*

*L'aneantissement des deux colonnes de Parlement.*

*Tous les  
Edits bur-  
sais ne pro-  
mouent  
que du R.  
de N.*

*Chambres  
my-parties  
& tripar-  
ties mon-  
strueuses.*

*La Croix.*

*Bonnets  
quatrez.*

tous Edicts, qui peuuent sembler onereux sut le peuple ne prouiennēt, que de ceste premiere bresche, & en consequence, ou pour remede & opposition au mal, que tels Edicts & la licence de conscience produit en ce royaume. De sorte qu'il s'ensuit bien par là, qu'ils ne recouureront iamais leur premiere dignité & prerogatiue, qu'autāt & lors qu'ils seront remis en l'integrité de leur premiere conscience, & qu'il n'y aïra que la seule religiō de Dieu & du royaume, non seulement auctorisee mais encores soufferte. Nous taisons qu'ils n'ont pas perdu la memoire, ny le ressentimēt de la plus infame bigarrure & marque de iustice ( que ie ne die iniustice) que iamais ils ayent receu, n'y qu'on lise auoir esté pratiquee au mōde. Et laquelle toutefois le R. de N. a rasché par tant de fois de leur remettre sus par l'introductiō & le reestablissemēt de ses chambres my-parties & triparties, creuës de Presidents & de Conseillers heretiques iurez, & ennemis profez de leurs armes & serments, c'est à dire, de la passion figuree & de la croix. Laquelle l'antiquité a bien voulu représenter estre le commencement & la fin de toute vraye iustice, par le tableau d'icelle affiché au dessus de la teste des iuges, & par l'institutiō du bōnet cornu ou quarré, qui est fait en croix, pour vne des principales marques des officiers & gēs de iustice, qui font vne espee de sacerdoce, come parle la loy. Ce que cognoissant les heretiq. ennemis de la Croix, ils leur ont ostez entieremēt, & changez lesdits bonnets & chappeaux, en bōnets rōds, soit de drap, comme par tout en Frâce, ou ils sont maistres, soit de velours, cōme vsent les Presidents & Conseillers du

Parlement de Pau. Et peut-on penser que le R. de N. qui a estimé telle bigarrure de chambres en vn Parlement, si iuste & necessaire, pour maintenir sa religion & la paix pretendue, que de l'auoir pour-  
suiue opiniaistrement par feu & sang, ne la remet-  
te soudain en vsage, dès qu'il en aura le moyen, &  
que sans doute quelconque il n'en chasse pour le  
moins les Prestres & Cōseillers Clercs, comme il  
a fait de ses susdictes chambres?

*Le Roy de  
N. s'il peut  
remettre  
ses chābres.*

Quel secours, & assistance se peut-il promettre  
des officiers de la couronne, nes Marefchaux de  
Frâce, des gouuerneurs des Prouinces, & de l'estat  
de la noblesse, contre laquelle il a fait toute sa vie  
la guerre, & dans le sang de laquelle il a pris pour  
son plus grād heur, esbat & gloire, de baigner son  
espee & sa lance? Laquelle aussi luy a porté reci-  
proquement iusques icy si bonne affection pour  
les bonnes parties, qu'ils ont cogneu par familie-  
re conuersation & experiēce en luy, que l'on voit,  
comme il en est accompagné. Car outre quelques  
Huguenots, que la picoree, la passion ou la crain-  
te de la iustice pour leurs mesfaicts y retient, qui  
a-il, qui se remue pour luy? En a-il trois ou quatre  
catholiques en tout, de deux à trois mille liures de  
rente, qui le suiuent? N'est-ce pas vn grand tesmoi-  
gnage du peu d'amis, qu'il a parmy eux, qu'en ayāt  
vn nombre qui luy sont vassaux ou obligez de ses  
ancestres, ils en tiennent si peu de compte, que de  
ne vouloir pas seulement voir, voire en temps de  
paix, quelque curieuse & basse recherche qu'il leur  
face, iusques à aller chez eux? N'est-ce pas vn ar-  
gument bien certain, qu'ils ne le tiennent point  
pour l'heritier presomptif de France? Est-ce chose

*Les offi-  
ciers de la  
Couronne  
cōtraire au  
R. de N.*

*La Nobles  
se hait le  
R. de N.*

*Graud ar-  
gumēt que  
la noblesse  
ne tient  
point le R.  
de N. pour  
capable à  
succeder à  
la Cour.*

*Le Clergé  
est cōtre le  
R. de N.*

simplement humaine, ou casuelle, que par le pre-  
decez de feu Monseigneur, sa Cour n'en soit au-  
cunemēt enflée de noblesse, quelque grande dili-  
gence, despée & pratique qu'il y aye vſé. Le Ciel  
n'y a-il point de part? Demāde l'on vn acte de plus  
grande notoriété. pour preuue de la dispositiō des  
esprits & volōtez des François contre la pretēdue  
proximité & pretension a la Royauté avec l'her.

Nous ne parlons point du Clergé. Car il peut  
bien croire, que les Euesques Pairs, qui ont accou-  
stumé d'establir & receuoir noz Roys le iour du  
sacre, ne receuront iamais avec son heresie celui,  
qui est excommunié, & lequel n'a tasché toute sa  
vie qu'à les aneantir & persecuter leur ordre: &  
que les Ecclesiastiques ouuriront difficilement  
leurs Eglises & temples à celui, qui se vente &  
prend à gloire de les ruiner & iceux massacrer &  
appauurir, ains qu'ils s'y opposerōt formellemēt,  
& aussi courageusement. que nous voyons en l'hi-  
stoire Ecclesiastique les anciens Euesques & Pa-  
triarches auoir refusé d'oindre & installer les Em-  
pereurs & Roys qui estoient suspects d'heresie. Il  
peut bien pēser que quelque mespris qu'il face de  
la Prestraile, (cōme il parle) qu'ils luy feront sen-  
tir la puissance & la charité de leur vnion & hie-  
rarchie, Qu'il n'y a, comme parle S. Cyprian, Pre-  
stre si petit, si abiect, si debile, si couard, si pauvre,  
ny si mal-habile, qui ne face teste diuinement aux  
ennemis de Dieu, & de qui la foiblesse & l'humili-  
té ne soit encouragée par la vigueur & force de  
Dieu, qui luy assiste. Ils luy feront cognoistre par  
effect, qu'ils n'ont riē perdu de leur ancien zele, ny  
de la vāleur de leurs predecesseurs: mais que si des

abortons & des chetifs ou malotrus moynes de- Si les Mi-  
 froquez des ministres ont sceu môstrer combien nistres ont  
 peut l'ordre Ecclesiastique, en ce, que bien qu'aba- peu sâs fai-  
 stardis ils ont peu maintenir si long temps avec re que ne  
 leur party huguenot contre le Roy, & qu'ils ont feroient les  
 osé & peu en promouât vne mauuaise cause faire vrai Pa-  
 teste aux Empereurs & Roys, qu'eux, qui sont les steurs.  
 vrais & legitimes ministres de Dieu, n'ont pas  
 moins de cœur & de moyen, pour deffendre &  
 maintenir sa iuste querelle cōtre tous heretiques,  
 quels qu'ils soyent, tant en qualité de ses vrais cō-  
 mis & deputez en ceste partie, que comme tenans  
 lieu du premier estat, & ayans la premiere voix &  
 auctōrité & le principal pouuoir interest & char-  
 ge en l'estat du royaume, & en la conduicte des  
 principaux affaires d'iceluy apres le Roy. Bref cō-  
 me ils sçauent qu'il les aime tous fort vniquemēt,  
 & qu'il n'abaye qu'apres leur despouille, ayāt sou-  
 uent à la bouche, ce broquard, autant de Prestres, Brocard  
 autant de traistres, aussi n'est-il pas trompé de ce du Roy de  
 costé, & il n'en peut attēdre que tous bons offices Navarre.  
 en temps & lieu, avec la responce que saint Am-  
 broise fit à Valentinian 2. l'heretique, Qu'ils ne  
 trahitont point la cause des brebis aux loups, &  
 n'accorderōt iamais le tēple de Dieu aux autheurs  
 de blasphemē. Et si ce saint Euesque eust l'esprit de S. Ambr.  
 fortitude pour refuser & empescher l'entree de cōtre Theo-  
 l'Eglise à Theodose le Grand iusques à ce, nō seu- dose.  
 lement qu'il eust fait penitēce publique de sa trop  
 grande seuerité, mais aussi qu'il eust fait vn Edict  
 contre les effects de la cholere: combien à plus  
 forte raison se fust-il formalisé, s'il eust esté hereti-  
 que iusques à ce qu'il eut esté Catholique? & fait



vn Edict contre les heretiques, ayant laissé à tous Euesques vn tresgrád exemple de ce qu'ils peuuent & doiuent faire pour la cause de Dieu en cas pareil: & non seulement en ce, qui touche directement le faict de l'Eglise & de la Foy, mais aussi en tout ce, qui peut concerner la gloire de Dieu. Ils peuuent respondre au R. de N. que leur puissance est aussi bien ou mieux establie par les loix de l'estat, & aussi bien confirmee de Dieu & du Royaume, qu'autre qui soit. Celuy qui resiste à leur puissance, resiste à l'ordonnance de Dieu, & à sa disposition: tout de mesme, & aussi bien (dit S. Paul) que celuy, qui resiste à la puissance d'un Monarque ou autre: Et puis qu'il ne veut recognoistre leur puissance, ains qu'il y resiste, qu'ils en peuuent faire autant de la sienne legitimeement & iuridiquement que luy de la leur, quand mesmes il seroit desia estably estant heret. selon le dire de l'ancien Senateur Romain, qui respondit au Consul ne le pouuoir recognoistre pour tel, si iceluy ne le recognoissoit pour Senateur. Car s'il a puissance sur eux pour le temporel, & eux sur luy pour le spirituel. Outre que comme Seigneurs téporels de plusieurs lieux & places ils ont la mesme autorité, que les autres Seigneurs & Gentils-hômes: mais qui est plus remarquable que tout la reste, ils ont cōme nous auons touché au faict de l'exclusion d'un heretique pour Roy, l'exemple de la constance des anciens Euesques en cas semblable, qui leur doit seruir de loy à present. Car nous lisons en Victor, combien toute l'antiquité a estimé vertueuse & chrestienne l'action des Euesques & des Ecclesiastiques d'Affrique, en ce qu'enuiron l'an 490,

*La puissance  
des Prelatz aussi  
legitime  
que des  
Laics.*

*Exemple  
rare pour  
les Prelatz  
cōtre le R.  
de N.*

ils ont mieux aimé perdre leurs benefices, biens, & hōneurs, & estre bannis de leurs pays & relleguez en vne miserable seruitude, pour estre condamnez aux metaux & minieres pour toute leur vie, plu-  
 stost que de vouloir prester aucū cōsentemēt pour la succession d'un Roy heretique, voire mēmes plu-  
 stost que de passer ce mot, qu'ils trouuoient bō-  
 ne la declaration faicte par Hunneric leur Roy nommant vn heretique pour son successeur, bien que ce fust en faueur de Hilderic son fils aisné, & lequel estoit de mēme religion ou heresie que luy & la pluspart du peuple & du pais, & biē aussi qu'icelui fut fort fauorable aux catholiques, voire tāt, qu'il en fut en fin depossédé & tué par les heret. lesquels esleurent vn d'entre eux en Duc pour en chasser & boureler les Catholiques, nonobstant aussi que la Royne Eudoxia sa mere fust fille de Valentinian 3, & qu'elle fust si catholique, qu'après auoir demeuré seze ans avec son mary Hunneric, & voyant qu'il n'y auoit plus aucune esperance de sa conuersion, elle quitta entierement sa compagnie, & s'en alla mourir à la visite & peregrination des saincts lieux de Hierusalem, à l'exēple de sa mere. Et tant s'en faut, que la sage antiquité laye blasmee de tel diuorcé, & d'auoir refusé à son Roy & mary le deuoir de mariage & de subiection, qu'elle en est fort recommandee par tous les liures des saincts peres & historiens, de l'auoir faict pour vne cause si legitime, que l'heresie. Ce quj est fort considerable en ce faict, c'est que Hunneric voulāt paruenir & obuier aux tra-  
 uerses, que ses nepueux du costé de son frere dictz Gunthamond & Trasamond machinoient au

*Ne veulent  
consentir à  
la succes-  
sion du fils  
heretiq. au.  
pere.*

*Fēme qui  
laisse son  
mary pour  
heresie.*

grand preiudice de la paix, & repos du Royaume & de ses subiects, contre le regne & la succession de son fils Hilderic, comme de fait ils le tindrent l'un apres l'autre par l'espace de 49. ans deuât que ledit Hilderic eut le moyen del'obtenir, & d'en iouyr. Et combien qu'iceux fussent cognuz tres-cruels ennemis des catholiques, comme ils le monstrent encores mieux par effect estans Rois, toutesfois les Euesques catholiques aimerent mieux non seulement d'estre ruinez en leur particulier, mais aussi que tout l'estat allast en confusion, & que les meschants fissent ce, qu'ils voudroient, plustost que d'y participer directement ou indirectement, & d'offencer la religion ou charger leur conscience en prestant ou donnant consentement, si peu que ce fust, à l'establissement d'un Roy heretique. Et par mesme moyen l'on peut obseruer combien la voix & l'opinion des Euesques a esté tousiours requise & de pois en tous Estats Chrestiens pour les conseils & resolutions des affaires publiques, & singulierement pour la reception ou l'installation d'un Roy, les Chrestiens ayant en tel cas plustost recerché de leur bouche, qu'est-ce qu'ils deuroient faire, & suiure, que de toutes les autres loix profanes, non pas mesmes de celles, qui estoient propres & ia establies en leur pays & Royaume.

*L'opinion  
des Prelats  
necessaire  
en la suc-  
cession des  
Roys.*

*Le tiers e-  
stat contre  
le R. de N.*

Quant au tiers estat des corps & villes, communautez & plat pays, qui ont senty par l'espace de tant d'annees tant de diuisions, incommoditez, foules, & pertes par l'heresie, & ce maudit party des Huguenots, est-il possible que le Roy de Nauarre s'en puisse rien promettre? Deuant l'Edit

de Reünion, & lors que le Presche auoit lieu & vogue, elles n'estoient qu'en continuelles deffences & querelles les vns contre les autres, vne bonne partie des familles n'estoient remplies que de riottes, murmures & desobeissances de la femme ou du fils Huguenot contre le mary & pere catholique: & à present qu'elles ont senty la grande difference du repos & contentement, que la reünion en vne mesme foy apporte d'auec l'inquietude & trouble de l'heresie, est il croyable qu'elles puissent desirer y rechoir, & qu'elles ne haïssent comme la peste le R. de N. qui les y voudroit precipiter, ou fauoriser ceux, qui les y ont voulu induire & forcer par le passe? Il sçait, cōme d'une iournee loing les villes de son gouuernement l'enuoyent prier en pleine paix, de n'y venir point, & quelles benedictions il reçoit tous les iours, tant de celles qui ont senty sa domination, & qui se sont rachetees de la tyrannie de l'heresie, comme Orleans, Niore, Fontenay, Perigueux, Montsegur, Rouen, Lyon, Bourges, Poictiers, la Fere, Angoulesme, Cahors, Agen, Sarlat, Villeneuve, Montreal, que des autres, qui l'aiment mieux croire que l'essayer: & lesquelles routes monstrent estre resolues d'y receuoir plustost l'Espagnol, voire le Turc, que de luy ouurir les portes. D'autant qu'il les conseruera au moins en leur religion: laquelle ils estiment plus, que leurs enfans, que leurs biens & leur propre vie. Et au pis ils font leur compte qu'il ne leur peut estre plus dōmageable, que de les forcer à se rēdre Mamelus cōme le R. de N. les veut cōtraindre à estre Caluinistes. Et damnez pour dānez, ils ne voyēt pas qu'il y ait grāde difference ou choïs à

*Se souz-  
mettre plu-  
stost au  
Turc qu'à  
l'heretiq.*

estre damnez comme Mahometains, ou comme heretiques, ny qu'il y aye en l'un plus d'aduantage qu'en l'autre. Et tenant l'heretique pour pire que vn infidelle, & plus inhabile de la Royauté Francoise qu'un roturier, ils seront d'autant plus excusables, qu'ils se rengeront (soit dit à la honte & confusion de ces Athees, qui fauorisent l'heretique, & non que ce soit nostre intention) souz la dition & protection de celuy, qui les pourra deffendre contre l'heretique, lequel ne tend qu'à les priuer & leur rauir leur religion & leur salut. De sorte qu'on nous a asseuré que de tout estat & qualité de gens, ceux, qui luy sont plus proches du lieu, & qui l'ont plus hanté, experimenté & cognu en tout, ce sont ceux-là, qui le craignent, qui le fuyent le plus, & l'aiment & estiment le moins, tesmoing que ceux mesme de la Rochelle ne s'y sont iamais voulu fier, que bien à point, comme ils escriuent eux mesmes, tant les siens propres ont sa fidelité suspecte.

*Ceux qui plus con-  
gnoissent le  
Roy de N.  
l'haïssent.*

*La Flan-  
dre apprend  
aux Cath.  
de ne se fier  
à l'heretiq.*

Pense-il aussi que le seul exemple de la Flandre ne soit plus que suffisant, pour seruir aux villes catholiques de conseil & d'aduis: afin de ne se fier ne à luy, ny à ses louucteaux d'Huguenots. Quel fruit ont eu ces pauures cath. qui voilez de passion contre l'Espagnol, ont esperé trouuer plus de fidelité & de protection en un Prince d'Orage, & aux heretiques qu'à leur Prince & Seigneur naturel, & de leur religion? Mais quel profit ont eu ces pauures Gueux & heretiques Flamens, de s'appuyer tantost sur le Sieur Matthias frere de l'Empereur, tantost sur le Prince d'Orange, tantost sur feu Monsieur frere du Roy, pour pèser par leur protection euitier la domi-

nation d'Espagne, que leur entiere ruine en toutes façons? Ne leur eut-il pas vallu mieux se contéter de leur liberté de conscience, qu'abayant apres vn exercice public estre priuez de l'un & de l'autre? N'eust-il pas valu mieux à trestous de payer cent & tant d'escus par an, que d'en payer vn million, à quoy les guerres les ont contraincts & reduits, & ce à des personnes, qui leur reprochoient encor à toute heure leur vie, & la corde: & qui en fin apres tât de pertes les ont precipitez ou laissez rechoir entre les mains de l'Espagnol, & souz l'inquisition tant par eux redoutée? Cela ne apprend il pas à vn chacun, qu'il n'y à que de despédre & se maintenir avec le vray maistre & Roy qui soit catholique & que tout ce qu'on faict entre d'eux, n'est que folie & ruyne? Nous laissons les Abbez & Ecclesiastiques, qui se rendirent par vne miserable deception & vaine esperance de vnion & de paix, defenseurs & promoteurs de l'heresie & des Gueux. Car ceux-la en ont mangé maintes poires d'angoisses, & leur miseres & pauvretez preschât assez à tout le monde leur simplicité & aucuglement, & la desloyauté, perfidie & cruauté des heretiques.

*Il n'y à que  
de despen-  
dre du R.*

Il semble qu'il espere grandement en tous ceux, qui ont esté cy deuant de sa secte, se promettant qu'ils feront la reuolte avec l'aparence de sa bõne fortune, mais les bons & fermes comportemens de la plus part d'iceux, & le grand resentiment & synderesse, qu'ils monstrent d'auoir esté trõpez si lourdement, luy fera cognoistre le dire des anciens veritable, Qu'il n'y à plus grand ennemy du vice, que celui, qui en à gousté l'amertume.

*Ceux qui  
ont abiuré  
sont contre  
le R. de N.*

*Les Cath.  
Libertins  
seront con-  
tre le R.de  
Navarre.*

Il ne met pas moins d'appuy pour son establissement sur la pusillanimité, lâcheté, & corruption des autres Catholiques libertins, qui sont plus religieux de fiction & d'apparence que de cœur & de foy, & lesquels pource qu'ils fōt plus d'estat du Royaume terrestre & pur temporel que du Royaume de l'Eglise, ou d'un estat Chrestien : du sang pur animal & naturel, que du sang de Iesus Christ, ou de celui qui est Christianisé, il appelle bons & naturels François, que ie denie bons & naturels Athees (car de bons Chrestiens il cele expressement ce tiltre, sçachāt bien qu'il luy est contraire, & que ceux qui se souuiendront d'estre Chrestiens ne luy tiendront pas volontiers la main) Certainement nous ne nions pas que le nombre de telles gens ne soit par la grace de noz pechez & de l'heresie qui les a renduz ainsi infects, & sans beaucoup de sentiment, de Dieu, plus grand qu'il ne faudroit. Toutesfois, puis que la vie & l'ame de telles gēs ne gist & consiste qu'en la temporalité, & à iouyr des aïssances de ce monde, nous voulons esperer qu'il ne s'y engageront bien à poinct, & autant que la fortune luy rira à bōne veue, & qu'ils y recognoistront toute leur seurété. Ce que n'est pas besongne preste, Dieu mercy, pour Paris, Orleans Tholose & autre bonnes villes, ou les Catholiques zelés, & naturels François ont la meilleure part, & plus forte voix, que les estrangers Biarnois & Navaristes.

*Il ne reste  
au Roy de  
N. pour re-  
fuge que  
les Hugue.  
desesperer.*

Il ne peut donc rester au R.de N. pour son fondique, arsenal, & souuerain refuge, que les seuls hugue. ou pour mieux dire partie d'iceux, & celle qui est des plus desesperés & abādōnez de Dieu & des



medecins. Car Dieu ſçait cōme les autres le maudiffent & luy imputent tous leurs malheurs. Mais encores que direz vous que c'eſt que de ſes forces là ? L'on tiét pour certain qu'il n'en pourroit tirer de toute la Guyēne, ou il eſt mieux fondé, pour les mener vne iournee loing 2000. hōmes. Iugez, ie vous prie du reſte, & ſi ce ſont gens pour luy conquerir la France, & ſi les Cath. doiuent craindre de luy reſiſter, ou de pouuoir eſtre forcez en leurs cōſciences par ces belles gens, qui ne ſeroiēt pas ſuffiſans de conquerir le royaume D'yuetot, & contre leſquels il ne faut que fermer les portes, & oppoſer noz ſeules murailles, comme meſme accorde Belloy, Marmet, & les Miniſtres luy promettēt ſur certaines inspirations & reuelations particulières qu'ils diſent auoir de Dieu, vn grand nombre de legions d'Angeſ & Archāges: touteſois l'on penſe qu'au faiēt & au prendre ils luy manquerōt par faute de viures, de ſolde, ou autrement. Mais à defaut de ce ſecours le Gentil-homme de l'Egliſe imprimé n'a-gueres à Orthes, luy promet (fol. 5.) que Dieu deſcendra pour faire la guerre luy meſme (& nō par commis, Vicaire, Procureur, & Lieutenant general) & l'aduife d'une grande & ſecrete reuelation qu'il a eu de Dieu, que l'Ange de Sennacherib vit encores, & que le deſtructeur de Sodome n'eſt point mort, & qu'ils ſont à ſon ſeruiſe. Peut eſtre qu'il adiouiſte plus de foy aux predi-  
ctions de ſa plus aimée Biarnoife, qu'on dit luy aſſeurer par ſa Nigromance la Courōne, & s'en promettre bonne part.

D'une choſe vo<sup>u</sup> pouuōs nous biē aſſeurer, pour tres-certaine & tres-vēritable, q̄ la plus part de ſes

*Les forces  
du Roy de  
Nauarre.*

*Folle eſpe-  
rance du R.  
de Nau.*

*Les Hug. font las du R. de Na.* mesmes plus fermes Huguenots en sôt si las, & connoissent tant son ambitio, impuissance, & le peu d'esperance qu'il y a qu'il les puisse iamaiz faire iouyr de ceste exercice public, paisible & libre, qu'il leur promet tant, & lequel il leur fait acheter si cherement, qu'ils sont continuellement apres luy, afin qu'il les laisse viure en paix, se contentans qu'il plaise au Roy leur permettre la seule liberte de conscience. Et n'estoit qu'il s'est faisi des Villes & cōmunautiez par citadelles & garnisons, & qu'il tient les chefs & principaux Capitaines de ce party interessez avec luy, & que la commune necessite les cōtient encores ensemble, vous y verriez entr'eux plus de diuisions & remuemens pour ce point, qu'au reste de l'estat. Les Eglises qu'ils appellent de la France par deça Loyre vers Paris, luy ont refuse assez hardiment tous secours de deniers, & d'hommes avec grandes plainctes de ce que son ambition & legerete à commencer si souuent la guerre, ou à prendre & à mettre le Roy & les catholiques en deffiance, est leur entiere ruine : que pour vn mois ou vn an qu'il leur donne par les Edits de Pacificatio arrachez à force de piccoree, de iouissance de leurs preches, qui ne leur sont point si necessaires, qu'ils ne puissent apprendre leur salut en lisant ou oyant lire la Bible, & ne puissent prier Dieu en lisant pareillement, ou faisant lire leurs Pseaumes & Catechismes, il leur donne infinis moys & ans de guerre & de mauuais temps, si bien qu'ils n'ont pas si tost commence de se remplumer des pertes passees, qu'il les expose de rechef au pillage & en proye. Et tant s'en faut qu'il les face iouyr de l'exercice de leur religion,

*Refusēt de contribuer.*

*Vanité de leur exercice public.*

ligion, qu'il les priue entieremēt de pouuoir iouir de la liberté de leur conscience, avec la iouissance de leurs maisons, biens & commoditez: & les cōtrainct de recheoir si souuent à des reniements & abiurations de leur religion.

Pense-il qu'ils ayent oublié la menace, qu'il fist avec Cleruant en leur penultième assemblée generale des Eglises à Montauban, pour leur faire trouuer bon, qu'il vendit au Roy sa ville de Perigueux pour la somme de cinquante mil escus? Et cōme Monsieur le Prince de Condé luy résista en face, alleguāt que ce seroit donner moyē au Roy, par lequel il leur pourroit refuser sēblables seuretez vne autre fois, & que ceux de la religion auroiēt occasion d'estimer qu'ils ne cerchoient qu'à faire leurs affaires à leurs despēs, mais principalement (disoit il) que ce seroit vēdre la religiō (ce sont ses mots) & la conscience de tant de fideles de ce pays là, qui estant priuez de ceste ville, seroient bien tost priuez de l'exercice de leur religion?

Pense-il aussi qu'aduenant puis apres la remise ou surprinse de ladite ville en temps de Paix, par le moien que chacun sçait, les Eglises n'aient creu fermement, que tout estoit joué à la main de son sceu & intelligence, voyant qu'au lieu de punir le Bastard Balsonce, qui y commandoit de sa part, il luy bailla le gouuernement de Peimirol en Agenois, avec vne bonne somme de deniers? Et qu'au lieu de poursuiure la iustice contre les entrepreneurs, selō le desir & crierie des Eglises, & suiuant l'Edict, il vendit la cause, le sang, & la substance des pauures fideles meurtris & pillez, pour la mesme somme de cinquante mil escuz, qui luy a esté

*Le R. de N.  
vêd Perig.  
soux pretexte  
de faire  
un fond  
pour auoir  
des Restes.*

tresbien payee, apres auoir esté leuee la pluspart  
sur tout le Perigord, souz ceste occasion de son  
payement.

*Le R. de N.*

*ne vise que  
à son pro-  
pre.*

Nous ne pouuõs taire icy en passant, par ce que  
cela sert pour descouurir la ruse de la declaration,  
voulant inferer combien les Huguenots luy sont  
obligez, & le doiuent estimer en ce que, dict-il, la  
paix se faisant avec feu monsieur il ne fit instance  
d'un seul mot pour soy, & qu'il ne s'y liât point vn  
seul article, qui le touche, Que la verité est, souz  
son honneur & permission, qu'il enuoia lors, du  
traicté les sieurs Roques son maistre d'hostel, & la  
Burthe son soliciteur general (qui en recompence  
eut lettres de Conseiller Huguenot de la chambre  
mipartie de Paris) avec vn cayer de 25. à 30. arti-  
cles concernant son seul particulier, & ce qu'il de-  
mandoit pour son contentement: qui luy furent  
tous respondus dans le chasteau ou se faisoit la  
Conferace, pres Nemours. Et par ce que ce ne fut  
pas à son gré, & qu'il luy sembla, que Monsieur ne  
s'y estoit point affectionné si auant qu'il desiroit,  
il n'oublia artifice quelconque enuers le Casimir,  
qui estoit du traicté, afin qu'il se mutinast pour em-  
pescher le cours de la paix. Et de fait, n'est-ce pas  
de la qu'en prouient la longueur de la conclusiõ,  
& quel'on eust quelques iours grand craincte en  
Court, que ledit Casimir ne s'emparast de la per-  
sonne de Mõsieur pour l'amener en Allemaigne?  
Aussi ledit Roy ne craignoit point de dire ouuer-  
temér, que ledit Sieur auoit fait lors sa paix, mais  
qu'il feroit la sienne vn' autre fois: signifiant qu'il  
y feroit ses affaires, cõme il n'oublia pas à la pro-  
chaine paix de l'an 1577. faisant imposer sur le

*Force de R.  
de faire im-  
pos sur le  
peuple à sõ  
profit.*

peuple de grands deniers à son profit. Et ne fut ce pas alors qu'il extorqua du Roy ce grand impost sur les pastels, duquel il a tiré tant d'argét, & dont il y en a tant de plainctes de ceux de Thoulouse? S'il se veut preualoir enuers les simples de ce, qu'il se lit en l'Edict vn seul article pour son profit particulier ose il nier ou dissimuler, qu'il ny aye eu tousiours en tels traictez pl<sup>r</sup> d'articles secrets, que publiez & comprins en Edict? Mais pense il qu'on aye oublié l'excessiue recompéce qu'il demâdoit lors dudit cayer, & notamment sur la Bretagne, à l'occasiō de la perte de son Royaume de Nauarre & la grâde extention qu'il pretendoit faire de son gouuernemēt iusqu'au port de Pile? Pèse il qu'on aye oublié les autres articles non moins honorables, & ne tédans tous, que à l'effect de son ambition, mangerie du peuple, diminution & ruine du Royaume? Pèse il qu'on aye oublié que l'enormitié d'iceluy luy ayât este reprochée, il n'e sçautoit qu'en reiecter la coulpe sur le Sieur, que chacun sçait auoir eu pour lors la superintédéce de sa maison? Il se garde bien de publier les respōces pertinentes, qui luy furent faites pour lors, par ceux du Conseil du Roy, qui assistoyent à la Royne mere, sur toutes ses grandes pretentions sur le Royaume, & contre nos Roys, & notamment comme il ne iouyssoit de la souueraineté du Viscomté de Bearn, que par souffrance accordée premieremēt par Louys 12. à lean d'Albret Roy de Nauarre, apres l'expoliation de son Royaume, à la faueur de la Royne Anne Duchesse de Bretagne, à cause que sa mere estoit de la maison de Foix, & que la femme dudit Roy lean heritiere desdits de Foix

*Prétensions  
du R. de N.  
contre la  
roianne.*

*Bearn est  
de la souue  
raineté de  
France.*

& comme oubliées, pour son honneur, sans les remuer d'auantage.

Surquoy nous vous lairrons à penser combien il se trouueroit de semblables sonnettes (soit dict *Declaratiō du R. de N. pleine de sonnettes.* sous sa supputation & contre les Secretaires si deshontez) en ceste Declaratiō, si l'on les vouloit descouurir & poursuiure de mot à mot, comme l'on feroit volontiers, si la pluspart du monde ne s'aduisoit tresbien, que ce sont choses supposees, & faictes à plaisir selō le vol de la plume du Sr. du Plessis, & les artifices de ceux du party? Quelle foy pēsent ils qu'on leur puisse auoir aux choses douteuses, veu qu'ils osent imposer si hardiment aux choses cleres tesmoignees par vne infinité de gēs d'honneur & desinenties par le Soleil & la Lune?

Nous appellons & attestons icy toutes les consciences des plus innocens Huguenots, qu'ils nous disent, s'ils ne sont pas bien miserables, que pouuant viure en repos avec leur conscience libre, sans estre forcez d'offencer Dieu (comme ils parlēt (& avec la plaine iouyssance de leurs commoditez, & la bien-veillance du Roy, de ses officiers, & des Catholiques, ils se laissent plonger à vn abisme de malheurs par des vaines promesses & imaginations : lesquelles ils voyent s'esloigner de iour à autre, d'autant plus qu'ils en pensoient estre bien près, & les toucher du doigt. Ne sont-ils pas bien simples & mal fortunez de rechercher leur exercice si peu necessaire, pour estre cōtraints de retourner bien tost apres à la Messe, & aux abjurations, comme la pluspart d'eux ont fait plus de cinq à six fois? Ne recognoissent-ils point que c'est la prouidence de Dieu, qui conduit c'est

l'estat, c'est à dire d'estre Roy? que l'ombre & pretion de l'exercice de leur religion n'est qu'une ligne & fillet pour pescher la couronne? & une pompe pour succer leur substance.

Ne voyent ils pas bien clerement, que iamais les Catholiques n'endureront ce meslange, comme estant contraire à l'establissement du Royaume: & lequel on a experimeté estre trop dommageable à l'estat, & ne tendre que à sa subuersiō & à leur entiere ruine? N'ont il pas apprins par experience, qu'il n'est pas non seulement impossible, mais que c'est une vraye folie (disoit aussi leur feu chancelier l'Hospital en son harague des Estats d'Orleans conformement à la remonstrance des anciens Euesques à Constantius Emp.) d'esperer paix, repos & amitié entre les personnes de diuerfes religions, ce qui est principalemēt vray, lors qu'elles sont appuiees sur mesme fondemēt, comme sont le Cat. & l'here. Car il est non plus possible de vivre ensemble en paix (dict S. Cypriē) que l'aigreur ne peut estre vni & s'accorder avec la douceur, ny les tenebres compatir avec la lumiere, ny la pluye avec le beau tēps, ny la guerre avec la paix, ny la sterilité avec l'abondāce, ny la secheresse avec les sources des fontaines, ny la tempeste avec la tranquillité & le temps calme. Ne connaissent ils pas biē s'il est vray ce que aucuns disent qu'il ne tient que à certains articles de negotiation ou capitulation, qu'on ne luy veut accorder, ny accordera, s'il plaist à Dieu, iamais, que le R. de N. ne les quite entierement, & face peut estre, comme tous changemens sont extremes, trophée de leur peau & de leurs fortunes, comme il a esté fait à l'Islo-

*Impossible de souyr de la paix avec l'heresie.*



le fureur desesperee a saisi leurs esprits? Ne sont ils pas François? ceux qu'ils veulent saccager, & piller, ne leurs le sont ils pas aussi? veulent ils attendre à reunir volonteze avec ceux desquelz ils se sont separez, lors que la France soit asservie honteusement au ioug de l'estranger? ou qu'ils l'ayent reduite en sang, en vn sepulchre, ou vn desert? Quelle occasion-ils d'attendre du Roy par le moyen & intervention du Roy de Navarre qui est pleine de suspitions & deffiances d'estat, meilleur traictemēt, que se reposer & fier entierement à la clemēce, & & bōté paternelle de sa Maieſté? Le maistre ou le tyran traicte-il mieux ses seruiteurs & obeissans, que le pere ses enfāz, & le Roy ses ſuiets naturels? Il espuise leurs faict bourses, il les tancer & vilipēder à ces fins par ses Ministres: il les pille par garnisons, & leuees de gens de guetie. Et apres cela il les abandonne à la mercy du soldat Catholique qui ne leur laisse rien.

*Il n'y a que  
de desſpedre  
du R. ſeul*

Que les villes & habitans, ie vous prie, se mirent & prennent exemple à ceux de ſaincte Baſille, Montſegur, & Caſtillon combattues & priſes par les Seigneurs Duc du Mayne, & Mareſchal de Matignon en Guyenne. Qu'ont gaigné ces pauvres bourgeois & habitans de se mettre en ceſte ruyneuse & infauſte protection du R. de N? Il les a tourmentez & harassez pat ſi long temps avec tous les enuirs, les contrainns de porter la hotte, & ciuiere pour trauailler aux fossez, esperons & fortifications de leurs villes. Il leur y a faict employer tout ce qu'ils pouuoient auoir de plus clair, & pl<sup>9</sup> aſſeuré. Il les a foulez de groſſe garnison, & ſi lōg temps qu'il leur a

*Exemple de  
3. villes ſin  
gulier.*

cōuenir de les nourrir & payer. Le siege s'approchant, il s'en deffie comme de ses propres ennemis, pour la crainte qu'il a que la perte de leurs maisons, & bien ne les esmeue à faire trop tost composition. Il les chasse de leurs foyers, & les ennuoye comme bannis, ou il les trouuera tousiours pour les pincer & presser: & s'il y en a demeuré quelques vns, le soldat estranger se sauuant par composition, le pauvre bourgeois & habitant est abandonné à la corde & au bourreau. Il est cause que tous les enuironz sont fourragés par les forces du Roy. Et en fin apres quinze iours, trois semaines, ou vn mois, voila la belle recompence qu'il leur red, d'estre cause que leur ville est ruinee pour iamais, que leurs maisons sōt brulées & démolies, que leurs femmes & filles sont violées, que le pauvre souldat soit miserablement tué & mal sacré, que le Gentilhomme perde son honneur, & que le bourgeois soit pédu, & le tout pour son opiniaistreté, & ambition. Regrettent ils encor les aux & oignons d'Egypte, & qu'ils ne puissent seruir de tuilliers & esclaves au Roy Pharaō? Ne voyēt ils point qu'ils allaitent de leurs sang les bourreaux qui les gehennent? qu'ils donnent curée de leurs biens à ces chiens, ou plustost tigres & lions rugissans, qui les deschirent? & qu'ils font triōpher de leur bonté ceux, qui n'en ont point.

Est il possible q̄ ceux qui ont des yeux ne voient rien? Et que ceux, qui ont de l'entendement, se rendent ainsi serfs de ses passions, & se laissent ainsi bourreller & matiner sans ressentir dont vient le mal? & qu'il ne se soucie d'eux que comme d'un marchepied à sa grandeur & vengeance?

Il leur promettoit trente mil hommes estrangers: il les asseuroit sur sa foy de les secourir: il leur iuroit vn estat ferme & stable, & mesmemēt en l'vsa-  
 ge de ce beau exercice public: mais il s'en fuit, & ils ne rapportent riē plus asseuré, que la pauureté  
 que la haine de tout le monde, que les maledictiōs du peuple, que les effects de l'ire de Dieu, finable-  
 ment qu'vne tardiuē repentance de s'estre laissez  
 piper de ceste façon, & vne honte de recouirir  
 pour toute leur seureté & secours à vne cinquies-  
 me ou sixiesme abiuratiō de leurs heresies, & aux  
 sōspirs & regret de leur aueuglement & faute.

*Le fruit  
que les Huguen. rap-  
portent du  
R. de N.*

Et bon Dieu si l'on veut regarder la cause pre-  
 miere & fondamentale de tant de maux, ne voit  
 on pas bien que telles guerres ne peuuent estre  
 mieux fondees de leur part, qu'est leur Religion:  
 Peuvent-ils ignorer (comme nous auons touché  
 cy deuāt) que tout le different d'entre les Hugue-  
 nots & Cath. sur la religiō se resoult en ce mot &  
 ne consiste qu'en ceste seule & originelle opiniō,  
 Que le R. de N. mainrient & s'opiniastre cōtre la  
 foy & le iugement de tous nos Rois & du Roy-  
 aume en tous siecles. Que Calvin & ceux qui le  
 suiuent ont mieux entendu tous seuls l'escriure  
 sainte, & mieux ordonné le vray exercice public  
 de la religion, & les moyens pour paruenir à salut  
 que tous les Conciles, que tous les Papes, que to-  
 les saints Docteurs, & Euesques de la France, ny  
 du monde, & par consequent que toute l'anti-  
 quité Chrestienne? En laquelle toutesfois (si saint  
 Paul est à croire) il ny a eu iamais faute de per-  
 sonnes, lesquels, comme il parle, ont fait la char-  
 ge d'ambassade pour Iesus Christ, & par les-

*Le point du  
different des  
Cath. & des  
Hug. & de  
leurs guer-  
res.*

*L'Eglise n'a  
iamais esté  
sans vrais  
pasteurs.*

quels Dieu a enseigné & exhorté le monde continuellement & sans interruption. Que les Ministres disputent, remuent, & combattent tant d'articles de religion qu'ils voudront: que le R. de N. en leur faueur ou autrement, nous pille, nous tue, & qu'il s'acharne sur nostre sang & substâce tant qu'il pourra que tous ensemble palliét, qu'ils courent, qu'ils masquent leur intentions, debars, pre-tentions, & actions de si belles paroles, & pre-textes, qu'ils voudront: si est-ce qu'ils ne trouue-ront point, & ne pourront alleguer autre raison finale ny premiere, que ceste là, Que c'est parce, qu'il leur semble, que Calvin, & ses sectateurs en-tendent mieux seuls l'escriture, que tout le mon-de, ny que tous nos anciens, François? L'on est d'ac-cort que la foy se doit puiser & prédre de la seule Escriture sainte. L'on n'est en different sinon qui l'entéd mieux, eux, ou nos Rois & nous tous, qui suiuous le general consentement de tous les con-ciles, & de la cōpagnie que Dieu a promis de lais-ser, inspirer & conduite en terre pour l'asseurance & certitude du sens d'icelle. Le R. de N. soustient l'affirmatiue pour eux, & que tout ce que nous croions au contraire, n'est qu'abus, dequoy il dict pour suiure la reformation. Voila sa maistresse rai-son, le fōdemēt, & la cause des causes des guerres pour la religion (si tant est qu'e pour son regard il aye ceste mire de religion) C'est le plus honora-ble & ferme gond, sur lequel sont appuyez en ap-parēce toutes nos cōtentiōs. Qu'elle raison ou ar-gumēt certain peut auoir ou produire, ie vo<sup>o</sup> prie le R. de N pour croire telle proposition plustot q<sup>ue</sup> celle des Cat? Est-il vn si grād Theologien, ou a il

*Raison in-  
vincible  
que le R. de  
N. n'est  
point pouf-  
sé de con-  
science ny  
de religion.*

si bonne part avec le S. Esprit, qu'il en puisse iuger certainement par raison, ou inspiration priuée & speciale contraire à l'vniuerselle & Catholique? Mais quelle apparéce y a-il, que luy-mesmes aye si peu de iugement commun, que d'adiouster foy à tel dire de Moines defroquez, de gens ignoras, contre les raisons & le sentimēt vniuersel de toute la Chrestienté & notamment contre la créace de tous nos Rois & du royaume, dès le tēps qu'il a cōmencé à estre, & celle de ses propres ancetres? Ceste illation & conclusion n'est-elle pas bien li-  
 • fable & palpable? Que ce qu'il en faict ne peut  
 • prouenir d'une si sotte, folle, & fantastique opi-  
 • nion sur la religion, ains seulement comme nous  
 • auons dict tant de fois d'ambition, de haine, &  
 • vengeance, cōme estant des qualitez qui semblēt  
 • à certains fols de ce temps, ne tomber qu'en cœur  
 • grand, genereux, & magnanime?

*L'ambitiō  
est la reli-  
giō du R.  
de N.*

La posterité pourra-elle croire vne chose si e-  
 • strāge, qu'on ne sçait, si on le doit imputer plustost  
 • à la faincantise & stupidité de ces pauures gēs, ou  
 • à la ruze & finesse du R, de N. qu'o ne sçait si l'on  
 • doit plus deplorer leur creance ou credulité en  
 • ses Declarations imaginaires, & promesses si sou-  
 • uent faucees: ou detester l'infidelité de ce Prince?

*Merueille.*

L'on nous a asseuré q̄ quand on luy rapporte la  
 • perte de ces villes & de tāt de gens, qu'il se conso-  
 • le de ceste façon, disant, 'Que ce ne luy est rien:  
 • Car si ie dois, dict-il, demeurer de la religion, il  
 • no' reste encor beaucoup de fotts pour beaucoup  
 • d'annees, & vn des soldats, qui se sauue, en vaudra  
 • cēt d'autres en faction de guerre. Si ie dois estre  
 • Cath. ie me venge & deffaits desia de bonn'heure

*Consolatiō  
du R. de N.*

nous en asseurer, toutes choses arriueront au R. de N. du costé des Huguenots, selô ce qu'il se promer, & qu'il eust vn môde d'estrâgers, & que tous les Huguenots se bandassent & remuassent pour luy, pësez vous que ce luy, qui sera sacré Roy, receu & publié par les Cathol. ne sçache pas bien defendre ses droits, & luy resister vertueusement? Il aura les Princes & Pairs, & tous les Ordres & Estats du roiaume: il aura le cœur & l'affectiô des sujets qui sont pour la plus part Catholiques: il commandera aux Cours des Parlemens: il tiëdra en sa main les places & villes fortes de ce roiaume: il disposera des trefors & finâces à son plaisir. Il aura les estrangiers anciens alliez de la courône & tous les Cath. à sa deuotion, & pour vn que le R. de N. en aura, il en aura mille. Il iouira d'autant plus facilement des biens & commoditez des Catholiques, que la guerre se fera & pour l'estat & pour la manutëtion de la religiô ensemble: les decimes & ventes du temporel ne luy seront point espargnees, ny par le clergé, ny par le Pape. Et nous nous asscurôs que sa sainteté regrettera encores moins d'employer les quatre millions d'or qu'il a reserué à ces fins de son espargne dans le chasteau saint Ange, selon qu'il a déclaré par sa Bulle sur ce, & qu'on a sceu depuis. Il aura ses subjects & tout le monde d'autant plus obeissans & volontaires à ses ordonnances, que c'est chose ordinaire, qu'ô obeist plus volôtiers à celuy, à qui on a dôné sa voix, ou receu le premier. La necessité vrgëte & peril cômun de tomber es mains d'un heretique, qui est autant à dire que vn'ennemy coniuré de Dieu & de nostre religion, seruira

*Le R. Cathol. disposera vne mët au R. de N.*

*Le Pape a reserué 4. millions d'or en vn an contre l'heret.*

*Ratiocina-  
tiō sommaire  
cōtre la re-  
ception du  
R. de N.  
par recapit-  
ulation du  
liure.*

*Pag. 12.*

268.

*Page 5. inf  
qu'à 76.*

*Pag. 15.*

340. 108.

*Pag. 256.*

259. 420.

443. 275.

368. 460.

496.

*Pa. 256.*

295. 177.

159. 187.

204. 255.

475. 268.

de lieu, de concorde, d'esguillon & reueille-matin à vn chacun, pour y employer & le vert & le sec, considéré mesmemēt le naturel du François, qui ne vaut qu'autāt, qu'il est pressé & cōtrainct, & aussi la cōditiō de ceste nouuelle religiō, qui est la plus turbulante & incompatible, qui iamais aye esté, selonc mesme le dire des Protestans & Lutheriens.

Pour mettre fin à ce discours, si l'heresie & sur toutes la Caluinienne est si incompatible & detestable si defastree preiudiciable, non seulement pour les consciēces, mais à tout l'estat de ce royaume: si le R. de N. son fils aîné, chef, protecteur de l'Eglise des malings n'a iamais tesmoigné par toutes ses actions, qu'une tresmauuaise & tresdangereuse vōlonté & cruelle animosité contre le Roy, les Princes & generalement contre les Catholiques & leur religion: s'il est non seulement heretique public, manifeste & profes, mais aussi relaps obstiné, endurci & deploré, s'il est desia iugé pour tel, & cōdāné inhabile de la succeſsiō de ce royaume, & de Dieu, & de l'Eglise, & des Cōciles, & du Pape, & du commun sentiment de toute la Chrestienté, & des estats generaux de ce royaume, & des feuz Rois, & des Courts de Parlements, & par l'Edict de la Revnion, & par les communs & generatix vœux & desirs des Catholiques, & ce suiuant la parole de Dieu, suiuant les saincts & generaux Conciles, suiuant la loy de nature, suiuant la loy des gēs, suiuant les loix du royaume, & le droit de la gent François, suiuant les droitz, & libertez de chacune prouince, les priuileges de villes, les contractz passez, avec les feuz Rois & l'estat, d'estre maintenus en la religion de leurs peres: sui-

uant



uant l'ancienne vſance & ordinaire pratique de la  
Frâce, ſuiuât la generale couſtume de tous les peu-  
ples & natiōs, tant chreſtiennes qu'autres, ſuiu-  
ant l'experience de tous les ſiecles, ſuiuât l'opinion de  
tous les ſaincts Docteurs, & ſuiuât le droit ciuil & *Paris 318.*  
Canon: au iugemēt des Vniuerſitez fameuſes, des *460.*  
Philophes, citoyens bons politiens, des Theolo-  
giens, des Canonistes, des Iuris-consultes, des Lu-  
theriens, & de toutes ſortes de religions, & qui eſt  
admirable par ſon propre dire & cōceſſion, & ſe-  
lon l'exemple de luy, & des Huguenots, & pour e-  
uiter neceſſairemēt vne guerre immōrtelle, la pri-  
uatiō de la vraye cognoiſſance de Dieu, l'entiere  
ruine & chāgemēt des Parlemēts, des trois eſtatz,  
& du royaume, la ſubuerſion des principales mai-  
ſons & familles Catholiques & de leur religion,  
& en fin la diſſipation de toute la Chreſtienté.

Finablement apres tant d'exēples, preiugez, & *Fondemēt*  
raiſons ſi apparētes & certaines, fōdees & tirees de *de l'exclu-*  
ce qu'il y a vn Dieu, & que la religiō Cath. Apoſt. *ſion du R.*  
Ro. eſt la vraye, & q̄ le royaume eſt Chriſtianifé, *de N.*  
vny & aſſubiecti à icelle, & à ceux ſeuls, qui ſōt de  
ſō corps, & qui luy obeïſſēt, doit on trouuer eſtrā-  
ge, que tant le premier Pair & Prince du ſang, que  
les autres principaux, Pairs, Princes, Ducs, Cōtes, *La cauſe*  
Seigneurs & officiers de ceſte Courōne, & les bōs *de la Li-*  
Cathol. s'vniſſent pluſtoſt que plus tard, & ſe re- *gue.*  
cognoiſſent enſemble ſouz le bon plaïſir, du Roy  
tres-cheſtien, & le ſage conſeil de la Royne mere,  
pour arreſter le cours de ſes violences, & de tāt de  
miſeres & calamitez, pour empēcher que la beſte  
de l'heresie ne maïſtriſe le royaume, & que ſon  
hōneur, pour parler avec l'Apocalypſe, le R. de N.

n'empieete iamais la courōne, ains qu'elle soit conseruee à Iesus Christ, & qu'il ne soit admis aucun pour son Vicaire ou Lieutenāt general au temporel, non plus qu'au spirituel, qui luy soit contraire, & lequel ne luy aye fait serment, comme Roy Catholique & fidele, selon l'ancienne obseruance, & suiuant la loy de Dieu & de l'Eglise.

*Le patron  
du Car. de  
Bourbon.*

Car si le grād Prestre Ioīadas, qui estoit allié des Roys & pour son office la secōde personne apres le Roy, non seulement au iugement des choses sacrees, & matieres Ecclesiastiques, mais aussi des Ciuiles, a fait vn œuvre si aggreable à Dieu, & si louable & recommandee en l'Ecriture saincte, que d'auoir pratiqué & vny secrettement par serment solemnel les Leuites, les Ducs, les chefs des familles du peuple & les principaux centeniers & officiers de l'estat en vne saincte Ligue, à prendre les armes non seulement pour deposer, mais aussi pour mettre à mort la Roynne Athalias, qui estoit heret. en leur loy, & laquelle avec la suppression du vray cult diuin auoit fait passer par le fil de l'espee toute la race & maison de Salomon, sauf vn seul, & pour establir en sa place le ieune Roy & bon Catholique Ioas, qui estoit le seul de reste : qui sera si impudēt, ou si iniuxurieux, que de vouloir calomnier la sage prouidēce, la prudēce, & la Chrestienne sollicitude du Cardinal de Bourbon (lequel cōme parrain du R. de N. doit respondre de son salut, & comme le grād Prestre de France, & la seconde personne du Royaume apres le Roy, pour l'estat & le sang royal, & la premiere deuant le Roy en l'Eglise Gallicane, doit s'affectiōner plus que tout autre, au bien de l'estat & de la religion toute en-

semble) d'auoir sceu & peu ioindre en vne sainte vnion & vœu solennel de Princes, Pairs, Officiers de la Couronne, Seigneurs, Prelats, Villes, Cômunautez, & autres contre ceste vilaine heresie, qui veut effrontement occuper le throne royal, & le liēt de Iustice, & exterminer la foy, la cognoissance, le cult, le seruice & la religion de Dieu en ce royaume, avec l'extirpation des principales maisons & familles, qu'elle sçait luy estre contraires, & estre la terreur des ennemis, & rebelles contre Dieu & l'estat. Qui doutera se ioindre & souscrire en vne si iuste querelle & poursuite avec vne si bonne & grande compagnie qui s'espailit & agrossit tous les iours, d'autant plus qu'il n'y a plus d'esperance que le R. de N. soit Cathol. Romain ou François, que par tant chacun s'apperçoit de l'vrgēte & commune necessitē, & que nul ne peut plus douter de la sainte affection, que le Roy y porte par dessus tout autre, quel qu'il soit.

*Exortatiō  
contre l'he.*

Et s'il est permis & licite par le droit de nature à chacune republique & cômunaute de pouuoir defendre ses droits, & priuileges iusques à repousser l'iniure par force & par armes: pourquoy le mesme sera-il deniē de droit diuin, & humain à tout ce corps de l'Eglise Catho. & à la communantē de la republique chrestienne, qu'elle ne puisse repousser la violence & tyrānie de l'heresie, & s'en descharger entieremēt, & par voye de Iustice, & par loix, & par guerre, & par recours à l'estranger, & par routes les façons & voyes licites, & desquelles nous voyons que noz peres & tous les Chrestiens ont tousiours vsē en cas semblable, tant qu'ils ont peu:

*La Chre-  
stientē se  
doit main-  
tenir cōtre  
l'heret.*

*Reproches  
et moque-  
ries contre  
les Cath.*

Autrement si nous y manquons, outre les maledictiōs de Dieu, & de la posterité, & nostre entiere ruine, pēsons nous euitier d'estre la fable, & la risée des heretiques? Ne craignōs nous point, & y a il cœur qui ne creue de despit, de regret, & de vergongne des contes & moqueries, qui nous sont toutes apprestees & certaines de leur part, & que ils seront sur nous pour nostre simplicité, stupidité, & tres-grande moleste, ou lascheté de ce, Que n'ayās affaire qu'à vne si petite troupe de gēs de si basse estoffe & vtile conditiō pour la plus part, & nous estās fondez de si bone & iuste deffence, au contraire nous ayons esleué ou fauorisé vn Roy heret. sur nous, qui nous persecutera à iamais, & fauorisera tous noz ennemis? Esperons-nous en auoir meilleur marché de ce costé que noz anciēs Peres n'ont peu receuoir des Payēs? lesquels nous lisons en S. Gregoire Naziā. les auoit brauez avec vitupete, accusatiō, & reproche de sotrise & folie, de ce qu'eux mesmes auoiēt si miserablement cōmis l'Empire & gouuernement souuerain en la personne de Iulian l'Apostat, à vn hōme (disoient-ils) qui estoit leur tres-grand ennemy & leur tres-cruel aduersaire. N'est-il pas escrit du mesme Iuliā, que lors que les Chrestiens luy venoient demander iustice contre les oppressions, vexations, & iniustices, que les officiers & autres ennemis de la foy leur faisoient, ils n'en receuoient pour toute responce & satisfaction que ceste moquerie, que ils auoient tort de se plaindre, parce qu'ils faisoient en cela mesme contre le commandement de leur Dieu & Seigneur, qui leur auoit enioinēt de souffrir & prendre toutes iniures & afflictions en pa-

*Les Chre.  
accusés de  
folie d'a-  
uoir receu  
un Empr.  
cōtraire à  
leur relig.*

rience, & à grand heur & felicité. De mesme qu'a fait tousiours le R. de N. quand les Ecclesiastiques se sont plaints de l'occupation de leurs biens, les renuoyas à l'imitatiō de la pauureté des Apostres. Et à la verité n'est-ce pas conformemēt au dire du Prophete, cōtre ceux, qui fauorisent les faux Prophetes, Vous auez, dit-il, allumé le feu, & auez embrasé des estincelles: entre dōc en la lumiere de vostre feu, & es estincelles que vous auez embrasees.

Si le R. de N. au contraire se veut rarguer de la loy de nature, elle est contre luy, par ce qu'elle n'a esgard qu'au premier, ou plus proche, soit femelle ou masle, & ne reçoit aucun à cōmander, qui n'ait pour le moins, & aussi necessairement que d'estre homme, vne credible religion, le sang n'estant suffisant: Si du droit des gens, plus de nariōs & royaumes reçoieēt les plus proches femelles, ou masses d'elles: & nul generalement ne reçoit autre pour Roy qui ne soit de sa religion: Si du droit Ciuil il ne luy permet pas seulement de respirer & viure: Si du droit Canō il le chasse de la conuersation, & de tout commandement sur les Catholiques. Si de la loy Chrestienne elle deffend expressement de luy faire le moindre hōneur du mōde, & enioint de le fuir comme la peste, & de le couper & retrancher du corps des Chrest. cōme vne gangrene: Si de la cōmune vsance des peuples Chrest. ou Cath. nous auons monsté en plus de 40. exēples parcy, parlà, outre infinies authoritez, & sentences des saincts Peres tout le contraire en tous les siecles & aages: Si de la coustume ancienne & ordinaire du royaume, elle n'a non plus d'esgard à luy, biē qu'il fut le plus proche, sans estre Catholique, qu'au moindre

*Responce  
sommaire  
à toutes les  
allegations  
du Roy de  
Nauarre.*

*Les Catho-  
liques ven-  
lent mon-  
rir pour l'E-  
dict de la  
re-union.*

*Fræcorum  
Regis pro-  
prium est  
fidem ser-  
uare Et  
Rom. Ec-  
clesi. hone-  
stare.*

vilain & roturier sans estre du sang royal, biẽ qu'il soit Cath ayât tousiours postpose (non moins que les anciens Romains du temps de leur idolatrie) toute faueur & consideration à celle, qui fait pour la religion, outre qu'il n'a esté iamais veu qu'un Biarnoïs, Angloïs ou autre estranger aye commãdẽ en Roy aux François. Si des Edicts de Pacification, qui tollerent les heret. le Roy & l'estar les a desia cassez, & declarez nuls par son dernier irreuocable & sainct Edict de la reünion, auquel les Catholiques se tiennent, & pour lequel ils veulent mourir, cõme estant conforme à leur fõy, aux loix anciennẽs du royaume, & propre à son establissement, à l'honneur & reputation que leur nation a acquise sur toutes les autres pour semblable occasion: Si de l'auctorité des ordonnãces & Edicts de noz Roys & du respect aux Arrests des Cours de Parlement, elles l'enuoyent au gibet, & le plongent tout vif dans le feu. S'il nous bat de la loy du royaume dite Salique, nous auons prouué qu'elle est cõtre lui, d'autant que ne consistant qu'en coustume, elle ne se peut entendre, que selon qu'elle a esté tousiours pratiquẽe: & partant que de celuy seul, qui est de sang masle baptizẽ, & de la religiõ Cath. conioinctement & tout ensemble, n'y ayât rien plus ordinaire, naturel, ny plus propre des Roys de Frãce, & de leur maison, que de garder la foy, & d'honorer l'Eglise Romaine, ainsi que mesmes le Pape Pie. 2. (bien que peu affectionné aux François) est contrainct de confesser en l'Epistre qu'il a escrit au Roy Louys 11. Si du respect, que naturellement les bons & vrayz François portent aux vrayz Princes du sang, il leur feroit trop de

tort, s'il ne pensoit que naturellement & supernaturellement ils portent encor plus de respect au sang de Iesus Christ, leur vray & primitif Roy, & à sa religion Catholique: voire tant, qu'ils n'ont iamaïs recogneu ny honoré de leur bõ gré pour Prince du sang, autre, qui ne fust Catholique, & en consequéce qu'il estoit retrainct du sang de Iesus Christ, par ce que comme le sang faict l'hõme, la foy faict le Chrestien, & cõme le Chrestien n'a point accoustumé d'estimer, ains de deplorer la naissance charnelle, si elle n'est suyvie de la spirituelle, & du Baptesme: aussi le François, qui est des plus Chrestiens, deteste le sang, qui n'est accompagné de la foy, faisant plus de cas du moindre Chrestien, que du plus grãd Empereur, ou Prince, Iuif, Turc, ou infidele, lequel il ne peut pas seulement permettre de viure, & a plus forte raison, que du plus grand homme ou Prince, qui soit heret. comme estant iceluy pire que tous ceux-là: Si du commandement de Dieu d'obeir aux Roys, nous luy respondons, qu'il en a excepté notãment les heretiques, & qu'en tout cas iceluy n'estant point nostre Roy, c'est l'aleguer mal à propos & hors le temps: S'il estoit Roy deuant d'estre heretique, ce seroit autre chose: mais la question est, s'il peut estre receu Roy avec son heresie. Et ayant mõstré que nõ, ny selon la loy Salique, ny selon Dieu, aussi nous ne luy pouuons porter ny deuoir aucun honneur, ny selon les hommes, ny selon Dieu.

S'il nous menace, ha ! il a trop forte partie, que Dieu, que ce grand nombre des bons Cath. & que toute la Chrestienté. Si son party de gēs vnis resolu & aguerris nous estõne, nous sommes au pro-

*Le Chrest.  
faict plus  
de cas du  
moindre  
Chre. que  
du pl<sup>g</sup> grãd  
Emp. infidele ou heretique.*



*L'o se perd  
tout à fait  
en receuāt  
un R, her.*

pre d'en estre de mesme, quād nous voudrōs. Si le danger de la guerre & du malheur d'estre cōfīts en perpetuels troubles en luy resistant nous tient en suspens, c'est chose ineuitable, tant que la cause & l'occafīō de l'heresie durera, si no<sup>9</sup> n'aimōs mieux nous precipiter en plus grand dāger de l'autre cōstē : & pour la crainte de nous perdre à l'aduenir souz luy, nous perdre presentement tout à faiēt à nostre escient, & en ame, & en corps, & enuers Dieu, & pour les commoditez de ceste vie, & avec nous noz successeurs & tout l'estat: combien que, Dieu mercy, si nous voulons ses moyens ne sont tels, que nous ne nous en puissions deffendre bien aisēmēt. S'il nous iure tout bon traictēmēt, & mesmement pour l'vsage & libertē de nostre religiō, nous nous tenōs aux effects plustost qu'aux paroles, par la beaultē desquelles les heretiq. & les plus meschans trōpent le monde, outre que nous sommes assez apprins par le commun dire de son païs, qu'elle assurance il y a en ses sermens, *Biarno* cap de crabe renegue Dieu per vne hahe, qui est autant à dire comme le Biarnois a vne teste opiniastre, reniant Dieu pour vne febue: ou au cōtraire, pour le dire en passant, ç'a estē tousiours (selon S. Bernard) vn grand des-hōneur entre les Frāçois, de ne garder le sermēt, biē que mal venu. S'il atteste le Ciel, & la terre, qu'il n'en veut qu'aux Lorrains, & ligueurs, il est dōmage que ses deportemēs n'y correspōdēt ains qu'ils le demētēt: & nous auōs ceux là d'autant plus chers, & en respect qu'ils n'ont acquis sō haine, que pour nostre deffēce, de la relig. Cath. & de noz Roys & loix, & q̄ tenōs pour tresmeschans ou athees tous ceux, qui ne sont de ceste

ligue, qui n'en veut qu'à l'heresie: car d'autre nous n'en voulōs point recognoistre, ains la detestons. S'il pretēd n'estre blasimé de persecuter les catholiques à cause qu'il ne les met point à mort, la defence n'est pas grande (respond Saluian aux Princes heretiques de son temps qui disoiēt le mesme) s'il n'a rien obmis de la persécution, qu'auoiēt accoustumé faire les Payens, que ce qui estoit le dernier à executer. S'il nous assure qu'il est chrestien, qu'il croit en Dieu, & qu'il ne se gouuérnera iamais qu'avec la crainte de son pere eternel, nous auons S. Cyprien, S. Augustin, & autres saints Peres qui crient au contraire, Que celuy ne peut estre Chrestie qui n'est catholique, & que nul peut auoir Dieu pour pere, qui n'a l'Eglise son espouse pour mere, cōme la mere est tousiours plus certaine que le pere, & que par la cognoissance & certitude de la mere ou paruient à celle du pere: & notamment ils n'entendēt par icelle, que l'Eglise Rom. cōme à la façon de parler de Saluian, & des anciēs, Romain & catholique n'est qu'une mesme chose à la difference des hereti. comme Barbares, Grecs, ou infideles, ces trois mots ne signifient qu'une mesme chose en leur endroit.

*Celuy n'a  
Dieu pour  
pere, qui  
n'a l'Egl.  
pour mere.*

S'il nous prie ne les cōparer aux persecuteurs des Chrestiens, ny aux anciens Rois, & Princes heretiques, & deserteurs de la foy en tout, ou en partie, parce qu'il est tout esloigné de leur humeur, nous luy disons selon l'anciē Grec, qu'un loup est tousiours loup, & un renard tousiours renard: & qu'il ne peut estre, selon S. Paul, qu'un chancre ou gangrene, ne face l'operation d'un chancre ou gangrene, & l'heresie de l'heresie, ny qu'un heretique

*L'heretiq.  
ne peut e-  
stre qu'en-  
nemy de  
Dieu &  
des siens.*

ne face tousiours les effectz & œuures d'un heretique, c'est à sçauoir d'un ennemy de Dieu, & de ses seruiteurs, suiuant le cō mandement & malice de Sathā, duquel il est detenu si captif & esclauē, qu'il ne se peut manier que à sa volunté, dit S. Pol: estant aussi nouueau de dire, qu'un heretique ne soit ennemy des catholiques, que de dire qu'un heretiq. ne soit heretique. S'il proteste qu'il n'est point heretique, qu'il n'en veut qu'aux abuz, qu'il ne desire que d'estre instruit par l'Eglise assemblee deuēmēt en un nouueau Concile legitime, nous tenons ces drogues pour trop esuantees & regorgees, & qui ne peuuent estre mises en auant, qu'à la trop grande moquerie de Dieu & tromperie du mōde, estāt

*Aussi cer-  
tain que le  
R. de N. est  
hereti. que  
c'est certain  
que le Roy  
& les cat.  
sont Cat.*

aussi certain enuers nous cath. que le R. de N. soustiēt vne fauce doctrine & cōtraire aux escriptures saintes, & partāt qu'il est, suiuant la definitiō de Belloy, vray heretique, & par consequēt pire qu'un Turc ou infidelle, comme nous sommes certains d'estre catholiques, tenir la vraye doctrine, & qu'il n'y a qu'un Dieu, & vne seule religion, si l'on veut parler proprement. S'il pretend que les Catholiques doiuent d'autant moins redouter & craindre son heresie, qu'il y a esté nay, nourry, & instruit dès ses premiers ans: c'est ce tout au contraire, qui nous doit faire moins esperer de sa conuersion, & le tenir pour nostre plus grand, naturel, & irreconciliable ennemy, & persecuteur, d'autant plus que l'heresie n'emporte en soy qu'une contrarietē & hayne inseparable contre les catholiques & leur religion, & que les ennemis d'enfance sont plus violants, dangereux, & perdurables que les autres.

Finalemēt nous le suppliōs ne vouloir trouuer

mauuais ny eſtrāge, ſi croyāts en Dieu, & auſſi biē pour le moins que ſes miniſtres, & ſi eſtās, & chreſtiens & Frāçois plus que luy, puis qu'il eſt auſſi eſtrāger de noſtre foy, qu'un Turc, & de noſtre natiō, que l'Anglois ou l'eſpagnol (ſi tant eſt q̄ Bearn ſoit pais ſoutierain & eſtrāger, cōme il pretend no<sup>n</sup> nē pouuōs iamais conſentir, qu'eſtant heret. il ſoit receu, ny tenu pour Roy parce, que nous tenōs cōme nous auons prouué ceſte opiniō pour auſſi veritable & certaine, qu'il eſt veritable & certain, que noſtre eſtat eſt vn Royaume, & qu'il doit eſtre cōmādē par vn ſeul Roy, voire meſme qu'il eſt veritable, qu'il y a vn Dieu, brief que la verité eſt veritable, que la certitude eſt certaine, & que le blāc eſt blāc. Car pour le repeter s'il ne peut eſtre Royaume ſans loix, & ſingulierement ſans loy de religiō generale ſur tous, il ſ'enſuit que ſans auoir la religion du Royaume l'on ne peut y ſubſiſter, moins y cōmander, n'y eſtre Roy, & qu'ō n'eſt pas moins ſubiect d'auoir & tenir la loy de la religion catholique Apoſtol. & Rom. que d'auoir vn Roy du ſāg Royal & maſle. D'auātage que ſi le Dieu que noz Rois & noz predeceſſeurs ont adoré ſuiuāt l'Egliſe Cath. Apoſt. Rom. n'eſt le vray Dieu, il n'y a du tout point de Dieu. Parce que ſi Clouis, Charlem. Hugues Capet, S. Robert, S. Louis, S. Denis, ſainct Irenee, ſainct Rhemy, & tous les autres Roys & ſaincts Eueſques n'ont cognu le vray Dieu, perſonne ne l'a iamais cogueu. Si auſſi c'eſt le vray Dieu, la religion donc, qu'ils ont tenu, eſt la vraye religion, ſi elle eſt vraye, & qu'elle chaſſe ſelon l'eſcriture ſaincte toute ſorte d'heretiques & d'Aſtats, & tous ceux, qui ſont de contraire opi-

*Si la relig.  
Cath. n'eſt  
veritable,  
il n'y a  
point de  
Dieu.*

nion ou creance en la foy chrestienne, & catholique, singulieremēt de toute seigneurie, dominatiō & administration publique sur les chrestiens & catholiques, il s'ensuit dōc qu'il est aussi vray & certain, qu'autre que catholique ne peut estre nostre Roy, comme il est vray & certain, que la religion catholique est veritable, & qu'il y a vn Dieu. Et l'on ne se peut dispēcer de l'un qu'on ne viēne necessaiement à chocquer cōtre l'autre, & qu'on ne tōbe à estre Athee tresparfait, si ce n'est de bouche, ce fera, comme dit Dauid, de cœur, ou bien, cōme dit S. Pol, par effet, par œuvre, & en verité, qui est l'abyssme ou Sathan nous veut plonger en fin.

*La religio  
Cath. fait  
plus noz  
Rois que  
le sang.* Nous n'aiousterons, pour la dernière raison de tout ce quatriesme point de l'exclusion d'un Roy heretique que ce mot, qu'il n'y peut auoir aucun doute, que la religion Catholique ne soit celle qui faict plus noz Rois, que le sang, ny la nature. Car si aucun n'en peut estre, bien qu'il soit extrait des Princes du sang masle, lequel ne soit legitime, & non seulement naturel: si aucun ne peut estre tel, qu'il ne soit sorty de legitime mariage, s'il ny a aucun mariage qui se puisse dire legitime, ny parmy les François, ny parmy les catholique (qui n'est qu'un) que celuy qui a esté faict en face de nostre mere S. Eglise, ou avec la benediction du Prestre, ne s'ensuit-il pas biē, que pour pouoir estre Roy, il faut estre catholique & de naissance (s'il faut parler ainsi) & de profession.

Nous disons pareillement que le Roy de N. ne peut estre censé de la maison de France, & ne peut iouyr des priuileges, & prerogatiues d'icelle, apres auoir degeneré de la foy & pieté des Roys, & s'e-

estre rendu heretique, ou pour le moins ( puis que ce mot d'heretique le fache tant, qu'il en dōne des dementiz imprimez au Pape, & à tous les cathol.) d'autre foy & Religio, que n'est la maison de France: non plus que le Celestin ou le Chartreux, qui est heretique, & lequel à delaisſé la religion de son ordre, ne peut estre plue tenu de la maison des Celestins, ou des Chartreux, ny ne peut participer par droit & raison à leurs biens, commoditez, & priuileges, lesquels leur ont esté donnez, accordez, ou acquis à cause de la religion. Car la religion chrestienne & catholique n'est pas moins cause de la grandeur, noblesſe & saincteté de la maison de France: & elle n'est pas moins vnice & inseparable, voir mesmes n'est pas moins la principale partie & essence ( comme la religion ne peut tenir tousiours que le principal lieu au subiect, ou elle est ) de ladite maison de France, qu'elle est de la maison & de l'ordre des Celestins ou des Chartreux: ne pouuant que nous ne reiterions souuent contre les Athees, qu'ils y à grande difference de l'Estat, de la nature, & de la condition de la maison de France, deuant qu'elle fut Christianisee, à celui & celle du depuis: qu'elle à esté antee, inseree, & incorporee inseparablement à la religion chrestienne & catholique. Et ne faiſt rien dire que le Celestin n'est de la maison des Celestins, que par volonté, & le Roy de N. de la maison de France que par nature. Car on ne debat pas qu'ils n'en aye esté iamais ny par quelle facon l'on est d'une maison: maison dict, que l'heresie faiſt mesme operation contre vn Prince de France pour l'exclurre & le pruer des droicts de sa maison, comme ingrat & indi-

*Comment  
le R. de N.  
n'est partie  
receuable  
pour presé-  
dre à la  
Royauté  
Françoise.*

gne que l'apostasie contre vn Celestin, ou tout autre religieux, pour l'exclure des prerogatiues & droits de son conuent & ordre. Et certainement s'il est vray, cōme nous auons prouué si amplement que l'heresie est cause suffisante pour priuer & Rois & Empereurs du droit, qui leur est ia acquis, & de les rendre personnes priuees, à ce qu'ils soient plus censez estre les chefs du Royaume & de l'Empire, quel doute y peut-il auoir, qu'elle ne les priue entierement d'estre chefs ou membres vifs, & legitimes de leur maisō, à ce qu'ils ne puissent plus iouir de ses droits & priuileges, comme noz Legistes comptent 14. causes d'ingratitude, qui priuēt l'enfant de tout droit, tant de succession, qu'autres, & generalement de tous honneurs, biens & commoditez de sa maison? Tellement que par là, le R. de N. estant heretiq. n'est partie receuable pour pouoir pretendre à la couronne, ains nous le deuons renuoyer par les fins de non recevoir.

*Le R. de N.  
aussy pri-  
uable de la  
Couronne  
que Char-  
les Duc de  
Lorraine.*

Mais encores afin que le Roy de Nauarre reconnoisse mieux en son ame, que nous ne sommes pas moins fondez en raisons pour le pouoir exclure iustement de la courōne, nonobstant sa proximité & pretendue explication (par laquelle il en reiette à la façon des Athees toute consideration de religion & des vertus, ou vices pour n'admettre que celle du sang) de la loy Salique, qu'ot esté noz peres pour Hugues Capet, contre Charles de France premier Duc de Lorraine, nous auons pense qu'il ne pourra prendre à desplaisir si nous luy faisons la mesme supplicatiō, & luy vsōns de la mesme harangue, voire de mot à mot, que nous trouuons en Girard iceux auoir vsē par Ambassade



expresse enuers ledict Charles, pour leur deffence & iustification cōtre son exclusiō, & pour l'electiō ou exceptiō de Hugues en sa place. Car biē que cestuy ne fut Prince du sang royal, si cen'est, peut estre, du costé feminin, & qu'iceluy fut sans aucun doute & controuerse, fils frere & oncle de Roy, le plus proche Prince du sang masculin, le vray & le plus prochain heritier ou successeur de la couronne, selon le sang & la nature: toutesfois il fut exclus & priué de la succession du Roiaume, nō par fraude, ny par la force ou violence de Hugues, comme pensent aucuns, ains du gré & consentement vniuersel & vnanime de tous les estats: lesquels ensuiuant la loy Salique, & icelle interpretāt ne se pouoir entendre, que suyuant le merite ou demerite des successeurs, & des Princes qui n'ont point degeneré ou contreuenue à la vertu, pieté, & religion de leur maison, & ancestres, le declarent & toute sa posterité inhabile à succeder à ceste couronne, & à son occasion tant son frere Arnoul Archeuesque de Reims, que tous les autres Princes qui estoiet de l'estoc masculin, de la famille des Carlins. Lesquels en ont esté exclus & priuez dès lors ainsi (qu'accorde Belloy) l'an 1457. Iean d'Alençon fut par Arrest de Cour de Pairs de France iugé indigne à iamais, avec sa posterité de la succession à la couronne. Les motifs & causes principales du iugement contre Charles, estoient d'eux, l'vne parce qu'il estoit proditeur de sa patrie, & criminel de leze maiesté, enuers l'estat, la Republique & la maiesté de la couronne (bien qu'il n'en eust esté conuaincu, n'y iugé au parauāt la vacāce du Roiaume, ou la succession d'iceluy recueillie par luy, pour auoir fauorisé l'entree, & le passage

*Hugues  
vray R. du  
gré de Frā.  
& non par  
force.*

*Causes de  
l'exclusion  
de Char-  
les.*

*Les anciens  
n'eussent  
iamais re-  
ceue le Roy  
de Navar.*

des Reistres, & Lâsquenets en Frâce, & auoir voulu surprendre la Ville de Laon cōtre le Roy Lothaire son frere: l'autre parce qu'il auoit le bruit de mal traicter les subiects Lorrains, & notammēt (comme il se voit aux epistres de Gerbert ou Gilbert Archeuesque de Reins, & depuis Pape dict Siluestre second) de mespriser les Prestres & gens d'Eglise. (Halque ne feroient-ils cōtre le R. de N. pour son heresie, ses massacres des Prestres & Moynes, rauissements de Religieuses, bruslemens, & rasemens d'Eglises, saccagemens de Villes, contributions & pilleries du peuple François durant tant d'annees, & contre vn Roy si legitime, & esleu de Dieu, que nostre Henry, & lequel a tant merité de luy, outre sa ligue ordinaire avec Casimir & les Reistres, desquels il nous menace tant, & outre sa cruelle persecutiō contre ses subiects catholiques les priuant de tout exercice de leur religiō, ou plustost de la religion vniuerselle du monde.) Ice luy donc voyant luy deffaillir les merites & la bienveillance des François, & qu'il ne pouuoit obtenir la couronne par droit & raison, ny de leur franc & libre consentement, parce qu'ils detestoient plus ses crimes, qu'ils n'estimoient son sang il se disposa d'y paruenir par force. Ayant donc vne grosse armee sus pied, & Hugues Capet vne autre, les Estats preuoyans qu'il n'en pouuoit arriuer qu'une grande desolatiō, enuoyerēt vers luy vn des Seigneurs, lequel selon ses memoires & instructions luy fit ceste presente harangue.

*Ambassade  
des Estats  
de France.*

Chacū sçait, Charles (disons Héry, nous luy donnerions volōtiers du Monsieur Henry, si nous ne craignions qu'il le print en mocquerie, cōme il s'est voulu

voulu mocquer du Pape, l'appellât Mōsieur Sixte  
 ou lairrions ce nō de Charles, n'estoit qu'il auroit  
 opinion, que nous le fillions pour le comparer à  
 ce fameux Charles R. de N. dict le mauuais, l'un  
 des plus scelerex Princes ou tirans du monde) que  
 (disons que qāud bien) par les loix & le droict la  
 succession de la Couronne du Royaume de Frāce  
 r'appartient, & non à Hugues Capet (disons à tel)  
 mais la mesmes loix qui r'appellent à ladiete suc-  
 cessiō, elles mesmes te iugēt indigne d'icelle: d'au-  
 tant que selō les loix & les bonnes mœurs tu n'as  
 pas appris à bien viure, & à te bien cōporter, com-  
 me tu deuois. Car qu'est ce que nous eussions peu  
 esperer de toy, ny de ton regne, veu (disons que tu  
 es heretiq. & chef des heretiques) qu'en ta vie pri-  
 uue tu approuues & imites les mœurs sales & vi-  
 laines des Allemans, qui en tous leuts affaires &  
 entreprinſes refaiēt compaignon de leur cruauté,  
 & les fauorises, assiste & aydes aux guerres qu'ils  
 font contre les François. Quād donc nous auons  
 veu que tu auois abādonné & delaiſſé l'ancienne  
 (religiō) vertu, & douceur, & l'amitié des Frāçois;  
 nous t'auons pareillement abandonné & delaiſſé,  
 sans penser auoir faute à nos consciences de ne  
 t'auoir receu pour nostre Roy, & auōs choisi Ca-  
 pet (disons tel) ayans estimé que nous serions plus  
 heureux de viure selon noz loix, (religion) coustu-  
 mes, priuileges, franchises, sous le possesseur du  
 Royau. de France, q̄ sous l'heritier (disons preten-  
 du) d'iceluy, en (heresie) tyrannie, oppression, &  
 cruauté. Et tout ainsi que ceux qui sont en vn na-  
 uire sur la mer, ne se soucient pas si le pilote d'ice-  
 luy en est le maistre & seigneur, moyennant qu'il

*Explicatiō  
de la loy  
Salique.*

*Nulle char-  
ge de con-  
science de  
receuoir  
l'indigne à  
la roiauté.*

« les meine en seureté, & sçache son mestier : ainsi  
 « nous ne nous souciõs pas, qui c'est, qui nous gui-  
 « dera en ce voyage de la vie ciuile & politique, ny  
 « qui sera nostre Roy, moyénant q̃ nous soions biẽ  
 « & seurement guidez, & que nous ayons vn bon  
 « Prince. L'amour du peuple enuers ses Rois & Prin-  
 « ces vit autant, que leur vertu & integrité fleurit:  
 « & quãd elle vient à faner & flestrir, aussi l'affectiõ  
 « des peuples vient à se secher & perdre. Si tu eusses  
 « voulu receuoir la lumiere de l'affection des Frã-  
 « çois, il eust fallu que eusses fait couler de toy quel-  
 « que goutte de vertu : mais en vain par cy apres  
 « Charles (disons Héry) no<sup>r</sup> aimeras & inciteras tu  
 « de nous soufleuer cõtre Capet (disons cõtre tel) &  
 « de no<sup>r</sup> rédre à toy: ains il t'eust mieux valu te sous-  
 « leuer contre le vice & contre les heretiq. & ) Alle-  
 « mäs nos anciẽs ennemis, Ce que si tu eusses faict,  
 « nous eussions pense que eusses desiré de succeder  
 « à la Couronne de France, comme à vn Royau-  
 « me, non comme à vne tyrannie.

Toutefois ledict Charles au lieu de s'adoucir, &  
 licétier ses troupes par ceste si belle & sainte re-  
 monstrãce, il s'en irrita infinimẽt, la prenant cõ-  
 me pour vn cartel de deffy, qui fut cause qu'il cõ-  
 tinua par quatre années les efforts de la guerre, pl<sup>r</sup>  
 violẽment que deuant, & encores que le cõmen-  
 cement luy fut fort prospere & heureux, iusques à  
 auoir pris plusieurs villes, & mis en toute Hugues  
 Capet : routes fois Dieu luy fist sentir par effect &  
 qu'il n'estoit poit son esleu, & que la voix du peup-  
 le & du cõmun, est la voix de Dieu (dist l'Escri-  
 ture saincte) Car estât assiegé dans Laon l'an 991,  
 l'Euesque du lieu, nõmé Anselin, tât les Euesques

ont eu tousiours part, creance, & auctorité aux affaires d'estat) fist ouvrir les portes de nuit à Hugues, de sorte que ledit Charles & sa femme y furent pris & emmenez prisonniers à Orleans, ou ils demeurerent iusques au iour de leur trespas. Si ce fut avec tourmens ou non, nous nous en remettons à ce qui en est. Vne chose souhaittôs nous biẽ, & de laquelle nous suppliôs de tout nostre cœur la Maiesté de Dieu, qu'il luy plaise ne permettre point, que sa mauuaise volonté serue d'exemple au Roy de N. non plus q̃ son malheur de presage à sa sinistre fortune, afin que faisant mieux son profit de telle remonstrance, que ne fist ledit Charles, il puisse euitier vne fin aussi malheureuse, ou pire, laquelle autremẽt ne luy peut m̃aquer tost ou tard, selõ l'abyssme de la diuine iustice, & la pratique ordinaire de ses iugemẽs contre tous chefs d'heretiques. Ne voulans point celer en passant, comme à l'occasion dudit Hugues & du differẽt d'entre luy & ledit Charles Duc de Lorraine, nos Calvinistes factieux ont pris leur nom de Huguenots, lors de la cõiuration d'Amboise, l'an 1560. cõme pretendãs (bien que fraudeusemẽt & fausement) estre les vrais fauteurs de Hugues, & ne prendre les armes, que pour la defẽce ou tuitiõ de sa maison & famille cõtre les seuls Lorraĩs Guisars ou Charlins lesquels ils feignoĩent vouloir renouueller la querelle & les pretentions dudit Charles contre nos Rois. Nous representons aussi icy tres-volontiers cõme Dieu à voulu tesmoigner en beaucoup de façons auoir estẽ luy mesmes autheur de telle explication de la loy Salique, pour l'exclusion dudit Charles, & de l'introduction de la famille

*L'origine  
du mot de  
Huguenot.*

*Explicatiõ  
de la loy Sa-  
liq. autori-  
see de Dieu.*

de Hugues, pour l'auoir douée des grandes graces & benedictions, & telle, qu'il ne s'en lit point de semblables en autre quelcōque famille de toutes celles qui ont esté iamais au mōde (nous exceptōs celle de Iesus Christ. (Et entre autres, de ce qu'elle est la plus noble, & la plus anciēne de tous les races Royales, qui soyent à present, ayant donné au monde du costé du sang masle cinquante & cinq Rois courōnez, & ayāt duré en vingttois generations de pere en fils, par l'espace de pres de huit cēs ans, & Dieu vueille nous la cōseruer à iamais.

*Remōstrā-  
ce aux Ca-  
th. de tous  
Estats.*

Mais ô bonté de Dieu! ou a le monde le sens & l'entendement? Sera-il dit que nous autres pauvres Catholiques seruions pour tousiours que de iouent & esbat à la langue, à la plume, aux ruses, aux pattes, & aux griffes des Huguenots? Sera-il dit que nous ne puissions apprendre en nostre vie que la simplicité de la colombe, pour n'offenser personne, & que nous soyons ennemis de la prudence du serpent, qui nous est commādee, afin de nous pouuoir garder d'estre trompez? Ne craindrons nous point le iugement de Dieu & des hōmes, si nous ne tenōs pour ennemis celuy & ceux, que les Conciles, que l'Eglise, que les Papes, que les Edicts du Roy, & Arrests des Cours de Parlemēt, que les Estats generaux: & tous les ordres ont tenu & tiennēt pour rebelles & ennemis du Roy, du Royaume de la Chrestieté, & de Dieu, à l'exēple d'Epocrates, qui fut mis à mort par les Atheniens, pour ne tenir pour ennemis ceux que la republique auoit declaré tel? Ne recognoistront nous iamais le naturel du lyon sous la peau de brebis? Ne ferons-nous iamais differēce du beau par-

ler de l'heretiq. d'auec son naturel de mal faire? La crainte du mal futur, & la souuenance des miseres passees, desquelles les larmes coulent encores, ne nous admonestent elles pas assez d'auoir l'oreille au vent, & l'œil en la campagne, pour empêcher que le malheur, qu'on preuoit, ne nous enuëlôppe tout à coup? L'exēple de nos voisins, & l'experience de tant d'annees que nous sommes tourmentez par ceste factieuse heresie, ne nous a-elle pas apporté assez de moyen, pour la congnoistre & au fard, & menfonge de ses paroles, & à la meschāceté de ses œuures & actions? Y a-il coniecture plus certaine que du passé à l'aduenir? N'auōs nous pas assez d'occasion d'en estre lassez, & iuger que ne ayant peu viure en sujete ou compagne, pour son inquietude, auec la religion Catholique, qu'elle estant venue la maistresse de l'estat, ou se senrant en credit, elle la supportera encores moins, & ne taschera que de la mal traicter, & s'aggrandir par la diminutiō & extinction des Catholiques? Se peut il esperer que ceste nouvelle pretendue religion [s'il faut tousiours abuser de ce sainct nom] laquelle tient l'Eglise Cathol. Apostol. & Rom. pour idolatre, & Synagogue de Sathan & laquelle la crainct & hayt comme la putain fait la femme vertueuse, qui a ses officiers & ministres, ses fauteurs & protecteurs coniurez à la ruyne d'icelle, qui oblige ses enfans, tant aînez, que autres, tāt les Rois que les particuliers sous la damnation de leur ame, & sous peine d'exheredation eternelle à procurer & employer tous les moiēs propres à son extermination: qui est inspiree & agitee par l'ame & furie de son pere Sathan, ce vieux

*L'heres.  
Caluin. est  
euenue  
mortelle de  
la Cathol.*



sanguinaire se peut il (disons nous) esperer, qu'ayant le dessus elle puisse cōpatir l'Eglise Catholique & que ses enfāns soyēt maintenus en liberté avec leurs droits & priuileges? Brief, qu'elle soit d'autre nature en nostre endroit qu'en Anglererre, Montauban, Bergerac, Bearn, & ailleurs? Si la nature de la diuision de Religion est si guerriere & contentieuse, que nous n'auōs peu durer en paix sous vn Roy legitime & accordé de tous, viuāt, & taschant de nous maintenir aux formes anciennes, que pouuōs nous esperer sous vn Roy nouveau heretique & litigieux, qui voudra faire vn mode nouveau? Car si vn contraire chasse l'autre, & qu'il n'y a rien plus contraire à la loy Chrestienne, que ceste heresie, qui doubte que l'establissant & la rendant la plus fotte, ce ne soit chasser la Religio Chrestienne & Catholique? S'il n'y a rien, qui change & renuerse plustost vn estat, que le changement de Religion, S'il n'y a rien, qui puisse plus aduancer tel changemēt, qu'un Seigneur ou Roy heretique quelle rage ou malice nous peut tant auengler, que de receuoir vn Roy heretique, & d'esperer de luy autre meilleur traictement ou euement? L'exēple seul du Roy Ieroboā heretique en la loy des Iuifs, n'est il pas suffisant pour nous apprendre quelle suite & confusion tire apres soy la Religion mauuaise d'un Seigneur ou Prince souverain, soit pour l'estat public, & repos du Royaume, soit au fait de la conscience des subiets (qui se composent ordinairement au patron & exemple du Roy, mesmes au mal, comme nous imitōs plustost, dict S. Hierosime, les vices, que les vertus, puis que son heresie pour le lieu des sacrifices sur

*Le religion  
mauuaise  
d'un Roy  
est la dissolution  
de  
l'estat.*

cause de la rebellion & diuision generale des dix tributs contre la vraye Religion, leur Roy legitime Roboam, & les autres deux tributs? Tellemēt que receuoit vn Roy heretique, c'est par consequence ineuitable & tres-certaine, establi en tant qu'est en nous, vn qui face cruellement la guerre à Dieu: & ce n'est rien moins que chasser & bannir la Religion Catholique du Royaume, & exposer tout le peuple en vn peril certain de perdre la foy Chrestienne. Comme aussi nous lisons que Iulian l'Apostat, pour induire plus facilement les corps des villes Catholiques, & les habitans d'icelles à renoncer la religion Chrestienne, il les soubmettoit à la iurisdiction des villes, qui estoient plus inclines & fauorables au gentilisme par mesme raison, que Constantin le grand, rendoit les villes, qui receuoient le Christianisme, libres & exemptes de la superiorité: & iurisdiction des autres, lesquelles y estoient contraires, tesmoing Constantia en Palestine distraicte du ressort de Gaza, par ce que (dict Sozomene, raison qui sert fort à nostre subiect) il a estimé inique, que vne ville Catholique obeyt, & fust subiecte à la iustice & dition de celle, qui estoit adonnée aux superstitions des Gentils. D'où il appert en passant, que c'est la religion, qui principalement a reglé tousiours les superioritez, iurisdictiones & estats, & selon laquelle il faut iuger ordinairement & communement de l'obeyssance de l'un à l'autre, & du subiect au seigneur.

Pouons nous iustement doubter que le R. de N. qui n'a iamais sceu apprédre à bien obeyr à ses Rois & superieurs, puisse iamais nous biē cōman-

Mm iiii

*Recevoir  
vn R. her.  
est bannir  
la religion  
Cathol.*

*La religion  
Cath. exé-  
pte les siens  
de la iusti-  
ce des infid.  
ou heretiq.*

*La religion  
regle des  
Estats.*

*Exhorta-  
tion des  
Minist. au  
R. de N.*

*Nulla espe-  
rance du  
R. de N.*

der? Auez vous si tost oublié l'exhortation de son ministre Marmet, & laquelle il luy soufflé continuellement en l'oreille, l'assurant qu'il immortalisera à iamais son nom, si'l retire ce beau & grand Royau de Frâce de la cruelle seruitude de l'Antechrist Romain (ce sont ses mots) qui n'est autant à dire, que s'il rend tout ce Royaume heretique, & qu'il en chasse le Cath. & la vraye foy Chrestienne. Pouuons nous esperer que luy, qui est bandé à l'abolitiō de la principale & radicale loy du Royaume, laquelle n'est autre que la religion Catholique, Apostolique Romaine, & qui a tousiours accoustumé de forcer les loix & la police par les armes & effusiō de sang, garde le serment royal d'exterminer les heretiq. & de nous maintenir es loix & vsances de ce Royaume, & en noz priuileges & statuts particuliers de chacun ordre, ville & communautē? Que luy qui n'a iamais peu viure en repos, n'y laisser les autres, lors qu'il auoit vn souuerain sur luy, & mille choses à redoubter & craïdre, y a il apparence qu'estant deuenu le Seigneur & maistre, & n'ayāt rien qu'il pense deuoit respecter sur luy, qu'il nous puisse conseruer en paix? Que n'ayant laissé rien entreprendre sous la peau de renard pour ruiner l'Eglise Catholique lors qu'il auoit si peu de moyen, que pouuons nous penser qu'il ne presume sous la peau de lyon, quand il se verroit nommer Roy de Frâce, & enflé d'une si grāde puissance & auctorité, estant certain qu'un chacun voire, dict Saluiā, le pl<sup>s</sup> sage, faiēt accroissement de ses vices avec la prosperité, & que l'orgueil & presumption de ceux, qui haïssent le Seigneur, dit Dautd, se chauffe & croit tousiours. Si

lors que la seule cōsideration & crainte de prouo-  
quer tous les ordres & les Catholiques a son ex-  
clusion du Royaume, estoit vn trespuissant tyran  
pour retirer & deterrer de tant d'actes d'hostilité  
cōtre eux, l'inimitié & la passiō extreme qu'il por-  
te cōtre la religiō Catholique, accompagné d'une  
grande opinion de ses moyens & forces, & de la  
cōtinuelle souuenāce & vengeance de la iournee  
S. Barthelemy luy a tant cōmādé, que de luy auoir  
faict oublier toute humanité & respect, que pou-  
uōs nous attendre lors qu'il pourra parler en sou-  
uerain? Que s'il a esté si cruel contre ceux qui luy  
estoient compagnons en deuoir de fidelité, hom-  
mage & subiectiō, sera il humain enuers eux qu'il  
tiēdra pour ses vassaux, seruiteurs, & naturels sub-  
iets? veu que ordinairement l'oppressiō & la ven-  
geāce s'accroist du desdā de l'iniure: & que nulle  
n'apporte pl<sup>9</sup> de desdain à vn souuerain que celle  
qu'il reçoit ou pēse recevoir de ses subiets. Si lon  
dit que les cruautēz commises en ces guerres ne  
sont prouenues de luy, ne de son commandēmēt,  
ce seul qu'il ne s'y est opposé pour faire iustice  
ains qu'il les a deffendues & auctorisées, ne nous  
mōstre-il pas bien combiē il sera fauorable & in-  
dulgēt à la rage & frenesie de l'heresie, n'y ayāt au-  
cune difference entre celuy qui permet quelque  
chose, la pouuāt empescher à celuy qui l'a cōman-  
dé. Se peut il esperer, que n'ayant tasché toute sa  
vie, soit par vn zele indiscret, soit par vne furie  
mortelle, & malice ambitieuse enuers le party  
heretique & l'estat, qu'à renuerser les Eglises, &  
estreindre en tous les lieux qu'il a peu le nom de  
Dieu, de ses Saincts, & de la religion Catholique,

& à estre le bourreau de nos cōsciences, voire és lieux ou il n'a aucune auctorité legitime, qu'il vueille cōseruer nostre rel. lors qu'il la pésera pouuoit oster & par auctorité, & par puisſance & force

*Le R. de N.*

*ennemy des*

*Cathol.*

Est il imaginable que luy, qui n'a iamais entre-  
renu que simulté & querelle contre les Princes &  
Seigneurs de ce Royaume, de sorte qu'il ne l'ont  
peu iamais placquer ou appaiser par aucun bien,  
seruice, ny respect, se refonde tellement en la cōpo-  
sition de ses humeurs, passions, & intentions, qu'il  
les puisse aimer, & cherir en bon pere, & nous fai-  
re viure en amitié. Que ayant esté ennemy par si  
longues annés des Catholiques contre les com-  
mādemēs & Edicts des Rois ses souuerains, pour  
son ambition & naturel deffiant (S'il en a autre au  
mōde) qu'il laisse leurs Eglises sus pieds, & l'exer-  
cice de leur religion : & qu'il deuienne leur amy  
tout à l'instāt, lors que luy mesme pourra faire les  
Edicts, & que la ialousie d'estat, que la memoire  
des iniures & forfaits d'une part & d'autres s'es-  
ueillera, & que l'occasion de deffiance reciproque  
y sera beaucoup plus grāde que deuāt? Finalemēt  
qu'ayant rasché de faire prédre miserablement les  
Catholiques sous le voile de Iustice, par le moyē  
de ses chambres de l'Edict, triparties, & miparties  
establies comme des nouueaux monstres contre  
l'expertiēce de rous les siècles, & notamment cōtre  
les loix & formes du Royaume, & composees de  
persōnes triées & choisies pour luy: quelz Iuges  
pourrōt ils esperer, qu'ils puissent congnoistre de  
leurs miseres? Se trouueroit il pour lors aucun  
Catholique, qui ne fust pendu souz la couuerture  
tissue & ramée de crime de rebellion & sedition?

ou fous vn autre pretexte par gens qu'il establi-  
ront en la iustice ennemie de la religion Cath. ou  
peu zelés à icelle, & faicts à sa guise & cordelle,  
pour asservir tous les ordres à sa volonté & ty-  
rannie, & pour nous traicter tous en esclaves?

Si nous auons veu vn Châcellier favorable aux Huguenots, vn Bailly, vn Cōseiller auoir esté cause de tant de maux, par leur heresie, que deuons nous attendre de la puissance absolue & souueraine d'un Roy heretique? Si l'heresie est le crime des crimes à blasmer & à chastier aigremēt en chacun particulier que sera elle en vn Roy: veu que la ou la prerogatiue est plus grande (dit Saluian) la coulpe y est aussi plus à blasmer, & la punition y doit estre plus griesue? S'il n'ya aucun si mal aduisé, qui voulsist fier dix escus à distribuer au seruiteur qui l'auroit trompé ou desrobé par deux ou trois fois, cōment fierons nous tous noz biens & tout l'estat de nos affaires à celuy & ceux qui les ont si mal mesnagez pas tant de fois? Les Rois sōt pour la cōmodité de leurs suiets, & nous ne serōs que pour assouuir l'ambition & cruauté du R. de N. Si iamais il ne s'est veu Roy ou Prince here. de quelque bonne nature & trempe qu'il fut lequel n'aye tasché de tout son pouuoir, à abolir la religiō Catho. Si iamais Roiaume ou estat n'a chāgé de religiō, sinon avec extreme violence & grāde effusion de sang, tesmoing de nos iours les Roiaumes de Suede, Escosse, Angleterre, Danemarc, Bearn, & les cantons de Souisses, quel enchantemēt ou follie nous peut faire esperer mieux du R. de N. Ne seroit ce pas vn des pl<sup>r</sup> grāds miracles du mōde, s'il en aduenoit autremēt? Seroit il moindre

*Vn Roy heretique d'agereux.*

*Seroit mi-  
racle si le  
R. de N. ne  
estoit con-  
traire à la  
religiō Ca-  
tholique.*

que ne s'eschauffer poit ou brusler dās vne fornai-  
se ardente, puis qu'il est trespertin au iugemēt des  
Theologiēs, & de tous ministres de quelque secte  
qu'ils soyēt, que la nature du feu, n'est pas plus de  
brusler, de chasser, & estre cōtraire au froit, que la  
nature de l'heresie est de hayr les Catholi. chasser  
& estre cōtraire à la religion? Pouuons nous faire  
vn plus grand acte de folie, que fonder nos reso-  
lutions sur l'attente de miracle? Quelle apparēce  
y a il d'vn croire de sa part de semblables? quelle  
assurāce en a on que de paroles contre les effects  
& l'experience de tous les heretiques & siecles?

Sera il dit que ce Ismael François aye ses maius  
cōtre tous? & que les mains de tous ne soient con-  
tre luy? Sera il dit, que cōtre les vz, coustumes, loix  
& exēples du Royaume & de la Chrestière, voire  
contre l'expres commandement de Dieu, nous  
soions si desloiaux, que de receuoir en noz villes,  
& recognoistre en ce royaume vn Roy heretique?  
Sera il dit que nous soyons si defaistrés & malheu-  
reux, que de nous precipiter à nostre escient con-  
tre tout droit, sans propos ny raison, ny sans au-  
cune apparence de bien, à tant de dangers, incon-  
ueniens & hazards qu'il y a de perdre entieremēt  
la foy Chrestienne, & que le changemēt d'vn estat  
- Chrestien en vn qui est heretique aporte avec foy?  
que nous soyons si ennemis de nous mesmes, que  
de mettre l'espée en la main de nostre ennemi,  
pout se teuancher de nous à sa discretion? que de  
nous plōger à vn abisme de tant de maux & mai-  
heurs, avec lesquels nous perdions tous à coup  
nos biens, nos hōneurs, nostre liberte, nostre vie,  
nostre patrie, nostre renommée, la bonne intel-



ligence des Princes Chrestiens & voisins, nostre  
 religion, nostre consciëce, nostre ame, & l'amour  
 de Dieu? Que nous soyôs si fols, que de preferer,  
 (comme parle Tertullian) l'opiniastreté à nostre *Folie se ha*  
 salut, & de nous exposer au seul doute de pis, sans *zarder à re*  
 rien qui nous presse, nous en pouuans preseruer? *cevoir ou*  
 Sera-il dit que nous perdions honteusement ceste *R. heresiq.*  
 grande loüange, dont toutes les gens & nations  
 du monde ont tant recommandé & célébré no-  
 stre nation d'estre la plus fidele, deuote, amoureu-  
 se, & ialouse de la gloire de Dieu & de la religion  
 Chrestienne, qu'autre que iamais aye esté? Don-  
 nerons nous en proye (dit S. Cyprian) l'ordonâce  
 de l'Euangile au diable? abandonnerôs nous l'in-  
 stitutiō de Iesus Christ? quitterôs nous la majesté  
 de Dieu? romprons nous les sermens que nous a-  
 uons faits en la guerre diuine? Liurerons & trahy-  
 rons nous les enseignes des choses sacrees & cele-  
 stes? Permettrons nous que l'Eglise succombe, &  
 qu'elle cede aux heretiques? la lumiere aux tene-  
 bres? la foy à la desloyauté? l'esperoir au desespoir?  
 raison & droit à erreur? immortalité à la mort?  
 charité à haine? verité à mensonge? Christ à l'An-  
 techrist? Finablemēt cōment pourrôs nous en sai-  
 ne consciëce crier viue le Roy, à celuy qu'il nous  
 est deffendu de saluër? Et quel assez rigoureux iu-  
 gement de Dieu, pouuons nous nous imaginer  
 pour ce grād nombre d'ames, de la perte desquel-  
 les nous serons cause par vn si lasche consente-  
 ment à telle promotion heretique?

Faute de Prince du sang, qui soit Cath. & de ceste  
 famille de Bourbon, que nos loix & tout le môde  
 appellët à la courōne, nous pourroit-elle lors faire

reietté entre les bras du R. de N. conuaincu & cō-  
dāné pour heret. & ennemy de l'Eglise de Dieu, &  
de ses enfans, & du royaume? La crainte basse &  
pusillanime de luy desplaire, pourra-elle plus sur  
nous que celle d'offencer Dieu, & de nous hazar-  
der en vn abisme de miseres & oppressions? Les  
moyens des heret. pour luy aider à y paruenir, peu-  
uent-ils entrer en aucune consideration de con-  
trepoix avec ceux, que les Catholiques ont pour  
l'en empescher? La temeraire hardiesse de l'Hu-  
guenot pourra-elle dauantage que la sage magna-  
nimité ou catholique? La ruse & finesse de l'heret.  
intimidera ou enforcera elle plus de gens, que  
la rondeur & sincerité du Cathol. n'en esueillera  
ou encouragera? La vaine opinion de pouuoir vi-  
ure en paix & repos souz luy nous fera-elle mes-  
priser l'assurance certaine d'une guerre immor-  
telles & intestines & estiaģeres? La mine qu'ils font  
meschammēt & fraudelusemēt de tenir le Roy à  
leur deuotion & de l'auoir gaigné contre ceux de  
Guise, & la religion Cathol. trouuera-elle plus de  
croyance, que tant de signales & si continuels ef-  
fects de la piété de sa Majesté enuers Dieu & l'E-  
glise, & de sa bienueillance & prouidence enuers  
cette maison, & tous les Cath? Le faux & calom-  
nieux pretexte, qu'ils prennent contre ceux de la  
maison de Lorraine, pourra-il plus sur nous, que  
les grands effects de leur anciēne & accoustumee  
fidelité enuers cest estat & affection à l'Eglise Ca-  
thol? Sera-il dit que l'interpretatiō que font leurs  
ennemis de leur volonté & intention, (qui est vne  
piece secrette & du seul ressort du conseil priué  
de Dieu, trouue plus de foy au monde, que la de-

*Le Roy calomnié à tort.*

*Lorraine.  
Fidelité de  
la maison  
de Lorrain.*

claration qu'eux-mesmes en font, ou pour mieux dire leurs propres actions? S'il suffit d'accuser, disoit l'ancien Empereur, qui pourra estre innocent? Finablement sera-il dit que ceux, qui n'ont acquis l'inimitié de l'heretique, que pour la deffence du Cathol. desquels les peres sont morts pour nous faire viure, & qui tous ensemble se sont exposez avec leurs biens & vies pour la ruition des loix du royaume, & manutention de nostre liberté & exercice de nostre religion, soient à present priuez du tesmoignage de la conscience des Catholiques? Qu'ils soient abandonnez de l'assistance de leurs personnes moyens & forces, lors que leur ennemy cōmun leur veut particulierement rompre la telle d'un pesant sceptre: qu'il les appelle au combat, & les prouoque par des desmentis, pour seruir d'injure irreconciliable, & sçachant bien (comme dit l'anciē Apologue Grec, q̄ les chiens ostes il raura & engloutira) ie aïsemēt à son plaisir les aigleaux & moutons. Il en bien seant & raisonnable, dit le Concile 7, de Toledē. Que nous donnions repos & tranquillité à la posterité de ceux, par le moyen & gouvernement desquels nous iouyssons de la seureté, que nous auons. A l'exemple de peres de l'ancienne Eglise, qui ont mieux aimé subir infinis tormēs & exils, deuant qu'abandonner la cause & deffence de ce bon Euesque saint Athanase, qui estoit tant hay des Arriens, ou bien consentir à chose quelconque, qui luy fut aucunement preiudiciable, combien qu'il fut si hay de Constantius qu'iceluy souloit dire n'estimer victoire si agreable, que de l'accabler, & quelque com-  
mādement que fissent les autres Empereurs à l'in-

*Les Cath.  
sont obligez  
à defendre  
ceux de  
Lorraine.*

*Les anciē  
n'ot iamais  
voulū abā-  
donner la  
defence de  
S. Atha-  
nase.*

stance des heretiques, la poursuite & haine des-  
quels s'affectionnoit d'autât plus le Cath. qu'elle  
leur seruiroit de tesmoignage tres-cler, combien  
sa vie & soustien estoit vrile, & de seruice à tout le  
coups & communauté de l'Eglise.

*Les her. ne  
se maintie-  
nēt que des  
pechez des  
Cathol.*

*Le vray re-  
mede cōtre  
eux c'est la  
correction  
de vie.*

Sus donc, nous sommes tous certains, que les  
diuisions, que nous voyons estre pour le fait de la  
religion, & par consequent pour l'Estat, ne sont  
qu'autant de tesmoignage de l'ire de Dieu contre  
nos pechez, lesquels sont à la verité les vrais nour-  
rissiers de nos malheurs, nous disons contre nos  
pechez, de nous Catholiques, que Dieu par sa grâ-  
de misericorde & sainte prouidēce veur par ces  
chastiemens preseruer des rigoureux iugemens de  
l'autre du monde, pour lesquels principalement il  
a reserué & reserue ceux qui sont hors l'Eglise,  
soient heretiq. ou infideles. C'est pourquoy nous  
ne pouuōs douter, que le vray remede & preserva-  
tif, pour retenir le cours de tāt de noseres & cala-  
mitez, qui nous menacent, ne soit d'appaiser Dieu  
par amendemēt de nos vies, en redoublant nostre  
zele & deuotiō enuers sa gloire & religion, & te-  
nāt pour tres-certain le dire de ce grād Irenēe no-  
stre Euesque de Lyon, Que la corruptiō & putre-  
factiō n'est pas plus l'entretien de la mouche, que  
nos deffauts & imperfections sont de l'heresie.  
Cela presuppōsé & allant le premier, cōme nous  
suppliōs vn chacun s'y disposer de cœur & d'ame,  
nous denons esperer que Dieu nous en deliurera  
du tour: ou si pour nos pechez il permet, que l'A-  
postat & l'hypocrite regne sur nous, cōme parle  
l'Escripture sainte, qu'il ne le tollera que bien à  
point, & autant de tēps qu'il ne pourra seruir que  
pour

pour exercice & preuue de noz vertus, & pour la gloire de la fidelité, seruitude, & obeissance que nous luy deuôs. Que si bien les mouches nous faschent, au moins nous sômes assurez, qu'elles ne nous peuuent gueres offencer, moins engloutir, cōme les Lyôs, dragōs, ou tygres: & qu'avec le moindre esuantail ou festu nous en pouuons defendre.

Si le zele de la religion nous y a poussez autrefois qui l'impeschera de produire maintenant ce mesme effect en la necessité presente? Si la resolutiō de nostre Clouis, & de noz premiers peres Catholiques pour fonder ce royaume a este telle cōtre les Roys heretiques leurs voisins, sur lesquels, sans leur heresie, ils n'auoient riē que voir (le porte, leur dit Clouis, fort à cōtre-cœur, que les heretiques tiennent yne partie des Gaules: allons souz la faueur de Dieu contr'eux, & mettons souz nostre puissance les terres de leur obeissance) n'auôs nous pas honte de nous laisser aller à toute contraire chance & resolution pour dire, Que nous auons à grand gré & contentemēt que les heretiques tiennēt en la personne d'vn Roy heretique, non yne partie, mais tout le royaume de Gaules, & que nous pensions que Dieu veuille que nous nous ioignons à eux, & que nous submettions à son regne & dominiō les places & pays qui sont en la puissance des Catholiques? Si les heretiques ont cōbatu pour vne licēce desbordée de cōscience, & pour leurs folles & enragees opinions cōtre leur vray Roy, serons nous moins lasches de combattre contre vn vsurpateur, pour la liberté de nostre religion, & pour nostre heritage: pour laquelle nous deuons estre fermes & constans ius-

*Faut s'op-  
poser à l'he-  
resie.*

ques à la mort, dit l'Eſcriture? Dieu nous a faiſt la grace d'y auoir apporté vne ſi grande conſtance iuſques icy, deſaudrons nous à preſent au beſoin? Si nous auons peu nous preſeruer de la poincte & de l'eſguillon de l'heresie ſouſ les ieunes ans de noz Roys, la craindrions nous maintenant qu'elle aieſté ſon venin & ſon feu, & qu'il ne luy reſte plus, que le bec, & les ailles, pour nous faire peur, ou nous eſueiller, principalement ayant vn Roy ſi ſage, ſi Cathol. de l'affectiō & valeur duquel nous ne pouuons aucunement douter, ſi nous ne ſommes du tout beſtes & meſchans non plus que de la ſage prudence, & prudente ſageſſe de la Roynne mere, laquelle pour le cōtinuel ſoin qu'elle a eu de nous & de noſtre religion, nous pouuons auſſi veritablement appeller noſtre Mere & du royaume & des trois Eſtatz, que la Mere de noz trois Roys.

*Les Cath.  
ne doiuent  
craindre.*

Si lors que les Princes & principaux Officiers & Gouuerneurs des Prouinces, ie die bonne partie d'iceux comme auſſi de la Nobleſſe, nous ont eſté contraires, & que ce qui nous reſtoit, eſtoit encores de bien petite intelligence enſemble, nous auons eu le courage de ne nous eſtonner point, combien nous doit-il redoubler en ceſte faiſon, que nous les voyons tous vnis d'une ſainte vnion contre l'heresie, bordeſ de ceſte belle haye ou tranchée de 24. Princes de la maiſon de Lorraine? qui tous enſemble ont iuré à Dieu & promis au Roy, & à ceſt eſtat, d'expoſer leurs biens & vies, pluſtoſt que l'heresie nous gourmande, & qu'autre Roy que Catholique nous commande. Finalement, ſi nous auons faiſt ſi bonne garde lors, que l'ennemy ne nous approchoit de

si pres, dormirons nous à cest heure, qu'il nous assure, qu'il a pensé à ses affaires, & qu'il est prest de faire son plus grand effort, & venir aux mains? Si nous deffaillons au milieu de la course, pourrons nous euitier d'estre accusez de tous d'auoir vilainement trahy & Dieu & son Eglise, & d'auoir mis le feu non seulement en nostre patrie, mais par toute la Chrestienté? De quel soing & sollicitude (disoit le cinquiesme Synode general de Cōstantinople) denons nous embrasser ce, qui concerne nostre salut, quand nous voyōs la meurtriere perdition de l'heresie se vouloir ainsi aduancer? N'aurons nous pas honte (disoit-elle) de nous comporter nonchalamment pour les loix de verité, quand nous voyons que les erreurs sont defendus avec si grande violence, obstination & opiniastrété?

Si pour la moindre offence contre nostre particulier, ou le moindre pas de terre, que l'estranger puisse empieter sur noz limites, nous ne laissons pierre à remuer, y aura-il iniure plus grande, & qui nous touche de plus pres, que l'entreprise qui est faicte sur noz loix & coustumes & contre l'Eglise de Dieu & à la religion de noz peres & de nostre nation? Aurōs-nous le cœur si failly & effeminé, que d'abiurer nostre religion par vn silence plein de desloyauté, & d'embrasser seruiement & en esclaves & forçats (comme si nous estions autres, que Francs ou François) toutes sortes d'impietez? Serons nous tiedes ou timides en vne cause si commune & de si grand poix? Celly-là (disoit vn ancien) se peut-il dire courageux & fort, à qui le cœur ne croit & redouble sur la difficulté? C'est au Chrestien (disoit à ce mesme

*Combatre  
pour la religion.*



propos S. Bernard) d'esperer & se fortifier parmy les dangers.

*Ne se fier  
au Roy de  
Nav. n'y a  
l'Hugne.*

Nous recognoissons tant de meschancerez en l'heresie, & si peu de fidelité és paroles du R. de N. & tant de haine & deffiance contre les bons Catholiques & leur religion que nostre seule esperance apres le Roy & Dieu, & les moyens, qu'il nous a dōnez, doit estre, de ne mettre en luy aucune esperance de repos salut & bonne composition : & ce d'autant plus que les nerfs & arteres de la prudence (disent Cicero & S. Ambroise) consistent à ne se fier point facilement. Et comme dit le Pape Sixte 1. Plus vtile de beaucoup est le desespoir, qui nous en mēne à vne esperance, que l'esperance, qui se finist en desespoir. Gardons nous seulement de parlementer & composer avec luy ou les siens, en façon quelconque. Car leur langue est sans comparaison plus dangereuse, que leurs canōs, leurs amielemens, que leurs armes, & leur hypocrisie & dissimulation, que leurs raisons.

*Misere des  
Cath. soux  
le R. de N.*

Nous preuoyons vn si grand desordre par son moyen, vne si grāde calamité des Cath. qu'ils sont aussi asseurez que ceux de Bearn, de Leitoure, de Nismes, de Mōrauban, de la Rochelle, & d'Angleterre, d'estre priuez en Frāce, s'il est creu, du saint sacrifice de la Messe, de l'administration & vsage des Sacremēs, sans lesquels il est necessaire que l'ame perisse, nō moins que le corps sans nourriture: d'estre poussez à leur Presche à coups de baston, & par la peine de prison, amandes & priuation de leurs biens : d'estre forcez à faire profession d'autre religion contraire à la foy Chrestienne, avec la damnation de leurs ames : Bref, de viure en mille

dangers, indignitez, oppressions, vexations, terreurs, frayeurs, empoisonnemens, confiscations de biens, inimitiez, calomnies, fauces accusations, & mille haines & menaces : finalement contraincts d'ouir infinis conuices, & blasphemés contre les Saints, cōtre les superieurs Ecclesiastiques, & en derisiō & moquerie de nostre religiō, voir dresser à tout propos des Croix, pour seruir de gibbets & opprobre, sās que nous oziōs en ouurir la bouche.

Mais n'y a-il point de conseil en terre, pour fuir ces dangers extremes ? Tant que Dieu nous con- *Se liguez souz le R.*  
seruera nostre bon & tres-Chrestien Roy, & la tres-Catholique Royne Mere, qui estiment plus d'estre membres de l'Eglise (ainsi que sainct Augustin tesmoigne que faisoit Theodose le Grand) que de regner en terre, nous n'auōs point à craindre qu'ils nous iectent, ou abandonnent à la geule du Lyon. C'est de nostre deuoir seulement d'entretenir leur bien-veillance par tres-fidele obeissance, & nous maintenir tous bien serrez, cōfoisez, liguez, affretez, & vnis souz le respect, seruice, fidelité, & subiection, que nous leur deuons tous, & par nature, & par tant de sortes d'obligations, contre le cōmun ennemy de l'estat & de Dieu. Ils cognoissent bien clairement à present le danger, dont la religion & cest estat est menacé. Ils ont donné vn si long temps, & si bō loisir au R. de N. & aux Huguenots de se recognoistre, qu'ils touchēt au doigt, & ont cogneu euidēment, par la negociation de la Royne Mere, que sa conuersiō est du tout desesperē, & qu'il n'a autrē intention, que d'installer l'heresie, & s'installer par & avec icelle : & que partāt vne plus grāde douceur, & dilation,

ne sert de rien, qu'à l'enfler & endurcir dauantage. En quoy nous deuons aider leurs bonnes volontez de noz biens, moyens & vies : afin qu'ils puissent s'y oppoler viuement avec l'assistance des Princes & Seigneurs, que leur Ma. scauēt estre affectionnez à ceste cause, & à leur seruice: confidés de leurs bons subieets. Cath. & y estre obligez de nature, de succession de pere en fils, & par tant de sermens particuliers, intereests signalez, ou bien receuz de leurs Maiestez. Lesquels nous supplions tous vouloir continuer de mieux en mieux, sans se laisser gagner à la poison des deffiances mal-fondees, ou d'autres passions, qui ne tendent qu'à vn brigandage, & à la ruine de l'estat, voire mesme à l'aneantissement de la religion Catholique.

*Ne perdre  
cœur.*

Et si Dieu au contraire nous vouloit tant châtier que de nous priuer de ces deux grâdes lumieres & appuis, deuât d'auoir la fin de l'heresie (c'est à la verité vne trop grande perte) mais faut-il pour cela, que nous perdions cœur? Faut-il pour cela, que la peur & apprehension, que nous auons justement de la domination & tyrannie de l'heresie en la personne du R. de N. nous face entrer en desespoir, pour plier le col souz le coute-lats, & nous soubsmettre & nostre posterité à iamais souz vn ioug insupportable? Faut-il que nous estimions (dit S. Cyprian sur semblable fait) que les efforts humains puissent d'auantage à nous assaillir, que ne peut la protection & sauuegarde de Dieu à defendre les siens? Faut-il rres-cher frere mettre bas la dignité de l'Eglise Cathol. & la Maiesté inuiolable du peuple fidele, qui est en icelle, & l'auctorité & puissance sacerdotale, pour au-

tant que ceux, qui sont hors l'Eglise disent, qu'ils  
 veulēt iuger de celui, qui est superieur en l'Eglise?  
 les heretiques d'un chrestien: ceux qui sont naurez,  
 de celui qui est sain? les deuoyez de celui qui a esté  
 tousiours ferme? ceux qui sont condānez, du iuge?  
 les sacrileges & Apostats du Prestre & Prelat?

Ne sçauōs nous point que nostre espoux reserue *Dieu aide*  
 le bō vin sur la fin? Ne sçauōs nous pas que la ioye *lors qu'on*  
 de l'enfantement ne vient qu'apres les douleurs & *peut mieux*  
 tranchees? Ne sçauōs nous pas que la vraye lumie- *re*  
 re est apparue, nee & resuscitee en plain minuit? *recongnoi-*  
 & que lors qu'on cuide que les meschās sont plus *stre son*  
 en grade & force, c'est à l'heure que Dieu ioue ses *aide.*  
 coups de maistre, pour les precipiter en bas? Ne  
 sçauōs nous pas que les grāds biēs n'arriuent iamais  
 qu'apres les grands maux? ny la santé qu'apres la  
 crise & l'apparence de mort? Bref, ne sçauōs nous  
 pas que Dieu parmy son ire n'oublie iamais sa mi-  
 sericorde, & qu'apres le chastiment il met les ver-  
 ges au feu Ne nous rendōs point laschemēt à l'he-  
 resie, comme si nous auions ceste meschante & de-  
 testable opiniō, que Dieu ne nous puisse defendre  
 & conseruer en nous opposans à l'heresie, & nous  
 affectionnans & formalisans pour la verité.

Les autres moyēs, qui nous resterōt lors ne serōt  
 ils pas pl<sup>r</sup> que suffisās pour repousser celui q nous  
 pouuōs craindre? Faut il pēser que leurs Maiestez  
 preuoyant cest accidēt proche, n'y apportent tout  
 ce que les gens de biē en peuuent desirer? sçachās *Vn bō suc-*  
 biē qu'il n'y a plus beau epitaphe du sepulchre des *cessieur est*  
 Empereurs ny des Rois. ny qui orne & recōmande *l'epitaphie*  
 plus leur memoire (disoit Tibere 2.) que la pieté *des Roys.*  
 & les vertus de leurs successeurs en l'Empire &

royaume? Faut-il pēser que les Princes, qui auront par le passé monstré teste, se cachent ou calēt voile. Faut-il penser que les Cours de Parlement n'y rappoient leur sagesse & maturité accoustumee? Que tous les ordres s'oublient au besoin, afin de ne donner place à la confusion, & qu'ils ne sçachent pas bien tost en arrester le cours, & se resoudre de celui, qu'on deura tenir & obeyr pour Roy, & lequel nous puissions tous regir par les loix, & defendre par les armes.

Esperons que Dieu leur sçaura tres-biē inspirer & enseigner les remedes d'y pourueoir sans alteration ny changement des loix & formes du royaume ny des grādes, droits, & priuileges d'un chacun.

*Employer  
verd et sec  
contre le  
Roy de N.*

Que chacun se resoluë dès à present en soy-mesmes d'y apporter tout soudain ce qui despandra de soy, singulierement de s'opposer de tout son zele, de tout soing, de toute son ame, de toute sa puissance, & de toutes ses forces, moyēs & vœux, conformément au zele du Roy, & à l'intention des gens de bien à ce Roy de Nauarre leur aduersaire capital, & leur tres-dangereux ennemy intestin public, & coniuré par interest, par vœu, par serment & professiō, par heritage & accoustumance, & qui est à tout l'estat, non seulement en deffiance mais en horreur, pour aimer plustost exposer ce royaume en proye aux Reistres & estrangers, que rien rabatre de ses passions, ny des folies de ses ministres, moins encores de la cruauté de ses sacque-mens & piccoreurs. pour nous laisser en repos, & en l'estat que nous estiōs deuāt qu'il fut nay. C'est vne besogne & vn peril singulier, il y faut aussi apporter vne diligence & affection singuliere, puis

qu'il y à du salut commun contre les communs ennemis: il y faut (dict saint Leon) vne commune vigilance. L'on voit que la religion & l'estat menace cheute & ruyne: il y faut courre au deuât, pour l'appuyer par tous efforts & moyës, qui par ardetes oraisons, & prieres continuell's, qui par auctorité, conseil, forces, deniers & autres moyens, que Dieu leur à doné, qui par sermons, qui par escrits, afin de faire cognoistre pour iamais à tout le monde, la malice, l'execration & le danger de l'heresie Caluinienne, & ce que l'on doit & peut attendre particulièrement du R. de N. & afin de remplir de confusion & honte ceux, qui presument par leur beau langage, grands escrits, & fauces couleurs de raison, la transfigurer en inspiration de Dieu & le R. de N. en ange de lumiere, pensans par là, pouoir combattre & chasser la raison, esblouyr les yeux de gens de bien, & des personnes simples; en leur representant le Roy de Nauarre si fardé, & bië peinct qu'ils le prennēt pour tout autre qu'il n'est, & afin qu'ils ne fassent distinction entre vn estat Chrestien ou infidelle, entre le Royaume de France & celui des Scithes ou des Turcs, entre la poulle & le renard, le loup & la brebis. Estant plus que veritable le dire de saint Paul, Que l'Antechrist sera vaincu, & desfait lors, qu'il sera cogneu & reuelé, & que les hieretiques ne peuuent plus profiter à tromper le monde, depuis qu'ils sont descouuers, & que leur naturel, œuures & desains sont manifestes.

<sup>1</sup> Que chacun se propose de maintenir ceste bonne vniō & intelligēce souz le Roy (que le vulgaire appelle Ligue) & l'auoir aussi recōmandee & che-

*Faut tas-  
chor de des-  
couvrir à  
vn chacun  
le masque  
& faux  
visage du  
R. de N.*

re, que sa propre vie, comme estant assuré, que c'est le seul ou principal moyen de conseruer, & l'estat & l'usage de sa religion & ses propres commoditez. Ne permettons point, que vne commune cause soit hazardee avec vne partie de ses forces.

*La Relig.  
Cath. pre-  
maudra.*

Esperons que la verité, & singulietement celle de la religion Catholique preuaudra infalliblement, suiuant l'escriture, par dessus le vin, la femme, & le Roy : Que comme des actions & entreprises iniustes la fin en est tousiours sinistre & miserable : aussi au contraire qu'il ne nous peut que tres-bien succeder de nous affectionner, pour la cause de Dieu & de sa religion : qu'il ne nous peut que bien reussir de nous formaliser contre ses ennemis & ceux qui voudroient bannir sa foy, sa cognoissance, & son seruice de la France: que nous ne nous pouuons repentir de combattre, pour les loix fondamentales du Royaume, pour les coustumes & vsances anciennes de nostre patrie, avec assurance, que Dieu ne sera pas seulement conducteur de noz forces, mais aussi comme vn compagnon combatant avec nous. Si c'est chose verifiee de toute ancienneté en l'Eglise (dict Lyrinensis) que tant plus l'on à de religion, l'on est contraire à l'heresie: si le François à esté tousiours renommé en affection de religion, n'aura-il point en haine & detestation l'heresie? Si Nabor est loué d'auoir mieux aimé s'exposer à tous dangers de la vie, plustost que d'abandonner sa vigne de patrimoine à vn Roy heretique, que deuons nous faire de la vigne de Dieu, & de ce Royaume, lequel à esté ses delices l'exercice de ses misericordes & bien-faits

*Faut hair  
l'heresie.*



par si l'on temps?

Si ceu<sup>x</sup> la ont tousiour esté estimez dignes d'une extreme loüange, qui ont exposé & leurs biens & leurs vies pour les loix, les coustumes & le salut de leur patrie, que sera ce de ceux, qui dōnent leur vie & leurs biens à la cause de Dieu, lequel leur en rēdra en chāge vne vie eternelle & des biēs presens & immortels? Les ligneés de Zabulō & Nephtaly, ont recommandé leur nom à la posterité, pour auoir consacré leurs vies à la deliurance du peuple. Othoniel, Aod, Samg, Debora, Iabel, Cedeō, Iephre, Sanfon, Iudith, & les Machabees sont & seront à iamais louez & estimez, pour s'estre employez à la defence de la religion de Dieu. Et au contraire Debora faiēt donner malediCTIONS à ceux de Ruben, de Dan, D'afer & Merob, par ce qu'ils ne s'estoient trouuez à l'aide & secours du Seigneur cōtre ses ennemis. Si le plus grand de noz amis vouloit empieter vn pouce sur nostre terre, nous n'oublie<sup>r</sup>o<sup>s</sup> rien pour luy resister: & cependant que les ennemis de Dieu fourrageront son Eglise, nous cacherons nous dedans noz maisons, comme si nous estions sans charité, sans Dieu, sans religion, sans cœur, sans mains, sans bras, & sans armes? Si les Huguenots en si petit nombre ont monstré tāt de courage & de perseuerance pour vne singerie & vaine vmbre de religion iusques à y exposer leur propre sang, vie, & biens: que deuons nous faire pour la deffence de la vraye religion Chrestienne & Catholique? Sus sus donc s'il nous reste quelque sentiment de religion, si nous ne sommes despouillez de toute humanité & pieté, embrassons la cause de Dieu. Si nous auons aucun ze.

*Louables  
zeleux  
de la relig.  
Cath.*

*Maudits  
ceux qui  
ne aident  
à la cause  
de la Reli.*

*Exhorta-  
tion finale*

le à la gloire, si la charité nous esmeut, si nous sommes antez & conioincts en vn corps, avec le reste des Catholiques du monde, si nous desirons nostre repos, monstons le par œuvre & par effect. Combatons pour la gloire de Dieu, pour la paix & tranquillité de la France, & de la Chrestienté, pour noz femmes & noz enfans, pour noz fouiers, & principalement pour noz Autels, nous disons mesmes pour la reputation de nostre France, qui à esté iusques icy, & la loy & l'exemple des autres nations, & au zele de la religion, & en affection de la patrie, & en la conseruation de ses loix & formes. Faisons que noz puisnez & pauures Anglois, & Biernois Catholiques, qui sont si miserablement traictez & priuez des moyens de leur salut, prennent cœur de nostre constance, qu'ils puissent esperer par nostre santé & prosperité de iouyr en brief de la liberté de conscience, & de l'exercice de nostre religion. Nous vous prions particulierement vous autres Anglois Catholiques nous continuer voz bons aduertissemens, & nous departir des ces deuotes prieres, que vous faictes parmy les liens & les prisons, avec assurance, que Dieu ne permettra point, que vostre affliction surpasse voz forces, estans ioincts à luy, ains les vous fera profiter à la grosse vsure, comme dict sainct Paul. Et de nostre part nous ne vous oublierons iamais en tout ce que noz moyens se pourront entendre.

Prions tous ensemble Dieu pour la vraye conuersion à la foy Chrestienne & Catholique & de vostre Royne, & du Roy de Nauarre & de tous heretiques : afin que vous & nous ayons moyen

de les respecter & aimer en saine conscience, & de  
 esperer autant de bienueuillance, & repos de leur  
 conuersion & grandeur, qu'elle nous a esté par le  
 passé en terreur, vexation, defiance, & en haine,  
 comme estant des plus grands ennemis de Dieu,  
 & de son peuple. Et si Dieu cognoist qu'ils soient  
 reprouuez, & s'ils ne se conuertissent, qu'ils soient  
 brisez, comme prioyent les anciens peres, contre  
 les heretiques de leur temps. Supplions tresinstam-  
 ment Dieu, qu'il luy plaise fortifier les saintes in-  
 tentions, & souhaits de leurs maiestez, & des Prin-  
 ces Chrestiens, afin puis que c'est vn mesme affai-  
 re de leur cause, & de celle de Dieu, & de la foy,  
 qu'ils se resoluét vne fois pour toutes, d'auoir vne  
 fin finale de l'heresie, plustost que plus tard, avec  
 son aide & l'assistance qu'il a promise à ceux, qui  
 seront de bonne volonté. Nous n'oblierons point  
 aussi de flechir les genoux de noz cœurs deuant sa  
 diuine maiesté: afin qu'elle vueille guider & con-  
 duire tellement les deliberations, les vœux & les  
 opinions de ces Seigneurs Polognois, qui sont à  
 present assemblez pour l'election de leur Roy  
 (ou plustost du Vicaire de nostre Roy & le leur)  
 en faueur desquels nous auons hasté l'enfante-  
 ment de ce discours, que le sort ne tombe que  
 sur vn Prince Catholique, autant d'effect que de  
 nom, selon leur bonne & louable coustume, &  
 conformement à la Tres-chrestienne foy, à la  
 tres-ardante religion, & à la tres-deuote pieté de  
 nostre commun Henry Tres-chrestien de eternal-  
 le memoire.

Avec assurance que si nous cerchons tous pre-  
 mierement & sur tout la conseruation de la reli-

*Aut con-  
 uertantur  
 aut conte-  
 rantur.*

*Priere aux  
 Polognois.*


*Bon succez  
 si nous cer-  
 chons l'hô-  
 neur de  
 Dieu.*

*Malencō-  
tre si l'on  
reçoit un  
Roy here-  
tique.*

gion, & la deffence de la cause de Dieu, & à luy  
cōplaire par dessus toutes choses, que c'est le vray  
& vnique chemin pour acquerir & maintenir le  
repos, & la paix de ce Royaume, & d's noz villes,  
& de noz familles & de nostre posterité. La seule  
religion & pieté estant celle, disoit Theodoze le  
grand en ses derniers propos à ses enfans, qui con-  
serue la paix & le repos, qui esteinct la guerre, qui  
faict fuir les ennemis, qui erige les trophées, & la-  
quelle apporte la victoire. Autrement ne dou-  
tons point, que si nous receuons vn heretique  
pour Roy, & que si nous auons en ce, plus d'es-  
gard au sang, & à la chair, ( de mesme que nous  
eussions peu faire deuant d'estre Chrestiens ) que  
à Dieu, & aux moyens de nostre salut, ne doutōs  
point, disons nous encores vn coup, que nous ne  
verifions infalliblement sur nous, & à nōz despēs,  
ou tost ou tard les deux oracles d'Apollo, l'vn ren-  
du aux Sibarites, qu'ils deuoyent perir & tout leur  
estat, lors qu'ils commenceroient d'auoir plus  
d'esgard aux hommes, qu'à Dieu : & l'autre aux  
Pheniciens, que leurs affaires iroient mal, lors que  
les corbeaux deuiendroient blancs, qu'est autant  
à dire, que lors que les heretiques enfumez du  
noir à noircy de Sathan (dict saint Basile) seront  
reuestus de la robbe blanche de Chrestien, & du  
blanc manteau royal semé & couuert de fleurs de  
lis, conformement à ce que dit saint Augustin des  
Iuifs, lesquels pour crainte qu'ils eurent de trou-  
bler le repos de leur estat renōgerēt à Iesus Christ.  
Ils ont eu craincte (dict-il) de perdre les biens  
temporels, & n'ont pas pensé à la vie eternelle : &  
ainsi ils ont perdu l'vn & l'autre. C'est ce, que vou-

loit dire nostre Seigneur, Qui conque ayme sa vie,  
sa femme, ses enfans, ou ses biens plus que moy,  
n'est pas digne de moy. Et ailleurs cherchez donc  
premierement, & sur tout le Royaume de Dieu,  
& toutes choses vous succederont à souhait.

*Le Seigneur est le commencement  
& la fin.*



19  
The following is a list of the  
names of the persons who  
were present at the meeting  
of the Board of Directors  
of the Company on the 1st  
of January 1880.

The following is a list of the  
names of the persons who  
were present at the meeting  
of the Board of Directors  
of the Company on the 1st  
of January 1880.

The following is a list of the  
names of the persons who  
were present at the meeting  
of the Board of Directors  
of the Company on the 1st  
of January 1880.

# MATIERES DE CE LIVRE en particulier.

A

<i>Abinration des heretiques.</i>	21.	<i>France.</i>	73.
117.393.304.422.		<i>Les Ministres d'Angleterre re-</i>	<i>tiennent le nom d'Esquiers.</i>
<i>Ceux qui ont abiuré sont contre</i>		42.50.	
<i>le R. de N.</i>	14 509	<i>Les estats demandent declaration</i>	<i>d'un successeur a la Roynie. 147.</i>
<i>Acquisitiō iuste que la desposuile</i>		<i>A charge de religiō sonnée 29. 183.</i>	
<i>d'un heretiq.</i>	391.313.	<i>Est du patrimoine du saint Pierre</i>	<i>&amp; rebelle au Pape. 306.309.</i>
<i>Abusivité si la soy Catholique</i>		<i>Roynie d'Angleterre.</i>	
<i>n'estoit la principale loy de tous</i>		<i>Baslarde &amp; l'obstacle qu'elle n'est</i>	<i>Catholique. 50.</i>
<i>ceux du Royanne. 177. 194.</i>		<i>Ses edicts tyranniques. 25.</i>	
195.252.		<i>Surquoy elle fonde sa tyrannie.</i>	
<i>Agem mal traité du Roy de Na-</i>		191.307.	
<i>uarrre.</i>	37.	<i>Mect a mort la Roynie d'Escos-</i>	<i>se. 235.</i>
<i>Albigois estoient de l'heresie des</i>		<i>Le clergé d'Angleterre s'oppose à</i>	<i>elle. 42.</i>
<i>Calumnistes combatus avec plus</i>		<i>Apostat nul receu a commander</i>	<i>aux Chrestiens, 384.386.</i>
<i>de 100000. hommes. 304.</i>		<i>Apostasie voy heresie.</i>	
<i>S'aydent du secours des Sarra-</i>		<i>Apostats Empereurs deposez. 397</i>	
<i>zins. 84.</i>		<i>Arabes d'Espagne. 414.</i>	
<i>Allemands rendus tributaires aux</i>		<i>Arriens. 133. 202. 256. 400. 411.</i>	
<i>François. 435.</i>		<i>Arriens quand chassiez d'Espa-</i>	<i>gne. 415.</i>
<i>Ambassade a Charles Duc de</i>		<i>Les armes ont lieu en matiere de</i>	<i>religion. 391.</i>
<i>Lorraine. 544.</i>		<i>Armeniens quittent Maximus</i>	<i>pour estre ennemy des Chre-</i>
<i>Ambrun commet surprins. 119.</i>		<i>stiens. 398.</i>	
<i>Ambition ne vieillit point. 116.</i>		<i>Armoiries signe de noblesse. 437.</i>	
<i>Admiral de Coligny Roy de Fr-</i>		<i>Arragon Royanne pour l'insid-</i>	<i>erité du Seigneur. 429.</i>
<i>dit de Lanuier. 20.</i>			
<i>Affricque.</i>			
<i>Enesques d'Affricque s'opposent</i>			
<i>à l'heresie. 385.</i>			
<i>Angleterre.</i>			
<i>Pleine de diverses sectes. 184.</i>			
<i>S'est inscrite de saulx contre la</i>			
<i>loy Salique. 205.</i>			
<i>Est liguée avec le Roy de Nauar-</i>			
<i>re. 80.</i>			
<i>Anglois anciens ennemis de la</i>			



Assassins seul peuple du monde  
qui n'a autre religion que celle  
qu'il plaist a leur Roy. 183.  
Aspar rebuté d'estre Empereur a  
cause d'heresie. 14.  
Saint Athanase maintenu par  
les Catholiques. 401. 403.  
Atheisme en quoy consiste il. 269.  
383.  
Atheistes de nostre temps. 383.  
Sont contre le R. de N. 510.  
Avarice d'aucuns est cause de la  
longueur de la guerre. 118.  
Auteurs du liure nō pratiquez  
ny passionnez. 381.

B

Bayonne refuse l'entree au Roy de  
Navarre. 82.

Bearn.

Les estats s'opposent aux edicts de  
la Roynie de Navarre. 40. 41.  
Forme d'estats corrompue. 41.  
Biarrois Catholiques oppressez  
21. 31. 39.  
Carnage des Catholiques faict  
par Montgomery. 40.  
Catholique cent pour un hugue-  
not. 43.  
Le clergé & l'Eglise despoillée de  
ses biens. 44. 45. 51. 379. 1.  
Le Roy de Navarre promet y re-  
mettre la religion Catho. 22.  
Officiers Catholiques desappoin-  
tez. 44. 51. 33.  
Officiers contraincts à protester.  
54.  
L'Euesque Doleron mal traité.  
51. 52.  
Ministres fraudez de leurs gages.  
44. 45.  
Ministres suictez aux decimes

pour les frais de guerre. 46.  
Escolliers despoillez de leurs pen-  
sions. 46.  
Gibets en forme de croix. 61.  
Bearn est des dependences de la  
couronne de France. 304. 439.  
Biarrois faux & courtois. 358.  
Belloy advocat de Tholose est un  
baillibelle, menteur, ignorant.  
& escriuain gagé du R. de N.  
67. 174. 320. 321. 329. 337.  
338. 387. 398. 399. 410.  
442. 453. 484. 485.  
Biron cheualier sans reproche &  
l'Achilles François a merité  
beaucoup du royaume. 127. 370  
Bulle du Pape contre le R. de N.  
295. seqq. 305. 1. 2. 3. 4.  
Cardinal de Bourbon.

Ses vertus. 122.  
Ses bien faicts envers le Roy de  
Navarre. 15.  
Blasme a tort pour la ligue. 84.  
Aiant imité le grand Prestre Io-  
iadas, le plus proche de la con-  
ronne. 381.  
Seruy par ceux de Guyse. 91.  
Bourbon.

La maison de Bourbon est la  
maison de France fauorisee par  
les Lorrains. 91.  
Boxe Roy de Prouence eut la teste  
tranche pour auoir baillé un  
soufflet à un Euesque. 303.  
Brocard le Prophete du Roy de  
N. 190. 211. 423. 1. 2. 3. 4.

C

Cabades R. des Persez deposé pour  
le faict de la religion 276.  
Cahors mal traité par le Roy  
de Navarre. 264.

Caluinistes voy Hu-  
guenots.

Inconstans.	30.
Plus cruels que tous heretiques.	34.
Mesdisans.	35.
Sont incorrigibles.	353.
Caluinisme platé par armes.	252.
Tourné en rebellion.	351.
Catholiques.	
Receus par tout le monde.	32.
Modestes.	34.
Estouez de l'hardisse du R. de Na- uarre.	83.
Forcez en leurs persones & reli- gion.	28. 33. 54. 174.
Plus sans comparaison que les huguenots.	101. 106.
Mourront plustost tous que d'en- durer le R. de N.	1. 382.
Ils ont des Phinées non des Pol- trots.	132.
Sont les parties du Roy de Na- uarre.	100.
Ne doiuent estre de pire condition que les huguenots.	101. 174. 191.
Sont infailliblement les vrais Chre- stiens.	354.
Desapointez de leurs estats par le R. de N.	44. 54.
Catholique ont resisté a la recep- tion d'un heretique.	387.
Catholi. s'opposant a l'Empereur hereti. justifiez.	190.
Fols & nians de recevoir un Roy heretique.	142. 221. 223.
Catholique & Chrestien com- ment differant.	151.
Seules luges a la question de l'ex- clusio d'un Roy heretiq.	224.
Pourquoy ils ont escrit ce livre.	

382.	
Tresobeissant sauf au faict de re- ligion.	405.
Peuuent recourir au secours des estrangers.	85. 303. 335. 401. 397. 432.
Ne doiuent s'emploier pour here- tiques.	407.
Haissent la dissimulation.	380.
415.	
Leur foy est tresueritable.	215.
Le nom de Catholi. pourquoy at- tribué au Roy d'Espa.	415. 419.
Le Cath. ne peut douter si le Roy de N. est heretique.	341.
Le Cathol. & le huguenot diffé- rents des moiens de salut.	344.
Les Catholiques denient secourir l'heretique voire le frere au frere.	407.
Ont hay les R. heret.	402. 407.
Seqq.	424.
Ont esleu des Empereurs en Rou Catholiques contre les hereti- ques.	409.
Catholiques vnis.	
Sont Cath. de contenance de nom de profession & non de foy.	55. 57. 103. 113. 16. 124. 341. 385. 415.
Mettent un vray Atheistes.	14. 55. 385. 415. 461.
Cardinal de Roy d'Angleterre tué pour auoir changé sa relig.	175.
Causé mot deshu. changé en pais.	79.
Charlemaigne.	
Empereur	425.
Estoit Papisle.	217.
Ses fondations & pelerinages.	220.
Faict la guerre pour la religion.	85.

Charles le Chauue prescé a son aisé.	201.	Sans clergé l'estat est vn monstre.	472.
Charles duc de Lorraine.	233.	Contraire au R. de N.	502.
Exclus de la couronne.	201.	Clouis.	--
Childeric premier seul Roy <u>Fréd-</u>		Le premier Chrestien de tous lo	
gous infect d'heresie & tué.	429	françois.	434.
Chrestiens.		Premier Roy de France.	430. 187
Nuls proprement que les Catho-		Estant encor Païen defend l'E-	
liques.	150.	glise.	187.
Quand & comment ils peuent		Conuertý par miracles.	186.
estre suiets a l'infidele.	287. 334.	Fauory & saict Roy par les Ca-	
Ne doiuent estre serfs du Iuis.	334.	tholiques.	430.
Ne doiuent estre iuges par infi-		Insignement religieux.	157.
deles ny heret.	256. 287.	A en le tiltre de Treschrestien.	453.
La Chrestienté faisant vn corps		Son nom changé a Louys.	430.
se peut defendre cõtre vn mebre		Reçoit de Dieu laurissan.	433.
pourey de l'heret.	337. 361. 265.	La sainte ampoule.	434.
Christianisme.		Leseu a trois fleurs de lis.	433.
Est la loy fondamẽtale de <u>France</u>		Et de l'Empereur Anastase de	
ce.	150. 177. 161	present les marques royaux &	
Planté par miracle.	186.	la couronne.	478.
Receu autrement en <u>France</u> que		Tresuietorieux.	433.
en Turquie.	179. 197.	Dilate son royaume iusques aux	
Soustenu par les Francois.	265.	Pirennees.	434.
Ne destruit la police <u>humai-</u>		Faict de belles fõdatiõs.	220. 433.
ne.	288.	Enuoie vne couronne d'Or, au	
A pour fin Iesus Christ.	249.	Pape.	433. 438.
Royaume Christianisé est d'un		Clotilde femme de Clouis estoit	
tres loix d'estat que le <u>Payen</u>		Catholique.	436.
qui ne regarde que au sang &		Autre Royne d'Espaigne.	256.
a l'homme.	248. Seq. 384.	Coligny. 5. 10. Roy de l'Edit de	
Christiernus Roy deposé.	--	Ianvier.	50.
Clemens maximus <u>Empereur ti-</u>		Desauoue le demolition des Egl-	
ran sous pretexte de faire la		ses.	62.
guerre a l'heresie.		Conferance de la loy de religion	
Clergé aduertý.	49.	a la Salique.	199.
Ruyné par la reception d'un Roy		Seq.	204.
heretique.	467.	D'un Roy & estat Chrestien a	
Ses prerogatiues.	468.	vn des Païens.	249.
Il y a deux charges, l'une <u>spiri-</u>		De la foy de nos Peres avec celle du	
tuelle l'autre temporelle.	471.	R. de N.	214.

Seqq. de l'heretique avec les Iuifs & infideles.	268.	der la foy Cath.	358.
Du deuoir du Pape a estre Ca- tholique, & a celuy du Roy de France.	239.	Diēt provincial nō a raison d'une prouince de nation, gent ou se- culiere ains seulement de la me- tropolitaine & ecclesiast.	358.
De Charles de Lorraine avec le R. de N. du Roy de Nauarre & de Iulian l'Apostat.	480.	Cocile de Latran des plus auten- tiques.	297. 316.
Conciles generaux leur autori- té.	296	Ses singularitez.	300.
Seqq. sur les Roys & leurs sub- iects.	292. 310. 421.	Contre reception d'un Roy here- tique.	295.
Iugent du sens de l'escriture.	315.	Concile de Trente defendu contre les nullitez du Roy de Nauar- re.	347. 36. 366.
Quelles personnes y ont entree, voix & opinion.	356. 360.	Condé affecte la couronne.	5.
Nul laye soit Empereur ou R. ny peut opiner.	291. 356.	Le ieune prince de Condé quitte monfieur.	9.
Seruent non seulement d'instru- ction mais de loy.	362.	Surprend la Fere.	10.
Sont dictex par le saint Esprit.	295. 297.	Semble estre poulsé du zeile de sa religion.	67.
Obiectex par les heretiques & nō receus sans grande contradiction & longues annees.	346.	La conclusion des estats de Blois luy est signifiée.	369.
Les heretiques n'en sont point co- uertis.	347.	Est excommunié par le Pape.	35.
Inutiles selon la maxime des Cal- uinistes.	354. 361.	Constantius pourquoy appellé grand.	299.
Mesmesment pour leur regard & le Roy de Nauarre.	357. 353.	Son affligie ibidem.	
Leur demande d'un Concile frau- dulense.	356.	Constantin.	3.
Pour pretexte au R. de N.	357.	Estoit Catholique.	410.
Nul pour l'instruction d'un par- ticulier.	357.	Constantius meurt comme desef- peré d'auoir mis pour son suc- cesseur un apostat.	135.
Preallables a accorder demit d'o- stroner un Concile au Roy de N. difficiles.	359.	Maudict pour tel fait.	142.
Concile national inuention nou- uelle des heretiq.	358.	Conuert y a la foy difficile.	753.
Concile provincial ne peut deci-		Conuert y a la foy dangereux a commander.	244.
		Couronne de France dediee a Dieu Aenuoiee en offrande à S. Pierre de Rome oblige tous nos Roys a la foy Catholique.	438.
		Coustume saint loy.	203.
		Mieux que la loy escrite.	199.
		Celle qui est obseruée en la succes-	

*fi*on de nos Rois sert & se nomme  
 loy Salique. 200.  
 Croix employee en tous les princi-  
 paux actes de la France. 162.  
 Mise sur l'effigie de Cōstātū. 399  
 Tournée en Gibet par le Roy de  
 Navarre. 61.  
 Rachaptee des Venitiens. 220.  
 Marque & les armes des officiers  
 de Iustice. 500.

D

Depositiō des Papes & Rois. 233.  
 D'autres. 235.  
 Par les Papes. 317. Seqq. Par l'E-  
 glise. 331. 301. 227.  
 Depositiō des Empereurs & Rois  
 pour l'heresie. 124. 301. 394.  
 395. 396. Seqq. 412. Seqq.  
 425. Seqq. Est du commande-  
 ment de Dieu. 256. 266. 277.  
 331.  
 De l'Eglise. 256. Et seqq. de la  
 Chrestientē. 272.  
 De l'opinion de tous les Canonis-  
 tes & Theologiens. 328.  
 De Calvin. 280.  
 Le pere depose le fils. 414. 420.  
 Le fils le pere 427. 420.  
 Plustost que permettre que Iesus  
 Christ fut depossédé. 457.  
 Pour avoir laissé la Religion du  
 Roiaume. 275.  
 A esté tousiours practiquee par  
 les François & autres Catho-  
 liques. 264. Seqq. 301.  
 Par les heretiques. 312. 214.  
 Cause de l'Origine des Roiaumes  
 Chrestiens. 419.  
 De l'Empire & du levant & du  
 couchant. 397. 413.  
 Du Roiaume de France. 420.

Seqq. 439.  
 Deposition & excommunication  
 pour heresie sōt inseparables. 326.  
 Seqq. Les huguenots ont depose les  
 Rois autāt quilz ont peu. 379.  
 Autorités sur ce. 328. 390. 391.  
 428. 393. 402. 405. 410. 429  
 Aussi indubitable, qu'il n'est  
 qu'un Dieu.  
 Aussi ancienne que l'apostasie ou  
 l'heresie ex Rois ou Empe. 397  
 Qui tient au contraire est Athee  
 & beste. 295.  
 Voiez exclusion.  
 Douceur des heretiques, n'est que  
 cruauté. 381. 483.  
 Dissimulation de sa religion che-  
 min a l'atheisme. 11.  
 Exemples des Rois qui ont dissimulé.  
 275. 431. 386.  
 Duranty premier President de  
 Tholose, grand zelateur de la  
 foy. 498.  
 Duras enuoyé au Pape par le Roy  
 de Navarre, pour luy rendre  
 l'obedience. 6.  
 E  
 Ecclesiastiques peuuent posseder  
 des Roiaumes. 308.  
 Doivent avoir voix en la recep-  
 tion des Rois 421.  
 Edict de réünio trefuiste. 21. 137.  
 Conferé avec les Edicts d'Angle-  
 terre & Bearn. 25.  
 Faict de la franche volonté du  
 Roy. 131.  
 Edicts cōtre les huguenots. 17. 22.  
 Edicts de pacification cōment per-  
 mettent la nouvelle opinio. 95. 373. 375.  
 Fondé sur la necessité du temps.  
 373. 460.

Cōtre la volō lib. des R. 126. 374  
 Edicts du Roy & Roine de Na-  
 uarre cōtre la religiō Cath. 31.  
 L'Eglise est dedans la republique  
 & non au contraire. 175.  
 N'est subiecte aux loix ciuil. 175.  
 L'Eglise Cath. de nostre temps la  
 mesme que l'ancienne. 219.  
 Sur les Rois. 249. 175. 259. 420.  
 Les peut depōser. 259. 298.  
 Ne desroge à la souveraineté des  
 Rois. 262.  
 Ne prie nommement pour Rois  
 heretiques. 281. 297.  
 Peut infliger peines. 290. 326  
 Peut posse. toute sorte de biens. 308.  
 Peut depōsseder les Rois. 329. 420  
 Biens Ecclesiastiques sont a la  
 disposition seule du clergé eseu  
 des fleurs de lis. 435.  
 Election d'un Roy ou Empereur  
 Catholique contre celluy qui  
 est heretique. 409.  
 Empire transfere aux françois a  
 cause de l'heresie des Empereurs  
 365. 413. 425. 431.  
 L'empire n'a que veoir sur la  
 France. 178.  
 Trois Empereurs seuls estats hie-  
 tiq. lors de leur reception. 386.  
 Empereur iurent la foy Catho-  
 lique. 443.  
 Leur couronnement. 444.  
 Leur sacre 449.  
 L'empereur ne se peut diuiser du  
 corps de l'Eglise. 316.  
 N'est receu sans le profecion de la  
 foy Catholique. 443.  
 Ornement imperiaux. 241.  
 Espagne.

Espagne chasse Iuif & Sarra. 53

Commēt est occupee par les Mores  
 & Sarrazins. 414.  
 Espagne purgee des sarrazins &  
 Arriens. 57. 85. 256. 416. 419  
 Le R. d'Espagne reffuse de s'en-  
 tendre avec le Roy de N. 87.  
 Baise la main aux Euesques. 291  
 Espagnol hay de l'heretiq. 73.  
 Espagnols meilleurs François que  
 les Anglois. 73.  
 Que les huguenots. 85.  
 L'inquisition ny est cruelle qu'en  
 Angleterre. 28.  
 Le filz d'Espagne mis a mort  
 pour heresie. 460.  
 Cat. iustificadis en Espagne. 415  
 Titre de Cathol. quand & pour-  
 quoy en Espagne. 415.  
 Inquisition d'Espagne contre  
 quelles gens. 418.  
 Zelle du clergé d'Espagne. 319.  
 Roy d'Espagne depōssédé. 318.  
 Estats de France bien unis contre  
 l'heretique. 119.  
 Ont eu en premier lieu soin de la  
 religion. 271.  
 Cōfirmēt le testamēt des Rois. 201  
 Estats generaux en quoy se doiuent  
 opposer au Roy. 241.  
 Subiects aux loix de relig. 257.  
 Estats de Blois tenus à la suscita-  
 tion des heretiques. 168.  
 Condemnent l'heresie & les here-  
 tiques. 368.  
 Approuuez par le Roy de N. 370  
 Ont declairé le R. de Nauarre in-  
 digne de la couronne. 368.  
 Estats d'Angleterre. 42.  
 Estats de Bearn. 40.  
 Escosse.  
 Roine d'Ecosse cruellemēt meurtie  
 Oo iiii

en Ang'leterre. 312. 235. 461.	Des gens civile & canonique.
Euesques voyez. Eglise.	208. 295. 177. 187.
L'Euesque pent & doit excommu- nier les Princes heretiques. 302.	Suivant l'opinio de tous les Theo- logiens & canonistes. 328.
316.	Des vniuersitez. 331.
Euesques d'Afrique constants cõ- tre la reception d'un Roy here- tique. 385.	Des estats de Blois. 568.
Euesques de France doiuent pren- dre garde à soy. 49. 52.	Des Conciles. 296. 420.
Le Roy iure de prendre leur adu. 469.	Des ordonnances et arrests. 460.
Ont voix deliberatiue aux Par- lemens. 470.	Des Parlemens. 496.
Les numm. x. par un Roy heretiq. sont illegittims. 491.	De tous les ordres & estats. 488.
Precedent tous autres. 470.	Seqq. necessaire pour euitier le danger de perdre la foy. 285.
Euesques anciens de la Gaule cõ- tre l'heresie. 431. 441.	Par autres plusieurs raisons. 149.
Euesques d'Angleterre s'opposent à la Roynie. 42.	Injques a. 383.
Euesques de Bearn. 40. 51.	Cofirmee par les effects de la pro- uidence de Dieu sur le royaume.
Euesque d'Acqs mal-traité. 52.	433. 463
Euesque d'Oleron volé de sa pen- sion, & chassé de sa residence par les gens du Roy de Navar- re. 53.	Par la Prophetie de saint Remy. 465.
Office des Euesques contre l'Em- pereur ou Roy heret. 385. 386. 388. Seqq. 394. 402. Seqq. 440.	Par la reigle d'estat du royaume qui est l'utilite d'iceluy. 466.
Eseruatielles guerres par les seuls Rois Cath. 492.	Par le sacre du Roy couronnement & serment. 165. 452.
Exclusion d'un Roy ou Seigneur heretiq. ou apostat a este tous- iours pratiquée. 14. 385.	Par la pratique des edicts de Pa- cisification. 372.
Surquoy principalement fondee. 224. 285. 462.	Par l'exemple du Roy de N. et des heretiques. 377.
Est du commencement de Dieu. 238. 256. 288. 294. 243.	Des Anglous cõtre la Roine d'Es- cosse. 465.
De la loy de nature,	Les vrais iuges d'icelle. 224.
	Authoritez sur ce. 255. 274. 420 421. 443.
	Est cause de l'Empire occidental. 413. 425.
	Des Royaumes Chrestiens de Na- uarre Arragó & autres. 439. 419.
	De France. 431. 438.
	D'Espagne. 414.
	Le contraire est proposition Da- mnee. 234.



De sol. 273.  
 D'un heretique & d'un enrage. 371. 441.  
 Est moistrueuse. 459.  
 Autrement grands inconueniens aux Catholiques & a tous ordres. 486.  
 Seqq. d'une guerre perpetuelle aux Catholiques voyez deposition.  
 Excommunication est des plus grandes peines entre les Chrestiens. 318.  
 Toute excommunication pour heresie porte deposition. 324. 395.  
 Excommunication & anatheme comme differents. 330.  
 Excommunication comment pratiquee par les saints. Euesques. 331.  
 Excommuniez sont sans sepulture. 422. 427.  
 Exercice de religion n'est point necessaire a l'huguenot par leurs propres articles de foy. 18.  
 Exhortation generale contre la reception d'un Roy heretique.  
 Exemples de l'exclusion & deposition des Emperours & Roys heretiques. 383.  
 Jusques a. 439.  
 L'exemple d'un Roy combien est d'importance. 241.  
 Exemples ne preiudicient au droit. 383. 245.  
 L'estranger peut secourir les Catholiques. 85. 265. 303. 335. 401. 397. 398. 432. 248.  
 Appelle contre France par les heretiques & le R. de N. 80.  
 F  
 Le faict ne peut preiudicier au

droit. 241. 245. 283. 291.  
 Femelles recues a la succession des Royaumes. 210.  
 Estre femme n'est si grand empeschement par la succession du Royaume que l'here. 209. 229  
 Femme ne doit obeissance au mary heretique.  
 Fils ne doit obeissance a ses parens heretiques. 282.  
 Fleurs de lis pourquoy les armes de la France & leur signification. 435.  
 Foy Catholi. est la loy du Royaume. 147. 177.  
 Cause de son estre. 436.  
 De la grandeur de nos Rois. 437. 255.  
 Le danger de perdre la foy est cause que un heretique ne peut estre Roy. 285.  
 Frere qui. 243.  
 Francois tous les Chrestiens sont compris sous ce nom. 140.  
 Le premier Chrestien de tous les Francois. 454.  
 Francois anciens accusent fausement de bestise. 209. 211.  
 Preferent leur Religion a leur Roy & a toutes choses. 206. 16.  
 193. 432. 534.  
 Jaloux de l'honneur de leur Roy. 135. 393.  
 Obligez a estre Catholiques voire comme bons Francois. 256. 175. 226.  
 N'ont este iamais ennemis du Christianisme. 163.  
 Ennemis perpetuels des heretiques. 162. 432.  
 Quelle obligation envers le Roy.

175.456.  
 Ne peuvent obeir à Roy hereti-  
 que 432.429.  
 Prennent l'Empire d'Occident.  
 395.413.  
 Qui est le bon François. 227.  
 Roy de France voy R. & E.  
 Iesus Christ le vray Roy & Sei-  
 gneur souuerain de la France.  
 162.178.  
 Estat & Roiaume de France voy  
 R. son origine 430.187  
 Soustrait de l'Empire à cause de  
 l'heresie de l'Empereur. 410.  
 Gasté par la liberté de conscience  
 17.500.  
 Ses plus anciens tiltres. 307.  
 Ses armoiries. 435.  
 Leur blason. 436.  
 Fondé sur la foy Cath. 162.429.  
 228.  
 Promient de la despouille des here-  
 tiques. 439.  
 G'  
 Garzie Ximene fait premier Roy  
 de N. a cause de l'infidelité du  
 Seigneur. 149.  
 Gaulois ont esté tousiours amis  
 des Chrestiens voire durant  
 leur paganisme. 172.47.178.  
 Fort religieux. 162.178.  
 Grandes singularitez. 162.  
 Gencue inuistement occupee par  
 les heretiques. 312.  
 Gibet de Bearn en forme de croix.  
 61.  
 Guerre iuste pour la foy. 167.363  
 325.  
 Cause de la Guerre cõtre les Sar-  
 razins. 334.  
 Gu sans flatte par le Roy de Na-

uarre. 7.8.12.36.  
 Fideles & sans reproche aux Rou  
 & au Roiaume. 8.90.  
 S'opposent aux rebelles. 36.  
 Han du R. de N. 36.94.  
 Tendent a l'aduancement de la  
 maison de Bourbon. 91.  
 Par les Gufsars signifiez les bons  
 Catholiques. 36.  
 Calomniez par les heretiques. 94  
 87.98.558.  
 Maison de Lorraine l'appuy de la  
 France. 108.  
 Emploiez aux grandes charges.  
 130.  
 Honnorez des Catholiques. 132.  
 138.  
 Ne sont estrangers. 108.227.  
 Accusé a tort de ligue avec l'Es-  
 pagnol. 87.  
 D'ambition. 90.  
 De rebellion 94.  
 Pour les villes de seureté. 96.  
 D'auoir rompu la paix. 98.  
 De ne viser qu'a leur interest. 109.  
 Ne doiuent estre abandonnez par  
 les Catholiques. 132.536. 459  
 Meilleurs François que le Roy de  
 Nauarre. 227.  
 Agacez par le Roy de Nauarre  
 affin de nous tenir en troubles  
 perpetuels. 131.  
 H  
 Harangue ou remonstrance du R.  
 de Nauarre contre ses pretenti-  
 ons sur la Roiauté. 544.  
 Henry premier prefere a son aïsné  
 la couronne. 201.  
 Héry 8. R. d'Angleterre se renoult  
 inuistement contre le Pape. 306

Henry 4. Empereur depose par le	Sont Atheistes.	169.
Pape & ses subiects pour here-	Leur douceur dangereuse.	57.
sie. — 320. 425.	Cruelle.	481. 483.
Degradé publiquement. 427.	Ne pensent que a mal.	281.
Henry 3. Roy de France ennemy	Leur propre est d'estre ennemy des	
de l'heresie. 125.	Catholiques.	478.
Lure d'observer la paix avec l'he-	Doiuent estre degradez de toute au-	
retique. 126.	torité & domination. 329. 427	
D'extirper l'heretique 127. 170	Perdēt tout cōmandement sur les	
Il scait qu'il n'a plus grand enne-	ensans. 282. 427.	
my que le Roy de N. 139. 143.	Sur leur femme. 284. 427.	
Le plus religieux & deuot de tous	Sur leur sub. & seruiteurs 284.	
les Rois de France & passant	Sur leurs biens. 302.	
du monde. 573. 561.	S'educissent par les Cōciles. 347.	
Son successeur doit estre de sa reli-	Ne disputer avec eux. 348.	
gion, est bien sul & beste qui	S'y opposer au plustost. 114.	
pese qu'il fauorise l'he. 146. 562	Pourquoy ils demandent un Cō-	
Les Catholiques le doiuent seruir	cile. 349. 361.	
fidellement, & par maniere de	Inconuertibles, 351. 353.	
dire adorer. 30.	Heretiques qui. 341. 116.	
Descrie par le R. de N. & les hu-	Rengés par punition non par pa-	
guenots. 133.	role. 350. 270.	
Iustificie contre toutes calōmnies.	Toutes les peines & loix qui sont	
126. Seqq. 131. 134.	contre les Iuifs & Infidelles ont	
Heretiq. perfides & desloiaux. 13.	lieu contre eulx. 270.	
Les pacifiques simulez sont les	Peuuent estre tuez. 297. 283. 336.	
pires. 53. 54. 57. 82. 98.	Peine de mort contre eulx com-	
Ne gardent la foy que en petites	mancee en France. 388.	
choses. 54.	Exclus & desinis de l'Emp. & roi	
Sont pariures. 59.	autē cōme indignes. 13. 385. 587	
Tolleriz pourquoy. 115. 466.	Seqq. n'ont aucune excu. & se cō-	
Ne peuuent estre sacrez ne courō-	damnent eulx mesmes. 325.	
nez Rois. 172.	Ne peuuent cōmāder aux Cat. 408	
N'en veulent pas a l'abus mais	Priuez de sepulture S. 421. 427.	
a la foy. 216.	Leurs enfans incapables de toutes	
Tous taschent de supprimer la foy	charges seculiers & Eccl. 427	
Catholique. 263.	Sont Anthechrists. 402.	
Principaux enne. des Ca. 367. 263	Commet tolleriz en Fran. 460.	
Pires & en doctrine & en mēurs	Heresie maladie difficile a guerir.	
que les Iuifs & Pa. 268. 377.	58. 115. 270.	
253.	Fort diminuee en France. 117.	

*Si extirpation est la cause des estats*  
*& Roiaumes Chrestiens.* 254.  
*Hoftauix natif de Orthez et Ad-*  
*uocat de Pau authœur de lan-*  
*triguifard.*  
*Huguenot voy Caluinistes le mot*  
*de huguenot qui signifie.* 2.  
*Son origine.*  
*Huguenots ne se soucient de reli-*  
*gion.* 18.  
*N'ont besoin de l'exercice public*  
*de leur religion.* 18.  
*Abjurent l'heresie a la foule.*  
 21. 117.  
*Felous & rebelles.* 24.  
*Inconflans.* 30.  
*Perfides.* 54.  
*Se cōfessēt inutiles a tout bien.* 56  
*Plus ennemis de la France que*  
*tous les ennemis passez.* 73.  
*Petit troupeau.* 101. 117. 4.  
*Semeurs de nouvelles fauses.* 133.  
*Ont des poltrots.* 132.  
*Se vantent singulierement du*  
*sainct Esprit.* 211.  
*Deprauent l'eseriture.* 222.  
*Huguenots voy Caluinistes.*  
*Tiennent des propositions execra-*  
*bles.* 234.  
*Diffèrent d'auec les Cathol. plus*  
*que en ceremonies.* 344.  
*Huguenotisme non religion, mau*  
*opinion d'irreligion.* 369.  
*Huguenots exclus des charges du*  
*royaume.* 376.  
*Bannis a 10. lieues de Paris.*  
*Ont disposé les Roys.* (376.  
 377-379.  
*Font guerre cruelle a noz Roys.*  
*Impunité des Huguenots.*  
 95. 115. 32.

*Mesdisans.* 440.  
*Hypocrites.* 453.  
*Leurs conferences.* 108. 144.  
*Huguenots condânez au feu.* 373  
*Hugues Capet preferé à Charles*  
*de Lorraine.* 201. 233.  
*Hugue Capet Roy de France le-*  
*gitimement.* 543.  
*Lonanges de sa famille.* 548.  
 I  
*Iesus Christ le vray Roy de Fra-*  
*ce eternal.* 457.  
*Iesuites pourquoy hays des here-*  
*tiques.* 328. 238.  
*Ne sont authœur de l'opinion sur*  
*l'exclusion ou deposition des*  
*Roys pour heresie.* 328.  
*Images abbatues par qui.* 393.  
*Images brisees cause de l'empire*  
*perdu.* 413.  
*Infideles ne sont si meschans que*  
*les heretiques.* 367.  
*Si infidele peut commander aux*  
*Chrestiens.* 333.  
*Cômēt & en quel cas ils peuvent*  
*cômander aux Chrestiens.* 333  
*Peuvent estre deposé par l'Egli-*  
*se.* 333.  
*Instruction du R. de N. ridicule.*  
 6323. 362.  
*Journee de S. Barthelemy pour-*  
*quoy.* 5.  
*Italie se cree des Ducs cōtre l'Em-*  
*pereur heretique.* 413.  
*Iuif voyez Roy.*  
*Du Iuif ne peut estre Roy de fra-*  
*ce donc n'y vn heretique.* 264.  
*Iuif tolléré pourquoy.* 487.  
*Le Iuif peut estre plustost Roy que*  
*vn heretique.* 264. 485.  
*Isolan l'apostat de maudicte me-*

moire. 135. 142. 55. 182.  
 251. 273. 381. 403. 428. 443  
 Hippocrate. 141. 386.  
 Iulian l'apostat & le Roy de N.  
 semblables. 480.  
 Iustice diuine ausy requise en un  
 Royaume que l'humaine. 251.  
 Iustice la seule temporelle n'est la  
 fin du Roy sans celle de la reti-  
 gion 251.  
 Iustinian commence son Code par  
 la loy de religion. 157.  
 S'il fust heretique. 412.  
 L  
 La lepre n'est pas un si grand em-  
 peschement a la Royauté que  
 l'heresie. 230.  
 Laic n'eust iamais voix en Con-  
 cile legitime & Catho. 356.  
 Liberté de conscience est vne grã-  
 de persecution contre les Ca-  
 tholiques. 480.  
 Liberté de conscience a produict  
 tous les maux de France. 17.  
 Est la pire persecution des Ca-  
 tholiques. 480.  
 Tollue en France. 22.  
 Ligue qu'est-ce. 128.  
 Ligue signifie l'union des bons  
 Cat. & seruiteurs du Roy. 36.  
 Fondement de la sainte ligue.  
 77. 34. 93. 101. 105. 89. 101.  
 Faicte par necessité tres-urgen-  
 te. 89. 102.  
 Elle est du commandement du  
 Roy. 120.  
 Remede contre l'heresie. 77.  
 N'a point trouble la paix. 98.  
 N'est point rebellion. 94.  
 A besoin de quelques chef &  
 quels. 103.

Se font ioindre a la ligue ou estre  
 perdus. 104.  
 Ligue Catholique & vniuerselle ne  
 peut estre riciense. 106. 128.  
 La sainte ligue fondee sur l'an-  
 cienncé, liguees anciennes d'Es-  
 paigne. 414. 420.  
 Lignes d'Espagne blasmees iadis  
 comme auourd'huy celle de  
 France. 416.  
 Ligue ancienne des Gaules con-  
 tre l'heresie. 432.  
 Ligue contre l'heretique doit estre  
 embrassée de tous. 570.  
 Ligue contre les Albigeois. 301.  
 Lignes & trou a des anciennes.  
 334.  
 Lignes de Constantinople.  
 386. 394. 395. 406.  
 Lignes de Picardie approuuees  
 par le Roy. 121. 128.  
 Ligue des heretiques. 76. 74. 81.  
 Ligue des Grecs pour leurs tem-  
 ples & autels. 61.  
 Lettres des heretiques particu-  
 lierement confutez. 337.  
 344. 349. 353. 362. 365. 367.  
 383. 399. 48. 24. 35. 36. 42.  
 67. 68. 65. 94. 113. 118. 120.  
 173. 174. 185. 202. 213. 217.  
 234. 251. 268. 369. 271.  
 277. 306. 203. 331. 328.  
 Loy de nature contre la reception  
 du Roy de Nauarre. 533.  
 Loix du Royaume inuolables.  
 149.  
 Loix du Roy & du Royaume sont  
 deux. 149. 181.  
 Loy Chrestienne est loy de tout le  
 Royaume de France & non  
 seulement du peuple. 149.

177. 178.  
 Loy de religion est le commence-  
ment du Code de Iustinian.  
 157.  
 Estant loy au temporel elle con-  
tient donc peines temporelles.  
 154.  
 Loix du Royaume pour toutes  
 manieres de gens. 155.  
 Loy de religion plus inuola-  
 ble que celle du Roiaume. 156.  
 160.  
 Est la loy principale & fonda-  
 mentale du Roiaume. 161. 325.  
 228.  
 Mere & matrice des autres loix.  
 189.  
 Loix civiles ne peuvent rien en  
 l'Eglise. 175.  
 Loix Romaines n'ont autorité en  
 France. 178.  
 Loix diuines perfectionnent tou-  
 tes autres loix. 187.  
 Loix necessaires en un Roiaume.  
 195. 228.  
 Toutes loys entre les Chrestiens  
 a pur fin Iesus Christ.  
 249.  
 Loix n'ont force sans la publica-  
 tion. 446.  
 Loix d'estat autres en un Roy-  
 aume qui est Christiane &  
 autres en celuy qui est Païen  
 338. 248.  
 Loy Salique sur la succession  
 du Roiaume, loy Salique sa  
 vraye interpretation. 193.  
 169. 203. 208. 266. 329.  
 545. 533. 542.  
 Pourquoi faicte. 198. 208.  
 Plus nouuelle que la loy de reli-

gion. 199.  
 N'a esté faicte par erreur ou  
 usurpation. 8200. 203  
 Moins certaine & practiquee  
 que la loy de religion. 200.  
 203.  
 N'est escripte mais consiste en cou-  
 stume & tradition. 200.  
 201. 203.  
 Souuent interrompue. 201.  
 A eu souuent besoin de la force des  
 armes. 201.  
 Loy Salique est à l'auantage  
 de la maison de Lorraine.  
 203.  
 Contre icelle les Anglois se sont  
 inscrits de faux. 203.  
 Son origine. 203.  
 Raisons & exemples contre la loy  
 Salique. 208.  
 N'exclud la regence des Roines  
 Meres. 229.  
 Vent que le Roy soit Catholique.  
 258. 370. 452.  
 Atheïstement interpretee.  
 266.  
 Interpretee par les Estats.  
 370.  
 Mal entendue par les Huguenots.  
 170. 181.  
 Appelle le plus proche masles  
 Catholique a la couronne.  
 381.  
 Commandé sur le Roy & sur le  
 peuple. 151. 157.  
 Sainct Louys estoit Papiſte. 217.  
 Donne en ostage le sainct Sacre-  
 ment. 210.  
 Ses actions & fondations. 220.  
 Faict la guerre contre les Albi-  
 geon. 304.

## M

Maison de Bourbon est la maison  
de France favorisée par les  
Lorrains. 91.

Matage rompu par l'herésie. 384. 416.

Saint Martin honoré & servy  
de l'Impératrice. 389.

Marschaux de la foy calvinienne  
70.

Massacre sur les Catholiques en  
Bearn. 40.

Menaces du Roy de Navarre ne  
sont à craindre. 111.

Messe en tous actes & charges de  
France. 162.

Retenue mesme par tous les an-  
ciens heretiques. 216.

Les Empereurs & Rois y sont  
nommez. 281. 412.

Mesdisance des Catholiques. 35.

Meti nom des Catholiques, nom-  
mez. 418.

Ministres fraudez de leurs gai-  
ges. 44. 45.

Miracle necessaire pour le chan-  
gement de religion les hereti-  
ques n'en ont point fait. 499.

Modestie des Catholiques. 24.

Mornay authheur de la declara-  
tion du Roy de Navarre. 94.

De la responce a l'advertissement  
des Catholiques Anglois un  
des bouteux & escrivaains  
du Roy de Navarre.

Reprints. 328. 306. 371.

Ridicule. 473.

Monsieur feu Monsieur mis aux  
champs par le Roy de Navarre.

## N

## 7.

Moines s'eslevent contre l'Em-  
pereur heretique. 464. 395.  
409. 425.

Montelimar comment prins.  
136.

## N

Nation aucune ou peuple sans  
religion. 177.

Excusable aucunement de sui-  
vre la religion de sa nation.  
186.

Ny lepre, ne folie, ny tyrannie ny  
crime de leze maeste ny gan-  
grene plus grand crime que l'he-  
resie. 230. 231. 252. 270.

Nul est Roy de France, et a char-  
ges publiques qui n'est catho-  
lique, et abiure l'heresie. 174.  
229. 376. 257. 391. 398.

Nulle occasion de craindre que le  
Roy de France Henry 3. fauo-  
rise pour son successeur le R. de  
Navarre. 135. 141. Seqq. 3.  
558. 465.

Nulle convertie sans miracle.  
186.

Nulle reçoit pour Roy celuy qui  
n'est de sa Religion. 384.  
455.

Pent estre contraincte de re-  
tenir le christianisme de  
mesmes, que un particulier.  
456.

## Navarre.

Basse Navarre pays Catholi-  
que. 38.

Premier Roy de Navarre a l'occa-  
sion que autre que Catholi-  
que ne peut commander aux  
Catholiques. 419



Premier Roy de Navarre à l'oc-  
sion que autre Catholique ne  
peut commander aux Catho-  
liques. 419.

Royne de Navarre.

Se rend Huguenote. 15.

Oste le Christianisme de Bearn.

22. 38. 37.

Ne le peut oster de Navarre. 38.

Ses edicts cruels. 31.

Brise les sepulchres de ses ancestres

143.

Roy de Navarre.

Est heretique notoirement.

2. 6. 68. 340. 538. & aussi  
certainement que le Roy est  
Catholique. 344.

Nul Catholique n'en peut doub-  
ter, non plus que si lui mesmes  
est Catholique. 341. 343. 538.

Est chef des rebelles & protecteur  
des Eglises heretiques. 10. 64.

80. 95. 173. 2. 2.

Est sans religion. 4. 10. 96. 5. 18.  
525.

Ne peut s'excuser de n'avoir esté  
instruit en la foy Catholi-  
que. 6. 325. 362. seq.

Relaps deux fois. 6. 10. 15. 344.

Feint estre forcé en sa religion.  
12. 173. 362.

Feint desirer au Concile. 296.  
345.

Il le demande sans raison. 256.  
362.

Ses heresies sont condamnées de  
long temps. 301.

Reproche le Concile de Trente,  
par tant se soumet aux au-  
tres. 192.

Se dict tenir la doctrine des an-

ciens Rois.

214.

Il est obligé a estre Catholique  
aussi bien que le fils du Sarra-  
zin baptisé en enfance. 189.

336. 456.

Nesaut esperer qu'il soit iamais  
Catholique. 49. 67. 78.

Quelles gens de son Conseil. 16.

37. 62. 399.

Suivy & conseillé de quelles gens.

5. 14. 37. 62. 68. 70. 71. 127.

369.

Flate par feintise ceux de Guise.

7. 8. 12. 36.

Flatte la Sorbonne. 332.

Sedessie du Roy. 120.

Son hypocrisie & dissimulation.

6. 11. 12. 14. 22. 53. 82. 139.

S'en suit de la Cour. 8. 140.

174.

Perfide & infidele. 37. 58. 190.

Iure & pariure pour tromper. 37.

58. 173. 190. 536.

Semeur de faux bruits & dis-  
cordes. 7. 9. 81. 94. 69. 108.

133. 138.

Il a ses escriptures publiques a ga-  
ges. 44. 213. 337.

Mesdisant en tous propos. 94. 139

14.

Mesmes de ceux de son party. 6.

526.

Il appelle les Catholiques,

Atheistes. 55. 78.

C'est un mocqueur. 6. 366. 503.

526. 533.

Il desment le Pape. 343.

Il parle en harangier du peus  
pont. 343.

Prie les Catholiques de dire ce  
qu'ils sentent de luy. 3.

Suppose

Suppose en leur nom de faus- responſes. 4.	re au Roy. 81.
Ne pretend que a les diuſer. 94.	Vent Parigucux pour auoir des Reſtres. 512.
Ramſe & unit les biens de l'E- gliſe a ſon demaine. 44. 45. 51.	Il eſt cauſe des impoſts ſur le peu- ple. 514.
Deſmolit les Eglises & s'en van- te. 62. 341.	Ne viſe que a ſon profit. 514.
Demande la Breſtagne. 515.	Reprend les armes ſouuent. 10. 17. 516.
Surprenſe & piller les villes. 59. 60. 62. 82.	Cruel & meurtrier. 160. 463. 59
Surquoy il fonde la violace qu'il fait. 191.	Se veut ſaiſir de la Guenne. 82.
Se veut venger de la ſainct Bar- thelemy. 144.	Se ligue avec les Anglois & Al- lemans contre la France. 74. 544.
Il eſt plus meſchant que Coli- gny. 62.	Se ligue avec les Catholiques vnus. 81.
Plus que la Roine d'Angleterre. 31. 50.	Recherche l'Eſpagnol. 74. 86. 88.
Plus ſacrilege que Nabuchodo- noſor. 47. 60.	S'entent avec le Turc. 72. 84
Auſſi meſchant que le Diable. 63. 65.	Pratique les gentils hommes con- tre le Roy. 81.
Epithetes a luy propres. 67. 133. 137.	Pourquoy il ſe ſert des Catholi- ques. 54.
Perſecuteur & ennemi mortel des Catholiques. 60. 63. 70. 72. 477. 479.	La valeur de ſes ſerments. 58. 536.
Autrement ſeroit miracle. 556.	Il eſt contraire a la religion ch- retienne & de nos Rois. 214. ſeq 220.
Meſmes des Eccleſiaſtiques. 9. 60. 71. 503.	Ambitieux de roiaute. 4. 64. 66. 90. 140. 515. 525.
Ennemi de ceux de Guiſe. 36. 81.	Se ſaiſt appeller Roy de France. 14. 515. 140.
Ennemi iure de la France. 70. 462.	Il ſe promet la couronne de Fran- ce prophetiquement. 211. 223. 511.
De combien de maux il eſt cau- ſe. 522.	Fait imprimer les Almanachs a ces fins. 69. 423.
Vent ſes biens pour faire la guer- re au Roy. 81.	Se veut faire declarer ſuccesseur de la couronne. 93.
	Il ſe diſt Vicair de Dieu. 21. 65. 139. 207. 211.

- Imposé fausement l'amitié du  
 Roi. 84. 131. 133. 134. 145.  
 558.  
 Feint refuser le tiltre de Mon-  
sieur. 83. 13. 4.  
 Edicts de pacification ne sont  
 pour luy. 374.  
 Il est estrange. 208. 227. 334.  
 539.  
 Ne peut estre Roy ny par rai-  
son, ny par voye de fait.  
 494.  
 Son exclusion de la couronné iu-  
 gée autentiquement. 371. 148  
 Exclue de toutes charges du roy-  
 aume. 379.  
 Il est exclus de tout droit de la  
 Royauté, comme heretique.  
 148. iusques a la fin.  
 Par l'Edict de la reunion. 148.  
 Par la religio Catholique. 149.  
 seq. 159. 174.  
 Par ce qu'elle est la seule &  
vraie religion. 190. 207. 219  
 seq. 224. 225. seq. 311.  
 De noy Roux & du Roiaume.  
 214. 216. seqq. 220. seqq.  
 223. seqq.  
 Par ce qu'elle est la loy princi-  
 pale du Roiaume. 161. seqq.  
 277. 182. 189. 191. 196. 123.  
 234. 265.  
 Par la forme de reception de noy  
Roux. 165. seqq. 444. seqq.  
 Par ce qu'il se est obligé a cela  
 mesmes de pouvoir estre ex-  
clus au cas qu'il se departist de  
la religion Catholique. 189.  
 Par sa propre bouche. 214. 217.  
 221. 577.  
 Par ses actions & des heretiques  
 12. seq. 377. seq.  
 Par la loy Salique. 195. seq. 204  
 236. 212. 4358. 266. 274.  
 452. 514. 542. 547. 545.  
 Par la nature & conditio essen-  
tielle de la couronne de Fran-  
ce. 236. seqq. 242. iusques a  
 254. 451. 454.  
 Par le privilege de la France. 265.  
 seq. 305. 321. Voiez privilege.  
 Par l'arrest de saint Gregoire.  
 255.  
 Par la sainte escriture. 256. seq.  
 243. 277. seq.  
 Par les saints Decrets & Cōci-  
les. 333. 259. 295. seqq. 304.  
 Par la tradition de l'Eglise. 428  
 336.  
 Par la commune observance de  
toutes les uations Patiennes ou  
Chrestieunes. 274. 455. 438.  
 384.  
 Par l'opinion de Caluin. 280.  
 Par le dire & exemples des he-  
retiques. 311. seqq. 315. seqq.  
 462. 377.  
 Des Anglois contre la Royno  
d'Ecosse. 462.  
 De la Flandre. 508.  
 De Charles de Lorraine. 533. seq.  
 Par le danger de perdre Dieu &  
 la foy. 285. 461.  
 Et le Clergé. 467. 501.  
 Et l'Estat. 466. seqq. 472. 486  
 Et la Noblesse. 472.  
 Et la iustice & les Parlements.  
 493. 466.  
 Et la liberté des villes. 490.  
 Et les prerogatives de noy Roy

& du Roiaume. 491.  
 Il est exclus par le Pape. 295. seq.  
 iusques a 332.  
 Par les Estats generaux de France. 399.  
 Par la generale pratique & vſance de la Chrestienté. 383  
 seqq. iusques a 440.  
 Par les anciennes Ordonnances & Edicts Roiaux. 496.  
 Voirre par la pratique des Edicts de pacification. 475.  
 Et par leur occasiō violāte. 460.  
 Par les Arrests anciens. 460. 232  
 Par la consideration des effects de la providence de Dieu sur ce Roiaume. 464.  
 Pour la predictiō de saint Remy. 465. 473.  
 Par son impuissance. 464. seq.  
 Aussi comme estrāger. 108. 273. 227. 539.  
 Comme rebelle criminel de l'empereur & aiant fait la guerre au Roy. 95. 232. 543.  
 Comme inhabile du sacre & couronnement. 172. seqq. 448. seqq.  
 Comme estant ligué avec l'Anglois & l'Allemans. 74. 543.  
 Comme ennemy des Prestres. 303 544.  
 Et estant cōtraire a leur celibat. 318. 425.  
 Comme tenant l'opinion des Albigeois. 301.  
 Comme destructeur de saintes Images. 413.  
 Des Eglises & Temples. 62.  
 Comme n'estant si proche qu'il lo

Cardinal de Bourhon. 381.  
 Voirre exclus de la seule prebention à la Couronne. 541.  
 Et beaucoup plustost que le moins dre roturree. 206. 272.  
 Qu'un bastard. 357. seq.  
 Que ceux de l'estoc feminin. 204 seq. 229. 447.  
 Qu'un Iuis Turc on infidele. 264 298. 485. 507. 535. 538.  
 Qu'un lepreux. 230.  
 Qu'un foux. 231.  
 Qu'un tyrā & tout autre usurpateur de l'estat. 232  
 Ses menaces ne sont à craindre. 311. 535.  
 Il est excommunié. 35. 295.  
 Il est condamné par tous les Docteurs. 528.  
 Par toutes les facultez des Vniuersitez. 311.  
 Il luy faut resister. 79.  
 Les maux qu'il seroit s'il estoit Roy. 477. 487.  
 Bastira Cytadelles par tout. 491  
 Fera iusticier tous les Catholiques. 463.  
 Les Huguenots sont las de luy. 512.  
 D'où a-il droict au roiaume de Navarre. 419.  
 Noblesse.  
 Hait le R. de Navarre. 501.  
 Affoiblie par la reception du R. de N. 471.

O

Obeissance deuë aux Rois quant  
 & en quoy. 280. 338. 286. 294  
 Pp ij

Ne leur est deuë quant ils per-  
secutent la religion. 335.  
Quant ils sont heretiques. 404.  
409.  
Est deuë aux Ecclesiastiques au-  
si tost qu'aux Rois & Sei-  
gneurs temporels. 309. 336.  
Occasion de ce liure. 208.  
Officiers de France. 164.  
Doibuent estre Catholiques. 164.  
Non exempts d'excommunica-  
tion en cas d'heresie. 223.  
Oraisons publiques ne se doiuent  
faire pour vn Roy heretique. 281. 397. seq. 412.

**P**

**Paix.**

Paix & pacification fausse avec  
l'heretique. 99. 406. 414.  
420. 519.  
N'est qu'une cruelle persecution. 482.  
Paix desesperée avec le R. de N. 107.  
Petites paix & petites guerres  
propre au renuersement d'un  
estat. 520.

**Pape.**

Il iugent les Rois. 235. 240.  
Decident les differens d'entre  
les Princes Chrestiens. 107.  
240.  
Il peut excommunier & deposer  
les Rois. 35. 235. 259. 317. 395.  
410. 422. 411.  
Peut absoudre le subiet du ser-  
ment enuers le Prince. 212.

250. 296.

Pent mettre ou declarer en proye  
les biens des heretiques. 302.

317.

Se mesle du temporel des Rois  
mau indirectement. 259.

Nier sa puissance & le fait d'un  
ignorant malicieux. 311.

Sa grandeur se monstre par les  
priuileges de l'Eglise Gallica-  
ne. 321.

Il iuge du sens de l'Escripture.  
315.

Sottement appellé Antechrist.  
311.

Inurié par les heret. 428.

Pourquoy hay en l'Orient. 425.

Pape est nom honnorable. 322.

De qui est iugé le Pape. 240.

S'il estoit heretique il pourroit  
estre depose. 232. 256. 339.

Sa Thiare pourquoy appelle Re-  
gnum. 114.

Comparaison du Pape & du  
Roy. 239.

Donation de Constantin au Pa-  
pe. 307.

Patrimoine du Pape bien fondé.  
307. 316.

Le Pape Sixte cinquiesme reser-  
ue quatre millions contre les  
heretiques. 527.

**Parlemens.**

Sont vn abbrege d'Estats gene-  
raux. 469.

Partant les Prelats y ont touf-  
iours eu voix. 470.

Se doiuent opposer au Roy d. N.  
estant hetetique. 318. 386.  
422. 496.

Leurs armoiries sont l'image de  
la Passion figuree. 500

Pource leurs bonnets sont en fi-  
gure de croix. 500.

Ont receu grand iniure par les  
Châbres miparties & tripar-  
ties. 500.

Pour estre monstrueuses. 514.

Politiques fauorisans ou n'estans  
contraires à l'heresie.

Sont vray athestes. 14.

Temporiseurs & de maudite  
memoire. 105. 418.

Proditeur de leur patrie. 118.  
474.

Se trouueront trompez par le R.  
de N. 49. 118. 474.

Prelats.

Se doiuent reposer au Roy here-  
tique. 261.

Leur puissance & autorité. 504.  
546.

Deposseder pour l'heresie. 410.  
Seq.

Ne doiuent consentir à l'election  
d'un heretique. 506.

Ont grandes occasions de ne fa-  
uorir le R. de Nauarre. 502.

Privilège de la France sont tes-  
moignages de l'autorité de  
l'Eglise Romaine & des Pa-  
pes. 371.

Le premier & principal privi-  
lege de la Frâce & des Fran-  
çois est de ne pouuoir estre cõ-  
mandez par vn Roy hereti-  
que. 165. 265. 207. 226. 228.  
236. 264. seq. 272. 288. 305.  
321. 429. 437. 450. Seqq.  
454. seqq. 457. seqq. 466.

534. 492.

Autrement ce seroit vn mon-  
stre. 455. 230. 464. 459.

457. seq. 466. 492. 534.

Processions suiuies du Magistrat  
a quelle occasion. 409.

Protestation des autheurs de co-  
liure. 381.

## 2.

Questions entre les Catholiques  
& Huguenots decidees cy de-  
uant. 353.

Saint Quintian Euesque de  
Rodes fauorist Clouis contro  
vn Roy heretique. 432.

## R.

Reception d'un Roy heretique  
est differente de la tollerance.  
241. voiez exclusion.

Regale, droit incommunicable  
au Roy de Nauarre. 491.

Rebellion ne se guerit que par ar-  
mes. 351.

Reistres haïs en France. 544.

Relaps a quelle peine subiets.  
16. 427.

Responces aux heretiques, voiez  
Liurets.

## Religion.

Est guide de toute vertu. 57.

Est cause d'union & liaison &  
avec Dieu & ensemble. 86.  
180. 275.

Est la forme de l'homme & l'a-  
me des Roiaumes & Republi-  
ques, donnât l'estre, vis, mou-

nement, & sentiment des loix  
 & reglement de l'estat. 455.  
 228. 252. 274.  
 D'où elle doit estre prinse.  
 185.  
 N'est suiect à la volonté des  
 Rois ains leur commande. 181  
 seq. 265. 251. seq. 259. 289.  
 seq. 329. à peine de deposition  
 275. voyez Deposition.  
 Est cause iuste de Ligue & guer-  
 re. 85.  
 Qui suit la religion de sa na-  
 tion, est aucunemēt excusable.  
 186.  
 Les seuls Payens endurent diuer-  
 ses Religions comme diuers  
 Dieux. 474. 719.  
 Religion dissimulee pour estre  
 Roy. 275. 286. 431.  
 Religion Chrestienne & Catho-  
 lique.  
 Merite seule le nom de religion,  
 comme la seule vraye. 272.  
 354. 539. 223. 538.  
 Inuiolable & indisputable. 60.  
 194.  
 Elle est la loy principale de Frã-  
 ce. 191. 179. 191. 225.  
 Elle est incorporee & inseparable  
 du royaume & des Rois. 156.  
 176. 473. 475. non moins que  
 du Papat. 238.  
 A engendré, conserué & aug-  
 menté le royaume de France,  
 439. 463. 471.  
 Elle veut estre seule comme elle  
 n'a qu'un seul Dieu. 479  
 Tollere la Iudaïque seulement &  
 avec moderation. 484.

Est la fin principale des Rois.  
 253.  
 Est cause de l'installation & re-  
 ception des Rois. 384.  
 Elle est plus considerable en tou-  
 tes choses de l'estat, Et mes-  
 me pour la succession des roi-  
 aumes, que le sang, ny toute  
 autre chose. 198. 206. 226.  
 393. 458. 248. 272. 252.  
 274. seqq. 185. 420. 441.  
 447. 458. 462. 510. 540.  
 545. 551.  
 Religion nouvelle, voyez Hugue-  
 nots.  
 Elle n'est pas religion mais opiniō  
 nouvelle. 569.  
 L'antiquité ne l'a cognüe. 221.  
 N'est pas approuuee par les E-  
 dictz de Pacification. 373.  
 Elle est seulement tolleree com-  
 me les bourdeaux iadis. 373.  
 460.  
 Est fondee sur la propre fantasie  
 Et volonté d'un chacun.  
 222.  
 Elle sert seulement de masque.  
 18. 20. 518.  
 C'est la plus turbulente secte qui  
 fut iamais. 528.  
 Rois.  
 Seruent d'exemple à leurs roiau-  
 mes. 56.  
 Ne peuuent faire loy de religion.  
 181. 184. 289.  
 Tous s'ohligent à la religion du  
 Royaume. 180. 184.  
 Rois de nouveaux conuertis dan-  
 gereux. 244.  
 Distraient souuent leurs subiects



de l'obéissance de Dieu. 247.  
Vaut mieux quitter sa roiauté  
que la religion. 135.  
Quels vices empeschent d'estre  
Roy. 230. 384. 387.  
Rois sont destituables. 235. 256.  
256.  
Rois destitués pour diversité de  
religion. 275. 301. 303. 313.  
395. 413. 419. 421. 426.  
Rois disciples comment doivent  
estre obéis. 258. 277. 289.  
338.  
En quels cas peut-on leur desobéir. 238. 258. 277. 288. 294.  
401. 417. 286.  
Quels doit contraindre et ingérer.  
240. 159. 420.  
D'où ils tiennent leur puissance.  
240. 290.  
Sont enfans, non Seigneurs de  
l'Eglise. 105. 249. 159. 280.  
420.  
Suiets aux loix de l'Eglise. 175.  
249. 263. 420.  
Leur souveraineté ne s'estend sur  
la religion. 195. 185. 188. 262.  
290.  
Sont subiectionnés à l'excommunication. 155. 195. 408. 422. 426.  
Excommuniés Et/ déposés est  
tout un. 318.  
Subiectionnés aux loix de leur royaume.  
155. 176.  
Non seulement par l'édiction mais  
par correction. 157.  
Ne peuvent changer l'estat de  
leur royaume. 156.  
Ny les loix fondamentales d'ice-  
luy. 148.

Ont quelquefois nommé les rois suc-  
cessurs. 147.  
Le Roy & ses subiectionnés en quoy  
esgaux. 291.  
Sont obligés à défendre l'Eglise.  
254. 421.  
Et à s'opposer à l'herésie. 295.  
A avoir le sacrilège en horreur.  
47.  
Sont du corps de l'Eglise. 310.  
338.  
Comment ils entrent aux Con-  
ciles. 291.  
Baisent une Croix sur le foulier  
du Pape. 291.  
Souvent choisis de l'ordre Eccle-  
siastique. 308.  
Leur succession interrompue par  
herésie. 319. voir Religion.  
Ne sont exempts du crime d'A-  
postasie. 402.  
Rien n'est plus dangereux qu'un  
Roy herétique. 224. 247. 285.  
329. 331. 374. 487. 463.  
473. 495. 550. 550. 555. 557.  
Rois herétiques subiectionnés à quelques  
maledictions. 404.  
Peuvent estre injuriés sans char-  
ge de conscience. 35. 394. seq.  
402. 404. seqq. 407. 409.  
423. 450.  
Roy herétique combat tousjours.  
la foy & les Cathol. 56. 63.  
270. 326. 477. 478. seqq.  
549. 555. 551. 538. 395.  
Le contraire seroit un miracle.  
556.  
Priés de sépulture. 396. 427.  
422.  
Leur estat est à celui des Catho-

liques qui le peut occuper. 265  
 seq. 302. 391.  
 Leur reception est de grand dan-  
 ger. 247. 285. 462. 486.  
 490.  
 Est l'extension de la Monarchie.  
 160. 473.  
 Cause de trouble. 474.  
 De tous malheurs. 475. 493.  
 Contraire aux Privilèges du  
 Roiaume de France. 491.  
 Permis de recourir au secours  
 de l'estranger contre un Roy  
 heretique. 208. 302. seq.  
 383. 333. 335. 397. 401.  
 seq. 531.  
 Rois Paiens & Chrestiens com-  
 ment différent. 249. 151.  
 Rois Paiens sont tirés. 250. 417.  
 Rois de Judce ne pouuoient estre  
 que Catholiques. 243.  
 Roiaume Christianisé differe du  
 Païen. 248. seq. 384. 338. 336  
 seq. 387. 471. 279. 291. 310.  
 332.  
 Roiaume de France, voiez Fran-  
 çois.  
 Est saint & sacré. 493.  
 Est le carquois de l'Eglise. 365.  
 Ne peut estre en partie de religio.  
 104. 149.  
 Sa loy principale est la Loy Chre-  
 stienne.  
 Est obligé a estre Catholique. 53.  
 Un Dieu, un Roy, une Foy est  
 est sa devise. 159.  
 Ennemi perpetuel des heretiques.  
 163.  
 Le premier qui a condamné les  
 heretiques à mort. 162.

Ce Roiaume & la religion Ca-  
 tholique courent mesme for-  
 tune. 473.  
 Et d'est Treschrestien. 175.  
 Ses Officiers doivent estre Ca-  
 tholiques. 163.  
 Ne peuuent estre estrangers. 273.  
 S'il est hereditaire ou electif. 198.  
 255. 318. 133.  
 N'est gouverné par femmes. 230.  
 236.  
 Et a esté en debat a qui l'aure  
 ou l'heretique, ou le Catholique.  
 104.  
 Roys de France.  
 Nom de Roy est propre aux seuls  
 Rois de France. 130.  
 Leur a esté donné a cause de la  
 foy Catholique. 437.  
 Pourquoi ils surpassent les autres  
 Rois. 141. 255. 321. 453  
 Leur office propre est de mainte-  
 nir la foy Catholique. 141.  
 185. 239. 251. 454.  
 Un seul Roy visible & externe.  
 140. 159.  
 Iesus Christ est le Roy inuisible  
 propre & souverain de Fran-  
 ce, non moins que le vray Pa-  
 pe & chef interne de l'Eglise.  
 457.  
 Nul ne peut estre Roy de France  
 s'il n'est Catholique. 156. 165.  
 170. 171. 189. 196. 197.  
 204. 236. 239. 243. 272.  
 452. 458. 169.  
 Rois Catholiques & Treschre-  
 stiens. 255. 429. 453.  
 Ont dessendu & estendu la foy  
 au couchant & leuant. 261.

Tous Catholiques. 429. 464.  
 Vn Roy heretique seroit vn mō-  
 stre. 230. 435. seq.  
 Outragez par les Hug. 378.  
 Treschrestien tiltre de noz Rois.  
 454.  
 Sont Lieutenants de Iesus Christ.  
 457.  
 Subiects a la loy de Religion.  
 155. 179.  
 Dicts Rois par la grace de Dieu.  
 197.  
 Tiennent le Roiaume de Dieu  
 & de la foy plus que de l'es-  
 pee. 197. 433.  
 Plus Rois par la custume que  
 par la nature. 198.  
 Rois anciens estoient tous Papi-  
 stes Et Catholiques. 216.  
 218.  
 Sont Chanoines & Beneficiars  
 en plusieurs Eglises. 239.  
 Chantent l'Euangile a la Messe  
 du Pape. 239.  
 Fils aînez de l'Eglise. 239.  
 S'ils sont heretiques ne sont plus  
 Rois. 241. 256. 264. 429.  
 Roines de France doiuent aussi  
 estre Catholiques. 256.  
 S'ils peuuent estre excommuniex.  
 323.  
 Leurs priuileges montrent la  
 puissance du Pape. 321.  
 Voy priuileges.  
 Guarrissement des escroüelles.  
 450. 491.  
 Plustost receux aux Eglises  
 qu'aux Palais. 165.  
 Leur installation par les cere-  
 monies de l'Eglise. 165.

Iurent qu'ils prendront conseil  
 des Euesques. 469.  
 Leur sacre avec saintes ceremo-  
 nies. 165. 167. 240. 430.  
 447.  
 Occasion de leur sacre. 434.  
 451.  
 Sans le sacre ne sont comptex au  
 nombre des Rois. 448. 450.  
 358. 435.  
 Leur serment auant que recevoir  
 la couronne. 166. 466.  
 Iurent en parole de Roy Et pour-  
 quoy. 167. 450.  
 Leur serment surquoy il est fon-  
 dé. 170.  
 Leur couronnement. 168. 446.  
 Leurs accoustremens Royaux.  
 239.  
 Leurs armoiries. 435.  
 Comparaison du Roy Et du  
 Pape quant aux ceremonies.  
 239.  
 Ont deux propres Epithetes.  
 197.  
 Leur obligation enuers leurs su-  
 iects. 171.  
 Comment ils ont receu l'Empire.  
 395.  
 Estoient anciennement Ducs.  
 187.  
 Roi de France deposex. 233. 256.  
 318. 429.  
 Roynne mere.  
 Ne fauorise point le Roy de Na-  
 uarre. 144.  
 A fondé moyens d'accord. 108.  
 A taché a conuertir le Roy de  
 Nauarre. 364.  
 Quelles indignitez elle a endurees

de luy. 141.  
 Regne en France selon la loy  
 Salique. 229.  
 Roynes de France par necessité  
 Catholiques. 256.  
 Roines Catholiques quittēt leur  
 mary pour heresie. 248.  
 Roine d'Escoffe, voyez Escoffe.  
 Roine d'Angleterre, voyez An-  
 gleterre.

### S

Sacrilege est en horreur à tous  
 Rois. 47.  
 Sepulchres violez par les hereti-  
 ques. 145.  
 Senat s'oppose aux Empereurs  
 heretiques. 318. 386. 408.  
 422.

### Serment.

Serment Royal. 170. 453.  
 Dispence de serment. 262.  
 Serments du R. de Nauarre quels.  
 58.

Subiects d'un heretique absous  
 de tout deuoir & obeissance.  
 262. 182. 284. 286. 295.  
 302. 315. 330. 332. seq. 399.  
 426.

### Succession.

Succession des Rois par qui dispu-  
 tee. 280. 241.  
 Successeurs quels doivent estre  
 choisis. 135. 136. 280. 443.  
 Successeurs sont cause que leurs  
 deuanciers sont honnorez.  
 135. 142.  
 Doiuent estre de mesme religion  
 que le predecesseur. 136.

Nomination de successeur non  
 necessaire. 147.  
 Succession seule ne fait les Rois.  
 443. Voy religion.  
 Souueraineté des Rois. 175. 185.  
 183. 260. 263. 289. 331.

### T.

Temples & Autels inuiolables.  
 61. 62.

Tiers estat est contre la reception  
 du R. de N. 506.

Titre de Tres-chrestien ne peut  
 conuenir au Roy de Nauarre.  
 453. 455.

Trente, voyez Conciles.

Trusches Archeuesque de Colo-  
 gne depose. 340.

Thoulouse vny à la couronne de  
 France, à cause de l'heresie des  
 Comtes. 304. 439.  
 Thoulouse se plaint à cause des  
 imposts pour le Roy de Na-  
 uarre. 515.

### Turc.

Endure toute religion. 34. 53.  
 Maintient les Catholiques.  
 507.

Plus tollerable à estre Roy qu'un  
 heretique. 271. 272. 507.

S'entēt avec le Roy de Nauarre.  
 Estat des Turcs comment compo-  
 sē. 471.

La guerre contre luy est iuste.  
 267. 239.

Tyran punis de Dieu. 396.  
 Tyrannie cause de l'expulsion  
 des Rois. 232.

V.

Vniversité contre la reception du

R. de N. 331.

Valentinian 2. ne peut estre remis en l'Empire sans l'ab-  
iuration de son hereſie.

Vſance ſert de Loy. 199.

Z.

393.

Villes de ſeureté comment proro-  
gees aux Huguenots. 96.

Zacharie Pape depoſe le Roy

Childeric. 319.

Vitræ Roy d'Eſpaigne depoſé  
par le Pape, à cauſe de ſa vio-  
laſcune & de l'hereſie. 318.

Zeſe des Catholiques. 78.

Zenon temporizant, 387. rebute  
de l'Empire pour ceste cauſe.

412.

13.294.

F I N.

